

MUSEI
CAPITOLINI
ANTIQUAE INSCRIPTIONES

A FRANCISCO EUGENIO GUASCO

Ejusdem Musei Curatore P.

NUNC PRIMUM CONJUNCTIM EDITAE

NOTISQUE ILLUSTRATAE



TOMUS PRIMUS





ROMAE ANN. JUB. MDCCLXXV

EXCUDEBAT JOHANNES GENEROSUS SALOMONIUS

Praesidium Facultate









Carolus Antonini fecit

PIO SEXTO^{III}

PONT. OPT. MAX.

FRANCISCUS EUGENIUS GUASCUS
PERPETUAM FELICITATEM



UAM perscrutandæ Rei Antiquariæ studio, atque voluptate illectus sponte inieram, SANCTITATE TUA jubente, alacriter inde sum prosequutus, absolutam tandem, omnium, quibus Pontificium Capitolii Museum mirificè exornatur, vetustarum Inscriptionum Collectionem, TUO augustissimo NOMINE decoratam, evulgo, publicique juris facio, BEATISSIME PATER. Qua vero ratione devincar, ut TIBI hocce, qualecumque Opus meum, offeram, id ostendit, a me illud, TE Auctore, fuisse completum : quamvis & aliis, nec mi-

minus validis, nec minus jucundis impellar argumentis. Neminem quippe latet, SANCTITATEM TUAM ab immortali BENEDICTO XIV Pontifice sanctissimo æque, ac doctissimo, severioribus imbutam fuisse Disciplinis, & Antiquitatis arcana, eo magistro, referare didicisse. Quippe norunt omnes, quantum curæ, eruditionique TUÆ debeat CLEMENTINUM Museum: illud scilicet unum, quod Capitolini nostri celebritatem aliquando valeat æmulari. Mirum id ne sit ulli, qui vel a limine studiorum genus istud salutaverit. Quæ enim est adeo inculta Natio, quam clarissimum BRASCHIORUM Nomen non pervaserit? Nescit nemo, nostris hisce temporibus, duos ex hoc nobilissimo genere floruisse Germanos Fratres omnigena eruditione refertos, Comitem PETRUM ANTONIUM unum *de Familia Cæsennia*, JOHANNEM BAPTISTAM alterum Sarfinatem primùm Episcopum, Nisibenum deinde Archiepiscopum, *de Tribus Statuis* in Romano Capitolio erectis, auctores. Sed & alia sunt, quibus & ego, & Alexandrina urbs, mihi natale solum, erga TE potiori ferimur animo. Ipse quidem, quia mihi honorificentissima Pontificii Musei Capitolini custodiendi, servandique cura mandata est, quâ fruor, & fruar in ævum; quam Patrocinio, quam Clementiæ TUÆ libentissime acceptam refero: Alexandrina vero urbs (de qua scribere dignatus non est Ven. Ecclesiasticorum Annalium parens, *Gloriosa dicta sunt de te Civitas Dei*) quia
fibi

v

sibi plaudit , maximeque gratulatur , Familiam
TUAM , suas inter augustiores , celebrioresque
cenferi a seculo duodecimo , ex qua unus , com-
muni consensione delectus est , ut cum aliis duo-
bus Beneventum pergeret ad ALEXANDRUM III ,
qui simul & Romano Pontifici , & Romanæ Ec-
clesiæ Urbem , mutato priori *Cæsareæ* nomine ,
& ab ALEXANDRO *Alexandriam* vocatam , ALE-
XANDRO ipsi dederet . Patet itaque , quam læti
Alexandrini omen susceperint , quum TE PON-
TIFICEM MAXIMUM ab Urbe æterna salutatum ,
SSm̃i PII V in eorum Agro nati , adscito nomi-
ne , audiverunt , ut TIBI merito per me traditis
Literis , obsequii , summæque observantiæ plenis ,
ineunte Martio exacto , sibi , isthac de causâ ,
vehementissime duxerint gratulandum . Patet et-
iam , quanto animi ardore , Opus hoc sanctissimo
Nomine TUO decoratum prodiret , ego ipse ex-
optarem ; utque TECUM , cujus Vita , & Res
optime gestæ perennabunt , ij quoque , qui hisce
in Lapidibus sculpti sunt , memoriâ numquam
desitura , perseverent . Egregias hinc animi TUI
dotes , & ornamenta , quibus Catholici Orbis glo-
riæ æque ac commodis editus videris , libens
enarrare abstineo . TU quidem ille es , Pontifex
sanctissime , electus ex millibus , quem inscrutabi-
lis D. O. M. providentia per semitas SIBI UNI no-
tas , ad Ecclesiæ suæ regimen delegit , & quem
omnes , qui TE noverunt , ad Imperium natum
constantissime prædicavere . Quis non in TE

UNO, & maximam Pastoris vigilantiam, & summam integerrimi Principis æquitatem, & mirum amantissimi Patris erga omnes non demiretur amorem? Nonne id patuit potissimum, quum Roma secessisti, Sublacum iturus, Dioceſeos inviſendæ gratia? quot enim labores non exantlaſti? quot in pauperes non erogasti pecunias? quot flagrantiffimæ Caritatis TUÆ erga ſubditos TIBI populos argumenta non reliquiſti? O utinam tanta in me eſſet ingenii vis quanta in TE, meritorum copia! At

*Nec mihi centenſis reſonent ſi vocibus ora,
Multifidusque ruat centum per pectora Phæbus,
Acta TUI narrare queam.*

Optimum ſiquidem Trajanum ſolus recte commendabit Plinius; nec alter æque pium decantabit Æneam, quam Maro. Eloquentioribus itaque Viris eximias illas, ad quarum faſtigium aſcendiſti, virtutes celebrare relinquo. Mea enim ſententia damnandi ſunt magis ii, qui illuſtrium Virorum laudes inculte prædicant, quam qui eas obſequenti prætereunt ſilentio. Ad Beatiffimos proinde TUOS provolutus pedes, TE oro, obteſtorque, ut me clementia TUA foveas; Opus autem iſtud, TIBI nuncupatum, Muſei Capitolini antiquos comprehendens Lapides diligentiffime exſcriptos, ordine digeſtos, atque Notis illuſtratos, Auctoritate, Imperio, Patrocinio tueare.

PRAELOQUIUM



Consideranti mihi, quantæ rerum Antiquarum studiosis utilitatis foret PONTIFICII MUSEI CAPITOLINI inscriptos Lapidés in unum redigere, conjunctimque edere, eos ex Autographis accuratissime transcribere constitui. Ast admota vix operi manu, nonnulli evaserunt blaterones, qui laborem hunc meum tamquam supervacaneum, & inanem huc illuc in aurem imperitissimis ex eodem præsepe Viris confusurravere; ita ut me facile in trivio posuissent, nisi mihi jam sponte currenti venerabunda Sanctissimi D. N. PII PP. VI iussa stimulos addidissent. Itaque posthabita consiliorum sententia, hanc intermissam ad tempus Collectionem, rursus tanto auspicante PONTIFICE, alacriterque suscepi: mihi enim

Et spes & ratio studiorum in Cæsare tantum.

Hanc ergo nunc tibi, candide Lector, absolutam, tribusque voluminibus dispartitam exhibeo.

Musei nostri vetusta Marmora quamplurima vulgasse Gruterum, Manutium, Gudium, Muratorium, Donium, Maffejum aliosque non diffiteor. At I. nec omnia in lucem prolata sunt, quæ jam antea in Museo exstabant; nec ea certe, quæ partim ære meo acquisita, partim mihi a benignis admodum Viris dono tradita, egomet tribus ab hinc annis in eodem Museo collocari curavi. II. Horum pleraque merum exhibent textum, nullis additis interpretationibus, nullisque adnotationibus, quibus rei Antiquariæ tyrones indigent, illustrata. III. Ne unum quidem penes laudatos Collectores (cl. Muratorium præ cunctis) lapidem Capitolinum reperies mendis expertem: hic vero expurgatos omnes habebis. Ego enim ipse eos non dumtaxat oculariter inspexi, sed meis quoque manibus ex ipsis autographis Musei parietibus adæxis exscripsi, atque ad illos exemplaria non semel contuli. IV. Qui nostros ediderunt Lapidés, loca sæpe indicarunt, ubi eorum ætate visebantur; nimirum modo *Domos* Angeli Colotii, Julii Porcarii, Gentilis Delphinii, Pomponii Læti, Alexandri Rondonii; modo *Vineas* Francisci Liscæ, Angeli Velarini, Friderici de Planca, Dominici Angelii, Leandri Lanæ; modo *Hortos* seu *Villas* Card. Carpenfis, Ludovici Podocathari, Friderici Cæsii, Ursi de Valle, Jo. Coritii, Fulvii Ursinii, Rusticorum, Manliorum, Balajanorum, Maffeorum &c. &c. At quibus hodie (præsertim ex exteris) domorum, vinearum, hortorumque istorum situs innotescit? vel quæ ex relatis a laudatis Viris Inscriptiones in his reperirentur, cum omnes in Museum Capitolinum illatæ fuerint? His adde, in ipsis novissimis ejusdem Musei descriptionibus Marmorum sedes mendose non semel indicari: & ne videar fucum Lectoribus facere, advertendum est eruditissimum licet diligentissimumque Rodulphinum VENUTUM in sua „ROMA MODERNA“, anno 1767, sumptibus Caroli Barbiellini edita Vol. I. P. I. Milliarium Lapidem ad Maxentium spectantem (qui in vestibulo inferiori juxta Pyrrhi Statuam visitur) in cubiculo po-

posuisse, quod vulgo nuncupatur „DEL VASO„ Ita & alibi Basim *Navis Salvæ*, quæ in Musei atrio extat, in ædibus Vaticanis (ubi vere olim extabat) collocavit; & Inscriptionem, quam Senatus Populusque Romanus in honorem Alexandri VII P. M. ob *Urbem a Pestilentia servatam* sculpi jussit, huic Pontifici decretam asserit veluti Capitolinarum ædium Extructori. Cum igitur immobilem certamque nunc in Museo sedem Lapidibus istis assignaverint Romani PONTIFICES, haud inane mihi eas per Classes distributas publici juris iterum facere visum est. V. Cum Marmora pleraque, quæ ordinate erant quidem collocanda, promiscue parietibus adfixerint ii, quibus tunc Musei Capitolini cura demandata fuerat, hinc evenit ut Inscriptiones eas quærentibus non nisi fortuito occurrant. Ego vero Indicem adeo diligenter contextum in calce tertii Voluminis apposui, ut si quis cum Autographis exemplaria conferre voluerit, ea protinus reperiat: hoc enim tantum pacto vitiosam Autographorum distractionem emendare poteram. VI. Notandum est nostrorum Marmorum nonnulla sparsim reperiri in quibusdam Voluminibus, quæ Indicibus (in hujusmodi collectaneis sane necessariis) omnino carent, uti illæ quidem sunt, quas Jacobus Mazzochius, Aldus Manutius, Raphael Fabrettus, Marquardus Gudius, alique recentiores in peculiaribus Opusculis, & Dissertationibus pervulgarunt. VII. Tria illa volumina, quibus titulus MUSEUM CAPITOLINUM, nemo non vidit. In his Deorum, Heroumque signa, Augustorum, & Augustarum statuae, capita atque protomæ Philosophorum habentur, ceteraque ex marmore Museum exornantia Monumenta tum Ægyptiaca, tum Græca, tum Latina a doctissimo JOANNE BOTTARIO elucidata: brevi insuper novum in lucem, studio & cura eruditissimi Præfatis Petri Francisci FOGGINII, volumen quartum prodibit, Anaglypha Musei nostri complectens. Nonne ergo operæ pretium erat mutis illis, ut ita dicam, Monumentis loquentia sociare? Inscriptiones scilicet omnes quatuor his Voluminibus addere, ut Opus penitus absolutum haberetur? Quæ cum ita sint, si mea hæc commentaria cum tantorum Virorum elucubrationibus contuleris, me jure meritoque auro Colophonio lutum sæde immiscuisse accusabis: ast nemo hercle, nisi ex iis unus, qui temere, atque futiliter quicquid in buccam venerit loquuntur, me non inanem laborem suscepisse contendet. Id profecto haud assereret clarissimus VENUTUS, qui de inscriptis Musei Capitolini faxis verba faciens „qualunque „inquit „di quæste Lapidis si consideri, somministra qualche erudizione „ Sic igitur comprobata hujusce Collectionis utilitate, quædam obiter superaddam, de quibus monendos Lectores autumo; me videlicet siglas omnes enucleasse, verbaque corrupta, licet intelligibilia, restituisse, non equidem ad eruditionis pompam, neque ad eos docendos, qui in veteri interpretando marmorum sermone pluris sunt, sed ad vitandam potius frequentiam molesti illius *sc*, quo ab omnibus fere Collectoribus inscriptiones deturpantur. Neque enim, ut plerique perperam solent, Quadratariorum menda corrigi debent in ipso textu, sed in notis: secus sane lapidum sententiæ adulterantur, Exscriptorisque fides in suspicionem adducitur. Insuper quædam in re Antiquaria occurrunt, quæ licet trita, & Eruditis communia, obscura tamen minus doctis videntur, quæque iis elucidare necesse est. Nonnulli enim, ait Augustinus ferm. 44. *videntes literas in Codice optime scripto, si non noverunt legere, laudant quidem Antiquarii manum, admirantur apicum pulchritudinem; sed quid sibi velint, quid indicent illi apices, nesciunt; Sunt oculis laudatores, non cognitores mente.* Ea ergo quæ in Commentariis meis attuli, Antiquitatis studiosi perpendent; & quoties ab iis elucubrationes meæ benigne excipiantur, & collaudentur, summum mihi vigiliarum mearum tulisse præmium videbor; sin autem, liberum cuique erit,

PRÆLOQUIUM

IX

erit, quæ de rebus antiquorum obscuris tractavi, ad suam ipsorum sententiam, dum meliora adferant, omnino revolvere, eaque illustriora reddere: quod enim potui id præstiti, neque quicquam laboris, quod omnia clarissima facerem, prætermisi. Attamen lectores meminisse velim Macrobiani in *somn. Scip.* lib. II. verba: *illa sunt persequenda*, inquit is, *quibus verba, quæ explananda receperis, possint liquere; quia in re naturaliter obscura, qui in exponendo plura quam necesse est, superfundit, addit tenebras, non adimit densitatem*. Dicet fortasse aliquis hæc Volumina vernaculo fuisse conscribenda sermone, quo in suis exarandis usus est clarissimus BOTTARIUS. At primo, Italicas adnotationes cum latinis inscriptionibus consociare monstruosum mihi videbatur: Secundo, quis non novit ejusdem viri Tomos latinè redditos fuisse, potissimum quod Italicus sermo extra Italiæ fines vix non ignoretur? Loca insuper, ubi saxa reperta sunt, jugiter indicare voluissim: porro id numquam omisi, quoties monumentorum Collectores fide dignos duces habui; verum cum hi non semel ea signare neglexerint, hinc plerumque antiqua sedes prorsus ignoratur, aut fortuito paucissimis tantum innotescit. Innuendum itidem reor, inter vetustas Musei nostri Inscriptiones, nonnullas recens fuisse positas Summis Pontificibus GREGORIO XIII *Boncompagno*, INNOCENTIO X *Pamphilio*, ALEXANDRO VII *Chisio*, INNOCENTIO XI *Odescalchio*, CLEMENTI XII *Corfinio*, BENEDICTO XIV *Lambertinio*, CLEMENTI XIII *Rezzonica*, quorum primus æneam tabulam, Legem Regiam exhibentem, è Palatio Lateranensi in Capitolium invexit; reliqui (Innocentio XI excepto) pluribus nobilissimisque Monumentis Museum exornarunt. Has igitur Inscriptiones, non pro ut in illo cum antiquis promiscue sitas, sed ab his segregatas, chronologica vero Pontificum serie servata, heic accipe

(I)
S . P . Q . R

SIGNVM . MINERVÆ . DE . PARIETINIS
VRB S . ERVIVM . ET . IN . CAPITOLIVM
PAVLO . III . PONT . MAX . TRANSLATVM
IN . ILLVSTRIORE . AREAR . LOCO
GREGORIO . XIII . PONT . MAX
POSVIT . AC . RESTITVIT

(II)

SENATVS POPVLVSQVE ROMANVS

MONVMENTVM REGIÆ LEGIS EX LATERANO IN CAPITOLIVM
GREGORII XIII . PONT . MAX . AVCTORITATE REPORTATVM
IN ANTIQVO SVO LOCO REPOSVIT

(III)

INNOCENTIO . X . PONT . MAX

OB CAPITOLIVM ET AGONALE FORVM AEDIBVS OBELISCO ET SALIENTIBVS ORNATA
OB PRINCIPES BASILICAS MAGNIFICENTER INSTAVRATAS
OB INVECTAM DIFFICILI TEMPORE ANNONAM
ECCLESIASTICAM DIGNITATEM FELICITER VINDICATAM
DIVTYRNAE QUIETI BREVI BELLO CONSVLTVM
PVBLICAM VTILITATEM ABSQVE PVBLICO ONERE PROCVRATAM
FAS IVSQVE VBIQVE SERVATVM
PRINCIPI ROMANO OPTIMO AC MERITISSIMO

S . P . Q . R

POS

ad Basii dexteram

HIERON. MVTO PAPAZ. EQ. S. STE
CAMILLO DE BVBALIS CONSS
GASPARE DE TORRES MARCH
STEPHANO ALLIO EQ. S. ST. CAP. R. P.

ad levam

FRANCISCO GOTTIEREDO
HIACINTO CAPRANICA CONSS
IO . FRANCISCO ALBERINO
FRANCISCO CECCHINO . CAP. REG. PR.

C

ALE-

(I) Extat in Musei atrio
(II) In Cubiculo vulgo *dell' Ercole*.

(III) In ejusdem Pontificis statuae basi, in qua annus desideratur.

PRÆLOQUIUM

(IV)

ALEXANDRO. VII. P. M

CVM . STATVAM . PVBLICE . SIBI . DECRETAM
OB . SERVATAM . VRBEM . A . PESTILENTIA
HONORIS . SIGNIFICATIONE . CONTENTVS . ERIGI . VETVISSET
S . P . Q . R

QVO . SVI . ERGA . PRINCIPEM . OPTIMVM . GRATI . ANIMI
REIQVE . TANTAE
MONVMENTVM . ALIQVOD . EXTARET
P

A . D . M . DC . LVIII . DIE . XXV . MARTII
LAELIO . ALLIO . CAESAREO . GORIO . MARCELLO . GHERARDO . COSSS
PETRO . VECCHIARELLIO . CAP . REG . PRIORE

(V)

MARMOREAE . QVAS . VTRINQVE
SPECTAS . IMAGINES . ALTERA
MARCI . AVRELII . POPVLVM
ALLOQVENTIS . ALTERA . FAVSTINAE
VETERI . SVPERSTITIONE . INTER
DIVAS . AD COELVM . ELATAE
EX . RECENTIORI . ARCV . DIRVTO
VVLGIO . PORTVGALLIAE
QVI . VIAM . FLAMINIAM . VRBIS
HIPPODROMVM . IMPEDIEBAT
NOVIS . CONSERVATORVM
AEDIBVS . EXORNANDIS
SVB . ALEXANDRO . VII . PONT . MAX
AD . CAPITOLIVM . TRANSLATAE
VETVSTATE . SQVALENTES . HIC
RECENTI . NITORE . PRAEVLGENT
QVARVM . NE . MEMORIA
EXCIDERET . LAPIDEM . POSVERE
CAROLVS . ANTONIVS . A . PVTEO
EQUEST . MILIT
D . STEPHANI . PP . ET . MART
EQVES . COMEND
MARCVS . ANTONIVS . DE . GRASSIS
LAELIVS . FALCONERIVS
COSSS
ISIDORVS . CARDVCCIVS
C . R . PRIOR

(VI)

INNOCENTIO. VNDECIMO, PONT. OPT. MAX

QVOD VI-NNA ROMANI IMPERII PRINCIPE VRBE
IRREQUIETA VIGILANTIA PRVDENTI CONSILIO INGENTI AVRO
PRECIBVS LACRYMISQVE DEI IMPLORATO AVXILIO
ANNO REPARATAE SALVTIS CIOICLXXXIII
AB IMMANISSIMA TVRGARVM OBSIDIONE VINDICATA
LABORANTI CATHOLICAE RELIGIONIS SECVRITATI PROVIDERIT
FOELICITER REGNANTE
LEOPOLDO PRIMO CAESARE AVGVSTO
CHRISTIANAS ACIES DVCENTE
IOANNE TERTIO POLONIAE REGE SEMPER INVICTO
FORTITERQVE PVGNANTE
CAROLO QVINTO DVCE LOTHERINGO
S . P . Q . R . AETERNVM MEMOR P
COMEND . CAROLVS ANTONIVS A PVTEO CÖS . MARCVS ANTONIVS DE GRASSIS CÖS
LAELIVS FALCONERIVS CONS . ISIDORVS CARDVCCIVS C . R . PRI

CLE-

(IV) In Cubic. quod valgo dicitur *del Vaso*. Quare hæc, & altera sub Num. VI. in Museum Capitolinum, (cum quo nil illas commune habere liquet) reportate fuerint, haud assequor. Ceterum non clarissimus VENUTUS tantum, sed reliqui omnes, qui Museum descripsere, Tabulam hanc Alexandro VII. positam tradunt, quod Aedes Capitol., ad exemplum immortalis

BONAROTÆ iconographiæ, curante Carolo RAINALDO, profectui iusserit. At si primas saltem lineas perlegissent, vidissent utique, non de ædibus Capitolinis in ea agi sed de Urbe a pestilentia servata.

(V) Locum ubi sita, Inscriptio ipsa indicat.

(VI) In Vestibulo superiori. De rebus in hac tabula comprehensis adi COYNE *Hisp. de Pologne*.

PRÆLOQUIUM

xi

(VII)

CLEMENS. XII. PONT. MAX

ILLATIS . IN . HAS . AEDES . ANTIQVIS . STATVIS
MONVMENTISQVE
AD . BONARVM . ARTIVM . INCREMENTVM
FONTEQVE . EXORNATO
PRISTINAM . CAPITOLIO . MAGNIFICENTIAM
RESTITVENDAM . CVRAVIT
A . S . MDCCXXXIV . PONT . V

(VIII)

CLEMENTI. XII. PONT. MAX

OB . SENATVS . PRIVILEGIA . AMPLIFICATA
EXORNATAM . AEDIFICIIS . VRBEM
LAXATAS . AREAS
DIRECTAS . PROLATAS . STRATASQVE . VIAS
VETERA . SIGNA . MVLTQ . AERE . COMPARATA
IN . CAPITOLIVM . INVECTA
MAGNIFICEQVE . DISPOSITA
S . P . Q . R
OPTIMO . ET . MVNIFICENTISSIMO . PRINCIPI
STATVAM . DECREVIT
A . S . MDCCXXXIII

Ad dexteram

MARCHIONE VIRGILIO CRESCENTIO
IVLIO RICCIO COSS
MARCHIONE IOANNE CHISIO MONTORO
MARCHIONE IO. BAPTISTA SACCHETTO
CAP. REG. PRIORE
MARCH. CAMILLVS MAXIMVS
MARCH. ANTONIVS GRASSI
EX S. C.
OPERIS CVRATORES

Ad laevam

CAMILLO CAPRANICA M. D. C. FERREO
MARCHIONE FRANCISCO BICHIO
MARCHIONE PETRO GALLO COSS
MARCHIONE P. FRANCISCO DE RVBEIS C.R.P.

(IX)

MARMORA . OMNIA . ANTIQVI . PEDIS . MODVLO . INSCVLPTA
SCRIPTORVMQVE . TESTIMONIIS . COMMENDATA

BENEDICTVS XIV. P.O.M.

IN . MVSEVM . CAPITOL . TRANSTVLIT
ANNO PONTIF . III
STATILIANVM
IN . IANICVLO . ALIAS . EFFOSSVM
EX . HORTIS . VATICANIS
COSSVTIANVM . SEV . COLLOTIANVM
EX . MARII . DELPHINI . AEDIBVS
DONO HIERONYMI . PRINCIPIS . ALTERII
AEBVTIANVM
EX . MATTHEIORVM . VILLA
DONO . HIERONYMI . DVCS . MATTHEI
CAPPONIANVM
NON . ITA . PRIDEM . VIA . AVRELIA . REPERTVM
EX AEDIBVS . CAPPONIANIS
DONO . ALEXANDRI . GREGORII . MARCHIO . CAPPONII
EIVSDEM . MVSEI . CVRATORIS . PERPETVI

(X)

FRAGMENTA . ICONOGRAPHIE . ANTIQVE . ROMÆ
PRIORIBVS . XX . TABVLIS . COMPREHNSA
EO . SVNT . ORDINE . QVO . A . BELLORIO . EDITA
SVPPLETIS . ATQVE . ASTERISCO * NOTATIS
QVAE . POSTEA . INTERCIDERE
RELIQVAE . TABVLAE . VI
ALIA . EXHIBENT . HACTENV . INEDITA
TABVLAE . I . ADIECTA . EST . COMPENDIARIA
PEDVM . ANTIQ . ROM . LXXX . MENSURA
EX . FORVMDDEM . FRAGMENTORVM . COLLATIONE
CVM . VETERIBVS . AEDIFICIIS . DEPROMTA

FRAG-

(VII) Fonti imminens, quem *Marfis* dicunt.

(VIII) In Basilica marmorea, cui imposita est aenea Statua eidem Pontifici erecta.

(IX) Imminet haec marmoreis Basilicae instrumenta quaedam fabrilis seu Architectonica exhibentibus, juxta januam Cubiculi in *Campeo* dicti.

(X) De his audiendus est Author adnotationum ad

Schedas, seu libellum Flaminii Vaccae nuper editum.

» Questa Pianta che fu già stampata dal Bellorio in diverse Tavole con Annotazioni, e riprodotta nel fine del Tomo 4. delle Antichità Romane del Grevio, » originalmente ora si vede distribuita nei muri laterali della magnifica Scala del Museo Capitolino.

PRÆLOQUIUM

(XI)

FRAGMENTA . ICONOGRAPHIÆ . VETERIS . ROMÆ
IN . ROMVLII . TEMPLO
AD . VIAM . SACRAM . OLIM . EFFOSSA
ET . AD . FARNESIANAS . ÆDES . TRANSLATA
BENEDICTVS . XIV . P . M.
IN . CAPITOLIO
MYNIFICENTISSIME COLLOCAVIT
ANNO . CIO . IOCCXXXII

(XII)

MYNIFICENTIA
BENEDICTI . XIV . P . O . M.
ET . DONO
LACTANTII . SERGARDI
AB . INTIMO . EIVSD . PONT . CVBIC
A . D . MDCCCLIII .

(XIII)

BENEDICTUS XIV . P . M.
SIGNO NVPER EFFOSSO
QVOD
CARDINALIS ALEXANDER ALBANVS
PRINCIPI OPTIMO
ET REI ANTIQVARIÆ SERVANDÆ STVDIOSISSIMO
OBTVLIT
MVSEVM CAPITOLINVM
MYNIFICE AVXIT
ANNO MDCCCLVII

(XIV)

ÆGYPTIACA . MARMOREA . SIGNA
IN . HADRIANI . TIBVRTINO
REPERTA
BENEDICTVS . XIV . PONT . MAX
CAPITOLINIS . ÆDIBVS . ADAVCTA
ORNATIORI . CVBICVLO . CONSTITVTI
DECREVIT
ANNO . MDCCXXXVIII . PONT . VIII

(XV)

LEBES . ÆTEVS . GYMNASII
EVPATORISTARVM . EX . PORTV . ANTIATI
EDVCTVS
BENEDICTI . XIV . PONT . M
MYNIFICENTIA
IN . MVSEVM . CAPITOLINVM . ILLATVS

(XVI)

VETEREM . LAPIDEM
IN . OSTIENSI . AGRO . IAMDIV . REPERTVM
MVROQVE . TEMPLI . PRINCIPIS . ILLIVS . VREIS
ADPOSITVM
SIRI . A . THOMA . CARD . RVFO
SACRI . COLLEG . DECANO . OBLATVM
BENEDICTVS . XIV . PONT . MAX
MVSEO . CAPITOLINO . ADDI . IVSSIT
AN . MDCCXLVIII . PONT . XVI . IX

(XVII)

MYNIFICENTIA
BENEDICTI . XIV . P . O . M
ET . DONO
THEODORI . BVCCAPADVLII
EIVSDEM . SVM . PONT
A . SECRET . ELEMOS
A . D . MDCCXLVIII

(XVIII)

MYNIFICENTIA
CLEMENTIS XIII
P . O . M
AN . MDCCCLX

(XIX)

MAGNIFICENTIA
SS . D . N
CLEMENTIS
PAPE XIII
A . D . MDCCCLXV

(XX)

MAGNIFICENTIA
SS . D . N
CLEMENTIS PAPE XIII
A . D . MDCCCLXV

Hæ

(XI) » Mi ricordo aver veduto » (inquit Flaminius Vacca » cavare dietro la Chiesa de SS. Coima e Damiano; e vi fu trovata la Pianta di Roma profilata » in marmo; e detta Pianta serviva per incrostatura » del muro. Certa cosa è che detto Tempio fosse edificato ad onore di Romolo, e Remo edificatori di » Roma; ed al presente detta Pianta si trova nell'Antiquario del Cardinale Farnese.

(XII) Sub Protomæ M. Agrippæ in Cæsarum cubiculo.

(XIII) In basi pulcherrimæ Statuæ forte Gallienum representantis.

(XIV) In Cubic. il Canopo nuncupato.

(XV) In Cubic. vulgo delle Miscellane.

(XVI) In Cubic. dell' Ercole.

(XVII) In Cubic. del Vaso sub Satyri larva. At Benedicti XIV munificentiam innumeri fere testantur ejus nomine inscripti Lapides, & Protomæ, aliaque

Monumenta hic illic in Museo sita, quæ hic recensere supervacaneum puto, cum opusculum videri possit cui titulus » Museo Capitolino, o sia Descrizione » delle Statue, Busti, Basilievi, Urne &c. in Roma » ap. Bernabò 1750. » In fine ejusdem » Nota de preziosi, e rari Marmi che dalla munificenza del re » gnante Sommo Pontefice Benedetto XIV. sono stati » al Museo donati.

(XVIII) In Cubic. Miscellanearum, ad Tabellam Iliadis, quam egregie explicavit Raph. Fabretus in Opuscul. de Columna Ivesiani.

(XIX) Geminata hæc extat in utrisque Basilibus, quibus imposita videntur Centaurorum signa.

(XX) Ibid. ad celebre illud vermiculatum Opus, de Columbe di Fieretti nuncupatum; hoc est ab Eminentissimi Cardinalis Fieretti, Heredibus, CLEMENTIS XIII auro, una cum Centauris comparatum anno 1705.

PRÆLOQUIUM

XIII

Hæ sunt Inscriptiones, quarum sane testimonio laudatorum in his Romanorum Pontificum nomina ab interitu vindicabuntur. Hinc ipse mihi pollicor præclarissimum quoque Sanctissimi D.N. PII PP. VI nomen iis quandoque sociandum. Augent profecto hanc spem SUMMI istius nostri PONTIFICIS O. M. & spectata omnibus munificentia atque liberalitas, & in Rem Antiquariam egregia voluntas pariter, & peritia. Interea illustrium Virorum, qui Urbis ornatui, magnificentiaque amplificandæ animum intendentes, Museum nostrum donis suis locupletarunt, nomina, pro ut in pluribus Monumentorum basibus insculpta visuntur, evulgare opere pretium erit: ea etenim Posteris tradere par est, primo, ut aliqua saltem ex parte horum in idem Museum meritis satisfiat; secundo, ut ceterorum excitetur æmulatio, qua famæ adeo desideratam nanciscantur immortalitatem. Omnium primus occurrit Eminentissimus S.R.E. Cardinalis ALEXANDER ALBANUS, qui rariores insignioresque Musei lapides, summa qua pollet benignitate, donavit. Hieronymi Principis ALTERII, Hieronymi Ducis MATTHÆI, & Marchionis Alex. Greg. CAPPONII mentio fit in Inscriptione, quam superius retuli sub Num. IX. Reliquos (quorum plerique Monumenta obtulerunt consulente SENATU, atque accedente POPULO ROMANO) hic habe

(XXI)

DONO
IO . PETRI MARCHIONIS
LVCATELLI
MVSEI . CAPIT . CVRAT . PERPETVI

(XXII)

EX DONO
REVERENDISSIMI . P . IOSEPHI MARIE
FONSECA AB EBORA
GENLIS . ORD . MIN .
S . FRANCISCI
REG . LVSITAN . APVD . S . S . MINISTRI

(XXIII)

EX . DONO . DVCIS . SFORTIÆ . SFORTIÆ

(XXIV)

MVNIFICENTIA
PETRI OTHOBONI
S . R . E . CARD . V . CANCEL

(XXV)

GOM . QVATROCCHIO
ASC . BVBALO COSS
VIN . AMERICO

(XXVI)

HIER . PAPARONIO
MAR . MELCHIORIO
DOM . CECCHINO

(XXVII)

S . P . Q . R
SIGNVM AVENTINI HEROIS
QVEM SVPERSTITIOSA VETERVM ETAS
HERCVLIS FILIVM DIXIT
RVDERIBVS IN AVENTINO MONTE EGESTIS
REPRTVM IN CAPITOLIO POSVIT
CVRANTIBVS
BERNARDINO BISCIA A . C
CAROLO . GRIFFONIO COSS
ANTONIO MATTHÆI
IACOBO RVBEO PRIORE

(XXVIII)

MARCHIO FR . NVNES
IO . M . TAVRVSIVS
IO . PETRVS COMES DE APTIS
COSS
CÆSAR SINIBALDVVS
CAP . REG . PRIOR

(XXIX)

S . P . Q . R
LEONARDO TASCA
I . V . D
FRAN . CAFARELLIO
PETRO BENZONIO
COSS
IO . PETRO CAFARELLIO
CAP . REG . PRIORE

d

APOL-

(XXI) In Cubic. Cæsarum, sub Capite Iuliani Imp. & Philosophi.

(XXII) Ibid. sub Protome Iulie Titi filie.

(XXIII) In vestibulo superiori, in corona Anaglyphi figuram Archigalli representantis.

(XXIV) In Museo, *sive la Galleria*, in basi simulacri Dianæ Lucifera: eadem epigraphæ legitur sua Statua, quam aliqui ad Plotinam, alii vero ad Mar-

cianam pertinere contendunt.

(XXV) Sub Protomis Trajani, & Antonini Pii.

(XXVI) Sub altera ejusdem Trajani protome.

(XXVII) In Cubic. Imp. in ejusdem signi basi.

(XXVIII) Sub Statuis cujusdam Sacerdotis, & Pal-

ladiæ.

(XXIX) Sub Protomis Hadriani, & Scipionis Afr-

cani.

(XXX)

APOLLINIS LYRICI
SIMVLACRVN
S . P . Q . R
NOBILIVS EREXIT
ANNO DOMINI
MDCCXVII

Dexteram

PROSPER DE MOLARIA
CONS
PHILIPPVS MARVCELLVS
CONS

Ad utriusque

(XXXI)

BAGCHI NYSEI
SIMVLACRVN
S . P . Q . R
NOBILIVS EREXIT
ANNO DOMINI
MDCCXVII

Lævam

FABIVS AGVCHIVS
DE GLAVARINIS
CONS
EQ . IOANNES ANDREAS
OLIVERIVS
C . R . P

(XXXII)

PETRO VECCHIARELLIO
IVLIANO CAPRANICA MAGDALENO DE CAP. FERRO
PETRO MILLINO
CONSERVATORIBVS
PETRO PAVLO EVSTACHIO CAP. REG. PRIORE

(XXXIII)

S . P . Q . R
PAN
RVSTICVM OLIM NVMEN
AB INCVLTO SITV
AD CVLTIOREM
RESTITVITVR
ad dexteram
PETR . FRANC . DE RVBEIS
ADV . CONS . DEG
ALEXANDER PICHINVS
IOSEPH . DE HANNIBALIS DE NOBB . DOM . ZANCAT
CONSERVATORES
CAROLVS RICCARDVS PRIOR

(XXXIV)

S . P . Q . R
ASCANIO
BVBALO
IOANNE FRAN
CHINO
MAR . ANTONIO
CORONATO
COSS
CAM . MANCINO
CAP . REG . PRIORE

(XXXV)

IO . FRANCISCVS . MATTHEIVS . CONS
IOANN . BVCCAPADVLIVS . CONS
GREGORIVS . PATRIARCHA . CONS
BERTOLDVS . ANT . CARDVCCIVS . C . R . P .
ANNO MDCLXXXI

(XXXVI)

FRANCISCVS FANVS CÖS
FRANCISCVS SODERINVS CÖS
RVBERTVS VRINVS CÖS
MARCVS ANTONIVS DE GRASSIS PRIOR
M . D . C . L . XXXI

(XXXVII)

IO . BAPTISTA . DE . DRAGO . BISCIA
PHILIPPVS . FONSECA . CONSERVATORES
IOSEPH . MANFRONVS . CAP . REG . P

(XXXVIII)

MARCHIO IO . BAPTISTA . DE . DRAGO . BISCIA
PHILIPPVS FONSECA
IOSEPH . SERBOLONGVS COSS
IOSEPHVS . MANFRONVS . C . R . P .

(XXXIX)

GREGORIVS . PATRIARCHA . TERRE . PASTINÆ . BARO
ROBERTVS . BARO . SILVERIVS . PICCOLOMINEVS . ET
DOMINICVS . GINNASIVS . CONSERVATORES
D . HIERONYMVVS . FRANCISCVS . COLVMNA C . R . P
AN . SAL . MDCLXXXI

Adver-

(XXX) In Museo, *sive Galleria*.

(XXXI) Ibid.

(XXXII) Sub statua Junonis Lanuvinae: a'tera huic consimilis legitur sub Pudicitiae simulacro.

(XXXIII) In Atrio, ac in Basi ejusdem statuas quam Polyphemum representare, inscite quidem, quis autumat.

(XXXIV) Sub protome cujusdam Musæ.

(XXXV) Sub Signis IMMORTALITATIS & ABUNDANTIAE, in Atrio.

(XXXVI) In Atrio pariter, sub prima Amazonis statua.

(XXXVII) Sub secunda Amazonis statua ad dexteram ibid.

(XXXVIII) Sub eadem, ad lævam.

(XXXIX) Sub Hadriani Sacerdotis simulacro ibid.

PRÆLOQUIUM

xv

Advertendum denique velim in sex postremarum Inscriptionum CAP-
TIS PRIMI enumeratione, mendum irrepsisse Amanuensium pariter, & Ty-
pographi inconsiderantia (ut moderate loquar) & negligentia : duplicatos igitur
Numeros 70. 71. 72. asterisco * signatos primo loco videbis, ut cum illos
in Indicibus sic distinctos repereris, normam sumas non ex numero tribus his
Inscriptionibus adposito, sed ex numeris paginarum; videlicet

Pro Inscript. 70. pag. 120. L. CEIONIO COMMODO

Pro Inscript. 71. pag. 126. VS. CC. MISIT. QVOS &c.

Pro Inscript. 72. pag. 135. ANTONINO AVG. IIII. &c.

Ceterum me equidem alienis lucubrationibus in hos, veteri pro posse dif-
fusa caligine, explicando Lapides, plurimum adiutum non diffiteor; sed ea
certa lege, ne Cornicis instar Pavonis pennis exornatæ, speciosiore pom-
pam ederem. Multa enim mea dictante Minerva literis mandavi. Tu, quæso,
benigne Lector, hæc omnia æqui bonique consulto: *in rebus arduis* (eruditissi-
mi Sertorii Ursati verba ^(a) proferam) *ipsius quoque bonæ voluntatis propositum,*
etiam sine integro effectu, est commendatione dignum. Unde Propertius ad Musam

— *Si tamen desinant vires, audacia certe*
Laus erit; in magnis & voluisse sat est.

(a) Marm. Erud. Ep. 4.



Si videbitur Reverendissimo Patri Magistro Sacri Palatii Apostolici,

F. A. Marcucci Episc. Montis-Alti Viceg.

Summis equidem laudibus celebranda est immortalis memoriae Clementis XII. ceterorumque, qui subsecuti sunt, Summorum Pontificum providentia, qua effectum est ut in Aedibus Capitolinis tot tamque insignia venerandae antiquitatis monumenta certa velut, stabilique in sede collocarentur ad perenne bonarum artium subsidium, atque Urbis aeternae ornamentum. Inter ea autem praecipue sane locum obtinere debent literati lapides, ex quibus nemo est qui nesciat quam uberes fructus percipi possint ad rectam absolutamque rerum Romanarum intelligentiam. Quapropter Cl. Virum March. *Franciscum Eugenium Guasco* Pontificii Musei Capitolini Curatorem perpetuum iis omnibus qui hoc studio tenentur, rem gratam utilemque fecisse existimo, dum ejusdem Musei Inscriptiones omnes, quamquam magna ex parte ab aliis jam editas, in unum corpus redigere & in proprias Classes discretas evulgare sibi proposuit. Quod enim caeteri minime praestiterunt, ejusque imprimis laudi vertendum est, eas ipse non modo quam emendatissimas edendas curavit, sed eruditus etiam notis adjectis perpetuo velut Commentario illustravit. Quod vero ad me attinet primum ejus operis volumen cui titulus = *Musei Capitolini Antiquae Inscriptiones &c.* jussu Rm. P. Thom. Augustini Ricchini S. P. A. Magistri attente evolvi, nihilque in eo deprehendi, quod cum orthodoxae fidei legibus consentaneum non sit. Optandum ergo, ut quam primum tanto praesertim Auspice PIO nempe VI. P. O. M. optimarum artium omnium Cultore eximio, & Patrono beneficentissimo, in lucem exeat. Datum ex Monasterio S. Romualdi xv. Non. Februarii 1776.

H. Henricus Sanclementius Abbas Camald. & Sac. Rituum Congr. Consult.

Opus quod inscribitur = *Musei Capitolini antiquae inscriptiones a Francisco Eugenio Guasco editae notisque illustratae* = Jussu Reverendissimi P. F. Thomae Augustini Ricchini Ord. Praed. Sacri Palatii Apostolici Magistri attente, nec sine magna animi voluptate perlegi. In eo siquidem qua Reipublicae litterariae bono, qua Urbis florentissimae decori optime consultum animadverti, dum amplissima Inscriptionum supellex per temporum intervalla in Pontificio Capitolino Museo, intuentium studio, absentium desiderio collecta, ita perpetuis doctissimisque Commentariis illustratur, ut primum acrius incitatum, leniri alterum quodammodo videatur. Opus igitur, quod vir doctrina atque optimarum artium scientia apprime excultus vulgare optat, nihil plane contra fidem ac bonos mores continere, quin & publica luce, si tamen li ad quos spectat judicium meum probaverint, dignum vel maxime censeo.

Datum Romae ex Acaademia Nobilium Ecclesiasticorum VIII. Kalend. Februarii 1776.

*Paulus Antonius Paoli Congregationis Matris Dei Sacerdos
& Acaademiae Ecclesiasticae Praeses*

Jussu Reverendissimi Sacri Palatii Apostolici Magistri opus inscriptum = *Musei Capitolini Antiquae Inscriptiones Auctore March. Francisco Eugenio Guasco &c.* attente perlegi: in eoque non modo nihil reperi, quod catholicae veritati, bonisque moribus adversetur, sed summa in Cl. Viri diligentiam in colligendis excribendisque Titulis atque Epigrammatibus, multiplici eruditione & quasi perpetuo Commentario illustratis. Unde Antiquitatum studiosi non mediocrem harum rerum fructum capere possint, Quare illud in lucem edi tuto atque utiliter posse censeo. In quorum fidem &c. Ex aedibus ad Pincium XVIII. Kal. Eebruaryi 1776.

Horatius Orlandius



I.

DIIS OMNIPOTENTIBVS

LVCVS RAGONIVS

(sic) UENVSTVS . V . C .

AVGVR PVBLICVS

P . R . Q . PONTIFEX

VESTALIS MAIOR

PERCEPTO TAVRoBoLlo

CRIOBOLIOQVE

X . KAL . IVN

D . N . VALENTINIANO

AVG . IIII . ET

NEOTERIO CONSS

ARAM CONSECRAVIT

C A P U T I .

*Deorum Dearumque nomina, & attributa, Tempa, Aedes, Ara,
Signa, Sacerdotes, Ministri Sacrorum, & Votiva.*



Lapide, totam Gentilium
Deorum catervam con-
greganti, quemque id-
circo *Pantheum* quodam-
modo appellari licet, ini-
tium.

mine sententia, in ipso scilicet Deorum attri-
buto: quod enim recte Virgilius de mortali-
bus cecinit, de Diis similiter dicendum

..... *non omnia possumus omnes.*

Revera, Omnipotentiam, pluribus Diis tribue-
re, adeo frivolum, ac ridiculum fuit non-
nullis Ethnicis viris, ut plerique illorum fen-
serint, omnes Deos, ad unum tantum, vide-
licet ad Solem, esse referendos. Grave hoc ar-

A

gu-

OMNIPOTENTIBVS. Incongruens, at-
que penitus absurda, in ipso Inscriptionis li-

gumentum, fusè, ac egregiè pertractavit Macrobius *Saturn.* lib. I. cap. XVII. usque ad XXIV. quem adi si vacat. Interea pauca hæc Prætextati apud eundem interloquentis verba accipe. *Cave mi Aviene, inquit, existimes Poetarum gregem, cum de Diis fabulantur, non ab aditis plerumque Philosophiæ semina mutuari: nam quod omnes penè Deos dumtaxat, qui sub cælo sunt, ad Solem referunt, non vana superstitio, sed ratio divina commendat. Si enim Sol, ut veteribus placuit, dux & moderator est reliquorum luminum, & solus stellis errantibus præstat; ipsarum verò stellarum cursus, ordinem rerum humanarum pro potestate disponunt, vel (ut Plotino constat placuisse) significat; necesse est ut Solem qui moderatur moderantes, omnium, quæ circa nos gerantur, fateamur auctorem. Epicurum ipsum, quem tamquam impium, scelestumque hominem nonnulli, capite, ut ait D. Hieronymus, è Cleanthis puteo elato, immeritò*

suggillant, multitudinis Deorum inconvenientiam agnovisse liquet ex Laertio lib. X. vide, quæso, Opusculum, quod sub arcadico Alcisti Solaidii nomine edidi Ven. 1756. cui titulus *Epicuro Dilecto*.

LVCVS. Fortasse *Lucius*.

AVGVR PVBLICVS. P. R. Q. *Augur publicus Populi Romani Quiritium*, uti in saxo apud Muratorium. p. 728.

C. PASSIENO. C. F. SCAP
COSSONIO. SCIPIONI. ORFITO
C. V. AVGVRI
PVB. P. R. QVIR
&c.

& per extensum p. 702.

Q. FLAVIO MAESIO EGNATIO LOLLIANO
C. V. Q. K. PRAETORI URBANO AVGVRI PVBLICO
POPVLI ROMANI QVIRITVM
&c.

Hi quidem appellabantur *Augures publici populi Romani Quiritium*, ad distinctionem privatorum seu Imperatoriorum; nam & Augusti domesticos habebant Augures, qui pro sua fa-

lute excubarent, & auspicia captarent; hinc censendum eadem libidine, vivos Imperatores, Augures habuisse, qua mortuos, Flamines. Vetus inscriptio Gruteriana p. 304.

D. M.
CN. IVLI. CN. FILI. DONATI
PRISCI. EX. EQVO. PVBLICO.
ADIVTORIS. ARVSPICVM. IMPERATORIS
PONTIFICIS

ALBANI

De Auguribus, inferius

PONTIFEX VESTALIS MAIOR. *Maiores* aliquos, alios *minores* fuisse apud Ethnicos Pontifices, constat tum ex Auctoribus, tum ex Lapidibus. Vestæ vero Pontificem, perperam cum Pontifice Maximo confundit Lipsius, cui merito adversatur Gutherius *de jur. Pont.*

PERCEPTO TAVROBOLIO. Quomodo, quibusque ritibus exciperetur Taurobolum, permulti explicarunt, aut fufius, ac

singulari doctrina; & eruditione, Firmicus, Prudentius, Dalenus, Philippus a Turre, Fortunatus Scacchius, Baronius, Lucius Camarara, Bozæus, Odericus, Bonada &c. Ego, ad nimiam prolixitatem vitandam, imaginem a Bozæo congestam, atque ordinatam hic dabo, in qua qui Tauroboliatur, Sacerdotes, Ministri, atque Victimæ distincte conspiciuntur

Monu-



Monumenti autem illustrationem, ex Prudentii, de S. Romano Martire disertissimis, notissimisque carminibus, accipe.

*Summus Sacerdos, nempe sub terram Scrobē
Acta, in profundum consecrandus mergitur,
Mire insulatus, scēta vitiis tempora
Nectens, corona tunc repexus aurea,
Cinctu Sabino, sericam sultus togam,
Tūbulis superne strata texunt pulpita,
Rimosa rari pegmatis compagibus.
Scindunt sabinde, vel terebrant aream,
Crebrove lignum perforant acumine,
Pateat minutis, ut frequens hiatus.*

*Huc Taurus ingens fronte torva, & hispida,
Sertis revinctus, aut per armos floreis,
Aut impeditus cornibus deducitur,
Nec non, & auro frons coruscat bestie,
Setasque fulgor bractealis inficit.*

*Hic, ut statuta est immolanda Bellua,
Pectus sacro dividunt venabulo,
Eructat amplum vulnus undam sanguinis*

*Ferventis, inque texta pontis subditi
Fundit vaporum flumen, & late astuat.*

*Tum per frequentes mille rimarum vias
Illapsus imber, tabidum rorem plait,
Defossus intus, quem Sacerdos excipit
Guttas ad omnes turpe subiectans caput
Et veste, & omni putrefactus corpore.*

*Quin os supinat, obvias offert genas.
Supponit aures, labra, nares obiiicit,
Oculos, & ipsos perluit liquoribus;
Nec jam palato parcit, & linguam rigat,
Donec cruorem totus atrum combibat.*

*Postquam Cadaver sanguine egesto rigens
Compage ab illa Flamines retraxerint,
Procedit inde Pontifex visu horridus,
Ostentat adum verticem, barbam gravem
Vittas madentes, atque amictos ebrios.*

*Hunc inquinatum talibus contagiis,
Tabo recentis sordidum piaculi,
Omnes salutant, atque adorant eminus;
Vilis quod illum sanguis, ac hos mortuus
Fœdis latentem sub cavernis laverint.*

Qui

Qui hoc ritu, tantaque solemnitate Tauroboliabantur, hac turpi, per Taurinum sanguinem, expiatione, se mundos ad viginti annos, ab omni peccato censebant, uti his verbis, ex antiquo poemate, confirmat Salmasius in Lamprid.

*Sub terra missus, pollutus sanguine Tauri
Sordidus, infectus; vestes servare cruentas
Vivere cum speras viginti mundus in annos.*

post quod temporis spatium sacra Taurobolia iterabant; sic in Gruteriana: *Cejonius Rufus Volusianus ITERATO VIGINTI. ANNIS. EX. PERCEPTIS. TAVROPOLIIS. (sic) VI. ARAM. CONSTITVIT. ET CONSECRAVIT X. KAL. IVN.* Immo vero *perpetuo* se aliquando a peccatis expurgatos existimabant, quod liquet ex Panviniano marmore, in quo legitur *SEXTILIVS. AGESILAVS. AEDESIVS TAVROBOLIO. CRIOBOLIO. QVE. IN AETERNVM. RENATVS.* Hinc celebris de Taurobolii origine quaestio. Sunt enim qui opinantur sacra hæc hausisse Gentiles è dogmate Christianorum, a quibus audiebant impuros homines *REDEMPTORIS* nostri *SANGVINE* emundari, & *DEO* reddi acceptos. Hæc sententia fuit Reinesii, Kippingii, aliorumque. Eruditissimus *De Vita*, Taurobolii institutionem sumpsit ab his *D. Pauli* verbis ad Hebræos. *Si enim sanguis bircorum, & Vitulorum, & cinis Vitulae aspersus, inquinatos sanctificat, ad emundationem Carnis, quanto magis SANGVIS CHRISTI emundabit conscientiam nostram ab operibus carnis.* Verum utramque sententiam funditus se contrasse putavit *Laur. Moshemius*, qui Christianam Religionem Taurobolio posteriorem facit, licet Taurobolii mentio nulla penes Scriptores reperiatur, ante *Jul. Firmicum Maternum*, qui *Constantio*, & *Constante Impp.* floruit. Novissimè *Cl. Gorius* nodum solvi posse credidit, si Taurobolii mysterium unum fuisset cum *Mythriaco* diceretur. Sed hanc *Gorii* conjecturam, quam tacite approbavit modestissimus in opinando *Odericus*, aperte repudiarent præclarissimi *Marmorum Taurinensium Collectores*. Probabilior ergo mihi erit sententia *Fortunati Scacchii*, ac *Danielis Hue-*

tii, qui causam sacris Taurobolicis præbuisse ajunt, ritum consecrationis Sacerdotum Hebræorum, quo dextræ eorum aures mactati Arietis sanguine tangebantur, uti colligitur ex sacris literis, *Exod. 29. Tolle quoque Arietem alterum, super cuius caput Aaron, & filii ejus ponent manus, quos cum imolaveris sumes de sanguine ejus, ac pones super extremum auriculæ dextræ, ac filiorum ejus, & super pollices manus eorum, ac pedis dextri.* Nec attendendum, quod somniavit *Spencerus*, Judaicam scilicet consecrationem a Taurobolicis mysteriis originem duxisse. Emendandi interim sunt *Kippingius*, laudatque *marmorum Taurin. Collectores*, qui locum ubi Romæ Taurobolia celebrabantur, in circo *Flaminio* constituerunt: extitisse enim in Vaticano, satis probant *Blanchinius in Præf. ad Töm. 1. Anastasi*, *Lapides* sub *Paulo V.* ibidem effossi, celebris denique *Ara Lugduni* reperta, atque a *Bozæo* dilucidata. *V. Mem. de l'Acad. &c. T. 2. P. 2. ed. de la Haye*, in qua *L. ÆMILIVS CARPVS VIRES EXCEPIT. ET A VATICANO TRANSTVLIT. ARA ET BVCCARNIVM SVO IMPENDIO CONSACRAVIT.* Corrigantur tertio, *Baronius A.C. 361;* & *Bulengerus de Imp. Rom. lib. 1.* qui *Prudentii* verbis decepti, orgia hæc fœdissima, cum *Pontificis Max.* consecratione confuderunt. Doctissimus *Odericus*, ad hanc inscriptionem

AEMILIA
SERAPIAS.
TAVROBOLIVM FECIT
PETRAM TAVROBOLIATAM
POSVIT
&c.

reprehendit *Fortunatum Scacchium*, qui scribit in *sacr. Elæochrism. T. 1. p. 688.* *Non solum homines sanguine Criobolii, & Taurobolii sedabantur, sed etiam, ut puto, Altaria ipsa his sanguinibus sedata consecrabantur.* Verum redarguendi fortassis ipsi *Odericus*, & *De Vita* (tantorum virorum pace dicam) qui *PETRAM*, infra scriptum *Vitulum* hic significare sunt opinati. Cur non potius *Petram* illam, seu *Tabulam lapideam*, ex cujus foraminibus victimæ sanguis, ad ablundum *Pontificem* emanabat? vel cum *Reinesio Cl. 1. p. 86. Aram ipsam* que

que *Matri Deum* in his sacrificiis ponebatur? Victimarum sanguine Aras aspergere, immò & vestes, instrumentaque sacrificii consecrare in more fuisse, non apud Ethnicos dumtaxat, sed (salvo mysterii Sacramento) apud Hebræos, divino ipso holocaustorum Institutore jubente, nemo negabit: Verba tamen Exodi, laudati viri sub oculis habebant, Capitis scilicet XXIX. 19. 20. 21. *Tolles quoque Arietem alterum quem cum immolaveris fumes de sanguine ejus . . . fundesque sanguinem super Altare per circuitum, Cumque tuleris de sanguine, qui est super Altare & de oleo unctiois asperges Aaron & vestes ejus, filios, & vestimenta eorum: consecratisque ipsis, & vestibus, tolles adipem &c. Legerant procul dubio D. Pauli Epist. ad Hebr. cap. 9. ubi hæc habentur. Lecto enim omni mandato legis a Moysæ universo populo, accipiens sanguinem Vitulorum, & Hircorum cum aqua, & lana coccinea, & hyssopo; ipsum quoque librum & omnem populum aspersit, dicens: Hic sanguis Testamenti, quod mandavit ad vos Deus. Etiam Tabernaculum, & omnia Vasa ministerii sanguine similiter aspersit. Et omnia pend in sanguine secundum legem mundantur: & sine sanguinis effusione non fit remissio. Quis nostræ præterea Ecclesiæ Sanctæ ritus consecrandi Campanas, benedicendi vestes, ungendi Templorum parietes, ignorat? At cum Christiana Ethnicis miscenda non sint, plura omitto, quibus Scacchii sententiam (quam sequor) facile tueri possumus. Qui plura optat laudatos adeat Scriptores, qui mira diligentia, summaque eruditione, non de *Taurobolio* tantum, sed & de *Criobolio*, deque *Ægobolio*, sive *Æimobolio* disseruerunt. Notandum obiter Taurobolia, & Criobolia, sacra fuisse Magnæ Matri Deum: Matri Ideæ, hoc est Cybeli, & frequenter Cybeli ejusque Amasii Attidi, de quo inferius Num. 7. Nun-*

quam verò Dianæ, licet aliquando *Taurobola*, sive *Taurobola* vocaretur, neque Minervæ, uti adversus Carolum Stephanum, Cambdenum, atque Seldenum probavit doctissimus Dalenus de *Sac. Taurob.* Diss. cap. 2.

CRIOBOLIOQUE. Idem utriusque ritus Taurobolii, & Criobolii; eadem causa: nominis autem diversitas, ex victimarum diversitate derivata fuit. Priore etenim Tauri, posteriore Arietes mactabantur. Criobolium tamen, sive Arietis, arbori alligati, immolatio Attidi potissimum fiebat, quem eundem cum Sole credebant. Julius Firmicus tractum Criobolium consuit ab exemplo Patriarchæ Abrahami. Vide, inquit, quid sibi ludibriosus hostis invenerit. Abraham immolaturus Filium, jussu Dei aries supponitur, & in vicinæ arboris radicibus immolatur. Firmico suffragatur Vossius *Idololat.* lib. 2., sed perperam, uti judicat Dalenus.

X. KAL. IVN. D. N. VALENTINIANO AVG. III. ET. NEOTERIO CONS. Die vigesima tertia Maii. Domino nostro Valentiniano Augusto, quarto, & Neoterio Consulibus. Quartus iste Flavii Valentiniani junioris consulatus, cum Flavio Neoterio (quem ignoravit Panvinus in Fastis) incidit in A. C. 390. juxta Petavium, Almeloventium, & Pagium in *Diss. Hypat.* p. 265.

ARAM CONSECRAVIT. Quo in Templo, non indicat Marmor: Verum, cum nullum extaret Romæ templum *Omnipotentibus Diis* dicatum, censendum est, Aram hanc votivam, in Pantheone potius, quod omnium Deorum sedes credebatur, quam alibi, a Lucio Ragonio fuisse consecratam.

2.

CAELO ETERNO
TERRAE MATRI
MERCVRIO
MENESTRATORI
SACRVM. POSVIT
L. OCTAVIVS L. F.
VERVS. ET
OCTAVIA. EVHODIA
MATER

CAELO ETERNO. *Æterno*. Cælum, quod & *Cælus*, & *Uranus* a veteribus dicebatur Acinonæ filium, Saturni Patrem fuisse fabulantur Ennius, Theocritus, Phornutus, alique. Atlantides, Africæ populi, hunc primum Deum apud se regnasse prædicabant, testibus Diodoro, & Eusebio; quapropter cum humanis etiam victimis colebant. Persæ quoque, ait Strabo, Cælum Deum putabant, & Jovem appellabant. *Hic observandum*, inquit Stuchius, *Cæli*, sive *Cælorum* nomen in sacris litteris, figura loquendi, quæ a Grammaticis metonymia dicitur, pro Deo, sive Domino, & possessore cælorum accipi. Sic quidam (immo omnes) interpretantur illa filii perditii, & prodigi confessionis verba, Peccavi in Cælum, idest in Deum: ubi per id, quod continet, id quod continetur significatur.

TERRAE MATRI. Mater, & quidem Mater magna, & alma ab Ethnicis dicta est Terra; quod cibum gignat, quod universa animalia fructibus suis alat. Item Mater Deorum, propterea quod Dii, qui ab iis colebantur aliquando mortales fuerunt, ac ut ceteri mortales terræ fructibus victitarunt. Hac sane appellatione Ethnicus Deorum suorum nullitatem, suamque in illis colendis futilitatem, atque dementiam prodiderunt. Attamen Heraclides Ponticus, Plato, Cicero, innumerique Scriptores, Terræ, divinitatis naturam tribuerunt. Verum audiendus est Plinius, qui de *Terra Matre* verba eleganter facit in H. N.

lib. 2. cap. 63. *Huic uni*, inquit, *natura partium*, eximia propter merita, cognomen indidimus *Materna* venerationis. Sic hominum illa, ut cælum Dei; quæ nos nascentes excipit, natos alit, semelque editos sustinet semper, novissimè complexa gremio, jam a reliqua natura abdicatos, tum maxime ut Mater operiens; nullo magis Sacramento, quam quo nos quoque sacros facit, etiam monumenta, ac titulos gerens, nomenque prorogans nostrum, & memoriam extendens contra brevitatem ævi. Nec Terra tantum genericè sumpta, sed & Terræ partes colebantur, vel certis consecrabantur Diis; montes nempe, valles, colles, sylvæ, nemora, luci: hinc ridicula illa apud Varronem, Augustinum, Lactantium, turba Deorum, Carmelus, Amanus, Jugatinus, Oreades, Dryades, Amadryades, Valtonia, Collina, Sylvanus, Fauni, Satyri, Nemestrinus, Terminus, Rurina, Rubigus, Arungus &c. *Tellus* denique a *Tellumo*, sive *Tellumone* distinguenda est: nam uti ait D. Augustinus de C. D. cap. xxiii. *Tellus* nihil est aliud, quam vis, & quidem fœminina, quæ semina recipit, & nubit. *Tellumon* vero vis masculina, quæ semina producit, Terram stare crediderunt antiqui: unde Ovidius

Stat vi terra sua; vi stando Vesta vocatur.

Ad recreandum verò Lectoris animum, meis facile nugis defatigatum, pulcherrimum ex Goriî Inscript. T. I. tab. xiv. Anaglyphum, in quo Terra, cum Aëre ad dextram, Aquam ad sinistram representatur, exhibeo.



Infantium unus visitur uberibus inhians, alter pomum ostentans; ad pedes Bos saturus, & ovis pascens: spicæ, flores, herbæ, papavera e scopulo erumpentes &c. at vide ipsum Gorium *loc. cit.* p. 76.

MERCURIO MENESTRATORI. *Ministratori*, ac merito, nam Mercurius, Explorator, Curfor, Nuncius, Leno, Excubitor, Medicus Deorum, atque a consiliis, potissimum Osiridis, extitit. Is præterea alatus, petasatus, caduceatus, mortuorum animas, ad inferos deducebat. Etrusca lingua, *Camillus* dictus est, quasi Deorum minister, ex quo Camillæ, & Camilli, ministræ, & ministri, in sacris inservientes. Hunc insuper

mensurarum, & ponderum, cythararum fistularumque inventorem, literarum repertorem, auctorem lanificii, musicum, furum Patronum, eloquentiæ, mercaturæ, lucrique Deum nominarunt Ethnici, atque Peregrinantium tutelare Numen, unde dictus est *Vialis*, cuique lapidum cumulos juxta vias dedicabant. Hinc *Cumulus* in Anthologia, de se loquens

*Sacram Mercurio me prætereuntes fuderunt
Homines lapidum congeriem.*

& Hesychius: *Mercurialis acerous* significat cumulos lapidum Mercurii in viis coacervatos in ejus Dei honorem; est enim Evödios, h. e. *Vialis*, quasi *Viarum præses*.

3.

I. O. M. SOLI SARAPIDI
SCPIO ORFITVS V C
AVGR
VOTI COMPOS REDDITVS

I. O. M. Jovem Capitolinum, inquit Tullius de N. D. Populus Rom. propter beneficia OPTIMVM, propter vim MAXIMVM no-

minavit; & quidem ante *Optimum*, idest *beneficentissimum*, quam *Maximum*; quia majus est certeque gravius prodesse omnibus, quam opes ma-
gnas

gnas habere. Hinc Laetantius: *Quid omnium horum pater Jupiter, qui in solenni precatione OPTIMVS MAXIMVS nominatur?* De Jovis O. M. templo vid. Just. Rycquium in *Capitol. Roman.* cap.xx.

Cum nulla appareat in titulo conjunctio copulativa, perspicuum est ad Jovem tantum, Solis atque Serapidis nominibus decoratum,


votivum istud Scipionis marmor pertinere. Præterea notum est Serapidem apud Ægyptios, eundem fuisse atque Jovem, & Ammonem, & Ditem, & Solem, & Nilum, & Æsculapium; quod præter Tacitum, Athenæum, Macrobius, aliosque Auctores, confirmat hic nummus Panthæus Antonini Pii jam a Seguino vulgatus p. 3.



in cujus parte averfa, caput barbatum instar Jovis, modio supra caput, seu calathio instar Serapidis; radiis coronatum uti Apollo, sive Sol, cum cornu Ammonis, & Plutonis tridente, ac Cornucopia quæ Nil ubertatem designat. Sunt qui hæc esse Mosis symbola opinantur. Witsius in *lib. sing. de x. tribub. Israel* cap. 1. §. 13. sic scribit.

Cujus hæc sint symbola, nisi Mosis, qui radiatus de Horebo descendit, qui cornutus pingitur, cujus gestamen, virga, fuit in serpentem, non semel mutata? Firmicus vero, Svidas, Pierius, Baronius, Spondanus, alique doctissimi viri, ea Josepho tribuenda esse autumant. Serapidis statuum, verba sunt Svidæ, Theo-

philus Archiepiscopus Alexandria evertit sub Theodosio magno. Hunc autem alii quidem Jovem esse dixerunt; alii vero Nilum, quod modium, & cubitum in capite gestaret, aquæ mensuram scilicet: alii vero Josephum, alii Apidem, quemdam hominem opulentum, & regem Memphitidis urbis Ægypti fuisse dicunt. Quum autem fames apud Alexandriam fuisset, illis de suis facultatibus victum iste præbuit. Illi vero mortuo Templum eraxerunt, atque consecrarunt, in quo Bos alebatur, symbolum agricolæ, vel potius agriculturæ ferens, & quasdam in colore notas habens, idest ἐπιχρύα. Maculati hujusmodi Bovis imaginem, ad illustrationem Suidæ narrationis dabo ex Petro Zornio *Bibl. Exeget.* P. 1.



Quisnam autem fuerit iste Bos, apparet ex ipsius appellatione, nam & ipse vocabatur Apis. Huius autem Apidis loculum in quo jacebat ipsius corpus, Alexandriam transfulerunt, & ex nominibus σόπος, & ἀπὶς compositum nomen fecerunt, & SORAPIN ipsum vocarunt. Qui vero postea sunt secuti; eum vocarunt Sarapin (recte igitur in nostro saxo SARAPIDI) hujus templum ab Alexandro conditum est maximum. Cuncta hæc Suidæ dicta facile ad Josephum referri possunt; quia primum ex Genesi xli. 45. jussu Pharaonis mutatum fuit Josepho nomen, nuncupatusque ægyptiaca lingua SALVATOR MVNDI: notatu enim Baronii ad An. 389. & Spondani Nu. xvi. vox SERAPIS apud Ægyptios idem sonat, quod Mundi Salvator. Apidis nomen quoque Josepho convenit. Apis enim Adequator ἀπὸ τοῦ Ἀπιδω, nimirum adequo: quomodo vero adæquaverit frumentum septem annorum sterilitatis, cum tritico septem annorum fertilium, innuit S. S. loco cit. Cornelius a Lapide aliam Serapidis, ac probabilioris etymologiam affert: putat hic doctissimus divinarum scripturarum Interpretes ex Hebraica voce SAR, quæ Principem indicat, & ex Ægyptiaca APIS, seu Bos, nomen componi SERAPIS, Princeps Bovis. Laudat & Firmici etymon SARAPIS, Saræ nepos, qualis fuit Joseph: accedit quod ab Ægyptiis JOSEPH, dicitur Ἀσέφ, & per metathesim Apis. Addit tandem Seraphis dici a voce σβο-
rappabim, scilicet facies Bovis: compertum est autem Josephum Pharaonis de Bobus somnium interpretasse, uti ex Genesi, eod. c. xli. v. 26. 27. Itaque Josephum Bovi comparavit Moses in benedictione filiorum Israel, dicens Deut. xxxiii. v. 16. 17. Benedictio illius, qui apparuit in rubo veniat super caput Joseph ... Quasi primogeniti tauri pulchritudo ejus, cornua rhino-

cerotis cornua illius. Aliter legit D. Augustinus tom. 4. quæst. in Deuter.; at Sancti Doctoris lectionem, Vulgata non adoptavit. Omnes igitur etymologiæ, Josepho mire congruentes, demonstrant hunc ab Ægyptiis, sub Serapidis nomine, cultum, eique templum excitatum. Beneficum equidem Josephi nomen, atque memoriam, in summo honore fuisse apud eos, pro certo habeo; idcirco omnia fere, quæ de Serapide traduntur, Josepho, mea quidem sententia, referenda esse censeo. Quæ ergo de Serapide Ægyptio disseruimus, ad Jovem - Solem - Serapidem pertinere dicimus, tribusque his nominibus, unum tantum Numen, scilicet Jovem enunciari. Hinc in Jaspide Corvelli Angli, quam se vidisse Cpoli asserit Petrus Zornius T. 1. p. 216., hæc ex-
bat epigraphe

ΕΙΣ ΖΕΥΣ ΣΑΡΑΠΙΣ

Unus Jupiter Sarapis, & apud Gruterum inscriptiones habentur p. xx. num 9.

JOVI. SOLI
INVICTO. SARA
PIDI. T. AELIVS. AN
TIPATER. PROC
AVGG. CVM. VMBRICIA
BASSA. CONIVGE. GRATIAS
AGENTES. POSVERVNT

& num. 10.

ΔΙΙ . ΗΛΙΩ
ΜΕΓΑΛΩ
ΣΑΡΑΠΙΔΙ

Jovi Soli Magno Sarapidi.

VOTI COMPOS. Compotes voti, inquit Jacobus Rutgerius Var. Lect. lib. v. tabellas solvebant, idest lacerabant, Diisque reddebant quæ promiserant.

4.

GEMINVS CORINTHES
I. O. M. VOTVM SOLVIT
ET ARAS OMNES DE SVO
REFECIT

I. O. M. Jovi optimo maximo. VOTVM SOLVIT. Vorum susceptum solvere, persolvere

re, vota exequi, liberari voto, votum sacrare, apud Thomasinum de Donar. cap. 1. formulæ,
C

lae, quas ex Marmoribus deprompsit: item *votum ratum*, cum his qui voti damnatus, sese exsolvit; & *voti reus*, idest *debitor* apud Virgilium *Aen.* lib. v.

*Vobis latus ego hoc candentem in littore taurum
Constituam ante aras voti reus.*

Hinc Macrobius *Saturn.* lib. 3. *Hæc vox propria sacrorum est, ut reus vocetur, qui suscepto voto se Numinibus obligat; damnatus autem qui promissa vota non solvit: Insuper ex voto ponere, pro votum solvere, uti in præsentis marmore*

IVNO . R . ET . MINER . SAC
GENIO . COH . III . BRIT . ARAM
T . FL . FELIX . PRAEF . EX
VOTO . POSVIT . L . M
DEDICAVIT . KAL . DEC
GENTIANA . ET
BASSO . COS .

Vota ponere dixit Propertius lib. II. El. 19.

..... jam nunc me sacra Diana
Suscipere; & Veneri ponere vota juvat.

votum reddidit legimus in saxo Patavino

DEO . SANCTO . APOLLINI
(sic) PACI . FERRO . EX . VOTO
CORTIS . PRAETORIAE . CENTVRIO
DASIELIVS
LIBENS . VOTVM . REDDIDIT

deinum vota solventes, absolutos dicimus.

DE SVO . *Sua pecunia, de sua pecunia, ex stipe, ex stipe conlata, ex aere conlato, pecunia publica, sua impensa, & similia in marmoribus passim.*

REFECIT . *Renovavit.* Ita in Inscriptione

Attini, quam ex Cupero in meum, de Ornatricibus, opusculum transtuli.

ATTINI ARAM
LVNAM ARGENT::
POSVIT . P . MARIVS
PHARETRA SACER::
ACCADE . PRIMA
MINISTRA MATRIS
MAGNAE MATREM
REFECIT . MAGNAM
ET . INAVRAVIT . ET
ATTINI . COMAM . IN
AVRAVIT . ET BEL
LONAM REFECIT

Ita Cæsar de *Bello Gall.* lib. 4. *Et quæ gravissime afflicte erant nares, earum materia, atque ære, ad reliquas reficiendas utebatur; & Cicero, quin etiam memoria nostra templum Junonis sospita L. Julius, qui cum P. Rutilio Cos. fuit, de Senatus sententia refecit, ex Cecilia Balatrica filia somnio: de Divinat. lib. 1. Sic Horatius Carm. lib. II. Od. 6.*

*Delicta majorum immeritis lues
Romane, donec templa refeceris,
Ædesque labantes Deorum, Et
Fæda nigro simulacra fumo.*

uno verbo *Reficere*, est, *vitiatum* aliquid instaurare, uti apud eundem Venufinum Carm. lib. 1. Od. 1.

..... max reficit rates
Quassas, indocilis pauperiem pati

GEMINIVS CORINTHES . Recte Muratorius CORINTHVS, uti apud Gorium Geminus *Jonicus*; in lapidis tamen nostri archetypo *Corinthes*.

5.

I . O . D
PRO SALVTE

IMP . L . SEPTIMI . SEVERI . PI . PERTINACIS . AVG

PI . FELICIS . ET EXERCITVM

ET . P . R . D . IVN . PACATVS CVM

ALEXANDRO FIL . SACRARVM

IVSSV . I . D . SVA . PEC . ADAMPLIAVIT . C . A . CAECILIO

RVFO . 7 . SACERDOTIB . SOPRANVS . ET . MARIN . ET CALVS F

ITEM AVXIT

ALVO IMP E SEPSEVERO PER PIO . FEL . AVG . N

M . CAECILIUS . M . F . IVL . RVFVS . CONCORD

7 . LEG . III . CYRENAICAE . EX CORNICVLARIO

AELI . IVLIANI . PR . VIG . TETRASTILIVM . NIMPHAEVM

CRATERAM CVM COLVMELLA . ET . ALTARIVM . CVM COLVMELLA

MARMOREA . ET . ALIAM COLVMELLAM . ITEM ORBICVLVM CVM COLV

MELLA . ET . CETERA . ORNAVIT . I . D . D . D . DEDICAVIT PER

CLODIVM CAIVLVM PR . VIG . ADSISTENTE ORBIO . LAETIANO SVB . PR . ET

CASTRICIO . HONORATO . TRIB . COH . II . VIG . PR . KAL . AVG .

APRONIANO . ET BRADVA COS C . HAERCVLANIO . LIBERALE . VA

I . O . D . Notas istas singulares , nusquam alibi se vidisse fatetur Muratorius : *erunt* , inquit , *qui interpretentur* IOVI OPTIMO DEO , aut IOVI OPTIMO DOLICHENO , sive *Depulsori* . *Agrè* tamen *crederet* agi hic de Iove ; quare ? quia *Stabilis mos fuit* post OPTIMO *adungere* MAXIMO ; quod mea quidem sententia , nimis probat . *Stabilis mos* fuit Deorum nomina primo loco ponere ; tamen in fine aliquando invenimus . *Stabilis mos* fuit Consules signare duplicata SS . COSS . , tamen scriptum COS . interdum reperitur , uti signanter in hac quam prae oculis habemus . *Stabilis mos* fuit in Lapidibus praenomen , deinde nomen , postremò cognomen indicare . In ali- quibus tamen , licet rarissimè , mos iste neglectus videtur , uti observavit eruditissimus Zacharias . Nepos constanter praepositur Pronepoti ; in lapide Gruteriano tamen , p . 369 . Pronepos Nepotem antecedit : Nepos constanter post Filium legitur ; in marmore tamen ipsius Muratorii , Filius succedit Nepoti . *Tribus* , semper in Saxis , sexto casu ponitur ;

apud Fabrettum tamen , & in Capitolino , secundo ; scilicet , ARNIENSIS . *Mos Stabilis fuit* Formulas *dederunt* , *posuerunt* , *restituit* , *sacravit* , *soluerunt* , &c similia in tabulis votivis ultimo loco inscribere , in Museo tamen Veronensi formulam habemus immediatè post Mercutii nomen : MERCVRIO . V . L . S . M . M . Scavilius Corneolus . In Inscriptionibus , quoties indicabantur Consulatus , utriusque Consulis nomen signabatur ; In Inscriptione tamen ab Hagenbuchio relata , solus Servianus nominatur , omisso conlega C . Vibio Juventio Varo . At innumera , his similia , in medium possem exempla proferre , saltem ad probandum *singularitatem* Siglarum I . O . D . tanti haud esse ponderis , ut ea attenta , Jupiter ab hoc Marmore expelli debeat . Præterea , quis Muratorii verbis , manifestè inter se repugnantibus , acquiescet ? Nam si *Mos Stabilis fuit* OPTIMO *adungere* MAXIMO , quomodò ipse hic , *IO OPTIMO* , omisso Maximo *adungit* DEO , aut DOLICHENO ? Verum , quid legi vetat IOVI OMNIPOTENTI DEO ?

DEO? nonne in Capitolina, uti vidimus, DIIS OMNIPOTENTIBVS? Et in Gudiana p. 57. OMNI. POT. h. e. OMNIPOTENTI Genio Fontis? Nonne in his verbis, IVPITER OMNIPOTENS SEV QVO ALIO NOMINE APPELLARI VOLVERIS, Pontifices Jovem precari consueverant? V. Briffon. *de Form.* lib. I. cap. 89. Serv. in *Æn.* IV. His adde verba Afcanii vota facientis *Æn.* IX.

Jupiter omnipotens, audacibus annuo captis.

& Georg. lib. I. I.

*Tum Pater omnipotens fecundis imbribus ether
Conjugis in gremium late descendit.*

Si Maximus, Optimus, Augustus, Altissimus, Æternus, quare non etiam Omnipotens Jupiter?

EXERCITVM. *Exercituum.* Pro salute nempe L. Septimii Severi, & *Exercituum*, & P. R. *Populi Romani* Decius Pacatus cum Filio Alexandro SAGRARVM *Sacrarium*, iussu I. D. *Junonis Deæ*, sua pecunia adamplavit.

IVSSV. *Monitu, vel Jussu* Deorum, vel *ex viso*, aut *visu* formulæ assentatorum erant, ut crederetur, verè conscio Numine, vota fuisse suscepta, atque hinc de Salute, incolunitateque Cæsarum vehementer laborare Deos conjiceretur.

SAGRARIVM. Quædam publica, quædam privata Sacraria habuerunt Romani. Inter privata celebre est, illud Alexandri Severi, in quo Christum, & Abraham, indignissimè cum Apollonio, atque Orphæo confociatos, quotidie venerabatur. Juxta Iſidorum, *Sacrarium* non ipse locus Sacer, sed in quo res Sacræ deponerentur, quod teste Ulpiano (L. 9. de *Res. diviſ.*) etiam in Ædificio privato esse potest, unde Cicero, *Aquila illa argentea, cui Catilina Sacrarium scelerum domi tuæ fecerat.* Hic fanè de publico Sacrario agitur, quemadmodum Augusto positum fuisse regione Palatina, ad Capita Bubula, ubi

natus erat, docet Svetonius Cap. V., ubi pro Sacrario, *Sacellum* intelligit, ut non semel Cicero, & signanter pro Mil., ante ipsum *Sacrarium Bonæ Deæ.* Neque censendum Oratorem hic loqui de loco, quo utensilia huic Deæ sacra servabantur, sed de Æde, ante ipsam inquam Bonam Deam. Advertendum est, *Sacrarium* aliquando pro *Confictorio*, seu Concilio Principis usurpari; in quo Imperator gravioris rei negotia cognoscit. Exemplum præbet C. Theod. *Quæcumque Civitas Legatos ad Sacrarium nostrum voluerit ordinare, Et Neminem de Numinis Nostri Sacrario prodeuntem arena suscipiat.* Ego autem vocabulo *Sacrarium adamplatum*, omnibus diligenter expensis, hic magis consentaneam autumo Iſidori interpretationem, intelligique debere locum illum, quem nos *Sagrestia* vocamus: *Sacrarium* videlicet templi Jovis, cui D. Pacatus pro Severi, & exercituum salute votum voverat. C. Curante A. Cæcilio Rufo *Centurione*; Sacerdotibus verò Sopatro, Marino, & Calo, sive *Calvo*, aut *Calvo*.

ITEM AVXIT. Quamquam hæc inscriptio duobus constet Lapidibus, ex his tamen verbis conjicitur secundam hanc partem, cum priori esse jungendam.

CONCORD. *Concordia*, Decimæ Regionis Italiæ oppidum, quod nominat Plinius lib. 3. cap. 18. *Oppidum Altinum, flumen Lipientia ex Montibus Opiterginis, colonia Concordia; flumina, Et portus Romatinum.* Eodem nomine, cognomento vero *Jula*, alterum extat in Hispania *Concordiæ* oppidum; Item tertium, juxta Antonini itinerarium, in Alſatia, inter Argentoratum, & Tabernam, vulgo Kochersperg. Quæ, ex his tribus, fuerit M. Cæcilii Rufi Patria, ignoro; si quis divinabit.

..... erit mihi magnus Apollo.

LEG. III. CYRENAICAE. Hujus Legionis frequentissima in faxis mentio. Nomen habuit a Cyrene, quæ insignis olim Urbs Libyæ fuit a Batto Theræo condita, & a Cyrene Pencis amnis filia, quam adamasse Apollinem, ac in eam Libyæ plagam transfu-

lisse

lise fabulantur Poetæ. Patria illius Simonis fuit, Alexandri, & Rufi patris, quem Judæi apprehenderunt, & imposuerunt illi Crucem portare post Jesum. Luc. xxiv.

EX CORNICVLARIO. Cornicularii in antiqua Militia Romana genus erant Militum honestiorum, qui ab galeæ parasemo sic dicebantur, Beneficiarii, ut plurimum Tribunorum aut Centurionum: de his galeis vide de Choul, in lib. de Castrament. Ut enim in Exercitu, & acie dicitur *Cornu*, ita in Cohortibus Militum *Corniculum*, a quo *Cornicularius*, inquit Turnebus, qui *Corniculo* Tribuni præest. Sunt, qui credunt nomen sumptis ex quodam donatico ornamento. Nam Livius refert Papirium Consulem equites omnes, ob insignem in bellis operam donasse *Corniculis*, armillisque argenteis. Suetonius item de Orbilio Pupillo Beneventano, primo apparituram fecit *Magistratibus*, deinde in Macedonia *cornicula*, mox equo meruit, Sigonius eos Cornicularios dicit, qui Tribunorum loco vigilias circumirent, atque eorundem imperia corniculo ederent. Cornicularii quoque vocabantur, qui iussa, Sententias, & Decreta Præfecti Prætorii, aut Præsidis scribebant, & publicabant. In Martyrologiis, & in Actis S. Symphoriani, qua-

tuor occurrunt Martyres, Præfecti Urbis Cornicularii, quos *quatuor Coronatos* appellant, scilicet Severus, Severinus, Victorinus, & Carpophorus, qui imperante Diocletiano martyrii palmam sunt consecuti. De Corniculariis consulantur Vegetius, Sigonius, Turnebus, Marcellus Donatus, Valturius, Gutherus, atque Th. Bartholinus de *Armillis vet.* At Cæcilius hunc nostrum, Cornicularium fuisse PR. VIG. *Præfecti Vigilum*, enunciat in scripto, uti alia de Athenæo Firmo.

(sic)
ATENAEVS FIRMVS
CORNICVLARIVS SVP.
PRAEF. VIGIL

TETRASTILIVM *Tetrastylum*: Aedificium aut potius Aedícula, quatuor innixa Columnis: Huiusmodi Aedicularum formas, multifariè expressas, exhibent centies antiqua Numismata, ex quibus quædam selecta, ad operis ornatum, hic, ex Carolo Patino subijcio; primum videlicet *Trajano*, a Seleucidis; secundum *Hadriano* a Tiberienisibus; tertium *Crispina* Commodi Uxori, a Magnetenisibus; quartum *Balbino*, a Milesiis culum; quintum a Corinthiis, *Vero*; sextum M. *Aur. Antonino*, a Smyrnenisibus apud Dalenum.



NYMPHAEVM. De forma, aut usu Nymphæorum non satis constat. Zonaras,

& Petrus Gillius, Nymphæum Constantinopolitanum, sub Leone magno Imperatore incendio

consumptum, commemorantes, volunt Nymphæa, esse Palatia publica in quibus nuptias celebrarent, qui aut proprias non possiderent Domos, aut nimis angustas. Itaque a Sidonio, loca hæc, *Thalassia* vocantur, a *Thalassio*,

qui in Nuptiis invocabatur. Alii, loca publica, in quæ non ut in Balneas, aut Thermas propter usum aqua deduceretur, sed amoenitatis causa, uti in hac Barberinarum ædium pictura, a doctissimo Holstenio breviter dilucidata



A Nympharum Statuis, quibus ornabantur, nomen traxisse, communis est opinio. Ab ipsis Imperatoribus, nymphæa magnificè constructa docent Historici, Victor, Capitolinus, Ammianus; Nymphæi Flavii Philippi Præfecti Urbis, mentionem facit vetustus Lapis apud eruditissimum Eduardum Corsinium *de Præf. Urb.*

FLAVIVS PHILIPPVS VIR CLA^(sic)
RISSIMVS. PRAEFECTVS. VRBI. NYMPE
VM. SORDIVM. SQVALORE. FOEDA
TVM. ET. MARMORVM. NVDTATE
DEFORME. AD. CVLTVM PRISTINVM
REVOCAVIT

NYMFIVM, habet eadem inscriptio in an-

tiquitatibus Georgii Fabricii, cujus diligentissimam Nymphæi Neapolitani descriptionem recitare operæ precium erit. *Recens nunc est* (inquit p. 208.) *Nymphæum inter Neapolim, & Montem Vesuvium, in Villa Leucopetra, cuius forma talis est. Edificium è marmore quadrangulare, ad quod per unam solummodo portam est aditus, & aliquot gradibus descensus. Ad dexteram introeunti in Nymphæi capite fons est aquæ limpidissimæ ad cuius quasi custodiam accubat Arctibusa nuda, è candidissimo marmore: Solum, varium, & marmoratum, & canali circumdatum, in quem Aqua è fonte affluit. Parietes è conchis lapillisque albis, nigri, flavi, purpurei coloris, quasi Maliba illiti, in quibus è concharum compositione, tamquam ductibus in pictura, anni menses duodecim, & quatuor virtutes politicæ*

expresse. Item raptus Proserpina, Pan canens fistula, & mulcens gregem. Præterea imagines Nympharum nantium, navigantium, in piscibus ludentium; inter quas Helle insidens arietis, Siren delphino, Europa tauro. In eodem ad singula latera quatuor Statuæ marmoreæ, Hercules leoninam gestantis, Panis agnum bajulantis, Genii cani blandientis, Najadis nudæ.

CRATERAM. De Craterum donario vide Num. 17. Hic de vase intelligitur, in quod salientes aquæ è Nymphæi fontibus deciderent.

CVM COLVMELLA. Crateris fulcimentum; idem de Columella Altarii.

ALTARIVM. *Altariolum* apud Laurentium in *Amalth. Onom.* idest *Altare*, seu *Ara*; nam communiter sunt synonyma, uti conijcitur, tum ex sacris Litteris, tum ex profanis Scriptoribus. *Exod. cap. xx. Non ascendes per gradus ad Altare meum, & Num. cap. xxiii. Septem inquit Aras crexi.* Hinc Stuchius in *Sacr. Gent. p. 63. Ea sunt Ara, & Altare ab altitudine dicta, quasi Ara alta in quibus, ait Festus, ignis adoletur.* In hoc tamen differunt, quod videlicet Altaria Diis Superis tantum consecrabantur, Aræ superis, & inferis. Hinc illud Virgilii *Ecl. v.*

..... en quatuor Aras,
Ecce duas tibi Daphni, duoque Altaria Phæbo.

verum Altaria, & Aræ non Diis tantum, sed & Principibus erigebantur. Quoniam olim Reges, Imperatores, Augustæ, ac interdum Tyranni, a Subditis, pro Diis culti fuere, & ipsi pro infana sua ambitione, atque superbia, divinos sibi honores arrogarunt, idcirco passim legimus in historia, Tempia, & altaria ipsis fuisse ædificata, & consecrata, ut Alexandro Magno ad Tanaim, Augusto in Palatino, Hadriano in æde Jovis Olympii, Elagabalo Romæ. De *Aræ* vid. Berthaud, du Mesny, alique.

ORBICVLVM. Globum, ni fallor, intelligit, qui Universi dominationis est Typus; quique nostris adhuc temporibus in Imperatorum signis, & imaginibus visitur, ac in nummis potissimum Constantini, & successorum. Altarium cum Orbiculo occurrit in nummis Crispi, atque Constantini junioris.



Ædícula verò, altarium, & Columellæ, in nummo M. Aurelii in Græcia cuso, apud eundem pag. 239. in quo Tetrastylum, & Columella, cum Victoriolæ signo.



Or

ET CETERA. Depravatè Muratorius ET CRATERAM.

I. D. D. D. Quatuor istas siglas numquam alias vidi; nemo explicat. Puto legendum *Fussu Dei Dono Donavit*: at nihil affirmo, eruditorumque iudicio sententiam meam relinquo.

PR. VIG. *Præfectum Vigilum.*

SVB. PR. *Sub Pratore.*

TRIB. *Tribunus Cohortis Secundæ vigilum pridie kalendas Augusti, sive die 31. Jul.*

APRO-

APRONIANO. ET. BRADVA. COS.

Cassius Apronianus ; *Petavius Braduam* appellat *M. Atilium Metellum* ; *Almelovenius M. Atilium Metellum* ; at ego *M. Atilium Braduam* , rejeeto *Metilio* , suppreſſoque *Metello* , appellatum fuiſſe opinor , I. quia *Bradua* Cognomen- tum , ignotum *Metellis* , atque *Atiliis* fuiſſe probat , ſilentium Auctorum , qui de Familiis Romanorum ſcripſere . II. quia no- minum Analogia , me in ſuſpicionem inducit , verum *M. Atilii* nomen , geminatum fuiſſe ab *Amanuenſibus* . III. quia laudati Faſtorum col- lectores , nullum aſſerunt Auctorem , qui eo- rum ſententiam tueatur .

HAERCVLANIO . *Herculano* , Dele in *Muratoriana* , poſt COS. litteram illam A , quæ nunquam extitit in Saxo originali . Ad- verte etiam , litteras

ESEPSEVEROPER

nempe *ImperatorE SEPTIMIO SEVERO PERtinaci* , recens eſſe reſtitutas , atque ad Saxum ibi jampridem effractum , ab ali- quo erudito Viro accommodatas ; quod ablep- ticum *Muratorii amanuenſem* fugerat . Sic , ubi poſuit *Tetraſtilum* , ſcribe *Tetraſtilium* : ubi *Herculano* , *Hærculano* . Notæ inſuper apud eundem diviſæ V . A . , conjungantur VA . hoc eſt *Veterano Assignato* . Hoc pacto has Notas interpretati ſunt *Valerius Probus* , & *Manutius* . Ex iis fuiſſe puto , quibus , cum per viginti annos militaſſent , Duces , agros Reipublicæ aſſignabant .

Quod attinet ad annum , votum iſtud ſuſce- ptum crediderim ante *Parthicam Severi* expe- ditionem , immo vix interfecto *Didio Julia- no* , ac dum *Severus* cum exercitu *Romam* contenderet . *Parthi* enim in ditionem ab eo redacti ſunt anno C. 200 . *Tib. Claudio Seve- ro* . C. *Aufidio Victorino Coſſ.* (uti ex lapide a *Rodulphino* venuto V . C . illuſtrato) octo ſcilicet annos poſt *Aproniani* , & *Bradua* Con- ſulatum . Votum , his conſulibus ſolutum , *Seve- ro* jam ad Imperium evecto , manifeſtè *Mar- mor* iſtud noſtrum declarat , in quo Imperato- ris , & *Auguſti* tituli , & *Pii* , *Felicis*que co- gnomenta tribuuntur ; ideſt PR. KAL. AVG. A.C. CXCI. quomodo igitur a ſingulis , quot- quot extant de *Sept. Severi* geſtis *Scriptori- bus* , tum *Hiſtoricis* , tum *Chronologis* aſſir- mari potuerit , *Severum Imperatorem* a *Se- natu* conſalutatum A. C. cxciii. , haud per- cipio . Item , ſi *Severus* regnare cœpit , anno ſal- tem cxcI. (uti conſtat ex noſtro Lapide) obiit verò ut iidem aſſerunt Anno cccxi. , non regna- vit ergo Annos xvii. Menſes ii. dies xxv. , ſed annos circiter xxi. Quo pacto poſſit hic nodus expediri , nescio . Nam , *Severi* ætatis annos ultra Lxvi. protrahere , *Dionis* , *Spartiani* , at- que *Herodiani* authoritati repugnat . Inſcri- ptionem fuiſſe , *Severo* nondum Imperatore , poſitam , credat *Judæus Apella* . *Marmor* denique tanquam mendosum , immo ſpurium , eſſe reiiciendum , gratis , nimisque confiden- ter affirmaretur , cum nullum in eo fraudis , aut falſitatis inditium deprehendatur . Hoc unum ſcio ; *Lapidum* teſtimonio , *Hiſtoriæ* *Chronologiam* interdum emendari .

6.

I . O . M .
ET . SOLI . DIVINO
ET . GENIO
VENALICI
Q. IVLIVS . MAXIMI
LIB . FELIX .
CVM . IVLIA
Q. F . ROMANA
CONIVGE . LIB . ANIM^{ENS}
VOT . SOLVIT
IMP CAESAR . AVGGER^{ENS}XII
SER . CORNELIO . DOLABELLA . COS

ET . GENIO . VENALICI. Genio *Venalicii*, loci scilicet, ubi homines a Mangonibus vendebantur; seu Genio *Venaliciorum*, aut *Venaliariorum*, *Venaliariam* exercentium. Hoc mercaturæ genus memorat Ulpianus. l. 73, §. ult. ff. de legat. 3. *Eam*, inquit, qui *Venaliariam* exerceat, puto suorum facile continere velle ejusmodi mancipia. Mangonum servi erant *Venalicii*; idest eorum, qui homines in Catastis servabant vendibiles, quorum nota erant gyptati pedes. Tibullus lib. 2.

..... quem saepe coegit.
Barbara, gyptatos, ferre Catasta pedes.

& Ovidius Amor. lib. 1.

*Nec tu si quis erit capitis mercede redemptus
Despice gyptati crimen inane pedis.*

De Catastis, eorumque diversa significatione confer Juvenalis, & Persii Scholiast., Pamelium ad Cyprian. ep. 33., Baronium in Not. ad Martyr. 16. Mart., & Gallonium de cruciat. SS. MM. ad hæc Prudentii carmina in Hymn. D. Vincentii.

*Audite cuncti, clamo longe, ac prædico.
Emitto vocem de Catasta celsior.*

Genio igitur loci ubi extabant puerorum,

hominumque venalium Catasta, votum solverunt Q. Julius Felix, & Julia Romana. In his locis h. e., *Venaliis*, tituli aliquando pingebantur, uti Petronius innuit in Satyr. cap. 29. *Erat Venalitiū titulis pictum, Et ipse Trimalchio capillatus, caduceum tenebat;* quos titulos, non solum in Venalitiis pingebant Mangones, verum etiam collo aptabant vendundi Mancipii: hinc Propertius.

*Ab quorum titulus per barbaram colla pendit
Calati medio cum saliere foro.*

Lucii Valerii Zabdæ Mercatoris Venalici mentio est in duabus, diversis tamen Inscriptionibus, apud Jacobum Mazzochium p. 99., & apud Gruterum p. 411., Genii vero Venalici p. 8. num. 3. & 5.

I . O . M . ET
GENIO . P . R . ET . VENALIC
L . L . RVBRI . ANTIOCHVS
ET . HYMNVS . ET . CC
LAPPI . MVTVLVS . ET
RVFVS
VOTVM . SOLVERVNT . L . M
L . VERGINIO . RVFO
C . MEMMIO . REGVLO^{COS}
E I . O . M .

I. O. M. ET. GENIO

VENALIC

(sic) PACILIVS. CERDO

VOTVM SOLVIT

NERONE. CAESARE

AVG. IIII

COSSO. LENTVLO. COSSI. F. COS

ENS

LIB. Tres superiores literas, ineptè a Quadratario sic collocatas, omisit Gruterus.

ANIM. *Libens animo*, esse legendum censeo: Hanc, hoc pacto expressam, votum solventis, formulam, habemus alibi. Item VOTIVITATE ap. Gorium

VOTIVITATE ET TOTA MENTE D

EVOTA GENIVM CVRIAE DEDI

CATVM IN ISTATVAM

CVRIA &c.

De Genio autem Iocorum, vide Not. ad Inscrip. sub num. 28.

IMP. CAESAR. &c. h. e. Imperatore Flavio Domitiano Augusto Germanico, XII. & Ser. Corn. Dolabella Coss. Anno C. 86.

Deletum in Saxo Domitiani nomen, Faustorum autoritate restituo. Nomen enim, omnesque huiusce Tyranni titulos, Senatus decreto erasos fuisse docet *in vit.* cap. 23. his verbis, Svetonius. *Senatus adeo latatus est, ut repleta certatim Curia non temperaret, quin mortuum contumeliosissimo, atque acerbissimo acclamationum genere laceraret: scalas etiam inferri, clypeosque, & imagines ejus coram detrabi, & ibidem solo affigi juberet: novissimè eradendos ubique titulos, abolendamque omnem memoriam decerneret.* Macrobius similiter *Saturn.* lib. I. cap. 12. *Octobrem, inquit, suo nomine Domitianus invaserat; sed ubi infaustum vocabulum, ex omni ere, vel saxo placuit eradi, menses quoque usurpatione tyrannica appellationis exuti sunt.*

7.

:: VGVST. VICI. IOVIS. FAGVTA ::
 :: MP. NERVA. DIVI. NERVE. F. TRAIAN ::
 :: ICO. PONT. MAX. TRIB. POT. XIII. IMP. VI ::
 :: POLLIONIS. TRIB. PLEB. AED. REG. III. VETVSTA ::
 :: CISTRI. ANNI. CXXI. SVA. INPENSA. RESTITV ::
 :: PHOEBVS. A. NONIVS. A. L. ONESIMVS ::
 :: CALLISTVS. L. VALERIVS. I. EVTICHVS ::

Characterum inconstantia, verborumque confusa, atque perturbata syntaxis, satis probant Inscriptionem hanc ab admodum rudi Quadratario fuisse exaratam. Quid enim sibi vult illud VGVST. VICI? an vici unquam Augusti dicti sunt? An vicus aliquis, Augustus appellatus existit? Quid POLLIONIS? quare non *Pollione Tribuno?* aut *Pollionis tribunatu;* cum scilicet *Tribunus Plebis* esset *Pollio*?

ICO. Germanico. Dacico. Partibico.

IMP. VI.: Combinatio IMP. VI (ajunt Egidius Lacarry, & Sponius) cum Tribunitia Pot. XIII. convincit erroris nummum Occonis, qui Trajani Consulatum V. cum Imperatore, seu acclamatione VIII. conjungit, siquidem anno XIV. & XV. Tribunitia Potest., ejusque

sexti Consulatus, Trajanus erat dumtaxat Imperator VI. At laudati Scriptores lineam tertiam in qua acclamationum numerus enunciatur ob Marmoris fracturam desperatè adeo esse lectionis ignorabant, ut conjectari facile possit Marmor, nunc num. VI. exhibens, VIII. aut saltem VII. tunc exhibuisse. Inscriptio pertinet ad ann. ær. Chr. 109, atque XII. post susceptam a Trajano Imperii administrationem; duodecimum, inquam, non decimumtertium, uti nonnulli autumant Eruditi, qui minus recte annos Imperii ex annis Tribunitia Por. constanter, atque indiscriminatim colligendos esse contendunt. Adi cl. de Vita Diss. X. ubi annum Trib. Pot. ejusdem Trajani XVIII. in Arcus Beneventani inscriptione notatum, cum anno Imperii XVII. scitè conjungit.

PONT.

PONT. MAX. Pontificem Maximum, iudicem atque arbitrum rerum divinarum humanarumque esse docet Festus. De ejus creatione sic scribit Livius lib. I. *Minoribus Pontificibus creatis, Numa Pontificem deinde Maximum Marcium M. F. ex Partibus legit, eique sacra omnia exscripta exsignataque attribuit: quibus hostiis, quibus diebus, ad quæ Tempia sacra fierent, atque unde in eos sumptus pecunia erogaretur: cætera quoque omnia publica, prius atque sacra Pontificis scitis subiecit, ut esset, quo consultum Plebs veniret, ne quid Divini juris negligendo patrios ritus peregrinosque adficiendo, turbaretur.* Mortuo Lepido, qui per vim Pontificatum Max. invalerat, Augustus hanc dignitatem, teste Svetonio, suscepit. Decens autem ei visum est (quod indecens mihi, & turpe) eum, qui totius Imperii possessionem adeptus esset, ipsam quoque supremam Divinarum rerum auctoritatem, quæ hoc Sacerdotio comprehendebatur, habere. Quare post Augustum, omnes Romani Imperatores Pontificatum Max. vel susceperunt, vel se Pontifices Maximos appellari passi sunt, quamvis nonnulli a Pontificis Max. munere abhorrerent. Primus Gratianus Imp. edicto proposito, uti narrat Zosimus, se Pontificem Max. appellari vetuit. Sententiæ huic adversatur Dalenus in *Diff. 2. de Pontif. Max.*, Ausonii autoritate fretus, qui in gratiarum actione pro Consulatu, hæc profert: *unus in ore omnium Gratianus, potestate Imperator, virtute victor, Augustus sanctitate, Pontifex religione, indulgentia Pater, ætate filius, pietate utrumque superat: item sic potius vocentur quæ Tu Pontifex Max. Deo participatus habuisti.* Verum hæc sane parum, forteque nihil probant: nam Ausonius Orationem suam habuit A. C. 379. nempe tribus saltem annis ante Gratiani necem, qui Lugduni vitam amisit A. C. 382., aut 383. Quare igitur, hoc vertente triennio Pontificale munus repudiatum a Gratiano fuisse non credatur? Ut ut res sit, certe his temporibus, Maximum hoc Sacerdotium in Imperatoribus defecit.

HAC, NYMQVAM DEFECTVRA, ILLIS AB HINC DIEBUS, SOLVS IN ECCLESIA DEI FVLGET DIGNITATE ROMANVS PONTIFEX, AD QVAM,

DIVINO AFFLANTE SPIRITV, TOTAQVE PLAVDENTE VRBE AETERNA, HORA IPSA, QVA HAEC EXARABAM, DIE SCILICET XV. FEBRVARII A. D. I. MDCCLXXV. HORA XVI. PROVECTVS EST AMPLISSIMVS S. R. E. CARDINALIS IOANNES ANGELVS BRASCHIVS CAESENAS NOMINE SIBI IMPOSITO PII VI. QVEM DEVS O. M. DIV, BONO PVBLICO, SERVET INCOLV MEM.

AED. REG. III. Ædes Regionis tertiæ (quæ Isidis, & *Moneta* a Sex. Kuso; Isidis, & Serapidis dicitur a P. Victore) vetustate collapsas. At si AEDES legi debet, quot Ædes? num omnes? haud credam. Si AEDEM, aut *Ædificium*, aut *Ædiculam*, quæ ædes, quod ædificium, quæ ædícula a Magistris restituta? Sponius, brevissimis verbis, *Inscriptio*, inquit, *pertinet ad aliquod Ædificium restauratum*; quod & infans biennis intellexisset. Ædiculas sanè a Magistris vicorum restitutas reperimus in Lapidibus frequenter, V. inf. Num. 3.

II CISTRI. *Magistri*. C. pro G. ut in columna rostrata Duillii, ubi LECIONES, MACESTRATOS, PVCNANDO: notum est, ait Gorius, Romanos τὸ G serò agnovisse. Hinc Ausonius

Prævaluit postquam Gamma vice functa prius C.

Intelligi poterat de Vicomagistris (hoc est de Magistris Vici Jovis Fagutalis) quorum quatuor per singulos Vicos creabantur: sed cum hic sermo sit de Ædibus Regionis III., Vicus verò Fagutalis fuerit in Regione X., necessario censendum est ad alios Magistros inscriptionem hanc pertinere; nimirum ad Regionum Curatores, seu Magistros, ab Augusto institutos, quorum munus erat procurare apud Principem Regionum commoda, decorem, & elegantiam Viarum, & Vicorum urbis, atque labentes Ædes restaurare, collapsas restituere, & alia ejusmodi facere.

IOVIS FAGVTAL. *Fagutalis*. Jovis Fagutalis *facellum*, a *Fagu* arbore ipsi sacra, memorat Festus: *Zucum*, Plinius lib. 16. cap. 10. De *Sacello* Gudiana p. 6.

SACEL.

SACEL . IOVIS . OPTIM
 MAX . FAGVTAL . DD
 XV . KAL . IVN . TI . DRVSO . CAESARE
 ET . C . NORBANO . FLACCO . COS
 MAGIST . VIC . XVI . REG . ESQ
 OPVS . COL . PECVN . MVLT . REST

Bonæ Deæ reperio in lapide Fabrettiano cap.x.

BONAE . FAGANAI .
 RVERIA . C . F . FESTA
 CAESILIA . Q . I . CINNAMIS
 MAGISTRAE
 D . P . S .

Cognomentum huic fere consimile datum male Muratorius PAGANAE.

8.

SACRVM . IOVIS
 HERCVLI I . VOTO
 M . VLPIVS , AVG . LIB
 FORTVNATVS
 D . D

Puto legendum *Sacrum Jovi*, sive *Jovi Sanctissimo*, & *Herculi invicto*.

M . VLPIO . plusquam sexdecim hujusce præ nominis, & nominis, Augusti libertos invenimus in antiquorum lapidum Collecta-

neis. Hic extabat quondam in ædibus Marii Delphinii. D. D. *Dono dat*, vel *Dedit*: aliquando legimus D. D. D. *Dono Dedit Donum*. Muratorius, in nomine *Jovis*, supprimit im-
 rito littera S.

9.



SOLI . LVNAE . SILVANO
 ET . GENIO . CELLAE
 GROESIANAE
 M . SCANIANVS
 ZOSA . EX VISO
 POSVIT

Primus in tympano extat Sol, primus nominatur in titulo; Sol enim apud Macro-
 bium Dux, & Princeps, & Moderator lu-
 minum reliquorum, mens Mundi, & tem-

peratio, terræ fecunditatis auctor, mundi
 caput rerumque fator, omnium vitæ auctor,
 Jovis oculus, appellatur; unde argutè Me-
 nander in *Fragm.*

Ἡλίε, σε γὰρ δὲι προσκυνεῖν πρῶτον Θεῶν,
Δι' οὗ θεωρεῖν ἴσθι τοὺς ἄλλους Θεοὺς

O Sol, te enim oportet adorare primum Deorum
Per quem videre licet alios Deos.

Itaque Romani Solem Imperii Dominum dixerunt; uti constat ex antiqua sculptura, in qua hæc extat Inscriptio SOL DOMINVS IMPERII ROMANI. Adi A. F. Gorium in *Gemm. Medic. cl. iv. p. 141*. At de Sole, deque ejus radiato nimbo plura inferius.

LVNAE. Luna quæ & Lunus; vide Inscriptiōnem sub numero 12. Hæc Solis veluti discipula obsequitur cursibus, & prout accedit ad Solem, vel a Sole recedit, crescens, aut senescens, dispensat lucem ideoque semper est instabilis. Cum *Crescenti*, peculiari, immo characteristico Lunæ Symbolo, ac duplici cornu simili, hic, ut sæpe alio visitur: facies tamen bicornis, non ad splendorem semper est referenda; nam aliquando hieroglyphicum est, quo Isis, seu Luna representabatur ab Ægyptiis, apud quos Lunæ statua muliebris duo cornua, vaccæ instar in capite gestabat, cum in vaccam mutata dicatur a Jove postquam cum ea concubisset, ne Juno, re cognita, de ea pœnas caperet: quare ut narrat Herodotus Ægyptiis nefas erat vaccas immolare. Atqui Crescentis figuram, cornu vocabulo indicare mos instabilis fuit præsertim Poetarum. *Virgilius Georg. lib. 1.*

Luna revertentes, quamprimum colligit ignes
Si nigrum obscuro comprehenderit aera cornu.

Sic Phœdræ nutrix apud Senecam in Hippolyto

..... te lucidi vultus ferant
Et nube rupta, cornibus puris eas

Endymionis, Lunæ amasii fabula nota est, quam elucidat, atque ad rem physicam refert Fulgentius his verbis. *Pastorem Endymionem amasse fertur, quod nocturni roris humor, quem aporrbia siderum, atque ipsius Lunæ animandis herbarum succis insudat, Pastoribus prosit succibus*. Si verò Plinium audimus lib. 11. Endymion primus hominum Lunæ cursum invenit,

quod confirmat Alex. Aphrodisæus in *problem.* ubi docet Endymionem rerum cœlestium apprime studiosum fuisse, maximamque diligentiam in eo adhibuisse, ut Lunæ cursum, causamque cur subindè aspectum mutet, investigaret; quia vero interdum dormiret, noctu autem vigilet, Lunæ amoribus indulgere esse dictum. Hanc Dianam, Latonam, Cinytham, Proserpinam, Isidem, Hecatē, Asthartem appellavere Gentiles. Minervam quoque ad Lunam pertinere testatur D. Augustinus de C. D. lib. vii. *Minervam*, inquit, quia eam humanis artibus præposuerunt, nec invenerunt stellam, ubi eam ponerent, eandem vel summum æthera, vel Lunam esse dixerunt: cui adde Arnobii lib. 11. testimonium. *Aristoteles vir ingenio præpotens, atque in doctrina præcipuus, Minervam esse Lunam, probabilibus argumentis explicat*. Diogenianus tandem in Proverbiis, *Minerva, Diana, & Hecate, seu Proserpina unum, atque idem esse consentur*. Multiformem hanc Deam coluerunt etiam prævaricatores, insanique Israelitæ, eamque cœli Reginam vocarunt, cui placentas offerebant; constant hæc ex Altissimi, per Jeremiam Prophetam, questibus vii. 17. 18. *Nonne vides, quid isti faciunt in civitatibus Juda & in plateis Jerusalem? Filii colligunt ligna, & Patres succendunt ignem, & mulieres conspergunt adipem, ut faciant placentas Reginae Cœli, & libent D'is alienis*. Ex his Judæos moris hujusc studio pertinaci ductos fuisse discimus, quod palam professi sunt, rituque jam dicto Cœli Reginam, Lunam nempe, vel invito Jeremia colere statuisse. Responderunt autem Jeremia ... *Sermonem, quem locutus es ad nos in nomine Domini, non audiemus ex te: sed facientes faciemus omne verbum, quod egreditur de ore nostro, ut sacrificemus Reginae cœli, & libemus ei libamina, sicut fecimus nos, & patres nostri, reges nostri, & principes nostri in urbibus Juda, & in plateis Jerusalem; & saturati sumus panibus, & bene nobis erat, malumque non vidimus. Ex eo autem tempore (execrandum Judæorum, in Deum, perpende convitium) quo cessavimus sacrificare Reginae Cœli, & libare ei libamina, indigemus omnibus; & gladio, & fame consumpti sumus. Quod si nos sacrificamus Reginae Cœli, & libamus ei libamina: numquid sine viris*

nostris facimus ei placentas, ad colendum eam, Et libandum ei libamina? cap. XLIV. 15. 16. 17. 18. 19. Placentas has, effigiem stellæ cujusdam magnæ, quam nomine Reginæ cœlorum honorarint, retulisse, Salomon Jarchi scribit. Lyranus panes fuisse asserit rotundos, in quibus expressa fuerat imago Lunæ, aut Stellæ. Hujusce Reginæ cultum illustrarunt Jo. Frischmuthus, Conradus Dietericus, Ursinus, Spencerus: at confer Daniele Huetium in *Dissert. de Gad, & Aleni*, ad illustrationem, *Esaiæ* LXV. 11.

SILVANO. De Silvano, præcipuo inter Deos rusticos verba faciam Num. 29. Hic barbatus, ac senili facie apparet, quemadmodum in ejusdem conspicuæ magnitudinis Statua, quæ extabat olim in ædibus Cardinalis a Balneo, de qua adi Thomasinum *de Donariis* cap. XXVI.

CELLAE GROESIANAE. Ex nomine forte, sive cognomine Cellæ Domini, qui tunc non ipse esset dedicator Scanianus, Groesiani nominis tamen, aut cognominis nulla in lapidibus mentio, neque penes Scriptores; nisi *Gresiana* legatur, absque prima diphtongo: tunc pertinuisse dicam ad Gresiorum familiam, quam commemorant lapides Gruteri, ac Muratorii, apud quos Gresius Aper, Gresius Apolaustus, Gresia Auxesis. Certè nomen est agri, aut fundi, aut domus rusticæ in

qua sita Cella Groesiana; quo vocabulo omnis intelligitur locus in quo quid reponitur. Veteres, cellas vinarias, olearias, pomarias, farinarias, lignarias, casearias habuisse perspicuum est ex Scriptoribus de Re rustica. Hinc *Cellarii*, qui & *Promi* a quod Horatium: hi, in Cellis reposita, custodiebant Plautus in *Capivis*.

Cume, posce, prome quod vis, te facio Cellarium.

lege T. Popmam *de Oper. serv.*

GENIO. Cum omnia in tutela Geniorum essent, cellæ quoque Genium custodem habebant, uti ex hoc nostro Lapide, unico (quod sciam) in quo de *Genio cellario* sit sermo.

SCANIANVS. Nunquam, hæcenus Sciani nomen legi. *Scanianiam* fœminam nominat Gruterus p. 932.

L. ANTONIUS. P. F. CELER. SIBI. ET
SCANIANIAE. STACTINIS. L. GEMELLAE
ET. AMETIAE
RESTITUTAE

Nostrium hunc lapidem retulit etiam Reinesius, sed GELLAE scribit pro CELLAE; & quod ridiculum est 2020 pro ZOSA. vid. Cl. 1. num. 278.

IO.

CL. IULIANO. P. V
PRÆEF. ANNON.
TI. IVL. BALBILLVS
S. SOLIS. DED. XIII KAL
FEB. L. ANNIO FABIANO
M. NONIO. MVCINO CoS

Inscriptio huic omnino similis extat apud Gruterum pag. 313. 6.; altera vero, ad eundem Cl. Julianum spectans, pag. 32. 6.; at hujuscemodi

SOLI . SACR . PRO . SAL
CL . IVLIANI . P . V
PRAEF . ANNONAE
TI . IVLIVS . BALBILLVS
S . SOL . DED . XIII . KAL
FEB . L . ANNO . FABIANO
M . NONIO . MUCIANO . CoS

Ex hac igitur , & ex Capitolina constat Balbillum Solis sacerdotem , eo anno , eoque die , quo votivam SOLI pro Juliani salute inscriptionem dedicaverat , titulum quoque in honorem ejusdem Juliani posuisse , nimirum A.C. 201. die xx. Januarii , imperante Severo . Sed & tertiam , iisdem Fabiano , & Muciano Coss. die vero xiiii. Januarii , marmoream excivasse basim Numisiae Maximillae Virgini Vestali Maximae , liquet itidem ex Grutero p. 310. 6.

NVMISIAE . MA
XIMILLAE . V . V .
MAX . TI . IVL . BAL
BILLVS . S . SOLIS
DED . IDIB . IAN .
L . ANNIO . FABIANO
M . NONIO . MUCIANO . CoS

Cum autem Balbillus , tot Lapides aliis dedicasset , ab Amicis tandem , ut sibi ipsi Bases dedicarentur , meruit , quas retulit Mazzochius in *Epigr. Ant. Urbis* . Prima , in *Reg. Parionis*

TI . IVL . BALBILLO . SAC . SOLIS
EVTYCHES . AVGG . LIB . OFICI
NATOR . ASTATVIS . AMICO
OPTIMO ... DEDIC . KAL . IAN
P . CORNELIO . ANVLLINO . II
ET . M . AVFIDIO FRONTONE . CoS

secunda in *Reg. Transiberina*

TI . IVLIO . BAL
BILLO . S . SOL
ALAGABALI
EVDAEMON . LIB
PATRONO
OPTIMO

Patet ex hoc saxo Julium Balbillum Sacerdotem fuisse Solis Elagabali : at , cum Inscriptio Capitolina ad A.C. pertineat 201. , Templum vero Solis sub Elagabali nomine culti , ab infami illo Antonino Heliogabalo consecratum fuisset in Palatino A.C. 219. , censendum est Balbillum , jam antea Solis Sacerdotem , deinceps Solis Elagabali Palatini Ministrum evasisse sub ipso , Solis Elagabali , summo Sacerdote , Antonino , qui se talem fieri decreto Senatus jussit , itaque veste barbara , Syrorum Sacerdotum more utebatur , Capitolinus , & Lampridius , de hoc Syrorum Idolo dubitavere Sol ne esset , an Jupiter ; verum omnem dubitationem tollunt Lapides in quibus conjunctim SOL ALAGABALVS nominatur . Dio deinde & Herodianus "Ἡλιον , Solem sine ulla hæsitatione interpretantur . Qua vero mentis insania , impius Imperator , Dei sui nuptias excogitaverit , Numenque ipsum coegerit , ut repudiata Minerva , Uraniam uxorem duceret , tradit his verbis Herodianus : *Negans autem cordi esse suo Deo belligeram uxorem , atque armatam , simulacrum Uraniae jussit afferri , quod scilicet Carthaginiensibus , omnique Africa incredibilem in modum venerabile positum fuisse a Phœnissa Didone creditur , quo tempore antiquam Carthaginem , dissecato corio , edificavit , Hanc Afri , Uraniam vocant , Phœnices Astroarchen , Lunam esse affirmantes : congruere igitur aiebat Elagabalus matrimonium Solis & Lunae . Itaque , & simulacrum afferri jussit , & auri quicquid in templo erat pecuniamque Deo suo dotis nomine dari praecepit . Quod ubi allatum est , ac prope Heliagabalum constitutum , jussit urbe tota , Italiaque festos dies celebresque , & latitiae plenos , publice privatimque quasi Dinubentibus agitari ,*

P . V . Perfectissimo , aut Primario viro . De Perfectissimis , alibi .

PRAEF. *Præfectus Annonae* . Annona in urbe penes Aediles erat , quorum curæ commissum , ne populus fame premeretur . *Illata in urbem* , ait Tiraquellus in *Alex. Neap. G.D. lib. iv. cap. 4. per Præfectos dividebatur* . Unde convehetur , *controversum* inquit Dempster . in *Rosin. A.R. l.vii. At controversiæ fundamentum non video ; nam notum est perditum Siciliam , atque*
Sar-

Sardiniam Romanorum Horrea fuisse denominatas, quamvis Martialis Sardiniam pestilentem faciat lib. iv.

— cum mors

Venerit, in medio Tibure Sardinia est

De utrâque insula audiatur Lucanus Pharf. lib. iii. ubi *annum, pro annona.*

*Utraque frugiferis est insula nobilis armis,
Nec plus Hesperiam longinquis messibus ullæ,
Nec Romana magis complerent horrea terræ,
Ubere vix glebæ superat, cessantibus austris
Cum medium nubes Borea cogente sub axem
Effusus magnam Lybia talis imbris annum.*

Devicta postea Carthagine, ex Africa, & Ægypto frumenta in urbem illata constat ex Hittoricis. Lampridius in Commodus: *Classem Africanam instituit, quæ subsidio esset, si forte Alexandrina frumenta cessassent.* Plinius in Paneg. *Discat Ægyptus, credatque experimento non alimenta se nobis, sed tributa præstare.* Spartianus denique de Severo in Pescennio Nigro. *Tantum sanè illud fecit proficiens, ut Legiones ad Africam mitteret, ne eam Pescennius occuparet, Et fame populum Romanum perurgeret.*

MVCINO. Sic in lapide: *Muciano. Cæterum, Inscriptionem hanc vulgavit Mazzochius, sed pluribus referta mendis.*

II.



𐤀𐤁𐤓𐤕𐤓𐤕𐤓𐤕
 𐤀𐤁𐤓𐤕𐤓𐤕𐤓𐤕
 𐤀𐤁𐤓𐤕𐤓𐤕𐤓𐤕
 𐤀𐤁𐤓𐤕𐤓𐤕𐤓𐤕

FIL. EORVM. *Filius eorum*, quod per-
raro in vetustis Lapidibus legitur.

CALBIENSES. Quinam fuerint in Militia Romana *Calbieneses*, bis investigavit Sponius; nempe in *Quæst. select.* Diss. 3. & in *Miscell. select.* 1. art. 1. sed frustra: dicit enim, *Calbieneses, hi sunt incolæ Promontorii Calbii, quod situm est in extremis Hispania partibus.* At ego legendum puto *Calpii*, seu *Calpe*, incolæ scilicet urbis *Calpe* (sic a Plinio lib. 11. cap. 1. nuncupatæ, non equidem *Calbe*) quæ in radicibus Montis ejusdem nominis, in ultimis utique Hispaniæ finibus est sita, alteraque ex Herculis columnis, *Abyla*, Mauritaniam pariter montis, opposita. Pro *Calbensibus* igitur Cohortis 111. milites *Calpetanos* intelligi haudquaquam potest. Quid, si dicamus (levissimè variata vocis lectione) *Calbieneses* a *Calbeis* denominatos? *Calbei* sanè, authoribus Festo, Bartholino de *Armill. vet.* §. vii. aliisque, dicebantur *Armillæ*, quibus triumphantes utebantur, & Milites ob virtutem donabantur. Nonnè milites *Torquati*, a *Torquibus*, ii, quibus Torquis aureus, teste Vegetio de R. M. lib. 2. cap. 7. virtutis præmium fuit? *Calbejenses*, inquis, aut *Calbenses* tunc in saxo scriptum reperiretur: verum hæc mihi obiecturos fore eos non vereor, qui vetustis Inscriptionibus exerciti, norunt in eis menda, isto centies crassiora, nedum similia, quotidie inveniri. Insuper vocabuli hujus varietatem, non meum esse inventum, satis probat quod ubi Festus scripserat *Calbeos*, Svetonius scripserit *Galbeos*: alii inquit in *Galba* cap. 3. quod in diuturna valetudine, *Galbeo*, idest &c. Salmasii, ad hunc locum Nota, meam tuebitur sententiam. *Armillas* etiam vel *Galbea* gestarunt veteres quibus remedia quædam erant inclusa adversus

varios morbos facientia. *Galbeum*, vel *Calbeum*, quod pro ornamento, vel armilla accipiebatur apud veteres, qua virtutis ergo donabantur milites, ita dicebatur a voce Græca καρπιον: unde *carpeum*, & *calpeum*, postea *galbeum*. Hactenus vir doctissimus; quibus adde *Calbeos*, *Calbares* etiam dictos fuisse apud Ducangium. Si ergo *Calbei*, & *Galbei*, *Calpei* & *Calbares*, cur non etiam *Calbieneses* ii qui *Calbeos* essent consecuti? Inscriptio, quam *Palmyrenam* dicunt, quamque nemo hactenus elucidavit, mihi sanè obscura nimis; eo magis, quod inenodabilis fuerit ipsi Sponio, cui comparatus, me lentum esse viburnum juxta altissimam cupressum ingenuè fateor. Attamen tantum a me Virum in exscribendis saxis, hoc præsertim Soli dicato, diligentia superatum, pari confidentia assero. Solis vero imaginis, aliorumque anaglyphorum, quæ ad latera Archetypi Capitolini insculpta visuntur, disertissimam, quam mox Lectori præbebit explicationem Auctor doctissimus Volum. xv. *Mus. Capitolin.*

Advertendum denique falsè Gruterum Inscriptioni huic, sequentem in uno Aræ latere addidisse.

L. VMBRICIUS
 PRISCUS
 LIBENS . ANIMO
 D . D


Hæc enim neque in lateribus extat, nec sursum, neque deorsum, neque retrò, sed in alio Marmore. Errat itidem egregius Vir, dum duplicis hujus Inscriptionis testem laudat Jac. Mazzochium, in *Epigramm. antiq. Urb.*, apud quem, de isto L. Umbricio, ne verbum quidem.



ΘΑΓΑΙΒΩΔΩΝΑΙΤΙΛΑΛΑΧΒΗΛΩΠΛΤΡΩΟΙCΘCΘ
 ΚΑΙΤΟCΙΓΝΟΝΑΡΓΥΡΟΥΝCΥΝΤΑΝΤΙΚΟΖΜΩΑΝΩΙΤΑ

ΕΛΡΗΑΙΘΔΩΡΟC·ΛΗΙΟΧΟΥΑΡΙΑΝΟCΠΛΑΛΗΙΡΗΙΝΟ(ΕΒΩΝ)ΛΙΩΝΥΠΙC
 (Ω)ΤΗΙΛΑCΑΥΤΩΛΛΙΤCΙΜΕΙΗΚΑΙΙΤΕΚΝΩΝ(Ω)CΖ·Μ·ΦΜΝΟCΠΜΤΙΟ)

ΕΒΩΝ(ΕΒΩΝ)ΛΙΩΝΥΠΙC
 ΕΛΡΗΑΙΘΔΩΡΟC·ΛΗΙΟΧΟΥΑΡΙΑΝΟCΠΛΑΛΗΙΡΗΙΝΟ(ΕΒΩΝ)ΛΙΩΝΥΠΙC



ΑΓΛΙΒΩΛΩ &c. Sponii versionem, quam vulgavit in *quæst. R. A. Diss. II.* & iterum in *Miscell. E. A. Sectio I. art. I.* accipe.

Aglibolo, & Melach-Belo Dii: Patriis hunc lapidem, & signum argenteum cum omni ornatu

Lucius Aurelius Heliodorus, filius Antiochi Hadrianus Palmyrenus dedicavit pro sua, Uxoris, & liberorum salute anno 547. mense Peritio.

Solem, & Lunam, sub Agliboli, & Malacheli nomine, Syros, præ cunctis coluisse, non est dubitandum. Salmasius, in *Hist. Aug.* commentariis, Solem appellat, *Melachbelum*; Lunam, *Aglibolam*. Verum quia Salmasius (inquit Sponius) nullam certam rationem affert, neque ipsum Lapidem vidit, videntur mihi ad rem magis accedere, qui Aglibolum Solem esse pronuntiant; tum quia, primo loco ille nominatus est, tum quia effigies quæ est in parte dextera nihil habet quod ad Lunam referatur: Melachbelum autem esse Lunam, quia nominatus est secundo loco, & cum crescenti ab humeris Lunæ forma; quod omnem prorsus dubitationem tollit. Nec obstat, quod Imago indumentum virile præferat, nam audi Spartianum in Caracalla: *Et quoniam Dei Lunæ fecimus mentionem, sciendum doctissimis quibusque id memoria traditum, atque ita nunc quoque a Carrhenis præcipue haberi, ut qui Lunam femineo nomine, ac sexu putaverit nuncupandam, is additus Mulieribus semper inferoiat: at verò qui Deum marem esse crediderit, is dominetur Uxori, neque ulla muliebres patiaturs insidias. Unde quamvis Græci, vel Aegyptii eo genere, quo Fæminam hominem, etiam Lunam Deam dicant, mystice tamen Deum dicunt.*

Numinis hujus, utroque sexu præditi, bis effigiem exhibet doctissimus Gorius in *Gemmis Mediceis*; Tabula scilicet *XL. num. I.* ubi eum vide pileo Phrygio ornatum, & chlamyde, ac sub ejus Protome, Lunam enascentem. Perlege, si vacat, quæ de hac singulari, egregieque elaborata Imagine (olim Musei Victorii) differit, celeberrimus ille Rerum antiquarum *Ædipus*.



Et Tabula *xiii. num. 2.* ancipiti specie, maris, & fæminæ sculptum



ΠΑΤΡΙΩΙ ΘΕΟΙΩ. Patriis Diis. Quælibet gens, & regio suum sibi vindicabat Numen, & quidem Tutelares Deos habebat, qui locorum quorundam tutelam, & curam in se recipere credebantur, posthabitis aliis gentibus, & regionibus: quod Diabolus Dei simius ex sacra Scriptura hausit. Nam cum ibi verus Deus vocetur *Deus Judæorum*, Deus qui cum solis Judæis fœdus pepigisse dicebatur, Deus qui posthabitis aliis populis, Jacobo statuta sua tradiderat, illique curam suam adligaverat, Deus qui in medio Hebræorum habitabat, qui ibi tabernaculum suum fixerat, Deus qui Sionem, & Hierosolymam elegerat, qui scilicet Hierosolymis domicilium suum, & sedem collocaverat: hinc factum quod Ethnicorum Dii unam gentem elegerint

crederentur, & neglectis aliis, illi unice favere, illam semper fovere præsentia sua. Sic *Astarte* fuit Dea Syriæ, *Dafares* Arabiæ, *Tibilenus* Noricorum, *Uranus* Africanorum, *Deloventinus* Crustumientium, *Viridianus* Narniensium, *Ancaria* Asculanorum, *Nursia* Vulturniensium, *Valentia* Utriculanorum, *Nortia* Sutrinorum, *Curis* Faliscorum, *Faunus* Latinorum, *Sanctus* Sabinorum, *Quirinus* Romanorum, *Mavrica* Minturnensium, *Belenus* Aquilejensium, *Laphysius* Orchoemeniorum, *Molpadia* Cheronensium, *Tenes* Tenediorum, *Alabandus* Alabandienfium, *Minerva* Atheniensium, *Juno* Argivorum, *Venus* Cypriorum, *Vulcanus* Lemniorum, *Dionysus* Naxiorum, *Apollo* Delphorum, *Lagina* Carum, *Tanfana*, *Velleda*, *Aurinia*, *Tuisco*, *Mannus*, Germanorum, & sic de cæteris. Hinc Virgilius.

Dii Patrii quorum semper sub numine Troja est.

ΣΙΓΝΟΝ ΑΡΓΥΡΟΝ *Signum* h.e. *Statuam argenteam*, neque ex argento, credo, sed deargentatam. *Signum*, vox est Romana, hic græcis literis inscripta, quod probat, Marmor, non Emesæ positum, uti aliqui credunt, sed Romæ.

ΕΚΩΝΙΛΙΩΝΤΙΚ &c. *pro sua, Uxoris, & liberorum salute*. Hæc, Heliodorum, cum suis, ex gravi aliquo periculo, incolumem evasisse indicant.

ΕΤΟΥΥΖΜΘ. Anno DCLVII. Quem cum Anno Christi 236. cumq. C. Julii Maximini Aug., & C. Julii Africani consulatu secundum Aeram Syriacam congruere, Scaliger author est.

ΜΗΝΟC ΠΕΡΙΤΙΟΤ. *Mense Peritio*: mensis iste Macedonicus, nostro respondet Februario, cujus Eusebius, & Suidas meminere. ΜΝΟΕΠΡ. ΙΤΙΟΤ. (quæ nihil significant) scribunt Liplius, nimisque Smetii verbis addictus Jac. Gruterus. Hi sane, aut lapidem non viderunt, aut incuriosè.

𐤒𐤓𐤕𐤓. &c. Hanc (quam Palmyrenam dicunt) inscriptionem, ita enucleavit

Samuel Petitus, in Epist. ad Peireschium, anno 1632.

Senectus mea titubat, pedes labant; fervum tuum tristitia pressum, in potestatem suam Dæmon lucis pertraxit: Servus tuus vinculis obstrictus est, & male habitus; ejus domum in magnum discrimen incidit: tua miseratio se se effudit, saxosa, ac desertæ loca, cujusmodi est ad Memphim iter (quod indicat qualis fuerit Zenobia tempore Palmyræ situs, atque vastatio) irrigavit: quid quid in summis calamitatibus constitutus concupivi, id mihi copiosissime contigit: umbra tua potens est, ac misericors, quare perpetuus tibi stabit honos, cujus in sacris mensuram (scilicet vini vel alius cujuspiam liquoris) quotannis fundam.

Ejusdem Petiti interpretationem alteram edidit Sponius loc. cit. nempe

Fremuit senectus vacillavit planta, pedis, sub vola itaque Dæmonis lucis indigena tuus mæstus fuit, splendere squalor ejus, ligatus est ipse, age, projice; Domus in summo periculo constituta est, abundavit asser mansuetudinum irrigans petras, sive solitudines, quemadmodum quod Memphim ducit iter. Datum abunde est quid, quid in universum desiderabat angustia. Summè misericors est umbra tua, portio æterna Hemina, ad libationem.

At Petiti interpretatio, licet ab eruditissimo, atque linguarum Orientalium peritissimo Viro exarata, non placuit doctissimo Antonio Gallandio. Quæ enim amabo te (hæc Sponio scribit) in dæmoni sententia potest? Quid sibi vult hic Dæmon lucis? Quid Memphi cum Palmyra? Advertit insuper Phœnicum literas esse tantum duas, & viginti, inscriptionem verò ex viginti & octo, & amplius constare. Incredibile etiam Gallandio videtur omnia prorsus Interpretis verba, duabus dumtaxat lineis contineri; quam tamen obiectionem non magni faciendam censeo, cum sit doctis exploratissimum, ex Orientalium linguis, quasdam esse, in quibus unica aliquando litera, integrum continet sensum. Libentissime dumtaxat audiret quibus libris, quo vocabulorum indice Petitus usus fuerit, ut has literas cognosceret, quæ, inquit, neque Hebræa sunt,

neque Syriacæ. Suam ideo Epistolam Gallandius hoc pacto concludit. *Equidem putarim harum ignotarum vocum eam sententiam esse, quæ Græcorum. Occurrunt enim aliæ quoque multe Inscriptiones simul conjunctæ Græcæ, latinæque, idem prorsus significantes.* Hactenus vir summus in cuius sententiam, an pedibus eundum, adhuc, quod sciam, sub iudice lis est. Gallandius quidem linguarum exoticarum scientia reliquos prætabat: si Inscriptionis literas inextricabiles non credidisset, ipse, eas explanare manibus, pedibus conatus esset. Quod aliæ occurrant, uti affirmat, Inscriptiones latinæ, Græcis conjunctæ, in quibus eadem sententia, duplici sermone, proferatur, exempla in promptu sunt, tum in nostra Annæ Regillæ, de qua inferius, tum penes lapidum Collectores, ut apud Gruterum pag. 49. inscriptio *Herculis*, apud Mazzochium, & Ignarram, *Vespasiani*, apud Muratorium *Dianæ Ephesinæ*, ac *Deæ Nemesis*, apud amicum Martorellium in *Theca Calam.* p. 438. Verum, & Samuelem Petitem, earumdem linguarum Orientalium peritissimum fuisse testantur nonnulli. *An doctis imponere voluit?* inquit Gallandius; an ipse deceptus fuit? *Hac de re ut Sponii verbis utar, litteratorum hominum iudicium esto.* Interea notandum (si mihi tamen meas, cum tantorum Virorum observationibus fociare fas est) quod

in Petiti interpretatione, Heliodorus singulari loquatur numero, *Tua miserasio. Umbra tua. Perpetuus tibi bonos. Cujus in sacris.* At cum votum Soli pariter, & Lunæ fecisset, nonne utrisque sermonem convertere debuerat? Peccat haud dubio iterum Petitus in Chronologia, dum Marmor ad Zenobiæ tempora refert, quod Alex. Severi temporibus erat referendum, sicut ex Anno ab ipso Marmore enunciato colligitur, nempe 547. *Æræ Syriacæ.* Cæterum Lapis iste, qui vineam ornabat olim Rodulphi Pii Card. Carpenfis (perperam Sponius *Carpinæ*) nunc in ædib. Capitoli. adservatur. Advértendum denique Marmor a Sponio descriptum differre ab eo, quod Lipsius, ac ex Smetio, Gruterus, ediderunt; apud quos etiam, Inscriptionem, mendis redundantem invenies. Veram igitur Inscriptionis lectionem, (ut de Anaglypho, ab eodem Sponio incuriose nimis efficto, taceam) hanc meam esse affirmare non dubito; nam lapidem ipsum egomet, ad verbum, summa, incredibili fere cum diligentia delineavi, literasque a me discriminatim exscriptas, cum literis Autographi non semel comparavi.

Inscriptio extat in ipsius Anaglyphi basi; sed ut eam Lector commodius conspiceret, grandiusculis characteribus cælari, ideoque seorsum imprimi curavi.

13.

M. DM. ET ATTIDI
L CORNELIVS SCIPIO
ORFITVS. V. C.
AVGV. EX VOTO
TAVOBOLIO SIVE
CHRIOBOLIO FACTO

(sic)

M. DM. *Magna Deum Matri.* Cybeles, Dea Pessinuntia, Berecynthia, Mater Idæa, Metragyrtes &c. vocabatur hæc magna Deorum mater.

ET ATTIDI; Qui modo *Attis*, aut *Attin*, modo *Atys*, aut *Attys* nominatur. Inter-

dum vero *Minotyrannus*, & *Menotyrannus*, nempe *Dominus mensum*. Hunc sacris suis præfecisse Cybelem, ea lege ut perpetuo castitatem servaret, fabulantur Poetæ: at cum postea Sangaritidem formosam Pessinuntis nympham compressisset, ab irata Dea est in furorem actus, cumque manus sibi afferre

H

co-

conaretur, in Pinum arborem conversus est: hinc Ovidius *Met. lib. x.*

*Et succincta comas, hirsutaque vertice pinus
Grata Deum matri; siquidem Cybelejus Atys
Exiit hac hominem, truncoque induruit illo.*

Pausanias tamen, Eusebius, Diodorus, Arnobius, longe ab hac diversam amorum Cybelis Atysque peripetiarum ordiuntur Histo-

riam, ipsamque Deam infansisse tradunt, domoque paterna egressam, solam cum fistula, & tympano, sparsis crinibus totam regionem peragrasse dementatam. Anaglyphum celebris Arae in atrio Cæsaris domus olim extantis subijcio, in quo Cybeles turrata, a leonibus vecta, dextra spicas, sinistra tympanum tenens repræsentatur; cui contra Atys pinui innixus, brachchatus, Phrygioque more pileatus, tympanum pariter gestiens.



Ad hujusmodi figurarum intelligentiam verba Macrobiï afferam *Sat. lib. i. cap. 21.* Quis enim, inquit, ambigat Matrem Deum terram haberi? Hæc Dea leonibus vehitur, validis impetu ac feroore animalibus, quæ natura cæli est, cujus ambitu aer continetur, qui vehit terram. Solem vero sub nomine Attinis ornant fistula & virga. Fistula ordinem spiritus inæqualis ostendit: quia venti in quibus nulla æqualitas est, propriam sumunt de Sole substantiam. Virga potestatem Solis asserit, qui cuncta moderatur.


L. CORNELIVS. Bis hunc L. Cornelium Scipionem Orfitum se Tauroboliasse liquet ex Lapidibus, quorum alter, præter Capitolinum, ad eundem Scipionem Orfitum pertinens, variæ tamen lectionis, extat apud Antonium Dalemum *de Origine ac ritibus Sacri Taurobolii* cap. III. & apud Thomam Dempsterum *in Paralipom.* ad Rosin. *Antiq. Roman.* lib. XI. cap. IV.

M. D. M. I. ETATTINIS
L. CORNELIVS. SCIPIO. ORFITVS.
V. C. AVGV. TAVROBOLIVM
SIVE. CRIOBOLIVM. FECIT.
DIE. III. KAL. MART
TVSCO. ET. ANNVLINO. COSS

eundem esse puto, qui postea A. C. 172. Consulatum gessit cum Claudio Maximo, imperantibus M. Aurelio, & Ælio Vero; alter enim Orfitus, quem Consulem faciunt A. C. 165. Panvinus, & Almelovenius, M. Gavius Orfitum fuisse appellatum affirmant Petavius, diligentissimique Scriptores operis, cui titulus *Hist. univ. par une Société de Gens de Lettres.*

SIVE. Sive pro ET. positum rectè admonet Dalemus: cum hic, inquit, nullum ipsi dedicanti Orfito dubium harere potuerit, an Tauro, an vero Ariete fecisset hoc sacrum.

14.



In Tympano, Solis imago radiata, uti in . videre est apud Carolum Patinum in *Rom.*
nummo Antonini Pij a Rhodiis cuso, quem *Imp. numism.* p. 177.



Radiatum pariter Solem, duasque faces ge- Aleander in *ant. Tab. explicat.* pag. 74. hoc
stientem exhibet doctissimus Hieronymus pacto expressum.



in quo, ait Aleander, puer birco insidens, quasi tener orbis, ac fecundus a Sole temporum moderatore ad Mercurium veris Praesidem ablegatus innovationem anni significare videtur. Dionysius septifidos radios Solis fuisse docet, duodecim Virgilius, qui lib. xii. de Latino Rege, a Sole originem ducente, sic canit.

———— ingenti mole Latinus

Quadrijugo vehitur Curru, cui tempora circum Aurati bis sex radii fulgentia cingunt.

Solis aoi specimen —————

& apertius Martianus Capella

Solem te Latium vocitat, quod solus honore

Post Patrem sis lucis apex; radiisque sacratum

Bissenis perbibent Caput aurea lumina ferre

eo numero duodecim menses designabantur, quibus annuus cursus perficitur, ut patet ex Artemidoro, referente, quemdam qui somniarat, Solem se factum esse, ac undecim insignitum radiis per Forum progredi, consecutum quidem esse dignitatem, ac undecimo Mense obiisse, propterea quod perfectum radiorum numerum non haberet: Solem revera, ad aliorum discrimen Deorum, magnis circumdatum radiis intuemur, cum nullum sit luciferum Corpus, quod projectis a se radiis tantum spatii transmittat, quantum fieri a Sole videmus. Itaque Solem Heraclitus fontem

coelestis lucis appellabat, teste Macrobio in *Sonn. Scip.* lib. i. cap. 20. Soli igitur, libertatis cupidus, disciplinamque militarem ægrè ferens votum voverat Ælius Amandus. Ad dexteram flagellum, ut puto, quod Soli, sive Phœbo equorum domitori, Antiqui tribuerunt. Macrobius enim *Sat.* lib. i. refert, in quadam Asyriæ parte, ubi Sol, atque Jupiter pro eodem colebatur, quoddam fuisse Simulacrum, idemque imberbe, quod protensa dextra Aurigarum more flagrum gestaret, uti eum recte effinxit Vinc. Chartarius. At quoniam monumentis, magis quam verbis fidem habemus, Gemmam hic ex Mediceis subijcio, in qua Solem, in medio coelestium Signorum flagrum agitantem, conspicimus.



ACCEPTA . HONESTA . MISSIONE .

Honestâ missione dimittebantur Veterani, quibus emeritis stipendiis debitæque militiæ impleto tempore indulgebatur, iis scilicet, qui per annos xx. in legione, vel qui quinquagesimum ætatis annum excessissent. Hæc perpetua erat, & cum privilegiis, atque a Duce exercitus, vel Principe, vel Senatu dabatur. Attamen debitum tempus deinceps variavit sæpè, uti constat ex lapide Gruteriano, in quo mentio fit cujusdam L. Ælii Fabii, qui MILITAVIT LEGIONE . XVI . IN . GERMANIA . ANN . XXII . Totidem militaverat annos Spurius ille Ligustinus, qui apud Livium lib. 42., jure, his verbis, de Duce sibi missionem deneganti, conqueritur : *vigintiduo Stipendia annua in Exercitu emerita habeo, & major sum annis quinquaginta; quod si mihi nec stipendia omnia emerita essent, nec dum ætas vacationem daret, tamen, quum quattuor milites pro me uno dare possem, æquum erat me dimitti.* Alia extat inscriptio, quam refert Salmasius ad hunc Svetonii locum in Ner.: *detecta facie agnitus est a quodam missicio Prætoriano, & salutatus; alia, inquam, extat inscriptio, ex qua colligitur, milites istos, honesta missione misso, Missicios fuisse aliquando vocatos.*


TRIB. LEG. XI. AVG.
ET MISSICIVS
LEG. VI. AVG

EQ. SING. AVG. *Eques Singularis Augusti, five Augustalis, ac rectius Augustanus, uti ex Tacito. Equites isti Augustis familiares erant, illisque assistebant. In Taciti Ann. lib. xiv., hæc: tuncque primum conscripti sunt (a Nerone) Equites Romani, cognomento Augustanorum, ætate, ac labore conspicui, & pars ingenio procaces, alii in spe potentiæ: hi dies, ac noctes plausibus personare, formam Principis, vocemque Deum vocabulis appellantes, quasi per virtutem clari, honoratique agere. Equites Singulares, & Mi-*

lites *Singulares* fuisse, constat ex Cassiodoro, & Pancirolo, aliisque.

M. VLPIVS VIATOR
T. AVR. SCRIBONIVS
P. AELIVS DECIMIVS
AELIVS. VERNVS.

Equites singulares Augusti nominantur in vêtustis Lapidibus. Ælium igitur Amandum Antonini Pii equitem *Singularem* fuisse liquet ex anno consulatus Tertulli, & Sacerdotis, id est Q. Flavii Tertulli, & Licinii Sacerdotis qui eum gesserunt A.C. 158. Ab hoc Tertullo nomen traxisse SCVM Tertullianum, quo Matres ad legitimam Filiorum hæreditatem admittuntur, autumat Almeloventius in Fastis. Sed rectius Nicolaus Tortorellius *Degli antichi Giureconsulti Romani* lib. 2. cap. 15. hoc S.C. tribuit Cornuto Tertillo, qui A.C. 101. Imp. Vlpio Trajano subrogatus, cum C. Plinio Secundo Consul fuit. Vide Brissonium, & Calvinium, apud quos hoc S. C. non *Tertullianum*, sed *Tertillianum* vocatur. Tertullus noster, iterum cum Q. Junio rustico Consul creatus, ex adulteris fuit Faustinae M. Antonini Philosophi uxoris, quod tradit Capitolinus. *Crimini ei datum est, quod Adulteros uxoris promoveret, Tertullum, & Utrilium, & Orphitum, & Moderatum, ad varios honores; quum Tertullum etiam prandentem cum Uxore deprehenderit, de quo Mimus in Scæna, præsentem Antonino dixit, quum Stupidus nomen Adulteri Uxoris a Servo quæreret, & ille diceret ter TVLLVS, & adhuc Stupidus quæreret, respondit ille: Jam dixi TER; Tullus dicitur. Hoc anno, hoc est Tertullo, & Sacerdote Coss Decennalia secunda Imp. Antonini Augusti Pii more majorum facta sunt, atque Agones Capitolini celebrati: alterum Licinium Sacerdotem, nostri fortasse nepotem, ac cum Hellogabalo Consulem A. C. 219. commemorant Fasti, aliumque laudabimus in Inscriptione inferius.*



Pulcherrimus hic Lapis extabat olim in Vaticano : hunc primus divulgavit Marchio Scipio Maffejus : extat modo in Atrio Musei Capitolini, humi, ad introeuntium laevam. Romam, anno V.C. 549. M. Cornelio Cethego, & P. Sempronio Tuditano Coss. *Deorum Matrem*, ex Pessinunte advectam, a Claudia Quinta Vestali in urbem, ex sicco littore ductam, atque a solo Scipione Nasica manibus tactam docent Historici, & Poetae.

SALVIAE. SALVIAE. Quare bis *Salvia*,

ignoro cum omnibus iis, qui hanc vulgarunt inscriptionem, dicamque cum Cl. Muratorio *divinet qui potest*. Solus Ficoronus *Vestig. di R. A. p. 149.* incredibili confidentia, *Salvia* nomen fuisse asserit, non tantum Navis in lapide invocata; sed & *Fœminæ* quæ votum susceperat, quod mihi absurdum videtur; nam votum, a Claudia Syntyche susceptum, perspicuum est ex consimili Musei Veronen-
sis lapide (ab ipso Ficoronio reperto in hortis Cæsarinarum, vulgò *Marmorata*) in quo hoc *Salviae* nomen, semel tantum legimus.

NA-

NAVISALVIAE ET
MATRI DEV DD
CLAUDIA SINTI

Sic; omissa litera M. in DEV. & litera I. in SINTI loco Y.

Lapis iste, quem doctissimo Præfule Francisco Blanchinio tradidit ipse Ficononius, extat adhuc in Museo Veronensi. Idem animadvertendum est in Thef. Murator. Cl. 1. p. 98: ubi Voti susceptor est Q. Nunnus Telephus.

MATRI DEVM
ET NAVISALVIAE
Q. NVNNIVS
TELEPHVS MAG
COL. CVLTO. EIVS

Ex his colligitur Navem ipsam, tanquam Deam Romanis fuisse; propterea laudatus Muratorius, geminas illas voces NAVISALVIAE conjungendas existimavit.

16.

ISIDI. SACR.
CRESCENS
CAESARIS
VESPASIANI
EX. VISO POSVIT

ISIDI. De Iside plerique rerum antiquarum, potissimum mytologicarum Scriptores, mira sane eruditione disseruere; unde nihil post illos mihi suppetit, nisi ut breviter quædam afferam, ex quibus continuo percipiatur qualis, ac quam potens fuerit apud Gentiles, hæc, tot templis, tot sacris, totque mysterioris celeberrima Dea. Isidem ipsam, Apulej verbis, de se loquentem, audiamus. *Mo primigenii Phryges Pessnantiam nominant, Deum Matrem, hinc Austochtones Attici Cecropiam Minervam; illinc fluctuantes Cyprii, Paphiam*

Venerem; Cretes sagittiferi, Dyblinam Dianam; sicut trilingues Siculi, Stygiam Prosperinam; Eleusinii vetustam Deam Cererem; Junonem alii, alii Bellonam, alii Hecaten, Rhamniam alii; Et qui nascentis Dei Solis inchoantibus radiis illustrantur Aethiopes, Ariique, priscaque doctrina pollentes Aegyptii, ceremoniis me prorsus propriis percolentes, appellant vero nomine REGINAM ISIDEM. Consona sunt ista celebri illæ columnæ, cujus meminit Diodorus lib. 1. in qua ætate sua hæc temere insculptaangebantur.

EGO. ISIS. SVM. AEGYPTI. REGINA
A MERCVRIO. ERVDITA
QVAE. EGO. LEGIBVS. STATVO. NVLLVS. SOLVET
EGO. SVM. PRIMA. FRVGM. INVENTRIX
EGO. SVM. ORI. REGIS. MATER
EGO. SVM. IN. ASTRO. CANIS. REFVLGENS
MIHI. BVBASTIA. VRBS. CONDITA
EST
GAVDE. GAVDE. AEGYPTE
QVAE. ME. NVTRISTI

Addas velim ad hæc, ipsius pariter Isidis verba quæ in ejus templo, teste Plutarco, de Isid. & Osirid., inscripta conspiciebantur: *ἐγώ εἰμι πᾶν τὸ γένος, καὶ ὅν, καὶ ἐσόμενον: Εγὼ sum id omne quod fuit, quod est, & quod*

futurum est. Quare ignoscendum puto Arrio Balbino, quod Isidem omnia esse dixerit in tritissimo quidem, præclaro tamen Capuano lapide, sic a Claudio Nicasio in Dissert. de Numm. Panth. edito.

TE.

TE . TIBI
VNA . QVAE
ES . OMNIA
DEA . ISIS
ARRIVS . BAL
BINVS V . C

At humanum, quæso, non pigeat Lectorem, hic, laudati Madaurensis Scriptoris gravem, sanctam, piissimam, luculentissimamque orationem, omnia fere, quæ ad Ili- dem pertinent complectentem, perlegere. *Pervolutus denique*, ait, *ante conspectum Deæ*, *Et facie mea diu deterfus vestigiis ejus, lacrymis obortis, singultu cerebro sermonem interficiens, Et verba devorans*, aio. TV quidem sancta, Et humani generis sospitatrix perpetua, semper fovendis mortalibus munifica, dulcem matris affectionem miserorum casibus tribuis; nec dies, nec quies ulla, ac ne momentum quidem tenue, tuis transcurrit beneficiis ociosum, quin mari terraque protegas homines, Et depulsis vitæ procellis, salutarem porrigas dextram, qua factorum etiam inextricabiliter contorta retractas licia, Et fortune tempestates mitigas, Et stellarum noxios meatus cohibes. Te Superi colunt, observant Inferi: tu rotas orbem, luminas Solem, regis Mundum, calcas Tartarum. Tibi respondent sidera, redeunt tempora, gaudent numina, seruiunt elementa: tuo nutu spirant flamina, nutriuntur nubila, germinant semina, crescunt germina: tuam majestatem perborrescunt aves cælo meantes, fere montibus errantes, serpentes solo latentes, belue ponto natantes. At ego referendis laudibus tuis exiguus ingenio, Et adhibendis sacrificiis tenuis patrimonio; nec mihi vocis ubertas, ad dicenda quæ de tua majestate sentio sufficit: nec ora mille, linguaque totidem vel indefessi sermonis aterna se-

ries. Ergo, quod solum potest religiosus quidem, sed pauper alioquin efficere curabo: divinos tuos vultus, numenque sanctissimum, intra pectoris mei secreta conditum, perpetuo custodiens imaginabor. Ad istum modum deprecato summo Numine, complexus Mithram sacerdotem, Et meum jam parentem, colloque ejus multis osculis inhaerens, veniam postulabam, quod eum condignè tantis beneficiis remunerari nequirem. Non itaque mirandum, quod Divam, tot decoratam titulis, tantaque potestate præditam coluerint Romani, apud quos Aedes, Aediculas, ac Templum habuit insigne in Campo Martio, unde Campensis juxta Beroaldum dicta est. Ibi, non in hortis tantum, uti Juvenalis ejusque Scholiastes ad Sat. 6.

— jamque expectatur in hortis,
Aut apud Isiacæ potius sacraria lenæ

verum in ipsis ædibus sacris adulteria commissa testantur Auctores. In Isidis templo, inquit Tertullianus, adulteria componi, inter Aras lenocinia tractari. At nil magis Isidis templi profanationes probat, quam vulgarissimum illud anecdotum Paulinæ feminae castissimæ, a Decio Mundo, Anubis nomine, Isiacis lenocinantibus Sacerdotibus, in ædibus ipsis, consuptæ. Tanto reverà permotus facinore, ipse, licet arcanarum libidinum inventor, Tiberius, Isiacum templum funditus evertit, Deæ statuam in Tiberim projecit, omnesque Isiacos sacerdotes in cruces egit, testibus Josepho A. I. lib. xviii, atque Tertulliano *Apologet.* cap. xv.

CRESCENS. Vespasiani servus, ut puto, aut libertus, quod Quadratarius omisit.

17.

MERQVRIO

NV . RVSTIVS . M . F . NV . N
DVVM . VIR . DAT

MERQVRIO. Mercurio. Q. pro C.; sic Quotidie, & Cotidie; Quotidianus, & Cotidianus; Quum, & Cum; Quirites, Quirinus,

Quirinali, & Curites, Cyrinus, Cyrinali, uti in Virgilio Carpenfi. v. Mantium, in Orthograph. & Joannem de Vita A. B. Dissert. I. Ne.

ANTIQUÆ INSCRIPTIONES CAP. I.

37

Nemo certissim Marmor istud Etruscum
censebit; Etruscos enim littera Q, caruisse
compertum est

nimiter Antiquarii: notatum tamen sic M'.
video in *Selectis* Jo. Vignolii p. 221.

M'. FVLVIO DIOMEDI

Rusticæ gentis mentio est in lapidibus frequen-
tissime, & in nummis, seu denariis a Carolo
Patino vulgatis,

N. *Manius Rustius*. N. N. *Manii nepos*.
Hanc, *Manii* nominis siglam dicunt una-



DVVM . VIR. Varii fuere Romæ Duum-
 viri; scilicet **Quinquennales**, **Capitales**, seu
Perduelliones; **sacrisfaciundis**; **ædium sacra-**
rum, **locandarum**, **dedicandarum**, & **con-**
fecrandarum, **navales** &c. Ex quibus, **Manius**
hic Rustius, mihi, ac ut puto omnibus, in-
 compertum. Notatu dignæ mihi videntur In-
 scriptiones quædam a **Volf. Latio** editæ in
Comm. Reip. Rom. lib. 3, ex quibus colligitur
 Duumvirorum, & nomenclaturam, & di-
 gnitatem sexui fœmineo extitisse. Prima **Al-**
bæ Julæ reperta

Secunda in ruinis Varhel, videlicet Ulpiae
Trajani in Transylvania

AURELIAE APOLLONIAE TR. PONTIF
ET IIVIR. COLONIAE APVLENSIS
MATRI CARISSIMAE

Cæterum pluribus præfuisse Mercurium vidimus *Num. 2.* At, cum Marmor hoc nostrum nullam Aræ, aut Ædiculæ speciem præbeat, arbitror purum, simplicemque Lapidem hic, Deo, Manium Rusticum consecravisse. Lapidem enim ipsos, immo informium Lapidum acervos, in honorem Mercurii cumulos, notavimus *loc. cit.* ad quam inanem Ethnicorum superstitionem alludit Scriptura sacra *Prov. xxv. 8.*, ubi hæc: *Sicut qui mittit Lapidem in acervum Mercurii, ita qui tribuit insipienti honorem.*

PVBLIAE AELIAE IVLIANAE
MARCELLAE FIL. P. AEL. IVLIAN. ET
Q. R. FLAM. ET. II VIRAE CL. APVL
ET ADOPTIVAE P. AEL. MARCELL.

18.

DIANA SANCTAE
T. FLAVIVS . ARISTION
EX MONITV . ARAM
FECIT

DIANAE SANCTAE. Pluribus in locis Romæ ædes, ac Tempia Dianæ fuere dicata; ut in Foro Boario, atque percelebre in Aventino, a Servio Tullio Rege conditum. Horatius

circò ab Opimio oppressus est. Ipse Aventinus collis, aliquando *collis Dianae* est vocatus; hinc Martialis qui *lib. vi.* jam dixerat

Laudat Aventinus vicinus Sura Dianæ

lib. xii. cecinit

*Cum tu forsitan inquietus erras
Clamosa Juvenalis in Suburra
Ante collem Domine teris Diane.*

*Quaeque Aventinum tenet Algidumque
Quindecim Diana preces virorum
Curet*

Hoc templum Gracchus profanavit, qui id-

K

Aliud

Aliud in regione Transiberina, ex quo Diana *Suburbana* nomen traxit, uti eam nominat Sulmonensis in Fastis

Ecce suburbana templum nemorale Dianæ.

Signum quoque habuit in templo Apollinis Palatini.

EX MONITV. Quasi Diana in somnis T. Flavio Aristioni apparuisset, eique Aram extruere precepisset; id sibi, Nemefi devoto, Ælius Pacatus obtigisse asserit in frequenti lapide apud Thomasin. *de Donariis.*

NEMESI SANCTAE
CAMPESTRI

PRO. SALVTE. DOMINORVM
N. N. AVGG. P. AEL. P. F. AELIA
PACATVS SCVPIS. QVOD. COH. DOC
TOR. VOVERAT. NVNC
CAMPI. DOCTOR. COH. I
P. R. P. V. SOMNIO. ADMO
NITVS. POSVIT * I. I.

Sic IVSSV aliquando *Deorum*, & EX IVSSV; legimus enim IVSSV IVNONIS in nostro lapide superius, & EX IVSSV I.O.M. HELIOPOLITANI apud laudatum Thomasin. p. 154. Rarissimè EX ORACVLO. Apud Rein. cl. 1.

ΘΕΑ ΔΙΝΑΤΜΕΝΑΙ
ΔΕΑΕ ΔΙΝΔΥΜΕΝΑΕ
EX ORAC

rarius EX PRAECEPTO; Thomasin. p. 164.

EX PRAE
CEPTO
I. O. M. D
PER
ACACI
VM
ET
OLYMPI
VM
PATREM

frequentissimè EX VISO. EX VISV. nunquam EX VISIONE; uti legebant apud Thomasin. Viri tamen antiquitatum notitia clari. demum VISV MONITVS

ASCLEPIO

P. AELIVS. POLLIO
VISV. MONITVS
POSVIT

per quietem mortales, potissimum infirmos a Diis monitos, tradunt Antiqui. Plutarchus in Lucullo: *Troadem delatus divertit in Veneris delubro; nocte sopitus Deam videre visus est sibi assistentem, quæ diceret*

Quid dormis animose leo, cum proximus adsit Hinnulus?

surgens, advocatis Amicis somnium exposuit &c. sic Æneas, furem amore Didone placare sperabat; quod scilicet a Mercurio, Jovis imperio, per quietem admonitus, Italiam petere cogeretur: item

*Me patris Anchise, quoties humentibus umbris
Nox operit terras, quoties astra ignea surgunt,
Admonet in somnis, & turbida terret imago.*

Galenus ipse de cur. per Sang. miss. cap. 23. *Monitus per quædam insomnia, quorum duo perspicuo mihi visa sunt, accessu ad dextræ manus arteriam.* Idem de quodam Pergami Dei Ministro; diutino, inquit, lateris cruciatu laborans, liberatus est arteria in summa manu incisa, aggressus & ipse illud insomnii monitu. Itaque ægroti in Templo Æsculapii, aut Iſidis dormiebant, ut vel ab Oraculo curarentur, aut per insomnia acciperent monita de morborum curatione. Hinc Plautus in Curcul. Act. 1.

*Idèd, sit quia hic leno ægrotus incubat
In Æsculapii fano.*

At de his luculenter Dalenus *de Orac. Ethnic.* Dissert. II., & Beroaldus in *Comm. ad Apul. Met.* lib. IV.

19.

DIANÆ
NEMORESI . VESTÆ
SACRVM . DICIT

IMP . NERVA . TRAIANO . AVG
GERMANICO . III . COS . PRAEF
EIVS . T. VOLTEDIO . MAMILIANO
QVAESTORIB

L. CAECILIO . VRSO . II . M. LVCRETIO
SABINO . II . AEDILIB . QVIBENNA . QVIETO
TI . CLAVDIO . MAGNO
P. CORNELIVS . TROPHIMVS . PISTOR
ROMANIENSIS . EX . REG . XIII . IDEM . CVR
VICI . QVADRATI . ET . LANIA . C. F. THIONOE . CONIV^x
EIVS . VOTVM . LIBENS . SOLVERVNT

Reperta est hæc Basis (teste Jo. Argolo in *Epistola* clariss. Thomasio data) an. 1637. ad pedes statuae, inter rudera ejusdem Deæ templi ad Lacum, quem vocant *speculum Dianæ*. Hanc videre olim erat in amplissimi Card. Alexandri Albani Museo, cui Marius Frangipane urbis Senator dono dederat anno 1712., nunc in Capitolino. Dianæ vero simulacrum, venatorio habitu succinctum, Basi quondam impositum dono accepit a Mario Frangipane Seniore (nondum forte Romæ Pontificum lege de non extrahendis vetustis marmoribus lata, aut posthabita, aut benè abrogata) Ludovicus XIII. Galliarum rex, pro qua, inquit Vulpus, muneratori aule octadecim Phrygia textura Villarum, Hortorumque imagines scitè repræsentantia, vicissim munus rependit.

DIANÆ VESTÆ. Vestæ aliquando nomine appellatam *Dianiam*, præter monumenta, affirmant Mythologi.

NEMORESI. *Nemorensi*. Nemus Aricinum, hodie *Nemi*, nobilissimum Frangipanorum oppidum, de quo Strabo. *Post Albanum montem in via Appia est oppidum Aricia; ultra hoc Lanuvium, Romanorum colonia, in dextro viæ Appiæ latere, unde est Mare, et Antium conspici possunt. Dianæ autem quod vocant*

Nemus ab sinistra viæ parte est, qua ab Aricia Lanuvium versus ascenditur: Templum in eo ad Aricinos pertinet. Templi hujus rudera vidit Jo. Argolus ad Lacum, *Speculum Dianæ*, ut dixi nuncupatum; Fanum vocatur ab eodem Strabone: *Fanum*, inquit, *in Nemore est; ante id locus Mari amulus* (proh enormem Historici exaggerationem!) *supercilium montium continens, atque excelsum circumcirca in loco cavo, ac profundo includit lacum, et Fanum.* Ad Artemisium (videlicet *Nemus*) capite corollis redimito, atque accensis facibus, Virgines principio, deinceps & Nuptæ, immo verò meretrices ipsæ, & Lupæ, Deæ pompam celebraturæ ab Aricia procedebant: Hinc Ovidius *Fast.* lib. II.

*Sæpè potens votis, frontem redimita corollis
Femina, lucentes portat ab urbe faces.*

Hinc Statius in *Herc. Surrent.*

*Jamque dies aderat, profugis cum regibus aptum
Fumat Aricinum Trivia nemus, et face multa
Conscius Hippolyti splendet lacus.*

Tabellas votivas in hoc templo permultas viderat olim suspensas laudatus Sulmonensis *ibid.*

*Licia dependent longas velantia sepes,
Et posita est merita multa tabella Deæ.*

Quod

quod, vota quædam figlina, manus, fasci- mant: ea ita delineavit Argolus, atque in
culi, capita juxta templum effossa, confir- opusculo de *Denariis* inseruit Thomasinus.



Fascem quem vides, positum autumant eruditi in memoriam signi Dianæ Aricinæ, intra lignorum fascem ab Oreste absconditi, atque ex Taurica in Latium, immo in Aricinum nemus translati, unde *fascellis* dicta Diana. Sunt qui Dianam, *Facelinam*, a *facibus* in ejus sacris accensis, non *fascellinam* a *fascibus* nuncupatam malunt: sed, & a *facibus* *Facellinam*, & *Fascellinam* a *fascie* dictam opinor cum Jo. Argolo, qui Hyginum, & Servium est secutus. Servii ex Hygino verba, hæc sunt. *Simulacrum sustulit* (Orestes), *absconditumque fascie lignorum* (unde & *Fascellis*

dicatur non tantum a face, cum qua pingitur) in *Ariciam* detulit.

DICT. Eruditissimus Vulpus in *Zet. prof. lib. xiii.* explicavit DICTATOR. At quis Dictator? An ipse, Basis dedicator, Trophimus Pictor? absit: quomodo enim poterat Pictorius vir supremam Dictatoris dignitatem assequi? Illud igitur DICT interpretor DICTAE, aut *Dictynna*: nonne ipse Vulpus inscriptiones ex Aricini templi rudibus effosas retulit, in qua Diana, DICTA cognominatur?

DIANAE . SACRVM

M . NVMSIVS . M . F . OV

PHILIPPVS FLAMEN VIRBIALIS

ET ARICINAE DIANAE VESTAE DICTAE CVSTOS

XII . KAL . IVNII . EPVLVM . VIRBIAL . PV . DEDIT

N . SIGNVM . DEAE . CONLOCAVIT

IMPP . M . ANTONINO . COMMODO

AVG . V

ET VALERIO . AVRELIO GLABRIONE . COSS

ANTIQUÆ INSCRIPTIONES CAP. I.

41

VESTAE DIANAE DICTAE
P. TVRPILIVS POLILAVS
SACERDOS DIVAE DIAE ET
FLAMEN . VIRBIALIS . PATR . COLL . CORP
LVCTOR . ARIC
QVINQYEN . ITERVM . D . D .

En aliam apud Gudium p. xxvi.

DIANAE . VESTAE . DICTAE

ARBACIANE ^(sic)

C . ARBACIVS . C . F . OPITER
PRAETORIANVS . SACR . K . MAR
M . COCCEIO . NERVA . III
ET P . VIRGINIO . RVFO . COS

Verum , cum *Dictæ* cognomen datum
sit etiam Opi , & Cereri , uti apud Gudium
OPI . DICTAE . , & CERERI . DICTAE ;
immo & Jovi , qui *Dictæus* vocabatur a *Dictæ* ,
seu *Dicto* Cretæ monte , idcirco DICT . in
nostro lapide potius DICTYNNAE , quam
DICTAE legi debere opinor . *Dictynna* , co-
gnomen fuisse Dianæ liquet ex omnibus fere
Mytologis , ejusdemque , sic cognominatæ ,
crebra tum Græcis , tum Latinis scriptoribus
mentio , Diodoro , Pausania , Plutarcho ,
Phornuto , Hygino , Laëtantio &c.

Perque suas impune finit Dictynna sagittas .
inquit Propertius , & Statius

Per te maternos mittis Dictynna labores

Notandum insuper Dyctinnam fuisse vocatam
a retibus venatoriis , quæ græcè *διχνοα* nomi-
nantur . Diana autem retia ad venandum in-
venisse testatur Diodorus . Quapropter , eo
magis hic legendum puto DICTYNNAE ,
quod Statua , uti notavimus , nostræ imposita
basi , Dianam venatricem , vestibus , atque or-
namentis repræsentabat . Sic Ovidius Met.
lib. II . , ubi Dianam feris insidiantem cele-
brat , eam *Dictynnâ* appellat .

Eccē suo comitata choro Dictynna per altum
Manalon ingrediens , & cæde superba ferarum .

Superest tamen (fateor) difficultas , non
parvi facienda : Quod scilicet præter consue-
tudinem Inscriptionum quæ Diis dedicaban-
tur , το' SACRVM , Deæ cognomen præ-
cedit . Sed primo cum Quadratarii indili-
gentia pateat in voce QVIBENNA , quam
scribere debuerat Q . VIBENNA , atque in
voce CONIV ^x sic inepte exarata , mihi præ-
sumere licet errasse quoque in verborum di-
tributione posuisseque SACRVM DICT .
pro DICT . SACRVM . Memini me apud
Reinesium legisse AVTrobolium , pro TAV-
robolium : in Muratoriana SMV , pro SVM :
inter Fabrettianas MAPHITHEATRI , pro
AMPHItheatri : in nostris inf. ΓΑΠΑΡΙΔΙ pro
CAPAIIΔΙ , & CHO , loco COH . h . e .
Cohorte . Si ergo Marmorarii literarum or-
dinem quandoque negligebant , ac pertur-
babant , (quod innumeris probari posset
exemplis) quid vetat , quin verborum etiam
partitionem interdum neglexisse credatur ?
exemplum afferam , quo , hanc meam asser-
tionem puto evidentissimè confirmari : extat
in *Mus. Veron.* p. 241 . ubi Inscriptionem

PROVIDENTISSIMI . AVG .
FECERVNT S . C . LXIII . S .

sic barbare confusam , inversamque legimus

PROVIDE S C . LXIII . S .
N^{TI}SSIMI AVG . FECERVNT

Ita , consuetudo fuit Deorum cognomena ,
nec non attributa , post nomina ponere ; no-
mina tamen signanter Dearum , secundo loco
posita exhibet Gudiana collectio .

ARIMINAE	=	PACIFERAE	=	TENITAE
DIANAE		MINERVAE		FORTVNAE
=		sic	=	=
NOCTILVCE	=	PHOBBETORIAE	=	FORTI
DEANAE		LUNAE		FORTVNAE

PISTOR . De Pistoribus vide , si placet , inferius , ubi de Pistore candidato .

ROMANIENSIS . Et *Romanensis* : qui alibi natus , Romæ verfabatur .

EX REG. XIV. *Transiberins* , quæ omnium ultima , ubi Pistrina XXXIII. Horrea XXII. Ibi Taberna meritoria ; Ibi sedes Ravennatium , & (uti his diebus) Judæorum . *Nec dissimulans* , inquit Philo *de legat. ad Cajum* , *probari sibi Judæos : alioquin non passus fuisset Transiberim bonam ipsam partem teneri a Judæis , quorum plerique erant Libertini* . Ibi denique habitasse tenuiores , & plebeos innuit Martialis *lib. I.*

*Urbanus tibi Cæcili videris .
Non es , crede mihi : quid ergo ? verna es ,
Hoc quod Transiberinus ambulator ,
Qui pallentia sulphurata fractis
Permutat vitreis : quod otiose
Vendit qui madidum cicer coronæ :
Quod custos , dominusque viperarum :*

*Quod viles pueri Salariorum :
Quod fumantia qui tomacula raucus
Circumfert tepidis cocus popinis .*

VICI . QVADRATI . Nomen a *Quadrato* , qui ædes ibi possidebat ; *Cajum Sejum Calpurnium Quadratum* , Provinciæ Narbonensis Proconsulem nominat Fabrettus : Quatuor ejusdem cognominis Martyres recenset Baronius . In eadem Regionē vicus *Raciliani* vicus *Pauli* , vicus *Ploti* , vicus *Sex. Lucci* , vicus *Patratilli* . Q. Cæcilius Trophimus fuit ergo vici Quadrati *Curator* ; de ejusdem Vici Procuratore inscriptio extat apud Gudium pag. 43.

TI . CLAVDIVS MELANTHRIVS
PROCVRATOR VICI QVADRATI

Unicam hanc Dianæ Nemorensis inscriptionem censebam ; sed aliam ex eodem Gudio depromptam accipe

VIRGINI . DIANAE . NEMOREN
HORTORVM PLAVTIANORVM CONSERVA
TRICI . A . PLAVTIVS PROCLVS

20.

MINERVAE . AVG
SACRVM

NERONE . CLAVDIO . I...

L . CAESIO . MARTIALECO ...

L . SELLIVS . GORGIA . MAG . III

Q . NONIVS . AMANVS . MAG . III

C . : OLL : S . FAVSTVS . MAG . II . .

M . ANTISTIVS . LAETVS . MAG . II

Q . HORTESIVS . CARPVS . MAG . I

C . IVLIVS . AGATHOPVS . MAG . I

MAG . FONTANI . D . S . P .

DEDIC . F . DEO

Ex Jovis capite a Volcano adamantina fecuri scisso , emerfit Minerva armata atque galeata . Jovis parturientis ejusque puerperæ cervicis signum commemorat Pausanias in
At-

Atticis, extatque pulcherrimum apud Gorium (*Observ. in Aras Deor.*) monumentum, graphicè delineatum. Minervæ vero templa, fana, ædes, delubra nonnulla Romæ viscebantur; videlicet in Aventino, in Capitolio, post Pantheum, in valle Cælii, in Quirinali, in IX. Regione ubi *Chalcidica*, & in V. ubi *Medica* vocabatur.

NERONE. &c. Nerone Claudio II. & L. Cælio Martiale Coss. *Neronis* secundum Consulatum, semestrem fuisse cum C. Calpurnio Pisone, quibus Consules suffectos Ducennium Geminum, & Pompejum Paullinum, docet Panvinius; at, saltem circa suffectos, errasse, in eundemque errorem traxisse Petavium, ex hoc Lapide perspicuè constat. Rectius igitur Almeloventius, a quo Nero cos. II., cum Cælio Martiale notatur in Fastis. Istius L. Cælii Martialis consulis non meminisse miror Fonteium, qui de Prisca Cæliorum gente multa scripsit, & Jacobonium (*in Append.*) ejusdem existentiam penitus ignorasse, ægre fero.

C. IOLL IIS. C. aut Q. *Lollius*.

MAG. *Magister*; Minervæ scilicet Aram

hanc dedicarunt L. Sellius Gorgia, Q. Nonius Amanus &c. (quorum nomina in averfa Lapidis parte iterantur) *Magistri*; h. e. ædis Minervæ *Curatores*, qui & *Magistri* vocabantur: ita *Magister* Fani Dianæ Tifatenfis, *Magister* Feroniæ, *Magister* Larum, *Magister* Egeriæ, *Magistra* Fortunæ muliebris apud Reinesium Cl. I. 31. 101. in *Not.*, ubi Boldonium increpat, quod hoc *Magisterium*, in *Epigraphic.* p. 5., ad curam cædendorum Marmorum transfulerit. At cum hi omnes *Magistri Fontani* in Saxo dicantur, quos hic primum (de Lapidibus loquor) sic nominatos invenio, eos *Curatores* potius *Fontium* dicere fas est. De his Fontanis *Magistris* inscriptionem habebis inferius M. Aurelium Priscillianum *Lymphæ Curatorem* laudat Marmor Fabretti de Aquæduct. Diss. 1. Gorius quoque Fontanorum mentionem facit in *Gemm. Medic.* Cl. I. p. 40., ubi Fontibus, præter Herculem, *Fontinalem* præesse Minervam, istomet lapide testante asserit.

D. S. P. *De sua pecunia*. Male Fabretus P. S. P. Malè etiam AGATOPVS pro AGATHOPVS, & DEC. pro DEO; uti (mendose) in archetypo. DEDIC. K. DEO. *Dedicata* K. Dec. nempe die 1. Decembris.

21.

CN. OCTAVIVS. TITINIVS. CAPITO
PRAEF. COHORTIS. TRIBMILITDONAT
HASTA. PVRA. CORONA. VALLARI PROC. AB
EPISTVLIS. ET A PATRIMONIO. ITERVM. AB
EPISTVLIS. DIVI NERVAE. EODEM AVCTORE
EX. S. C. PREAETORIS. ORNAMENTIS. AB. EPISTVL
TERTIO. IMP. NERVAE. CAESAR. TRAIANI. AVGGERM
PRAEF. VIGILVM. VOLCANO. D. D.

TITINIVS CAPITO. De Titinia gente quæ familias habuit Patricias, & Plebejas conf. Patinum, & Morellium. Ex Etruria originem duxisse argumentor, ex vetustissimo Clusii reperto lapide, a Cl. Pafserio in Paralip. in Dempst. *Etr. Reg.* producto

ATH TETINIA ARNTNI
TETIN ALISA.

ideft *Laribi Titinio Aruntis Titinia Roma memoria*; ad Titinium hunc nostrum Capitonem Epistolam misit Plinius Cæcilius, quæ octa-

octava est lib.v. ejusdem morum præconium accipe a laudato Auctore lib.viii. Ep. 12. *Recitaturus est Titinius Capito, quem ego audire nescio magis debeam, an cupiam. Vir est optimus, Et inter præcipua Seculi ornamenta numerandus: Colit studia, studiosos amat, fovet, provehit, multorumque, qui aliqua componunt, portus, sinus, præmium, omnium exemplum; ipsarum denique literarum jam senescentium redactor, ac reformator. Domum suam recitantibus præbet, auditoria non apud se tantum, benignitate mera frequenter: mihi certe si modo in urbe est, defuit nunquam. Doctrinæ vero testimonium præbet his verbis. Quod si illi nulla quasi mutua officia deberem, sollicitarer tamen, vel ingenio hominis pulcherrimo, Et maximo, Et in summa severitate dulcissimo, vel honestate materiæ. Scribit exitus illustrium virorum, in iis quorundam mihi charissimorum.* Lactantius, Titinium Capitonem authorem facit cujusdam Libri *de Spectaculis*, uti refert Cataneus in *Not.* ad Plinianam libri primi *epist.* 17., in qua Plinius, Titinium Capitonem, Cornelio Titiano commendat.

PRAEF COHORTIS. Dignitas militaris fatis nota. Vide, si vacat, Polybium; Vegetium, Valturium, vetustosque Lapidés Gruteri, Reinesii, Muratorii &c. Eam nobilitavit invictissimus CHRISTI Martyr SEBASTIANVS, qui primæ cohortis præfectus appellatur in *Martyrol. Rom.*


TRIB MILIT. *Tribunus Militum* sive *Militaris*. Tribuni Militum quidam *angusticlavii* erant, quidam *laticlavii*; hique majoris dignitatis, illi minoris, quorum numero, in bello Vitelliano Svetonius Lenis, Svetonii Tranquilli pater fuit. Iisdem insignibus, quibus Consules, utebantur. At in horum electione perinde, ac in numero variatum est: primum omnes a Regibus, & Consulibus creabantur; tum ann. V. C. 393. sex, populi suffragiis legi cepti sunt: anno 444. sexdecim, & aliquanto, post bellum Persicum Senatus decreto sancitum est, ut a populo duodecim, totidemque a Consulibus eligerentur. Illi, a populi comitiis *Comitati*, hi a Rutilio Rufo, qui de eorum Juribus legem tulerat, *Rutuli*, & *Rufuli* dicti sunt.

DONAT. HASTA PVRA. *Donatus Hasta pura*; idest *sine ferro* pacis Signum; hoc enim fuit præmium apud Romanos, ejus, qui primum vicisset in prælio. Hinc Virgilius *Æn.* lib. vi.

Ille vides pura juvenis qui nititur hasta.

Libertinorum præcipue inquit Svetonius in Claudio, *suspexit Posidem Spadonem, quem etiam Britannico triumpho inter Militares viros Hasta pura donavit.* Purum idem est, ac mundum, integrum, inviolatum, ut aurum purum, & putum: *Toga pura*, quam novæ Nuptæ, & Tirones induebant: *pura oratio* apud Terentium: *pura vas*, sine incrustatione.

CORONA VALLARI. Seu *Castrensis*. Militarium coronarum inventorem plerique Janum bifrontem faciunt. Ut ut res sit, Vallari ex auro confecta, a summo militiæ Præfecto, ille donabatur, qui primus inter oppugnandum hostile Vallum occupaverat: Formam, hic, licet notissimam, exhibeo.



PROC. AB EPISTVLIS. *Ab Epistulis* Servi, frequentes in Lapidibus antiquis; at *Procuratorum ab Epistulis* inscriptiones adeo raræ, ut præter hanc Capitolinam jamdiu in Domo Matthejorum effossam, ne unam quidem alibi invenerim. Præpositum fuisse puto eorum, qui *ab Epistulis* vocabantur *D. Nervæ Trajani*, ipsarumque Epistolarum Curatorem, sicuti *Procurator e.g. Prægestatorum*, hoc est *Præpositus Servorum*, qui cibum potumque Principis prægestabant, cujus Inscripção apud Gruterum p. 581.

A PATRIMONIO. *Procurator* nempe Patrimonii ejusdem Augusti. *Ea prædia Caesaris* ait Ulpianus lib. 9. & 20. C. T. de bonis proscripti. *patrimonii Procurator administrat, quæ*

in formam Patrimonii redacta sunt, idest quæ patrimonio Principis adgregantur, vel quæ arario sacro accedunt: & l. cum Servus §. fin. D. de legat. 1. Nec æstimatio eorum prædiorum debet præstari, quoniam commercium eorum, nisi jussu Principis non fit, cum distrabi non soleant. Fucro & Proximi, seu Adjutores tabularum rationis Patrimonii, & Tabularii rationis Patrimonii Cæsaris. At de his omnibus officiis ubertim Gutherus, Latius, Calvinus, Briffonius.

PRAETORII ORNAMENTIS. i.e. Insignibus Præfecti Prætorii, facile Urbani. Datum est igitur Titinio Capitoni jus utendi insignibus Præfecti Prætorii inter Honorarios, inter eos scilicet, qui Magistratum non gerebant, sed quibus honores deferebantur, codicillis ab Imperatore impetratis. Quæ fuerint Præfecti Prætorii ornamenta recitat Pancirolus in Notitia p. 116. Auratum Carpentum quatuor albis equis tractum, ut in sequenti tabula



Abacum albo tapeto instratum, qui librum Cereis accensis sustinet, in cujus medio aureum erectum, purpuraque tectum, binis hinc inde Principis caput spectabatur hujusmodi.



Præferebat quoque effigies trium mulierum, ciarum tributa, videlicet Italiæ, Illyrici, & vasa aureis plena gestantium; fortasse Provin- Affricæ, uti legimus in tertia tabula.



Senatum merito vituperat Plinius lib.7. Epist.29. quod furcifero illi, Neronis liberto, Pallanti, ornamenta Prætoria decrevisset. *Est via Tiburtina, inquit, intra primum lapidem (proximè annotavi) Monumentum Pallantis ita inscriptum.*

HVIC SENATVS OB FIDEM
PIETATEMQVE. ERGA. PATRONOS
ORNAMENTA.PRAETORIA.DECREVIT
ET. SESTERTIVM. CENTIES
QVINQVAGIES. CUIVS
HONORE. CONTENTVS. FVIT

AVGGERM. *Augusti Germanici.*

PRAEF. VIGILVM. Præfectus Vigilum, nempe *Cohortium vigilum*, quæ septem primum fuere, uti ex duobus Fragmentis ad Vigiles spectantibus, apud Gorium in Inscript. Etruriæ, colligitur. Deinceps numero auctæ, & in plerisque Urbis partibus, immò in aliis etiam Urbibus constitutæ. Vigiles, Augu-

stus, testibus Dione, atque Svetonio instituit, subrogavitque Triumviris nocturnis, qui restinguendis incendiis, agendisque nocturnis vigiliis erant; iis præposuit Tribunos, & super omnes Spectabilem Virum, qui Præfectus Vigilum appellaretur. Is cognoscebat de Incendiariis, de effraCTORIBUS, furibus, raptoribus, receptoribus, & quia plerumque incendia, culpa obveniebant inhabitantium, eos identidem fustibus castigabat. Idem per totam noctem vigilare debebat, omnesque inquilinos admonere, ne negligentia aliqua incendii casus oriretur.

VOLCANO. Ultimum in tabellis votivis locum Diis assignare, quibus suspendebantur, non infrequens est, quod potissimum de *Volcano*, & *Silvano* animadverti; quapropter hoc non fortuito evenisse ferè censebam: at meam vicis opinionem Cajetana quædam Inscriptio apud Reinesium Cl. I. 265., in qua *Volcanus* omnium primus nominatur.

VOL.

VOLCANO

MVLCIBERO. SACR. L. VETTIVS. L. F.

STELLAT. PROSPER. IVNIOR

&c.

Volcano igitur (cui aliquando præfente

Duce, ut ait Livius D. III. lib. III. arma incendebantur) votum hac tabula solvit Cn. Oct. Titinius Capito.

AVCTORE. i. e. ex Imp. auctoritate.

22.

HERCVLI VICTORI
POLLENTI POTENTI
INVICTO DDIM
C SFRONTO
..... VIATOR. Q
DEDIC. III. I. IVL
L. VETTIO. PAVLLO
T. IVNIO. MONTANO CoS

Hercules, licet in classem minorum Deorum collocatus, apud plurimas gentes tamen, summos honores, summumque cultum obtinuit, ita ut, ei comparatus, Jupiter ipse quandoque pro minimo haberetur: hinc Plutarchus in *Rom. Quæst.* tradit eos, qui Herculi sacra faciebant, alium Deum invocasse nulum. Quot autem Fana, Lucos, Ædes, Tempia, Aras, invictissimo huic Deo exciterint Ethnici, dinumerare quis potest? Adi L. G. Gyraldum in *Herculis vita* p. 545. *Hist. Deorum* ed. Basil. Is jam pridem in virtutis nomen, & in juramentum inductum est, idque multis modis, tantaque veneratione, ut ab eo Mulieres abstinerint. *Quin pueri*, inquit Gyraldus, cum *Herculem jurabant, id sub tacto facere prohibebatur, quod sub dio fecisse non fuit Religio.*

VICTORI &c. Ara hæc, eadem fortasse est, quam teste, apud Macrobius, Massurio Albino *Memorabilium* lib. 1., in somnis admonitus HERCVLI VICTORI excitavit M. Octavius Herennius, qui strenue pugnando, Herculis ope, Piratarum manus evasit. Quidam vero Herculis Victoris aram ab Evandro in foro Boario erectam tradunt. P. Victor tamen ejusdem Numinis, Victoris denominati, ædem extitisse alteram ait ad Portam Trigeminam, sive Ostien-

fem. Inscriptionem Aquinatam, demum in qua sic

HERCVLI VIATORI

refert Gyrald. H. DD. Syntagm. x.

INVICTO. *Invictum*, & *pollentem* dictum putat *Herculem* Varro, quod animalium omne genus vicerit: Lucretius, quod omnia monstra animi.

DDIM. D. D. L. M. *Dat, donat, aut Dedicat libens merito.*

DEDIC. III. I. *Dedicavit* III. KAL. h. e. die 29. Junii.

C. . . SFRONTO. Panvinus, cui inscriptio, nondum erasa, tradita est, sic scribit in *Fastis*, C. VLPIVS FRONTO. Sed errat quoad dedicationis mensem, ipse enim IVN. Saxum verò patenter IVL. L. Vettius Paulus, & T. Junius Montanus Consules fuere A. C. 168., imperante Marco Aurelio, mortuo jam Ælio Vero.

.... VIATOR. Q. hæc linea deest in Panvinii exemplari; litera Q. in Muratoriano; Panvinius amanuensium, Gruterus Panvinii, Muratorius Gruteri, ego verò eorum meorum fide Lapides refero.

VIA-

VIATOR. Quinam Viatores fuerint, inter rerum Romanarum Scriptores discrepatur. Sed audi Columellam, qui Tullium in *Catone Maj.* ad Verbum transcripsit: *Illis temporibus proceres in agris morabantur, & quum Consilium publicum desiderabant, a Villis arcescebantur in Senatum, ex quo qui eos arcescebant Viatores nominati sunt.* Eadem Feltus. *Qui* (Viatores) *Magistratibus apparent, eo quia initia tribuum omnium, quum Agri in propinquo erant Urbis, atque assidue homines rusticabantur crebrior eorum opera erat in via, quam Urbe; quod ex Agris plerumque homines a Magistratibus vocabantur, & frequens erat eorum ab agris ad Urbem via.* Nonnulli existimant Viatores eosdem esse cum Licitoribus, alii cum *Accensis* confundunt. Donatus tamen statuendum putat in hoc *Viatores* ab *Accensis* distingui, quod *Viatores* non modo vocandi jus haberent, sed & ligandi; *Accensi* verò minimè. Jus hoc ligandi

habuisse Viatores negat Sigonius: sed id manifestè, ac non semel T. Livius (Sigonio procul dubio præferendus) asserit. De Appio enim lib. 3. *Arreptus a Viatore provocho, inquit.* De Manlio lib. 6. *in vincula duci jussu; arreptus a Viatore &c.* Cicero in Vatinius: *miserisne Viatorem, qui M. Bibulum vi domo extraheret.* Tiraquellus cum legeret apud Livium: *Ardens ira Tribunus, Viatorem mittit ad Consulem, Consul Licitorem ad Tribunum, arbitratus est Viatores, proprios fuisse Tribunorum plebis;* sed & alii Magistratus Viatores habuere, quibus vocandi jus fuit. De Consulibus nulli dubium. De *Ædilibus* patet tum ex Livio lib. 30. ubi *Viatores Ædilitii* nominantur; tum ex *Lapidibus*, in quibus fit mentio T. *Tettieni Viatoris ædilitii*. Fuerunt, & Viatores Collegii Magni, ex quibus *Tiberinus Onesimus*, ut in lapide apud Donatum in *Tacit. dilucid.*, & *Viatores Honorarii* apud Mazzochium p. 93.

SECVRITATI

COGNATIONI SVÆ FORTVNATVS AVG L. VERNAPATERNVS AB EPISTVLIS ACCENSVS PATRON. DIVOAVG. VESPASIANO LICITOR CVRIAT. VIAT. HONORDEC. COS. ETPR. ET SIBI ET EPAPHRODITO AVG.L. AB EPISTOLIS FRATRI SVO

Fronto noster Viator fuit Q. hoc est *Quæstorius*, sive *Quæstoris*, quem Viatores ha-

buisse liquet ex altero apud Donatum lapide.

Q. LVCRETVS Q. L. GEMELLO VIATORI
QVAESTOR. AB AERAR. Q. LVCRETIVS Q. L.
CHRESTVS VIATOR QVAESTOR. AB AERAR

De Decuria Licitorum Viatorum præter laudatum Mazzochii Saxum, loquitur Reinesius cl. r. p. 43. D. Lælii VII. Epulonum Viatoris inscriptionem dabimus inferius. *Curforis*, seu *Viatoris*, qui in Prætorio Pilati IESVM reveritus est, fabella extat in apocryfo *Nicodemi* Evangelio. Reliquis pariter Magistratibus Viatores fuisse adsignatos constat ex Jurisconsultis, a quibus *Viatores Prætorii* nominantur. Sed de his plus quam satis.

Ara rotunda est, encarpis quatuor queneis ad totidem clavas deligatis obtexta. Sub ipsis encarpis in fronte, vas apertum, hædera circumdatum. A tergo arcus, & pharetra. In dextro latere Hercules ipse cum Cerbero

luctatur. In sinistro Aper sculptus est. Ara huic, seu potius Basi impositum erat Herculis Signum æneum, atque inauratum, in Foro Boario, juxta maximam Herculis Aram, regnante Xisto V. Pont. Max. repertum; de quo tunc Ulysses Aldrovandus, novissimè Rodulphinus Venutus, aliique. *Basis* igitur in Museo Capitolino, *Signum* verò extat in *Ædibus Conservatorum*. Nonne opportunus, aut *Statuam* una cum *Basi* in Museum transferre, aut *Basim* cum *Statua* in *Ædibus* adservare? At barbara hæc Simulacrorum a *Basibus* dissociatio, frequentissimè, atque maximo cum Antiquariorum omnium mœnore, Romæ notatur.

23.

ALCIDE SACRI GENERI
DECUS . HOC TIBI
PRAETOR
ET . IOVIS . ANTISTES
DEDICO PERPETVVS

ALCIDES. Hercules cognomen ab avo Alceo, Amphitryonis patre. Proclus in Platonis *Cratyl.* Herculem ait, Alcidem prius appellatum a parentibus mortalibus: *Pythia* vero ἡπαλῆα vocavit propter gloriam quam ade-

ptus esset, & divinitatem ex Junonis affinitate, & cognatione. Hercules, sub Alcidis nomine invocati, altera extat poetica Inscriptio, seu Epigramma apud Gruterum pag. 47.

TE PRECOR . ALCIDE . SACRIS
INVICTE . PERACTIS
RITE . TVIS . LAETVS . DONA
FERENS . MERITIS
&c.

PRAETOR. Prætoria dignitas nunquam ad Sacerdotia pertinuit; sed hic, poetica facultate dicitur *Prætor* pro *Præside*: nam *Prætor*, ait Rosinus, a *præcundo*, vel et-

iam a *præssendo*. Poetica, inquam, facultate: Inscriptio enim distichon est, soluto sermone exaratum, ideoque sic legi debet.

ALCIDES SACRI GENERIS DECUS HOC TIBI PRÆTOR
ET IOVIS ANTISTES DEDICO PERPETUUS

ANTISTES. *Antistes* (h. e. *Pontifex perpetuus*) ita rectè Lapis: male ANTISTIS ap. Muratorium p. 66. Sic dum contra fas corrigi volunt, vetusta Marmora, interdum

depravantur: scribit quoque GENERIS: ita profecto legendum; in saxo vero, prorsus integro, GENERI.

HERCVLI SACRVM POSVIT
P. CLODIVS FORIVNATVSQQ PERPETVVS HVIVS LOCI

INTERLOCVTIONES

AELI.FLORIANI.HERENNI.MODESTINI.ET.FALTONI

RESTVTIANI.PREFE.VIGIL.P.P.V.V.

FLORIANVSD.QVANTVM.AD.FORMAM.AME.DATAM.PERTI

NET.QVONIAM.ME.CONVENIS.DE.HOC.INPRIMIS.TRACTAN

DVM.EST.PIA.INTERLOCVTVM.ME.SCIO.ESSE.HESTERN

DIE.DOCERE.PARTEM.DIVERSAM.OPORTERE.HOC.

EX.SACRA.AVCTORITATE.DESCENDERE.VT.PENSIONES

NON.DEFENDERENTVR.ET.RESPONDIT.SE.QVIBVS.

CVMQVE.RATIONIBVS.POSSE.OSTENDERE.HOC.

DICIT.EX.EO.TEMPORE.INQVIT.EXQVO.AVGVSTVS

REMPUBLICAM.OBTINERE.COEPIT.VSQVE.IN.HODIER

NVM.QVAM.HAEC.LOCA.PENSIONES.PENSITASSE

ET.INFRA.FLORIANVS.D.VIDI.LOCVM.DEDICATVM

IMAGINIBVS.SACRIS.ET.ALIO.CAPITE

MODESTINVS.D.SI.QVID.EST.IVDICATVM.HABET

SVAM.AVCTORITATEM.SI.EST.VT.DIXI.IVDICATVM

INTERIM.APVT.ME.NVLLAE.PROBATIONES.EXI

.....S.DOCEANTVR.EV.LEONES.INPEN

.....F.CONVENIRI.ET.ALIO.CAPITE

.....S.CCC.D.MANIFESTVM.EST.QVID.

.....VNAM.FLORIANVS.PARTIBVS

SVISDILIG....ME.FVNCTVS.EST.QVI.CVM.IN

REM.PRAES....ENISSET.LOCVM.INSPEXIT

ET.VNIVER.....EXAMINATISSENTE

.....

...IAMDEOLOCO D....
...QVERITVR.PRO.TV..
...NON.EST.ET.IN....
...MODESTINVS.Q'O..
...A.FLORIANO.....
...XIGIT.....
...RESTITVI.....
...FONTANIS Q'O.....
...APVT.SVOS.IVDIC..
...RVNT.IN.HODIER..
...E.ALEXANDRO V..
...LITIGATVM.....
...PEREGRINO.....

INTERLOCVTIONES. Interlocutio,
proprie est sermonis interpositio, quæ a Fau-
stiniano pro sententia improprie sumitur.
Apud Terentium *Heaut.* Act. 4. Sc. 2.

————— succine me interloquero ?

verum apud Jurisconsultos aliud significat, uti
docet Phavorinus, ab A. Gellio in *Noctibus*
Atticis lib 14. cap. 11. super Judicis officio con-
sultus. *Interlocutio* inquit Jo. Calvinus in *Lexic.*
jurid., est pronuntiatio Judicis, Præsidiſſe in
exordio, mediove litis interveniens, qua princi-
pale negotium plerumque non omnino finit, vel pe-

rimit: item, *Interloqui* Prætor judexque dicitur
cum quid interea, dum principalis causa plane
disceptatur, pronuntiat: vel cum quid inter co-
gnoscendum pronuntiat. Hinc *Interlocutoria* sen-
tentia; hoc est præceptum Judicis in princi-
pio, aut medio litis interpositum, quod ad
finiendam litis præparationem spectat; non
etiam dirimit, aut finit. Id, & præiudicium
dicitur, & articulus, & improprie sententia,
& suasio; & ita definitur, *Interlocutoria*, quæ
inter principium, & finem causæ fertur super
iis, quæ incidunt, vel emergunt. Conf. *Brif-*
ſon. Bartol. Prætol. &c.

In hoc igitur nimis mutilo, atque ut ita
di-

dicam ænigmatico Lapide, in quo Ælius Florianus in iudicium vocatur a Faltone Restitiano vigillum Præfecto, interloquitur celebris ille Herennius Modestinus, Vlpiani discipulus, Maximini junioris præceptor, Dalmatiæ Proconsul, argumentorum XII. *libr. Æneid.* author, Jurisconsultus insignis, cujus scripta Trebonianus in Pandectis inseruit, Ex hoc colligimus, Lapidem, non ante Maximinorum ætatem fuisse Herculi dedicatum

✠ Sigla ista communiter DOMO interpretatur: hic profecto de patria non agitur, neque in quibusdam lapidibus Christianis apud Cl. Lupum *Epitaph.* S. Severæ p. 170., neque apud Gorium T. III. p. 356., in quibus DOMINA IMARITATA FVIT ANN. DVO. BVS. M. III. ✠. VIII. & BENEROSA VIXIT ANN. XXV ✠. II. At in nostro Saxo non DOMO, nec DIES, sed DIXIT interpretor. Quo vero titulo, quave ratione Interlocutiones istæ in Basi Herculi sacra inscriptione fuerint, ex verborum contextu minimè liquet. An quia tanquam eloquentiæ Deus habebatur ab Arcadibus, qui idcirco templum

ei commune cum Mercurio excitaverant? vel quod ipse acerrimam de tripode Delphico cum Apolline litem habuerit, quemadmodum in *Phocicis* Pausanias refert? Vel denique quod Fontibus præfesset, ideoque a Magistris Fontanis adversus Fullones in hoc Marmore litigantibus coleretur? Scio equidem Herculeum Fontem, seu Herculaneam aquam fuisse quondam a Victore in Epilogo celebratam, & Frontinum, Herculaneos rivos, ad Fontem Virginis, collocasse, aliumq. in Tiburtinis, tertium in Urbe, qui post hortos Pallantis se deiciebat per Cælum. Compertum est insuper Herculem apud Troezenios aquam invenisse; apud Pheneatas Olbium amnem effluere fecisse, ac in Africa, calce pedis pulsata petra, limpidissimum aperuisse Fontem. Confer Apollonii Rhod. lib. IV. *Argon.*, & Pausan. *Arcad. & Corinth.* Hinc Herculis statua in Balneis; hinc eundem scire *Fontinalem*, ac Fontium repertorem deductoremque, doctissimus Gous appellavit, qui Gemmam exhibet in qua Hercules, e rupe aquam amphora excipiens, representatur. V. *Thef. Gemm. Medic.* cl. I. tab. XIV. num. 4.



VR

QQ. *Quinquennalis, sive Quinquennialitius Perpetuus.*

P. P. V. V. *Perfctissimi Viri.* Perfctissimus dignitatem primus excogitavit Constantinus teste Eusebio lib. 4. cap. 4. Constantinus enim ut plures extolleret, multa honorum genera adinvenit. Primi ergo post *Clarissimos* instituti sunt, equitibus digniores,

Perfctissimi. Eam tamen dignitatem consecutus est M. Valerius Probus, ille nimirum, qui vetultiorum Lapidum notas interpretatur, licet equestri militiæ addictus, uti narrat Macrobius in *Saturn.* lib. 6. Verum, tantum obtinuisse honorem, non ab equestre militia, sed a Principe, author est Pancirolus in *Notitia* lib. 1. cap. 3. De hac *Perfctissimus* dignitate adeo nitide, doctèque disseruit Goto-
phre-

phredus ad tit. 37. lib. vi. *Cod. Theod.*, ut nihil, quod desideretur, superfluit.

EVLEONES. Vestigia quæ in his litteris fere exhaustis, penitusque corruptis adhuc remanent, satis indicant legendum esse **FVL-LONES**; Servi nimirum qui purganda, poliendave vestimenta accipiebant juxta Ulpianum L. 13. §. 6. D. *locati*, ubi inquit: *Si Fullo vestimenta polienda acceperit, eaque mures roserint, ex locato tenetur; quia debuit ab hac re cavere; Et si pallium Fullo permutarit, Et alii alterius dederit, ex locato actione tenebitur, etiam si ignarus fuerit.* Lavabantur autem vestimenta a Fullonibus (togæ potissimum nivæ, quibus ditiores elegantioresque induebantur) creta ac sulphure, ait Plinius lib. 33., quibus iterum ea candefaciebant. Hunc Ars *Fullo nica*, & Officiæ, seu Opificia *Fullonia*, quæ, ne pone Aedes (nisi ab eisdem sex cubitis distantia) construerentur, providentissima lege sancitum fuit, ut eorum pestilens, immundusque fumus evanesceret. Lex item, nec

minus providè, lata a Trebatio est, qua Fullonibus prohibebatur Officinas circa Fontes perennes, atque currentes ædificare, ne aquam impuram, & lurulentam bibituris immitterent. Ex his facillè colligitur quæ fuerit noītros inter Magistros Fontanos, & Fullones controversiæ origo, & argumentum. Rarissimam hanc Inscriptionem dixit Fabretus Cap. iv.; atque desperatæ lectionis: autumat tamen & ipse litigium in ea contineri inter Fullones, & Magistros Fontanos, quos alias nominavimus. Causa, ni fallor, in his etiam pensionibus vertebatur, de quibus loquitur Bulengerus I. R. lib. 7. Cap. x. *Tres autem, inquit, Pensiones fuere, quæ Calendis Januarii, Cal. Maij, Et incuntes Septembri, quo desinebat indictio, penderentur L. finali C. de Annon. Et Tribus.* Vide etiam Guther. *de Off. D. A.*, & Jo. Calvinum in *Lex jurid.* Ex eodem Fabretto discimus Marmor inventum ætate sua ad aggerem Servii, ponè Ecclesiam S. Antonii Abbatis in Exquilis.

25.

SANCTISSIMO HERCVLI
INVICTO

CORPOR. CVSTODIARIOR
L. CVRTIVS ABASCANTVS CVM
CVRTIO GAVDENTE FIL.

IMM. A. III

CRATERAM ARGYROCORINTHAM
CVM. BASI. SVAE. THYPOBASI
MARMOREA

SVA. PECVNIA. DONO
DEDERVNT

DEDICAT VIII KIVN
SERSCIPIONEORFITOQNON PRISCO COS

SVAE. TYPOBASI. *Sua, & Hypobasi.*

VIII KIVN. Kalendas, vel Kalendis,
Junias vel Juniis, aut Junii: h. e. die 24. Maij.

CORPOR. CVSTODIARIOR. *Corpora,*

aut Corporati, aut Corporis patrono. Custodes, *Custodiarior* vocatos, unquam in antiquis Monumentis non reperi. Corporis autem Custodiariorum, seu Custodum, nulla, quod sciam, mentio apud lapidum Collectores, Lipsium, Reinesium, Gudium, Gruterum, Fa-

Fabretum, Gorium, Maffium, Muratorium, &c. qui nullum, præter istud Capitolinum, Saxum invenere, *Custodes*, in Corpus coaluisse, asserens, quod ipsi ignorarunt Pignorius, Titusque Popma, licet ille *de Servis*, iste *de Servorum operis* ex professo disseruerint. At cui assignandum ordini corpus istud Custodiariorum Herculi donaria offerens, quæstio est, non obiter solvenda. Plurimas enim extitisse Custodum classes inscripta Marmora tradunt, nempe *legum, officii, rationum patrimonii Augusti, Civium Romanorum, Corporis Principis, Mulierum, Carcerum, Horreorum, Edium, Vivariorum, Carinarum, Tabularum* &c. Lucem tamen non levem offert, quod Curtius Abascantus, ac Curtius Gaudens se se IMM. A. IIII., hoc est *Immunos annos quatuor* dicunt. Notum est *Immunis* vocatos potissimum fuisse Milites, qui vel ætate, vel privilegio ab omni militiæ munere ad præsignatum tempus vacabant. Abascantum ergo, & Gaudentem Militares Viros, ei Custodum Corpori addictos opinor, qui *Custodes Armorum* vocabantur, qui scilicet arma, & machinas militares in Armamentariis Castrensibus repositas custodiebant, quique forte vigilabant, ne arma formarentur, nisi ab iis, quibus ea conficere, publica, aut potius Senatus, aut Principis auctoritate, licebat. Singulæ enim Legiones suos habebant *Armorum Custodes*, quos Muratorius uno verbo *Armamentarios* dixit. Horum Custodum frequens mentio, apud laudatos Auctores: Hortensius Mucro, C. Virius Sabinus, C. Julius Priscus, J. Aurelius Maximus, C. C. Ulpianus, M. Ulpianus Maturus, Ulpianus Angulatus, P. Ælius Bassus, omnes Armorum Custodes fuisse legimus, quibus præfuisse Herculem, ex nostra Inscriptione coniectatus est Jacobonius in Append. *de prisca Gæstor. gente* Cap. XXI.

CRATERAM ARGYROCORINTHAM. Craterem nimirum ad formam vasorum Corinthiorum, vel potius ex ære Corinthio, Romæ elaboratum, sed undique deargentatum; usus enim inargentandi ærea utensilia, ætate Plinii vigeat, ut ipse docet lib. 21. cap. 3;

Romæ, inquam, ubi Fabros vasorum Corinthiorum extitisse asserit, ni fallor, inscriptio apud Muratorium, in qua Lucrini cujusdam Thalami a CORINTHIS FABRI mentio est. *Argyrites* spuma argenti est; sic *Argyromas* Ætoliz flumen, ab argento aquarum colore; *Argyromas*, argentei nitoris lapillus; *Argyraspides* a Clipeis argenteis, Alexandri Milites, *Argyrophalerus*, equus nempe, argenteis phaleris ornatus; *Argyrotroxos* demum Apollo apud Homerum ab arcu argenteo, de quo adi Macrobius *Saturni*. lib. I. cap. XVII. Si tamen hæc etymologia eruditioribus viris non placet, dicendum erit Craterem hunc, ex loco ubi confectus fuerat, nomen sumpsisse, videlicet vel ab *Argyra* Tapobranæ metropoli, vel ab *Argyra* Siciliæ, Diodori patria, vel tandem ab *Argyra* in Achaja ab Augusto vastata, cujus meminit Pausanias in *Achaicis*. *Argyram*, metallis fertilem, commemorat Plinius lib. VI. *Ad Gangem*, inquit Pomponius Mela lib. 3., *insula est Argyra argentei soli*. Cæterum Corinthia vasa, quæ primus Romæ transtulit L. Mummius Achaicus Anno V. C. 608. post Corinthi expugnationem, tanto olim in pretio habita sunt, ut ea Romani, (ac potissimum Augustus) sæpè auro, nedum argento præponerent, Servosque alerent, quorum unicum officium erat vasa Corinthiaca curare. Servum A CORINTHIS nominat Tabula Antiatina, Titumque Lajum Paratum A CORINTHIS laudat Inscriptio Gruteriana; CORINTHIARIVM, Svetonius.

HERCVLI. Non sine Causa Craterem potius, quam aliud, ex tot quæ Diis offerebantur Donariis, Custodiariorum Corpus dicavit. Crateres enim, scyphos, pocula, aliaque similia propria fuere illius Divi munera, vel quia bibacissimus, & sæpè ebrius; vel quia poculo tamquam navigio, ventis, immensa maria transiverat, uti ex antiqua Historia prodit Macrobius *Sat.* lib. V. cap. XXI.; vel quia ipse magnum jam poculum ligneum attulerat, quo utebatur in sacris, quod Romæ quotannis in Herculis convivio exhibebatur, & ne carie consumeretur, pice oblitum conservabatur: huc alludit Juvenalis *Sat.* XXI.

MUSEI CAPITOLINI

..... urna cratera capaxem
Et dignum fuisse Pholo & conjugē Fusi
 V. Comm. Var.

Alterum refert Saxum Almeloventius, in *Fest.*
 in quo, uti in nostro, Crateram Argyroco-
 rintham, eidem Herculi offertur

SACELLVM, HERCVLI, COMITI. CONSER. EXORAT
 HIC, POST. DONATIONEM. IN. QVINQ.
 CRATERAM. ARGYRO. CORINTAM *(sic)*
 XII. KAL. SEXTIL. IMP. CAES. DOMITIANO. AVG.
 ET. A. VOLVSIO, SATVRNINO. COS
 SILVIVS, M. LIB. GORGON. RECTOR. ET
 PATRONVS. CORP.
 GERVLANOR. NAV. CENAM

Quo in templo (cum tot essent Romæ
 Herculis ædes) Craterem hunc Argyroco-
 rinthum consecraverint Custodiarum, penitus
 ignoratur. Ego tamen, eorum attentam mi-
 litari conditione, puto id actum esse in tem-
 plo Herculis Defensoris, in Regione XV.
 condito, ubi Milites aliquando Arma Cly-
 peosque suspendebant.

CVM BASI, SVAE, THYPOBASI,
 MARMOREA, corrigendum, *Cum Basi sua,*
& Hypobasi marmorea, Hoc est crater stabili-

lis, uti ex alia inscriptione ex Sponii *Miscell.*

HERCVLI. VICTORI. CRATERAM
 MARMOREAM CVM BASI SVA
 CN. DOMITIVS. CN. L. POLYMNESTVS
 S. P. D. D.

Verum, quod Herculi oblatum in Saxis
 notavimus, in Signo expressum a Corinthiis
 videat Lector, prout id effinxit Chartarius
 testimonio, ut puto Pausaniæ, qui cujusdam
 Signi, pueri scilicet Herculi Crateram porri-
 gentis mentionem facit in *Corinth.*



SERSCIPIONE OFRITO &c. *Sergio Sci-*
pione Orfito, & Q. Nonnio Prisco Coss. Ann.
 V. C. 902., post C. N. 149. Ita Cassio-
 dorus, Panvinus, Petavius, Almeloventius,

quorum tamen Chronologiam (perlecto eru-
 ditissimi P. Magnan de anno Nativitatis CHRI-
 STI problemate) confidenter obsecundare
 non audeo.

HER.

26.

HERCVLI . IN
VICTO SACRVM
HERMEROS . AVG
LIBTABVLARIVS
THENSAVROR

Nemo profectò hanc Inscriptionem ab aliis relata affirmabit; reperta est enim hisce diebus in Prædio vulgò *Salona*, VII. ab V.L. extra Portam quam vocant *Maggiore*, misitque vir humanissimus, egregiusque Pictor Nicolaus *la Piccola*, cujus impensa plurimæ adhuc in supradiçto Prædio, venerandæ Antiquitatis reliquæ, & inscripta Marmora in Museum Capitolinum, eo largiente, me curante, collocanda, eruuntur.

TABVLARIVS THENSAVRORVM .
Tabularius Thesaurorum . Thesaurus, deductum a græco *Θησαυρος* perspicue constat: itaque, inquit Manutius, *quibusdam antiquis libris non assentior, in quibus video scriptum esse THENSAVRVS, uti in Muratoriana p. 85. ET THENSAVRIS DOMIN* || Ex his igitur

(quin exempla in medio ponantur) satis liquet utraque orthographia priscos usos esse Scriptores; ideoque hic de *Tabulario Thesaurorum* esse intelligendum, a *Thesaurario*, qui & *Thesauensis*, & *Thesaurorum Præpositus* dicebatur, longe diverso. Hi enim Thesauri Custodes erant, quorum duodecim recenset Pancirolus in *Notitia* Cap. XXXIV. Illi verò, *Scribæ Thesaurarii*, hoc est *Calculatores*, *Tabelliones* etiam vocati, qui in Thesauro, in loco scilicet in quem pecunia ex Oppidorum vectigalibus exacta deferebatur, tabularum obsignationi inserviebant. De *Tabulariis*, *Tabellariis*, *Tabellionibus*, frequens tum in Saxiis, tum in Historicorum, Jctorumque libris est mentio: at de *Tabulario Thesaurorum*, nullibi; eoque magis gratias, urbanissimo lapidis Largitori referre par est.

27.

VOTO . SVSCEPTO
BONAE . DEAE
ASTRAPTON . CAESARIS . VILIC
AEDICVLAM . ARAM . SAEPTVM CLVSVM
VETVSTATE DIRVTA RESTITVIT

BONAE DEAE. quam etiam Faunam, Fatuam, Opem, Majam vocarunt Antiqui. Plutarchus in *Cæf. Colitur Roma Dea quam Bonam appellant, ut Græci Μυθιεβρεμ*. Fauni hæc soror fuit & uxor, quæ, quia contra morem decusque regium, clam vini ollam ebibisset, & facta ebria esset, virgis myrteis a viro usque ad mortem caesa est. Postea cum Regem facti pœniteret, & defunctæ desiderium ferre non posset, divinum est illi numen delatum, ideoque in sacris ejus obvo-

luta vini amphora ponebatur. Eo enim pacto quo stupra, adulteria, furta, raptus, atque similia, Deos fecerant Jovem, Mercurium, Venerem, Gradivum; ebrietas sic divinum cultum apud Ethnicos femina huic bibacissima contulit. Hinc festivè Arnobius adv. G. lib. 2. *Fauna, Fatua, Fauni uxor, Bona Dea quæ dicitur, sed in vini meliori, & laudabili potu*. Hanc Bovillis, ubi templum habuit, frequentabant Virgines Latinæ; huic Vota appendebant parturientes, quæ tunc eam *Venerinam*

rinam nuncupabant. Aedes eidem in Aventino erectas ajunt omnes; verum iis, qui eas collocant ubi hodie templum quod vocant *del Priorato*, adversatur, præter alios, validis conjecturis Famianus Nardinus. Ut ut res sit, certè cum Majo mense ejus sacra fierent, quidquid esset masculum, templo arcebatur; ita ut ipsæ tabellæ, sive Picturæ masculos representantes tegerentur. Propertius lib. 4.

*Faminea loca clausa Deæ fontisque piandos
Impand, Et nullis sacra rotecta viris.*

Juvenalis Sat. 6.

*velari pictura jubetur.
Quacumque alterius sexus imitata figuram est.*

Victimam itidem, foeminam fuisse testatur
Sat. 2.

*Atque Bonam tenera placant abdomine porca
Et magno cratere Deam.*

Varro enim tradit, Bonam, tantæ pudici-
tiæ fuisse, ut nemo eam, quoad vixerit, præ-
ter virum suum, mas viderit, aut nomen ejus
audiverit. Hujus Deæ sacra tamen violare
non erubuisse P. Clodium, nemo est qui ne-
sciat. Præterea sicuti sacris Bonæ Deæ viros
adesse prohibebatur, ita mulieres Silvano sa-
crificare non licebat. Nam Silvanus idem ac
Faunus, Pici filius, Bonæ vir fuit, uti ex in-
scriptione Ligoriana, verbo *Antro Aventino*

SILVANO SANCTO FAVNO ET PICO
SACRVM
L. POMPONIVS L.F. CALPHVRNIANVS
FRVG. AEDIL. CVR. L. D. D

Virgines tamen nupturæ, post Puparum,
strophiorumque Veneri oblationem, ac Bonæ
imaguncularum consecrationem, ad templum
tandem ibant in agro Laurentino positum,
ibique Fauni oracula consulebant. Corradi-
nus, Thomassinus, & Dempsterus, Ovidii
authoritate freti, affirmant Virgines ante nu-
ptias templum Bonæ non solum frequentasse,
sed & per illud nudas discurrere solitas, ibi-
que dein se ornasce. Carmina Ovidii hæc
sunt lib. 11. de A. A.

*Quæ male crinita est, custodem in limine ponat
Orneturque Bonæ semper in ade Deæ.*

at his, Vates hortatur foeminas glabras (qui-
bus tamen inest animos alliciendi cupiditas)
ne caput ad paucos peccendos crines coram vi-
ris, detegant; sed vel Custodem in limine
ponant, a quo, viris interdicatur introitus,
vel ornent se in ædibus Bonæ, quas ingredi
viros non licebat. Nulla ergo hujus bacchicæ
Virginum denudatarum decursionis apud Ovi-
dium mentio. Qua de causa Villicus iste Cæ-
saris Bonæ Deæ votum vovisset, non constat
ex Lapide: putarim pro felici uxoris partu &
puerperio; nam, ut innui, Bona parturienti-
bus præsidebat, teste Labeone apud Macro-
bium, qui huic Deæ Junonis potentiam tri-
buit. V. Saturn. lib. 1. cap. 12. Puerperæ vo-
tum (Bonæ forte oblatum, tamen Nemi re-
pertum) in figulina Tabula expressum profe-
runt Thomassin de Donar. Cap. 14. & Bartho-
linus de Vet. Puerper. a Gaspare filio illustr.
p. 20.



Tabulam fanè, pariterque Lapidem hunc nostrum in museo Martii Milesii Sarazani extitisse tradunt laudati Thomasinus, atque Bartholinus. Alterum, at Bonæ Deæ imaginem exhibens, fictile signum olim Card. Franc. Barberini, vulgavit idem de Donariis auctor Thomasinus Cap. 12.


SAEPTVM CLVSVM. *Septum*. Septa claudebant ædes, non claudebantur: nos *Recinto*

vocamus; primum videlicet introeuntibus, ultimum egredientibus, ædis, templi, aut viridarii membrum; itaque si Septum ab Alstraptone restitutum clausum erat, aliud ergo septum extabat quo illud clauderetur. At puto intelligi debere, non de Septo ligneis rastris, siue fornaceis pilis intervallato constructum, uti visitur apud Patinum in nummis Macrini, ac Otacillæ Severæ, templum septo clusum exhibentibus, hoc pacto.



neque de Septo reticulato, siue cratitio, quemadmodum vidi in Nasoniorum sepulchri pi-

cturis, quas illustravit Joannes Petrus Bellerius vir eruditissimus.



fed de Septo absque spatiis, quod consentaneum erat religioni, congruebatque studio, quo ab ædibus Bonæ Deæ excludebatur viri.

ASTRAPTON. ἀστράπτων. q. d. Fulgeratorem, inquit Reinesius, Cl. 1. p. 162. ubi hæc. Romani vel hoc ipso fassi sunt, quod a primordiis fere Urbis, Græcis nominibus, & cognominibus, cum externa alia fastidirent, suos adpellaverint, nimirum deesse rebantur domestici; imprimis in libertis, & servis, tam maribus, quam feminis agnominandis, participiis activis hac forma delectabantur: Bronton, Acmazon, Auxanon, Anteron, Comazon, Eron, Phileron, Pazon, Phlegon, Sozon, Prepon, Spendon, Hiron, Bregon &c.

VILIC. Villicus.

A . GABINIVS
ENARCISSVS-7
FORTVNAE . PRIM
VOTVM SOLVIT . L . M .

PRIMIGENIAE . Vulgatissima fabula est Jovem adhuc Puerum expulso Patre , in Universi cum fratribus Plutone , & Neptuno , divisione , Cœli , Terræque imperium ex Sorte obtinuisse . Unde Jovis , ac Junonis simulacra in gremio Fortunæ , isque honor Fortunæ datus , ut sit Jovis , seu Jovi primi-

genia , per eaque Sortes , atque Oracula regi crederentur , ut cujus beneficio Jupiter summam sit adeptus potestatem . Fortunæ primigeniæ , Jovique Pueri inscriptiones extant in Gruterianis ; utriusque hic eruditissimo Rocho Vulpio teste (*de Prænest. tab. 2.*) Imaginem exhibeo .




✕

Scribit Plutarchus , Servium Regem , Fortunæ , acceptum Regnum , retulisse , atque ab eodem , in Capitolio , fanum constructum fuisse Fortunæ Primigeniæ . Eiusdem Ædes sacras in Quirinali ponit Ovid. *Fast. iv.* quas tamen , a Q. Martio triumphatore , post Bellum Punicum (non ergo Macedonicum , uti asseruit Vulpius) dedicatas , ter narrat

Livius , scilicet D. III. Lib. 9. D. iv. lib. 4. D. v. lib. 3. De vetustissimo , celeberrimoque Fortunæ Primigeniæ templo Præneste , incerto Conditor , dicato , v. laudatum Vulpium , Kirckerium , Suaresium , deque variis hujusce Deæ cognomentis , Justum Rycquium in *descrip. Capitol. Cap. XLIII.* ; atque Rosinum *Ant. Rom. lib. 2. cap. 16.*

29.



GENIO. Quisque natus est Genium habere suum, cujus in tutela vivit, docet Censorinus de D. N. cap. II. Sed & Genium cuique rei tribuisse Gentiles compertum est; unde D. Augustinus de C. D. lib. 7. cap. 13. *Quid est Genius? Deus est, qui praepositus est, ac vim habet omnium rerum gignendarum.* Reverà, non Coloniis tantum, Civitatibus, Municipiis, Pagis, Viis, Fluminibus, Fontibus, Collegiis, Curiis, Legionibus, Cohortibus, Centuriis, Genios adsignatos legimus in vetustis Saxis; sed peculiariter, ac discriminatim locis quibusdam, uti Caelio monti, Celae Grælianæ, Domui Iuliorum Larinatis, Theatro Pompeiano, Lavacris Metelli &c. Hinc Prudentius adversus Symmachum

Quamquam cur Genium Romæ mihi fingitis unum, Cum portis, domibus, thermis, stabulis, soleatis Assignare suos genios? perque omnia membra Urbis, perque locos, Geniorum millia multa Fingere, ne propria vacet angulus ullus ab umbra?

Quibus addi possunt Genius P. R., Genius Augustorum, Genius Mathematicorum, immo Genius segetis, Genius corporis, Genius ligni, Genius sexus, Genius famæ, Genius librorum, Genius tori, quorum meminere Martialis, Firmicus, Juvenalis, Virgilius, Ennodius. Simulacrum Genii interdum serpentis imagine effingebatur, interdum puerili, juvenili, senili quoque forma. Coronabatur Platanifoliis, resque illi sacra fiebat floribus, & merito. *Tabularum* lib. 1. El. 7.

Geniumque choreis
Concelebra, & multo tempora funde mero
Illius e nicido stillent unguenta capillo.
Et capite, & collo mollia fersa gerat.
Horatius Epist. lib. 2.

*Tellurem porco, Sylvanum lacte piabant
Floribus, & vino, Genium, memorem brevis ævi.*

Tanta denique superstitione veteres coluere Principum Genios, ut & templa illis erigerent (uti narrant Dio, & Ammianus, qui lib. 22. Alexandrinum Genii templum commemorat) & per eosdem sanctissimum iusjurandum conciperent; hinc Tacitus Ann. lib. 1. *Rubrio crimini dabatur violatum perjurio nomen Augusti; erat autem, inquit Minutius Felix in Oâ., tutius per Genium Jovis pejerare, quam Regis; quod verba Ulpiani confirmant l. 14. §. 5., de iurejur. Si quis iuraverit in re pecuniaria per Genium Principis, & pejeraverit, Imperator noster cum Patre rescripsit, fustibus eum castigatum dimitti.* V. *Acta Martyrii S. Polycarpi ap. Eusebium nempe L. 4. cap. 15.*

ET FORTVNAE. Genio sociatur in nostro lapide Fortuna, ut in alio apud Dempsterum, *Paralip. ad Ros. A. R. Cap. 14. lib. II.*

FORTVNAE. CONSECRATVM
GENIOQVE. HVIVS. LOCI

& apud Gruterum, & Reinesium; iste Cl. 1. Num. 138.

NV-

NVMINI. SERAP
ET . GENIO . ET . FORTVNAE

ille p. 1000. in Ara

IN . H . D . D . I . O . M
GENIO . LOCI . ET . FORTVNAE

nec immerito; nam Genius seu δαίμων, *demon*, idem cum Fortuna æstimatus; unde recte Ciceroni *εὐδαιμονία*, virtus cum Fortuna conjuncta redditur. Plutarchus itidem in *Præcept. polit.* αἱ μεγάλοι, inquit, δαίμονα καὶ τύχην τοῖς κατορθώμασι συνεπιγράφουσι, magni viri rebus præclare gestis Genium, & Fortunam ut auctores secum inscribunt, Nomen insuper Δαίμων, ut etiam Genii, in bonam aliquando, aliquando in malam partem accipitur, & alii dicuntur boni Dæmones, quos εὐδαιμόνας, καλοδαίμονας & ἀγροὶ αἶμονας appellarunt; alii mali, quos ideo κακοδαίμονας vocarunt. Muratorius hanc refert Inscriptionem. p. 79., sed nec qualis extat in autographo, nec quantal. 1. Scribit PRAETORIANARVM pro PRAETORIARVM, quasi nefas sit Praetorium dicere pro Pretorianum, italicè Coorti Pretoriane, live Coorti Pretoriae. Exemplum in promptu est apud Thomasin. *de Donar.* Cap. 22.

DEO SANCTO APOLLINI
PACI . FERRO . EX . VOTO
sic CORTIS . PRRTORIAE CEN
TVRIO DASIELIVS
LIBENS . VOTVM . REDDIDIT

2°. Post *Praetorianum* omittit Siglam V. 3°. Litteras effractas interpretatur VINDICARVNT; quare non potius DEDICARVNT? quia (4°.) quattuor inferiores lineas (quæ in suo Lapide omnino desiderantur) non viderat.

DEVOTI NVMINI MAIESTATIQUE EIVS. De veteri hac formula, a vilissimis Imperatorum mancipiis inventa loquitur Thomasinus *de Donar;* Cap. 19., ubi illius originem, Dionis auctoritate Hispanis tribuit. Dio enim lib. LIII., de Augusto hæc habet. *Quum aliis alii modis immodicè ei gratularentur, Sextus quidam Pacuvius (qui plerisque dictus Apudius) omnium studia superavit, more Hispanorum, se Cæsari consecrans: idemque ut facerent aliis auctor existens.* Verum, uti inquit Bulengerus de Imperio Romano lib. 1. *Majestas propriè divina exaudienda est; quare, teste Svetonio, inter flagitia Caligulae ponitur, quod maiestatem divinam asserere sibi cepisset.* Ad homines tamen postea translata est. Idem Historicus in Vespasiano: *auctoritas, & quasi majestas quædam, ut scilicet inopinato, & adhuc novo Principi, adhuc deerat; hæc quoque accessit.* *Majestatem tamen hanc divinam, vere fictitiam, ipse Vespasianus morti proximus jocosus his verbis: Ut puto Deus fio, palam derisit.* Quis revera ignoscet illi anonymo Vati, qui in Felti Pompeii editione Paris. M. DCCCIII. Josephum Scaligerum, DEVM appellare non erubuit?

Scaliger ille Deus qui multa emendat & auget.

30.

SILVIANO . NAEVIANO
ET . HERCOLI
ROMANILLIANO
CALVIVS
IVSTVS
D. M

SILVIANO, *Silvano*. Silvani parentes Crathin Sybaritam, & Capram fuisse narrat *Ælian. Hist. Animal.* lib. vi. Cap. 41. ex iisque in-

fantem natum esse Puerum, qui caprina haberet crura, & humanam faciem, eum postmodum in Deorum numerum relatum esse, ap-

appellatumque *Silvanum Deum*, cui offerēbatur lac, immolabatur Porcus

Cedere Silvano porcum, quadrante lavari.

.... *Silvanum lacte piabant*

Rem ipsam ob oculos pono, ex typo tabulæ marmoreæ de qua adeundus Thomasin. pag. 185. & seq.

ait Horatius lib.1. *epist.*1., & Juvenalis *Sat.*vi.



Aliqui existimarunt esse eundem ac *Pana*, sed minus rectè; nam Virgilius eos distinguit, *Georgic.* lib. 1.


Pan ovium custos.

deinde tribus fere interjectis versibus

Et teneram ab radice ferens Silvanæ cupressum.

NAEVIANO. Veterum Numina a privatis, aras, aut signa, aut vota dedicantibus cognomen sortita fuisse jam adnotavimus. Silvanus igitur Nævianus, a gente Næviana est nuncupatus, quæ plebeia fuit, cujusque nemora, nomen fecerunt Portæ Næviæ, hodie (uti cum Georgio Fabricio credunt nonnulli) *Porta Maggiore*. Ex ea gente ortus est ille M. Nævius, qui diem *de repetundis* P. Scipioni dixit, cuique Scipio respondit: *hac die Carthaginem vici; in Capitolium eamus, Diisque supplicemus*. Ex eadem gente, fortasse fuit Cn. Nævius Poeta comicus, quem propter nimiam petulantiam, & mordacitatem Trium-

viri, teste Crinito, ad vincula conjecerunt. Fundorum Nævianorum mentio occurrit in quodam Lapide quem anno 1773. reperi in Agri Tusculani villa, vulgo *Morena*. Inscriptio, hæcenus inedita, hæc habet.




HERCOLI. *Herculi*. ROMANILLIA-
NO. Sexaginta, & amplius habuit Hercu-
les cognomina: at eum nunquam *Romanil-*
lianum appellatum inveni. *Romanilliane* quo-
que gentis nullum apud Historicos, nullum-
que in antiquis faxis indicium; Nisi fortè

in quodam titulo apud Muratorium, ubi
DIIS MANIBVS CAELIAE ROMANILLAE
CAELIVS QVADRATVS PATRONVS

D. M. *Deorum*, vel *Divino Monitu*; vel
Diis Mognis.

31.



Pro. Salute. *M. Aureliani*. (aut *M. Au-*
relii Antonini) *Felicit. Augusti*.

Characterum discrimen, duorum Villi-
corum mentio, verborum Inscriptionis per-
turbata divisio, Aurelianus, vel M. Aurelius
cum Hadriano, me certum faciunt, binos
adesse in uno marmore titulos, ut credi-
disse videtur Fabrettus, qui ejusdem Inscr-
ptionis initium sumit a SILVANO. SAC.
SPERATVS.

DVBI. Fortè DVVIVS. B. pro V. fre-
quenter. *Duvius Rufus* ap. Reinesius. cl.I.21.

RISSTIVI. *Restituit*.

SILVANO SACRVM. Silvano, pro se-
ipsis ab Antiquis, aut pro salute, & incolumi-
tate aliorum vota apposita, per sæpè legi-
mus: ideoque SALVTARIS appellatus ap.
Thomassin. *de Donar*. cap. 26.

SILVANO. SALVTARI
L. MANLIVS. SATVRNINVS
EX. VISO. POSVIT

Et apud Gudium.

SILVANO
SALVTIFERO
Q. RABIRIVS. Q. F. ESQ. TI
TILINVS. PRAEF. PR.
EX. VOTO. L. M. DD.

idem qui Pan habitus: hinc vetus Glosa: *Sil-*
vanus: πᾶν θεὸς ὁ παῖς.

VILICVS. *Villicus*. *Servus Villicus*. *Ha-*
driani Augusti, Latinis grecissantibus EPI-
TROPOS. Hinc Varro, agriculturæ prin-
cipem, Villicum appellat, a *Villa*, atque præ-
positum rationibus, universoque operi rusti-
co. Villicos, & Subvillicos Hortorum Sa-
lustianorum, Majanorum, Lamianorum, &
Villicam, Villici contubernalem nominant,
illos, Marmora; istam, Poetæ. Juvenalis
Sat. II.

Asparagi, posito quos legis *Villica fuso*.
Martialis lib. I.

Pinguis inaequales onerat cui Villica mensas.
Eandem Inscriptionem retulit Franc. Vitale
in *Dissert. Gladiat.* p. 45., in qua quædam sua,
in lapide non extantia, addidit.

PRO

32.

PRO . SALVTE . ET.
 INCOLVMITATE.
 INDVLGENTISSIMORVM
 DOMINORVM
 MARCIO LIB . PROC . SACRIS . EORVM
 IVDICIIS GRATVS
 SILVANO . DEO . PRAESENTI .
 EFFIGIEM . LOCI . ORNATVM .
 RELIGIONEM . INSTITVIT .
 CONSECRAVITQVE .
 LIBENS . ANIMO

PROC. *Procurator*. Curatores sacris faciundis passim commemorant Historici, Lapides, aliquando etiam Numismata; at *Procuratores sacris*, nunquam reperi. Hic (ubi tamen de sacris faciundis sit sermo) de privatis profecto intelligi debet, quæ pro familiarum salute, & incolumitate agebantur; sed iis qui præerat Curio dicebatur, Curionum omnium præfectus, uti docet Kippingius. Mihi igitur verborum constructio, hæc potius creditur, scilicet, *Marcio Procurator, gratus sacris iudiciis eorum h. e. Dominorum*; quod hi privatam aliquam Marcioni perutilem protulissent sententiam. *Procurator* inquam, rei privatæ, cuius erat colligere bona caduca, & reditus Patrimonii.

DEO PRAESENTI. Ita in alio Saxo votivo apud Thomasinum de *Donariis* Cap. 23.

M . SEPTIMIVS . C . F
 MENTI . FIDEIQ . DEABVS
 PRAESENTIBVS
 EX . VOTO . S . P

non equidem, quod Dii illi Gentilium sacris adessent: licet enim Gentiles sæpissimè se, Deos vidisse jactent, hac formula EX VISO. EX VISV. nunquam Numina, opera manuum hominum, præsentia habere poterant, uti nobis Baptismo regeneratis, infallibili Fidei testimonio, contigit; de quibus ipsa VERI-

TAS Deut. Cap. 4. ait *Nec est alia natio tam grandis, quæ habeat Deos appropinquantes sibi, sicut Deus noster adest cunctis obsecrationibus nostris*. Interpretandum igitur cenleo Deo potenti; sic Cicero ad Atticum: *presentes ad nocendum vires habet*: item; *quamquam animus est præsens tamen voluntas ipsa medicinam efficit*: Quandoque *Propitio*; idem in Tuscul. *Heracles tantus, & tam præsens Deus*. De Nat. Deor. *Præsentem videmus Deos, ut apud Regillum*: ita Virgilius Georgic. lib. 1.

Et vos agrestum præsentia numina Fauni.

& Terentius in *Phorm.* Act. 2.

Hæc, cum rationem ineas, quam sint suavia, & quam cara sint
Ea qui præbet, non tu hunc habeas plane præsentem Deum.

EFFIGIEM LOCI ORNATVM. Nempe effigiem, seu Statuam & loci (ædis videlicet, vel Sacelli) ornatum, sive ornamenta consecravit.

RELIGIONEM INSTITVIT. Scilicet Cultum, & ceremonias. Ita Cicero de *Invent. Religio est, quæ superioris cujusdam naturæ, quam divinam vocant curam, ceremoniamque offert*: & de N. D. *Religio, quæ Deorum cultu pio continetur*; de Leg. tandem; *Cultum Deorum, & pu-
ram*

ram religionem suspicere. Religio pro *cultu* in aliis lapidibus (nisi me memoria fallit) nunquam reperitur. Inscriptionem istam non semel tantum, sed bis edidit Muratorius, Verum p. 69. PRESENTI, depulsa diphtongo, quæ tamen bipalmaris, ut ita dicam ex-

tat in Saxo, & p. 123. IVDICIIS GRATIS pro IVDICIJS GRATVS. Utrobique insuper omisit puncta, in fine sex linearum posita (quod notatu dignum) texturamque inscriptionis variavit.

33.

SILVANO FLAVIORVM
CASSIANVS . T . FLAVI . AVG . LIB
CELADI . LIBERTVS . FECIT . VNA
CVM FLAVIS CASSIANO . ET
AMANDO . FILIS . INCHOATA
ANTONINO . AVG . PIO . P . P
DEDICATA . XV . K . APRIL
SCIPIONE . ORFITO . E .
SOSIO . PRISCO . COS

En iterum Silvanum, ex familia ipsi devota cognominatum, scilicet e Flaviis, genere Libertis, qui ei Aram, aut Ædiculam dedicaverè, inchoatam imperante Antonino Pio Patre Patriæ, dedicata die xv k. Martio, consulibus Ser. Corn. Scipione Or-

fito, & Q. Sosio Prisco, idest A. C. 149.

SOSIO. Qui, hic vocatur *Sosius*, aliò *Novius* appellatur; at nullibi *Novius*, uti perperam apud doctissimum Dionys. Petavium *Ration. temp.* T. II.

34.

AANSON † BALESRİ
VALERIA PROFVTV
RA ET MARCVS
ANTONIVS HY
METVS COM FI
LIS SVIS DONVM
DEDIT SANCTO SIL
VANO CAMINE
SI CLODIO ALEXAN
DRI MANCIPE
CASSIA DEVTERA

Crucis in ethnico marmore, typus; litterarum SS. (quæ interpretantur *Sancto Silvano*,

vel *Silvano sacrum*) nomini M. Antonii Valerii fœde immixtæ; ipsaque litterarum forma,

ma, a forma earum quæ Inscriptionem ordiuntur, longè diversa, satis probant Aræ tympanum, ab aliquo pio Christifideli fuisse deturpatum. Christiani etenim Gentilium monumenta, quam poterant, immò certatim fœdare, deformare, mutilare, delere, funditus evertere consueverunt; eratque apud eos præclarum pietatis facinus, atque maximum Religionis argumentum, Crucis imaginem ubique delineare. Celebris est apud Bonarotam de *Vas. vitr.* Crucifixus figuris Remi, ac Romuli impositus. Scio equidem in Ethnicorum etiam Monumentis, potissimum Iſiacis, Crucis exemplar non semel reperiri. Cum *Serapidis Templum*, inquit Socrates Hist. tripart. lib. 9. *Spoliaretur, & in Sacris, uti vocabant, litteris, Crucis figuram invenissent, ea res in disceptationem venit: Christiani enim Crucem Christo adjudicabant: Ethnici verò, commune quiddam Christo cum Serapide esse impie contendebant.* Apud Jo: Braunium Sel. sacr. p. 390. Signa videntur Osiridis, atque Iſidis, cruces præ manibus habentium ansatas.



Verum cum nulla sit Silvani cum Iſide analogia, Crucis typo locus neutiquam in nostro Lapide esse poterat.

Notandum tamen est in aliquibus Gentilium marmoribus, interlineares quasdam extare Cruces, sic obsignatas †. Pierius Valerianus in *Comm. ad Eclog. 1.* Virgilii docet hanc Siglam significare modo TI. modo IT. ut in sequenti Lapide



Sacrificulus Ægyptiacus, crucem pariter geltiens est apud Causæum p. 11. fig. 36. In Nummo itidem Domitiani, a Moynæo in epist. de Melanophoris memorato, Crux conspicitur, sacris Iſiacis referenda. At confer Kirckerium in *Obelisco*; Bonannum in *notis ad Mus. Kirckerianum*, atque Pignorium in *Tab. Iſiaca*, ubi Lapis cum hieroglyphicis, inter quæ Crux quoque notatur

Voces illæ CRESCEN†NA, & POSV† certè legi debent *CrescenTina*, & *PosuIT*, sicut in militaribus S †. *spendiorum*. At quid valet, unicus fortè, hic lapis, tot aliis æquiparatus, in quibus istud Pierii hypomnema certissimè nominibus, aut rebus accommodari nequit? Exempla in promptu sunt; ac omnia ex Gruterianis excerpta Cap. vi.

R

D.M.

D. M.
AVRELIA
CRESCEN
†NA. CONIV
GI. VE....
PRODITO
CON QVO VI
XIT ANNIS
XIT. DE. SVO
POSV†. B. M.

D. M
AVR. MVSSA. †. FIL. AN. VII.

D. M
M. AVR. † LVCIANO
LEG. VII. † GEM. HAST. PR

POMPONIVS
† VALERIANVS

DIOGENES † GAVIS
IVLIAE. C. L. † VENERIAE
C. IVLIO C. L. † PROSDOXO

Num legendum TI, vel IT Luciano? IT Veneriae? IT Prosdoxo? in eadem Gruteri collectione scilicet in inscriptione Gratiani Marci habemus EX. TES. †. EIVS, ubi Crux aut nihil significat, aut TAM. hoc est *TesTamento*. In Lapide Lamunii Rufi cruces habentur in fine, atque a Sententia disjunctae, hoc pacto †. †. Et in Sixo Antalcidis sup. relato num. 30. in notis, tres itidem †. quæ nec IT. nec TI. nec TA. neque *Stipendia* indicare possunt. Cruces tandem pro litteris observantur etiam in vetustissimo Etruscorum alphabeto; quod præsertim in ponderum typis perspicuum est, quorum unum hic subijcio ex Dempsteri *Etrur. Reg.* T. I. tab. IX. p. 350.



Item in postica cujusdam Vasis parte, hoc pacto expressa visitur Crux, illi simillima, quæ in denariis omnium fere Regum Christianorum (præsertim post celebrem illam, de Cruce in denariis signanda, Caroli Calvi constitutionem dat. A. C. 865.) conspicitur.



vid. T. I. tab. XI. p. 78. apud laudatum Auctorem. Ex his lapidibus Crucesignatis liquet errasse Cl. de Vita, qui in egregio *Antiquit. Benevent.* Op. Diss. XI. hæc scripsit. *Ex quo quidem Signo † certa mihi atque constans insedit sententia, ubi sepulchrali cuiuspiam titulo, sucta sua forma indubique effigie insculptum occurreret, promptum esse, atque omnino tutum videri, ut idem titulus ad Christianos pertinere judicaretur.* Verum (quod summi, doctissimi que Viri pace dicam) quis titulum, e. g., Aureliae Mulsæ, in quo Crux perfectissime delineata †, Siglis D. M. sociata conspicitur, ad Christianam Mulierem pertinuisse affirmabit? Quis hæc de basi hac Capitolina Silvano Deo dicata, in qua tamen Crux extat sedulo pariter insculpta †? Concludendum igitur opinor, nil certi de isto Crucis in lapidibus typo posse affirmari. Hunc enim Christianorum pietati indiscriminatum tribuere vetat Crescentinæ titulus, in quo profecto † modò TI. significat, modo IT. Marmora vero sic crucesignata, ad Christianos constanter pertinuisse, ab hac, Silvano sacra Basi, manifestè negatur.

PROFVTVRA. Et apud Gorium T. I. p. 387. *Apæa Profutura*

CAMINESI. Cognomentum Silvani ex familia Fabretto, & Sponio ignota. Inter Capitolinas scæminam quandam nomine *Cameniam* videbis inf. & *Camenium* ap. Oderic. p. 131.

MANCIPE. Mancipem definit Festus; quisquis a populo aliquid emit, conducitve, quia sublata manu, significat se autorem emptionis, seu conductionis esse. Pædianus Mancipem esse ait qui quæstus sui causa, exigenda a Sociis, suo periculo exigit, & Reipublicæ repræsentet, & erat Manceps publicarum princeps. In conductione enim vestigalium tributorum, alicujusve operis publici inserviebant Manceps, Præs, & Socii: *Manceps* erat in conductione princeps; *Præs*, Sponfor, seu Fidejussor, *Socii* verò, qui in partem quæstus, & jacturæ a mancipibus, & præsidibus vocabantur, quod asseruit, præter Asconium, Polybius. Cicero in *Verr.* *Manceps* a Civitatibus pro frumento pecuniam

niam exegerunt. At planius Mancipem defini-
vit Casaubonus, qui in notis ad hæc Sve-
tonii verba non negaverim jactatum a quibusdam
Petronii Patrem fuisse Mancipem operarum, quæ
ex Umbria in Sabinos ad culturam Agrorum
quotannis commeari solerent, inquit; Hujusmodi
igitur operarum Manceps fuit Vespasiani proge-
nitor, hoc est, scilicet in Umbriam profectus
operas vili pretio conducere, & præsentem pecunia,
quas in Sabinos perductas mercede majore eloca-
bat. Hunc operarum (Agricolarum scilicet
aut Messorum) Conductorem, Romani vo-
cant CAPOCCIO. Mos hodie obtinet, resumit
Casaubonus, apud multos populos, ut imæ ple-
bis pars non penitenda, quia Domi quid agat
nihil habet, certo anni tempore, voluntarium
sibi indicat exilium, & alias terras petat, ut in
quo suam occupet industriam inveniat. Sic Epiro-
tarum agmina patriam quotannis relinquunt, &
ulleviora ditioris Turcicæ adeunt, operis simul,

& quasus faciendi gratia. Longebardis, & Sa-
baudis, qui campos purgant, puteos mundant
(mures alpinos, & cercophitecos, atque tæ-
dulam, stridulamque illam, quam Magicam
vocant Laternam, hisque familia circum-
ferunt) per æstatem Gallia (Italia verò hyemali
tempore) referta est. Lutetia, & in reliqua
Francia qui ædificant, Lemovicibus operis magna
parte anni plurimum utuntur: opera multis Hi-
spaniæ locis, viles homunculi sunt Galli, qui
compendii sui gratia illac quotannis commeat.
Eundem apud veteres morem fuisse testatur hic
Svetonii locus abunde.

CASSIA DEUTERIA. h.e. Secunda. Ita
Secundæ, seu fœtus in utero involucrum, Deu-
tera dicuntur: qui secundas partes Scœnica-
rum Fabularum agit, Deuteragonista: secundo
partu editus Deuterotocus: secundaria lex,
Deuteronomium &c.

35.

EXTRA HOC LIMEN ALIQUID. DE SACRO SILVANI EFFERRE FAS NON EST

Qui templorum sacrarumque ædium sup-
pellectiles, utensilia, signa, donaria Diis ob-
lata abstulisset, reus erat sacrilegii. Inscriptio
apud Licetum de Lucern. p. 606.

SI QVIS FVRAVE
RIT PROINDE
OBLIGATIVS. ERIT
AC. SI. SACRILEGIVM
COMMISERIT

Prædonum, furumque facile principem fuisse
C. Verrem abunde colligitur ex Tullio Act. II.
Hic navis illa prædonis istius, onusta signis reli-
giosis, expulsa, atque ejecta fluctu, frangitur:
in littore signa illa Apollinis reperiuntur: Rur-
sus: Hoc tu Fanum (Latonæ) depopulari, homo
improbissime, atque amenissime, audebas? fuit
nulla cupiditas tanta, quæ tantam extingueret re-
ligionem? Inferius: Perge Fanum antiquissimum,
& sanctissimum Dianæ scimus esse: id quoque a te
nudatum, & spoliatum esse, ex ipsa Diana,

quod habebat auri detractum, atque oblatum esse
dico. Haud minori scelere Deorum ille depi-
lator Gelo, Æsculapii Epidaurii barbam au-
ream demi jussit: neque enim convenire,
ajebat, barbatus esse filium, cum in omni-
bus Fanis pater Apollo imberbis esset.

LIMEN. Limen, ait Marcellus omnem in-
gressum denotat. Hic, de ipso Silvani Fano in-
telligi debet; res enim sacræ ad Deos spe-
ctantes, non in limine, sed in Templi sacra-
rio custodiebantur ab Ædituis. Limen pro De-
mo accipi posse, testes sunt Virgilius

Perge modo, atque hinc te reginæ ad limina profer.

& Propertius ad C. Gallum

Ab mea contemptus quoties ad limina curres.

Sic Ulpianus in leg. illicitas §. ne potentiores,
tit. de Off. præsid. Ne tenuis, inquit, vitæ ho-
mines

mines sub pretextu aduentus officiorum, vel militum, limine unico, & ideo Iuvenalis

pendentia liquit
Vela domus, & adhuc virides in limine lauros.

Christianis quoque sermone, *ad limina Apostolorum* renire, idem significat, ac *ad sepulcrum Apostolorum accedere*. Cæterum limina omnia, tum domorum, tum Templorum, sacra erant: Tibullus

*Non ego si merui dubitem procumbere templis
Et dare sacratis oscula liminibus,*

quibus præerat, quidam ex plebe Deorum *Limentinus*, nomine Vestæ, ut ita dicam, antiquissima Latinorum Dea. Limina enim Vestæ dedicabantur, quod in usu fuisse ante Romam conditam prodit Servius *Æn.* lib. 2. Alii verò post Sabinarum raptum. Cum ergo huic Deæ consecratum esset, sacrilegum videbatur novam nuptam limen, & sic locum Numini dicatum, calcare.

36.

LARIBVS
SALVTARIBVS
REGINVS . NOSTF
COS .

SALVTARIBVS. Non genericè, sed quia Reginus iste ad amissam valetudinem, Laribus adjuvantibus, redierat. Ethnici enim non Æsculapium tantum, aut Hygiam in morbis invocabant; verum, & Mercurium, & Junonem, & Venerem, & Dioscuros, & Proserpinam, ipsamque Febrim, quam *divam, sanctam, magnam* fecerant, quæque tribus in locis Romæ venerabatur. Nil igitur mirandum, quod ad arcendos morbos opem aliquando Larium exposcerent, quas variis, prout res postulabat, appellationibus colebant. Vide si vacat *Thomassinum de Donar.* Præterea notandum, quod hætenus *Salutarium* epitheton Laribus datum, numquam legimus, nec in aliis lapidibus, nec penes Latinos Authores, qui tamen de Laribus publicis, patriis, ruralibus, familiaribus, permarinis, præstitibus, grundulibus, vialibus, hostiliis permulta scripserunt.

NOSTF. sic. Perpetam *Muratorius*, NOST; licet enim Siglam F, rectè interpretatus sit pro T, tamen arguendus est summus ille vir, quod hic, & frequentissime in suo inscriptionum thesauro, scripturæ vitia non in notis, sed in ipsis marmoribus emendaverit; quod meritò leges Antiquariorum vetant. Cæterum *Reginus* cognomen fuisse Antistie Fami-

liæ, colligitur ex quodam C. Antistii III. VIRI monetæ nummo apud Patinum. *Quid sit NOST*, ait *Muratorius*, non assequor: Num NOSTRI CONSVLIS idest *Servius*? An recta explanatio, videant Eruditi. Ego equidem pro NOST legendum puto NOSTIVS, neque imaginarium cognomen, licet rarissimum: NOSTIAE DAPHNIDIS ORNATRICIS DE VICO Inscriptionem retulimus in nostro de *Ornatricibus* Opusc. p. 82. NOSTVS. MAM. SCAVRI. L. apud *Fabretum* Cap. III. ubi etiam

L. NOSTIVS
L. L. AMPHIO
NOSTIA. L. L.
TERTIA

Et pro COS., prima immutata litera, POS. Cum enim per Siglam COS. nihil aliud (ex omnium antiquarum notarum Interpretum sententia) intelligi debeat, nisi *Consul*, vel *Consularis*, cumque Reginus nunquam nec Consularis fuerit neque Consul, ideo suspicari licet mendum latere in lapide, qui aliufmodi corrigi nequit; eo magis, cum verbum PONERE tabellarum Votivarum formulis minime adverteretur, ut ex innumeris lapidibus perspicue constat.

LA-

37.

LARIBVS. AVGVSTIS. ET. GENIS. CAESARVM
 IMP. CAESARIDIVI. NERV. AETRIANO. AVG. GERM. PONTIFICI. MAXIMO. TRIB. POT. IIII. COS. III. DESI.
 PERMISSV. G. CASSI. INTERAMNANI. PISIBANI. PRISCI. PRAETORIS. AEDICVLAM. REG. XIII. VICENSORI. MAGISTRI. ANNI. GV.
 VETVSTATE. DILAPSAMINPENS. SVA. RESTITVERVNT. IDEM. PR. PROB. AVIT
 L. ROSCIO. AELIANO. COS.
 L. CERENIVS. L. LIB. HERMES. M. LIVIVS. C. LIB. DONAX. DEDIC.
 P. RVTILIVS. P. F. PRISCVS. L. CORANIVS. L. LIB. EVARISTVS. IIII. KIAN.

Familias, peculiares suos coluisse Lares,
 nemini obscurum puto. Hinc Plautus in *Aulul.*

Ego Lar sum familiaris, ex hac familia.

Unde exeuntem me aspexistis

iis in patella libabant, ideoque *Patellarii* ab
 eodem Comico festivè dicti sunt; alias *Do-*
 S *me-*

meftici, ut in Gruteriana pag. cvi. 12.

LARIBVS

DOMEST

SAC

V. S. L. M

Lares equidem Volufianorum nominat fequens Lapis.

HYMNVS . CAESARIS

VOLVSIVNVS

HERMAPHILI . HYMNI . LIB . F

DECVRIO . LARVM VOLVSIVNVORVM

SCANTIAE . PRISCAE . CONIVGI

CARISSIMAE . ET . SIBI

Lares igitur eo magis habuerunt Augufti,

non ut privati homines tantum, verum etiam ut Caefares; videlicet Lares, quafi dicas, Imperatoriae dignitatis, majestatisque custodes, & vindices. Horum parva Signa aurea, aut argentea in Larario palatii custodiebantur, cui praefuisse Servum quemdam coniicio ex verbis Svetonii, qui in *Domitian.* Cap. 17. enarrata hujusce Imperatoris nece, ita fcribit: *Puer qui Cura Larium cubiculi ex confuetudine affiftens, interfuit cadi, hoc amplius narrabat &c.* Aediculam ergo Trajani Laribus, & Geniis, vetustate dilapfam reftituerunt Magiftri *Ann.* (ab Collegii institutione) 103: GV. enim erroneè pro CV. Aliam ejusdem Imperatoris Laribus aediculam, pariter a Magiftris reftitutam, enunciat infcriptio Doniana Cl. 1.

LARIBVS AVGVSTIS

TRAIANI . AUG . GERM . COS . II . PERMISSV . TI . ALIENI . SICINI . QV

DICVLAM . REGIONIS . VI . VICO . PORTAE . COLLINAE . VETVSTAT

OLO . SVA . IMPENSA . RESTITVERVNT . MAGISTRI . ANNI

C. CASSI INTERAMNANI. Tria ejusdem nominis, fcilicet *Interamna*, extant inter Italiae fines oppida: *Interamna Nars*, ad Narem fluvium, vulgo *Terni*, Cornelii Taciti, uti cenfent nonnulli, Patria. *Interamna* ad Lirim, Sotæ & Arpino finitimum, nunc *Isola*; *Interamna* tandem in Præcutinis Aprutii, ad Vomanum amnem, hodie *Terano*. At trium horum Oppidorum populos, *Interamnates* conftanter appellatos invenio, nunquam *Interamnatos*. C. Caffium (alii Caffitium vocant) *Interamnatem*, non *Interamnanum* nominavit Cicero pro *Milone*. Legite testimonia teftium veftroarum, dixit C. Caffius, cognomento *Schola*, *Interamnis*, familiaris meus. Hinc Elifius Calentinus in *Ode* apud Angelonium *Ift. di Terni P. 1.* & apud Ferrarium Alexandrinum *Diſt. Geograph.*

Trina per campos jacet Interamna

Dividens cives tenui fuſſurro,

Ut ſuos tantum ſua terra norit

Jure creatos.

Interamnates referant Clientes,

Interamnates legimus Colonos,

Interamnates cupimus puellas

Conſcia turba.

Prima, quæ Nari fluvio rigatur,

Alteram juxta Liris intumeſcit,

Iſta Turdinum vidit inſolentem

Mænia propter.

Sic enim faxis legimus vetuſtis;

Si qua vel chartis aliter legatur,

Rite non ſcribi poteris putare

Quiſquis oberras.

Saxum tamen hoc vetuſtum in quo Caffius *Interamnanus*, non *Interamnis* dicitur, Saphicus ille Vates profecto non legerat.

PISIBANI. Cum nullibi hoc Piſibani nomen reperiatur, ſuſpicio cognomentum eſſe populi *Interamnatis*, quo a reliquis *Interamnatis* diſtingueretur. Sane Plinius non *Piſibani*, ſed *Piſinates*, una cum *Interamnatis* nominat *lib. ul. Cap. 14.*

PRAETORIS. Nempe VRBANI, ex cujus nutu *vicomagiftri* (Romæ nunc *Capitoni*) pendeabant.

REG. XIII. *Tranſiberina*, in qua vicos XXII. ponit Viſtor, totidemque Aediculas, quarum ergo una fuit hæc noſtra Laribus

bus Augustis Geniisque Cæsarum, imperante Trajano, restituta.

VICI CENSORI. Nomen ex familia: in Victoris enim Regionum descriptione legitur *Vicus Censori*, uti *Vicus Quadrati*, *Vicus Sergi*, *Vicus Paulli* &c. Si igitur nomen, a Censoria dignitate originem repetisset, non *Censori*, sed *Censorii*, vel *Censoris* legeretur. Vicorum nomina sæpissimè a Familiis sumpta notavi sup. Num. 19.

L. ROSCIO AELIANO CoS) *Sacerdo-*
TI. CLAUDIO SACERDOTAE) *te.* Trajanus regnare capit A. C. 98., regnavit annos circiter 19. Primum Consulatum gessit A. C. 91. cum M. Acilio Glabrione: secun-

dum, A. C. 98. cum Imperat. Nerva: tertium, A. C. 100. cum M. Cornelio Frontone. Cum igitur in Marmore mentio habeatur Trajani Cos III. *designati*, manifestum est Ædiculam fuisse restauratam A. C. 99. Itaque emendari debent Panvinius, Petavius, Almelovenius, ipsique licet diligentissimi R. H. Anglicani Scriptores; quorum primus, Consulatum Anni 99. tradidit Nervæ III. cum Trajano II. Reliqui verò, C. Sosio Senecioni II. & Cornelio Palmæ: Marmor enim istud, laudatis Fastorum collectoribus ignotum, perspicuè nominat L. Roscium Ælianum, & Ti. Claudium Sacerdotem, quibus Consulibus, dedicata est Ædícula, ab enunciatis Magistris III. K. Januarias, idest die 29. Decembris.

38.

P. ACILIVS . FELIX
DDDIASVR Æ . CVM SVIS

DDDIA. *Dedicavit Dea Syria*. V. pro Y. Ita *Phryges*, & *Phryges*, *Sylla*, & *Salla*, *Puribus*, & *Pyrrhus*, *Lacryma*, & *Lacruma*. &c. apud Manutium in Orthogr. & Antiquarios in notis.

DIA. Philippus a Turre in *Mon. Antiat.* Dix titulum sive appellationem tribuit Junoni; Bozæus in *Ara Lugdun.* Cybeli. Nos vero, Strabonis, atque Pausaniæ autoritate fulti, dicimus *Diam* vocatam fuisse Heben, quæ veluti juventutis Numen ab antiquis venerabatur. Hic ergo in *Corinth.* Cap. XIII. *In arce*, ait, *cupressetum est in quo Templum extat antiqua religione sacrosanctum. Deam, cui id est dedicatum præsci Ganymedan, recentiores Heben nominant (Ganimeda enim, uti advertit Casaubonus in not. ad Strab. p. 166., dicitur a Pausania, quæ a Strabone Dia vocatur): verum ipse audiatur Strabo lib. 8. Colitur Philunte, ac Sicyone templum Dia; sic enim Heben, seu Juventutem nominant.* In nostro tamen Lapide *ro DIA* mendum esse opinor Quadratarii, atque legendum *DEAE Syria*, vel *Syria*. Hanc, eandem esse cum *Idide*,

Cybele, Rhea, Magna Dea &c. minime dubito. Eruditissimum de *Dea Syria* Luciani opusculum neminem latet. In *Ara* hujus parte superiori visitur ipsa Dea, capite hoc pacto mitrato



Dextra aviculam tenet, quam Gruterus notuam credidit; sinistra instrumentum quoddam cochleare hujusmodi



forte sistrum, aut speculum, quod in festis *Deæ Syriae* gestabant Ministri, uti colligitur ex Apulejo: pectus omnino nudum; reliquæ corporis partes laciniosa veste operatæ. Ara est quadrata, extabatque olim in hortulo Matthejorum ad Pontem Cestium. Gruterus inscriptionem, ex Smetio, retulit p. 87., sed variatis perperam characteribus. D.M.

D . M . S
M . VETI . DECEMBRIS
FILII PISSIMI RELIQUIAE ANNO
RVM XVIII CONSECRATAE PIE
TATI ET GENIO INFERNO AB M. VETIO
TROPHIMO . ET VETIA . LVPVLA
PARENTIBVS

DECEMBRIS. Ex Mensibus modo nomina, modo cognomina sapissimè occurrunt: ita in vetustis Saxis C. *Januarius*, T. *Martius*, I. *Aprilis*, Q. *Junius*, M. *Julius*, P. *Augustus*, C. *September*:

RELIQUIAE. Cineres, *Ossa*, passim: *Reliquia*, rarissimè. Ita in Saxo quod a me CLEMENS PP. XIV. dono perhumaniter excepit anno 1773. in suumque Museum transtulit

D. M
RELIQUIIS
ANNI PACCI
ARISTAENETI

quo (si tamen idem est) emendabitur Fra-
bettianus lapis.

RELIQUIIS C. PACCI
ARISTAENETI

Novum mihi quidem illud *Reliquia ann. XVIII.* scilicet VIXIT ANN. XVIII. Nova itidem consecratio cinerum PIETATI; nam, licet *Misericordiae* templum crexissent Athenienses, ac prope Velabrum Romani, pietas tamen, ipsorum Ethnicorum doctrina, apud Deos inferos, nulla. Unde Poeta Inf. C. V.

- „ Stavvi Minos, orribilmente, e ringhia
- „ Esamina le colpe nell'entrata
- „ Giudica, e manda secondo ch'avvinghia
- „ Dico che quando l'anima malnata
- „ Li vien dinanzi, tutta si confessa;
- „ E quel conoscitor delle peccata

- „ Vede qual luogo d'Inferno è da essa:
- „ Cingesi con la coda tante volte
- „ Quantunque gradi vuol che giù sia messa

quos versiculos, sic eleganter latinos fecit
Vincentius Chartarius

*Cernere erat retro aspectu Minos sedentem
Horribili rictu latrantem, ac torva tuentem.
Quaesitor sevos vitasque, ac crimina discit,
Atque alias aliis penas decernit, Et umbras
Pallentes audit, tentat, subigitque fateri,
Quae quis apud Superos commisit crimina: quorum
Pro meritis penas taxat, numerumque locumque,
Tibi cauda corpus spiris immane revincens,
Ponarum gradibus quot vult torquerier ipsas.*

ET GENIO INFERNO. Genio nempe in cujus tutela erat Defunctus: Genios enim, ne mortuos quidem deserere, consumatissime etiam corporibus sepulcra inhabitare credebant, donec tempus, a Deo praestitutum, attractam labem absterferit, & anima jam purgata fuerit; sed audi Virgil. *Aen.* lib. vi.

*Donec longa dies perfectio temporis orbe
Concretam exemit labem, purumque reliquit
Aethereum sensum, atque aurai simplicitis ignem.
Hus omnes ubi mille rotam volvere per annos,
Letheum ad fluvium Deus evocat agmine magno.
De hac temporaria Ethnicorum animarum
purgatione, iterum Virgilius eodem libro*

*Hic metuunt, cupiuntque, dolent, gaudentque,
nec auras
Respiciunt, clausae tenebris, Et carcere ceco
Quin*

*Quin & supremo cum lumine vita reliquit.
Non tamen omne malum miseris, nec funditus omnes
Corporeæ excedunt pestes, penitusque necesse est:
Multa dici concreta modis inolescere miris.
Ergo exercentur penis, veterumque malorum
Supplicia expendant, alia panduntur inanes*

*Suspense ad ventos; aliis sub gurgite vasto
Infestum eluitur scelus, aut exurit igni:
Quisque suos patimur manes.*

ABM. Ab M. Vedio.

40.



P. ALFENO
HIPANO
GENIO . ET
DIS
MANES
THORIA
CEMELLA FECIT



DIS MANES. *Dis Manibus*: sextum enim
casum cum nominativo, aut accusativo fo-
ciare, ebrio tantum Quadratario concessum.

CEMELLA. *Gemella fecit*. De *Dis Mani-*
bus disertissime scripsit Comes Petrus Ant.
BRASCHIUS in *Inscrip. Fam. Casen. Cap. xv.*

41.

42.

43.



Aras istas rostratas, in quibus Nautæ sacri-
ficabant, ad veterem Antii Portum repertas

docet Rocchus Vulpus. Tres sunt. Murato-
rius tamen, qui cuncta, pro ut ei ab indili-

T

gen-

gentibus Amicis mittebantur, raptim, nimisque pedariè descripsit, duas esse putavit; Neptunique, Ventorumque prorsus distinctas Aras, fidentissimè coniunxit.

ARA NEPTVNI. Neptunum maris dominum fecerunt Gentiles, eumque idcirco, Nautæ potissimum, maritimumque iter fuscipientes, tanquam Patronum invocabant. Ritus hunc antiquissimum memorat Jonas Cap. I. 4. §. 16. *Facta est tempestas magna in mari, & navis periclitabatur conteri, & tinnuerunt Nautæ, & clamaverunt viri ad Deum suum.... & timuerunt viri timore magno Dominum, & immolaverunt hostias Domino, & voverunt vota.* Eundem confirmant Lapides

NEPTVNO
SACRVM

VOTVM . IN . SICVLO . FRETO
SVSCEPT VM . SOLVIT

NEPTVNO . ET
DIS AQVATILIB
PRO SALVT . ET
INCOLVMIT SIM
QVART SECVNDIN

et

IN . H . DD
D . NEPTVNO . CON
TVBERNIO . NAVTA
RVM . CORNELIVS
ALIQVANDVS
D . S . D .

De Templo, e cujus parietibus Nautæ vota soluturi, pictas suspendebant tabellas, ita Lucius Maurus vernaculo sermone in Ant. Rom. p. 100. *Hebbe Nettuno un Tempio presso al Tevere, ove è ora la Chiesa di S. Biasto, e vi*

soleano i marinari attaccare le pitture votate ne naufragj loro. Tabellas itas, collo alligatas circumferre solebant Naufragi, commiserationem, stipemque captandi gratia; hinc Juvenalis Sat. 1 §.

————— *mersa rate naufragus assem
Dum rogat, & picta se tempestate tuctur*

Sed & vestimenta quæ, permota tempestate, gestaverant, Neptuno suspendisse indicat his notissimis carminibus Horatius lib. 1.

————— *Me tabula sacer
Votiva paries indicat uvida
Suspendisse potenti
Vestimenta maris Deo*

Neptunum autem numen tutelare Antiatum fuisse, adeoque ab illis peculiari religione cultum asserit Ligorius, ibique Lucum, Templumque Neptuni extitisse opinatur laudatus Vulpus Tom. 111. de Antiatibus, & Norbanis p. 94. *Templo itaque, ait, Neptuni Antiatis lucum adhaesisse crediderim ex crebris oleastris constitum, cujus arboris Neptuno sacre, passim nunc quoque in loco ubi Templum fuisse conjicimus, solent quamplurima germina pullulare.*

Quæ vero victima huic potenti maris Deo a Nautis, nec non a Naufragis sacrificaretur, incertum est. Taurum nigrum, peculiarem in Neptunaliis victimam immolavisse Gentiles tradit Stuchius. Notandum denique Deum hunc, eo ipso modo, quo in Ara hic effictum videmus, videlicet nudum, rectumque, sinistra elata tridenti inhaerentem, delphinem dextera porrigentem effingi in quodam Hadriani numismate, cum epigraphe NEPTVNO . RED . COS . III . S . C . Ita in M. Agrippæ nummo apud Ant. Augustinum Dial. v.



ARA



ARA VENTORVM. Ventos tanquam Deos venerabantur Ethnici, potissimum Scythæ. Lucianus in *Toxari* sive *de Amicitia*: non enim, inquit, per Ventum, & Acinacem quicquam mentiturus sum apud te Scythicis amicis. Præ cunctis Æolus, uti ventorum omnium Pater honorabatur, quod ad illud Horatii

Ventorumque regat Pater

notavere Poetæ interpretes. Homerus equidem Odyss. X. Æolum, τοῦ τοῦ αἰέμον, præfectum ventorum appellat; ita Virgilius Junonem facit cum Æolo sic loquentem

Æole, namque tibi, Divum Pater, atque hominum rex

Et mulcere dedit fluctus, & tollere ventos.

qui quamquam multi (Gyr. Syntag. v.) tamen præcipui quattuor sunt, qui a primariis quattuor mundi cardinibus flant, numerari solent. Aquilo nimirum, qui & Boreas, a Septentrione, hunc, Orythiam rapientem, in Cypseli arca exculptum fuisse, tradit in *Eliacis* Pausanias. Auster, sive Notus, a meridie; de quo Ovidius in *Deucalionis diluvii* descriptione.

madidus Notus evolat alis,
Terribilem picea tectus caligine vultum
Barba gravis nimbis, canis fluit unda capillis
Fronte sedent nebula, rovant pennæque sinusque
Urque manu lato pendente nubila pressu
Fit fragor, & densi fundantur ab æthere nimbi.

Eurus, ab Oriente. Hic niget effingitur ob Ætiopes, per quos transit. Lenissimus denique *Zephyrus*, ab Occidente, cui fertum ex variis floribus additur, utpotè Floræ marito, quod refert Philostratus in *Imag.* Ventorum origo, Astræo, de Titanibus uno, tribuitur. Is cum Aurora concubuisse dicitur, unde nati sunt Venti, uti scribit Hesiodus, quem, ad illud Virgilianum

Tantandè vos generis tenuit fiducia vestri?


secutus est Servius. At cum ventorum aliqui maligni sint, aliqui mites, ideo votivas singulis, illis scilicet ne nocerent, istis ut prodescent, aras ponebant tum Nautæ, tum Agricola. Nocentes Ventos, nonnullos nominat Seneca *Quæst. nat. v. cap. 17.* Atabulumque Apuliæ infestum dicit, *Japigem*, Calabria; Athenis, *Sciron*; Pamphiliæ, *Catægum*; Galliæ Narbonensi, *Circium*. Hinc templa, hinc sacrificia, hinc aræ Ventis dicatæ. Usonem profecto Ventis templum excitasse tradit Eusebius in *Præp. Evang.* Æneas apud Virgilium, albam Zephyris felicibus pecudem mactavit. Augustus cum in Gallia moraretur, inquit Seneca *loc. cit.* vota Circio fecit, atque ædem sacram erexit, ne Galliam infestaret. Thuri quoque magno affecti beneficio, sacra Boreæ fecerunt, quod Dionysii classem, quam in eorum perniciem paraverat, funditus evertisset. Scribit tandem Pausanias, apud Sicyonios, Ventorum aram extitisse, in qua quotannis Sacerdos nocte una Ventis sacrificat.

crificabat, & ad quattuor scrobes alia multa peragere solebat arcana mysteria, ad placandam, & mulcendam Ventorum vim, ac feritatem. Vide etiam quod scribit in *Corinthiacis* de vento *Affrico*, cui gallus gallinaeceus a Trœzeniis immolabatur, ne germinantes vites siccitate corrumpere.

Ventos cum alis effinxerunt Antiqui, tumefcentibus buccis inflatis, atque spirantibus, uti in Ara hac nostra visitur; ubi Ventus rectum corniculum, instar tibiæ gestat, in quo vehementer flat. Alas autem Ventis attributas propter velocitatem docet D. Hieronymus in Psal. 103. *Neque illud, quod de Ventis dicitur Qui ambulat super pennas Ventorum, vere Ventos juxta fabulas Poetarum; Et Pictorum licentiam, pennas habere testatur, sed celerem in cuncta discursum.*

ARA TRANQUILLITATIS. Spes, Clementia, Annona, Pax, Concordia, Salus, Felicitas, Libertas, pro Deabus cultæ sunt

Romæ, quod Scriptorum, Lapidum, atque Numismatum autoritate probatur. Ita & *Quies*, nempe *Tranquillitas*, ædem extra portam Collinam, ac, teste Livio, Fanum habuit, via Labicana. Hinc in averfa Antonini Pii nummorum parte, figura stolata temonem tenens, cum epigraphe TRANQUILLITAS AVG. & in Philipporum numismate TRANQUILLITAS AVGG. Aram igitur tertiam *Tranquillitati* posuerunt Nautæ, vel ad prosperum iter, undis nimirum placidis, ventisque secundis faciendum, vel ad patrios Penates remeantes, vel jam in portu, longam, difficilemque post navigationem quiescentes: in portu scilicet *Antiatii*, uti opinor, ubi, sicuti diximus præclara hæc monumenta reperta sunt. *Antii* portum antiquissimum luculenter diserteque descripsit in suo *Latio prof.* Tom. III. Lib. IV. Cap. IX. doctissimus, deque toto Latio benemeritissimus Vulpus, qui hoc pacto ejusdem Portus ruinas delineavit.



BONIFATI
VIVAS . SACER
DVS

EPITYINCHANVS.M.AVRELL.CAES.LIB.ET.A CVBICVLO.FONTIBVS
ET.NYMPHIS.SANCTISSIMIS.IIIVIVM ☿ EX.VOTO.RESTITVIT

Lapis repertus est in hortis Matthæis, Raph. Fabretto superstite. Anaglyphum in eo extat, figuras exhibens Fluvii barbati, Charitum se se de more amplectentium, Mercurii caduceati, Hercules se se coronantis, atque arundinem gestientis. At istas, quam mox videbit Lector in egregio (Anaglypha Musei Capitolini complectenti) volumine, a doctissimis Viris Romæ edendo.

BONIFATI VIVAS. Omnibus perpen-
fis, ad suspicandum facile ducor, hæc ad Christianum hominem pertinere, dique post votum ab Epitynchano solutum, alicujus Christiani viri opera, exarata. Revera, Bonifatii nomen, inter Ethnicorum nomina, nunquam vidi, neque in amplioribus Genti-

lium lapidum collectaneis inveni, in Christianis vero inscriptionibus, frequenter. Porro illud VIVAS, acclamationis formulam, Romanorum propriam fuisse non cenfeo: in his saltem, quibus a Senatu Imperatores excipiebantur, hæc sane non reperitur, neque apud Vulcatium Gallicanum, neque apud Lampridium, neque apud Capitolinum, neque demum apud Vopiscum qui acclamationes pro incolumitate Avidii Cassii, Maximi, Balbini, Gordiani, Alexandri Severi & Probi prolatas, nimia fortasse cura referunt; sed *Dii te servent. Dii te tuentur. Dii te conservent. Dii te prosperent. Vincas. Valeas. Imperes.* Christianis verò fuisse familiarem, nemo est qui nesciat. Apud Ficoronium in *Gen.m. litterat.*

VRSVLÆ
VIV

DEVS
EDIT
VIVAS
IN DEO

apud Boldettum in Cameter. Christian.

REGINA VIBAS
IN DOMINO
ZESV

IOVIANE VIBAS IN DEO ET
ROG

✠
IOHANNES
VIVAS IN

OLYMPIODORE VIVAS
IN DEO

AEMILIANE ROMANE VIBATIS
IN DEO

In annulo aureo clarissimi Buonarotii alterius Bonifatii est mentio

BONIFATI
VIVAS

V

Tau-

Taurini anno 1772. annulum pariter aureum semuncialem vidi apud urbanissimum

Virum Iosephum Dominicum PROSACVM Baldassani Comitem, huiusmodi.




Præterea quis unquam credat Epytinchanum, formulam poni sepulcralem, in lapide votivo voluisse? *Sepulchralem*, dico, quod nomen vocativè inscriptum videatur, nempe BONIFATI a quo Bonifatium, e vivis receptum indicari assero, autoritate eruditissimi Philippi Buonarotæ in observationibus *sopra i Vetri antichi* p. 74. His forte de causis Raphael Fabrettus, qui primus, ni fallor, Epytinchani votum una cum Anaglypho retulit in *Inscript.* Cap. vi. & in *Syntagm. de Col. Traj.* cap. vi. ea quæ ad Bonifatium Sacerdotem spectant, penitus omisit, immo ne in Commentariis quidem meminit.

SACERDVS. Sacerdos.

A CVBICVLO. *Cubicularius*, sive Præpositus cubiculo, quemadmodum fuit Parthenius ille quem nominat Svetonius in *Domitiano* cap. 17. ubi cuiusdam *Saturii*, Cubiculariorum Decurionis meminit. Omnibus nota fatis est Columna illa, quæ adhuc in Templo *Aracalitano* visitur, hoc pacto inscripta

A CVBICVLO AVGVSTORVM

Primi C. Caesaris Germanici F. Cubicularii lapidem vidi Interamnæ in Ecclesia S. MARIE *Gratiarum*; Narsetem denique, Justiniani Eunuchum fuisse, atque Cubicularium testatur Anastasius in vita Pelagii summi Pontificis: eodem tempore, ait, *misit Justinianus Imp. Narsetem Eunuchum, & Cubicularium suum in Italiam*. At Cubicularius, servus erat qui Domini cubiculum observabat, eique ministrabat. Interdum tamen sumitur pro eo, quem Secretarium secretorum vulgo dicimus, vel pro Chartario, uti placuit *Juliani Patritii* interpreti. Fuit & Cubicularia, cujus unicam hæcenus, vetustissimamque Inscriptionem, una cum Cinerario CLEMENTI PP. XIV. dono tradidi ann. 1773., servaturque in Museo CLEMENTINO inter vetusta Monumenta, licet mendacissimus homo quidam, quem insana tenet blaterandi cacoethes (ne archetypo quidem inspecto) tanquam recenter effictum parum candide, ne callidè dicam pervulgare studuerit. Ossuarii hujus typum accipe benignè Lector, eoque probè perpenso, de Marmoris nostri ingenuitate Judex esto.



Palms

Romano

FON-

FONTIBVS. Rivos, & Fontes pro Diis habere, iisque litare, frequens erat idololatris. Testimonia scriptorum afferam quosolum, de Fontium divinitate differendi cupidus, adivi. Seneca ep. 4. *Subita, & ex abdito omnis eruptio Aras habet.* Martialis lib. 4.

*Ergo sacri Fontes, & littora sacra valete
Nimpharum pariter, Nereidumque domus.*

Plinius lib. 31. *Fontes augent numerum Deorum, nominibus variis, urbesque condunt, emittant passim benignè, nec in ulla parte naturæ majora miracula.* Frontinus de *Aqueduct.* Fontium memoria cum sanctitate adhuc extat, & colitur. Andreas Baccius de *Thermis* lib. 6. cap. 28. *Omni sua parte nascentes Aquæ aliquam præferunt Divinitatem.* Spondanus denique in *Hesiodi Opera*, & dicit, sic scripsit: *Cum in aqua usu maxima vita pars sit collocata, meritis videntur ei honores tributi, ejusdemque meritis ratione ab Hesiodo sanciri, ne quis fluxivum, aut Fontem permingat, aut oleo suo conspurcet.* Idemque credidit Flavius Fontesque Diis sacros, ob illam, ex sua in cursu perennitate, æternitatis imaginem. Quin, & Philostratus in *vita Apollon.* apud Cresollium lib. 11. Mythagogi monere audent, & hortari unumquemque, *ἵνα τις τῶν πηγῶν, ut fontes votis, & precationibus dignetur, θεῶν γὰρ, quod divini sint.* Hinc religiosi cultus causa in ædiculæ atrio appensa phiala seu lucerna, vitreo vasi inclusa: quæ veterrima superstitio Christianos ipsos infecit, damnata a Conciliis (vide Savaronem in *carm.* Sidonii) Toletano, Antissiodorensi, & Nannetenſi, in quibus ea superstitione imbuti vocantur *Accensores facularum, & excultores Fontium.* Burchardus quoque l. 8. c. 94. interrog. 42. *vel si aliquis vota ad arbores, vel ad Fontes, vel ad lapides faciat, aut ibi Candelam, seu quodlibet manus deferat &c.* Et Carolus M. in *Capitularibus* lib. 1. cap. 64. *De arboribus, vel petris, vel fontibus, ubi aliqui stulti Luminaria, vel alias observationes faciunt, omnino mandamus, ut iste pessimus usus, & Deo execrabilis, ubicunque sit, tollatur, & destruat.* Hanc superstitionem, cultum scilicet Fontium improbant etiam Cicero, & Firmicus. Ille de *err. prof. relig.*: *Ægypti incolæ, aquarum*

beneficio, aquam colunt, aquis supplicant, aquas, superstitiosa Votorum continuatione, venerantur. Ille de N. D. lib. 3. *Itaque & Fontis delubra Papius Mafso ex Corsica dedicavit, & in Augustorum precatione Tiberinum, Spinonem, Anemonem, Nodinum, alia propinquorum Flaminum nomina videmus.* Hinc Fontinalis Deus cujus meminit Plautus in *Sticho*; & Fontinalis Porta, quæ & Capena, nunc vero D. Sebastiani: hinc Fontinalia, in quibus iv. idus Octobris puteos coronabant, florumque festa in Fontes jaciebant. Horatius Od. lib. 3.

*O fons Blandusæ splendidior vitro,
Dulci digne mero, non sine floribus
Cras donaberis hædo.*

& Tibulli lib. 11. cl. 2.

*Castæ placent superis, pura cum mente venite,
Et manibus puris sumite Fontis aquam.*

adi, si vis Campegium Vitring. de *vet. Synagoga* lib. 1. P. 1. cap. 11. & Ludov. de Deo in not. ad illa Act. xvi. 13. *Die autem Sæbatorum egressi sumus foras portam juxta flumen, ubi videbatur oratio esse.* De Fontibus, oracula reddentibus, perspicuum habemus Svetonii testimonium in Tiberio cap. 4. ubi ita loquitur. *Tiberius juxta Patavium adiit Gerionis oraculum, sorte tracta, qua monebatur, ut de consulationibus in Aponi fontem talos aureos jaceret.* Aponi fontem memorat his carminibus Claudianus Idyll. vi.

*Fons Antenorea, vitam quæ porrigit urbi,
Fataque vicinis noxia pellis aquas;
Cum tua vel mutis tribuant miracula vocem,
Cum tua Phæbeus carmine dicet honos,
Et sit nulla manus, cujus non pollice ducta
Testentur memores prospera vota notæ.*

extat & vetus Epigramma ab Heinsio in not. ad Claudiani *Idyllia* vulgatum

*Exsultent Apono Veneti, Campania Batis
Græcia Thermopylis; his ego balneolis.*

Sortes denique Clitumni fontem indicasse afferit Plinius junior lib. viii. Ep. 8. ad Romanum; quem audire sane non pigebit. *Moticus, inquit, collis assurgit, antiqua capressu*

nemorosus, & opacus: hunc subter Fons exit,
& exprimitur pluribus venis, sed imparibus,
eluctatusque facit gurgitem, qui lato gremio pa-
tescit purus, & vitreus, ut numerare jactas sti-
per, & relucens calculos possis. . . . Adjacet
templum priscum, & religiosum. Stat Clitumnus
ipse, amictus, ornatusque prætexta. Præfens nu-
men, atque etiam Fatidicum indicant sortes. Spar-
sa sunt circa sacella complura, totidemque Dei
simulacra, sua cuique veneratio, suum Numen;
quibusdam vero etiam Fontes. Nam præter illum
quasi parentem cæterorum, sunt minores capite
discreti, sed flumini miscentur, quod ponte trans-
mittitur. His, quos laudavimus, de Fontium
divinitate Scriptoribus, adde *Keuchenium*, in
comment. ad Frontini lib. I. de Aquæduct.,
Martinum Lipenium, in *Strenarum* hist. cap. II.,
Zucam Hoffenium, comment. in picturam,
Nymphæum referentem; *Siccamam*, in Fast.
Kal. Rom. cap. I 6., *Christophorum Arnoldum*,
ad diras Valerii Catonis in fluvium Battarum;
Jacobum Sponium, in *Miscell. sect. II. art. 7.*,
Michaelem Ang. Caussæum, *M. R. sect. I. p. 29.*
Justum Fontaninum, de Horta Etrur. colon.,
Thomasinum, de Donar. cap. 28. Verum non
omittenda Lapidum testimonia, quibus præ-
tensa hæc Fontium apud Paganos sanctitas,
confirmatur. Interea en alterius Epityncha-
ni, Fontibus devoti, saxum apud Fabretum
Cap. VI.

PONTI
SANCTISSIMO
SACRVM
P. CORNELIVS
SYNETHVS. ET
M. VARIVS
EPTYNCHANVS

in Hortis Justinianæ legi anno elapso 1774.

VOLTEIA
Q. F
POLLIA
PONTI
D. D. LM

Genio fontis SERM saxum dicatum, mox
dabimus: hic Brixianum.

FONTIBVS
DIVINIS
SACR
M. ANTONIVS
SP. F. SILPHON
V. S. L. M

apud Laur. Begerum *Spicileg.* p. 79.

FONTI. DIVINO
ARAM
L. POSTVMIVS
SATVLIVS
EX VOTO
D. D. D

ET, NYMPHIS, Nympharum genera,
recensent antiqui Scriptores multa: cælestes,
terrestres, locustres, marinæ, fluviales me-
morantur a Greg. Gyrardo. Hæ in montibus
Oreades vocantur, *Dryades* in sylvis, in fon-
tibus *Napeæ*, vel *Najades*, in Mari *Nereides*,
in Oceano *Oceanitides*, & *Oceania*; item *Le-
moniades* in pratis, *Limnades* in stagnis, *Pe-
tamides* in fluviis; & quæ cum sylvis nascun-
tur, *Hamadryades*. De Nympharum numero,
ita Virgilius *Georg.* lib. 4. ubi finitum consti-
tuit numerum, pro infinito, uti ad hunc lo-
cum notavit Servius

*Oceanumque Patrem rerum, Nymphasque sorores,
Centum quæ sylvas, centum quæ flumina seruant*
sed audiendus, Gyrardo interprete, Hesiodus

*Hæ Nymphæ Oceanum Tethynque habere parentes
Antiquæ magis: porro alia est, sed plurima turba;
Sunt ter mille quidem pedibus fusca Oceanina.*

Colles, atque antra inhabitare fontium
Nymphas colligitur ex Vatribus, atque ex se-
quenti Marmore


NYMPHIS
QVAE SVB COLLE SVNT
ARVLAM
MVMIA CANTERIA
NVMINI
ADIVT. DEVOT.
CVM STATVA
ISIS
ET. TABVLATO
DD

X

at

at Vatibus, Marmoribusque inscriptis id melius probat subiectum tabulæ votivæ cuiusdam

Batinia anaglyphum apud Mazzochium *Epigr. ant. urbis* p. 105.



BATINIA
PRISCILLA
NYMPHIS
SACRVM

Quis autem vel leviter Poetarum sacris initiatus, antra Nymphis dedicata dubitet? præsertim qui Porphirii luculentam dissertationem legerit, qua Homericum illud Nympharum antrum, obscuræ, & reconditæ sapientiæ plenum, illustravit. Unde non temere quævis antra colunt Nymphæ, sed (inquit Holitenius) fontium, & aquarum scatebris irrigua; hinc Orphæus: ὑγρόπορις γὰρ

ἡνὶ ὕδρ' αὐτὸν οἶκον ἔχουσα;

Que liquidas habitant sub terra anfractibus ædes & Virgilius Lybicum illud scopulis pendentibus antrum, quod intus aquæ dulces scaturirent, Nympharum domum appellat; eam enim ob causam Hydriades, & Ephydriades vocatæ.

Ædiculas vero, & signa Nymphis posita, præter Scriptores, testantur Saxa; apud Gruterum p. 93.

SEX . POMPEIVS I COGNOMINE PANDVS
QVOIVS . ET . HOC . ABAVIS . CONTIGIT . ESSE . SOLVM
ÆDICVLAM . HANC . NYMPHIS . POSVIT . QVIA . SÆPIVS . VSVS
HOC . SVM . FONTE . SENEX . TAM . BENE . QVAM . IVVENIS

& apud

& apud Thomafinum *de Donar.* cap. xxviii.

NYMPHIS . SACR
L . TREBONIVS . PATERN
LIB . FORTVNATVS
VOTO . POSVIT
SIGNVM . CVM . BASI . M
ET . AEDEM . F . CVR

denique pro Amicorum , vel Parentum fa-
lute invocatas quandoque Nymphas , constat
ex fequenti .

NYMPHIS . SALVTIFE
RIS . SACRVM
M . LVCILIVS . LVCILI
ANVS . AVG . COS . PRO
SALVTE . SVA . ET
L . ANTISTI
SIMI . AVG . CON
V . S . M

IIIIVM . *Trivium* , ad indicandum lo-
cum , quo Fontibus , & Nymphis Ædificu-

la pofuerat Epitynchanus . Triviis autem præ-
erat ipfa Diana ; ideo *Trivia* cognominata ,
a *tribus callibus* , five *viis* , in quibus honora-
batur , cuique fortè obtemperabant Nym-
phæ , quas *Bivias* , & *Trivias* , & *Quadrivias* ,
feu *Quadrivias* nominant Marmora . Grute-
rus p. Lxxxiv.

H D
IS DEA
BIVIS . TRIVIS .
QVADRIVIS . AVREL
VICTORINVS
MIL . LEG . XXI . P
IM . COS . GERM
SVPERIORIS
V . S . L . M
IMP . SE . SEVERO . AVG
EX . IT . ET
MARCELLO COS

alia extat in Thef. Muratoriano pag. xciii .
QVADRIVIS .

45.

GENIO
NVMINIS
FONTIS SERMON
CHRYSEOS
CAESARIS
NOSTRI LIB.
GANGALA

SERMON. Reinesius & Sponius aliam ad-
ferunt fic

GENIO
FONTIS
SAR
C . IVLIVS
PROPOSTVS
D . D.

Sed Sponius in Miscellaneis Sect. 2. de
Fonte SAR , qui (ait) *mibi ignotus* . Reine-
sius cl.I. 298. hæc . *Ignotus est Fons iste , non
minus quam alter Romæ SERMON , nec no-
minatus inter reliquos , a quoquam* . Muratorius
qui non femel tantum , fed bis , (quare
nescimus) fequentem Figuris ornatam , in
primo fui infcriptionum Thefauri volumine
vulgavit hujufmodi .



Muratorius, inquam, ad hanc vocem hæc habet. *Quid sit in prima linea illud SERM diuinet qui potest.* Goriuss, qui eandem retulit in *Observ. in Aras DD. in hac inscriptione*, inquit, *unica superest difficultas, quid nempe SERM significet.* Thomassinus de *Don.* p. 85., ad hoc SERMON ne verbum quidem: doctissimus Zaccarias in *Inst. lap.* p. 189. tenebras absque ulla hæsitazione depellit; ait enim *soprattutto abbianfi in niun conzo i Marmi, dove trauinfi Genii di Marte, o NVMINIS FONTIS SERMON.* Lipsius tandem p. 33. verbum ita dividit SER. MON. licet in Lapide vere SERMON legatur. Me igitur, a quo derivandum hujus Fontis sit etymon ignorare, cum non invenerint laudati eruditissimi viri, fateri non erubescam. An ex Romano aliquo nomine vel cognomine? Nomina profecto gentilitia Diis dare Romani consueverunt; hinc CERES *Orciliana*, *Dyania*, *Cosejana*, *Agatheina*, *Argypia*, *Canachæa*: DIANA *Cantiana*, *Rasiana*, *Maduria*, *Lycimniana*. VENVS *Gabinia*, IVNO *Rubria*, FORTVNA *Flavia*, PRO-

SERPINA *Philisæa*, IVPITER *Parpurio*, PLVTO *Nervianus*, SILVANVS *Navianus*, HERCVLES *Romanillianus*: immo, Fontibus ipsis data familiarum nomina inarimora, testantur, in quibus Fontes Scauriani reperiuntur, & Lolliani, & Æginii, & Martiani, & Lysii. Sed ex tot Romanis nominibus, & cognominibus quæ ad nostra usque tempora pervenere, ne unum quidem invenio, quod aliquam præferat cum SERMON analogiam. An ex aliquo Oppido, aut Agro, aut Amne; aut Monte? SERMIONEM sane Etruriæ Urbem nominat Dempsterus: at tunc in Lapide legeretur SERMION. Si prima immutata litera, vel tertia deleta, legere fas esset, aut TERMON, aut SEMON; tunc Fontem, vel *Sermoni*, aut *Semonia* Deæ, cujus meminit, ex Varrone, Augustinus, vel Termino (quem Festus revera *Termon* vocavit) dictum, sacrumque fuisse censere. Verum quid profunt conjecturæ, ubi defunt, probabilia saltem, argumenta? Exemplum igitur laudatorum Virorum sequar, nostrique Fontis nomen declarabit Ædipus.

46.

SOMNO ♂ AETERNALI. .D.M.S.

M. AVR. DIONYSODORVS. FECIT. SIBI. ET. AVREL.
FAVSTINAE CONIVGI SVAE. INCOMPARABILI.

ITEM. ET. FILIABVS. SVABVS. AVR. DIONYSIADI
ET. AVR. FAVSTINAE. ITEM. ET. LIBERTIS. LIBER
TABVSQVE. POSTERISQVE. EORVM. H. M. H. N. S.

HOC AVTEM. MONVMENTVM. SI QVIS. VOLVERIT. TRANSIGERE
SIVE. DONATIONEM. FACERE. INFERET. ARCAE. PONTIF. SS. G. M. N

SOMNO AETERNALI. Hoc est *Morti*.

Cum rebus omnibus inanimatis, rebusque abstractis divinitatem tribuerint Ethnici, Somnum quoque fecere Deum, eumque Deæ Quieti, & Deæ Murciae sociarunt, Fratremque Mortis dixerunt Homerus, atque Hesiodus; hinc illud in Cypseli arca, muliebri Simulacrum (de quo Pausanias in *Eliac.*) duos dormientes pueros sustinens, alterum candidum, alterum nigrum, ac distortos pedes habentem. Aram Somni commemorat iterum Pausanias in *Corinth.*, ubi narrat a Troezeniis, Musis simul, & Somno sacra fieri, tamquam maximè inter se consentientibus Numinibus; quod sæpe experientia confirmat.

Somni æternalis hieroglyphicum, Papaver fecerunt Antiqui, quod idcirco in variis Liceti, Bonarotæ, Borionii, & Gorii gemmis, reliquis Libitinæ symbolis sociatum visitur. Gemmæ Liceti ectypon hic accipe



Humanam Calvariam tantum vides; nam uti aiebat Apulejus de *Dogm. Plat.* homo totus in capite, & vultu est; cætera omnia membra capiti ancillantur.

Papilionem, quo anima exprimitur, uti in celebris illius Mus. Capit. sarcophagi anaglyphis, humanæ vitæ cursum designantibus. v. Pet. Bellorii *Admiranda*.

Rotam, de qua jam olim Anacreon

Τροχὸς ἀφ' αὐτοῦ ἦ οἶα,
Βίωτος ἥρεχθ' κωλύει,
Ὁ λήην δὲ κρασόμεθα
Κόινυ ὁρῶν λυθάνων.

h. e.

Rota nam velut curalis
Properat volucris atas:
Tenuis jacebimusque
Cinis, ossibus solutis.

Papaver denique: florem enim hunc Somni esse heroglyphicum constat (licet hoc nunquam affirmaverit Pierius Valerianus) tum ex rei natura, Medicis id asserentibus, & Botanici quos consules, tum ex Poetis Virgilio, & Ovidio: iste *Trist.* lib.v.

Quotæ soporiferum grana papaver habet
ille Georg. lib.i.

Urant lethæo perfusa papavera somno.

& Æn. lib. iv.

Spargens huini mella, soporiferumque papaver.
Alas virgamque Somno tribuit Statius, sequentibus versibus.

Y

nec

*— nec totas infundere pennas
Luminibus compello meis: hoc turba precatur
Lacior, extremo me tange cacumine virga.*

Hunc, idem Poeta, adolescentem facit, yocatque Deorum placidissimum; unde Seneca in *Herc. fur.*

*Tuque o domitor Somne malorum,
Requies animi pars humana melior vitæ,
Veris miscens falsa, futuri
Certus, & idem pessimus auctor.
Pater o rerum, portus vitæ,
Lucis requies, nobisq; comes,
Qui par Regi, famuloque venis,
Placidus fissum, lenisque foves.
Pavidum lethi genus humanum
Cogis longam discere mortem.*

Quidam censent ab Epicureis per *Somnum æternalem* innui animæ una cum corpore interitus, Sponianum revera (*Recherches d'Antiq. p. 128.*) extat Epitaphium in quo sic

SOMNO AETERNALI
C. MATRINI. VALEN
TIS. PHILOSOPHI. EPICVR
VIX. ANN. XXXIX
M. VI. D. VII
HOR. VIII
MATRINA. CONIV

GI. INFELICISSIM
IN. FR. P. IN. AGR. P. VIII.

Sed primo, Epicurum, plerosque Hortorum Gargettiorum cultores, animæ immortalitatem non negasse, satis alias probavi in opusculo *Epicuro diseso*: secundo, quis hanc Somni appellationem Epicureis peculiarem dicat, cum eadem in Epitaphiis etiam, nullo modo ad Epicureos spectantibus, reperiatur?

SVABVS. Pro suis; uti in alia, *Amicibus* pro *Amicis*, & apud Mazzochium p. xciv.,

SVBITA. FECIT. SIBI
ET. SYBVS

TRANSIGERE. h. c. Si quis, accepta pecunia, jus Monumenti in exterum trasferre, sive Monumenti participem facere voluerit, inferet Arcæ Pontificum Sestertia centum M. N. millia nummum. Hoc, jus multa dicenda vocabatur, ac specialiter permissum lege xii. Tab. *Uti quisq. legasset rei sue ita jus esto.* Pœna hæc testamento scripta, vel a Domino fundi Religiosæ constituta, multis Inscriptionibus explicatur; quam *arario Populi Rom., Arcæ Pontificum, aut Vestalium inferri jubent*, inquit Gutherius de I. M. lib. 2.

47.

SOMNO AETERNALI
T. AVRELIVS
STEPHANVS. SIBI
VIBVS. FECIT. ET
SECVNDAE. CONIVGI
SVAE. SANCTISSIMAE
ET. FILIS^{ic}. SVIS. ET. COGNATIS
BASSAE^{ic}. MANLIAE. SECVNDAE
FILIAE. DVLCISSIMAE
V. A. II. M. X. D. VII

SOMNO AETERNALI, Apud Gorium
Tom. I. *Somno perpetuo*, & apud Sponium

Quieti æterna.

SANCTISSIMAE. h. c. *Pionestissima.*

48.

VNDIS CYANEIS DONVM ET
 :: CAVLIAE FECIT
 CONIVC CIVIBI ANDA SECR
 QVAS ARAMVLAS IBANPAM
 PNCONIVRPIPSITQVE FLV
 :: ENS DEINDECCIDOINSI
 PAIMOX VIRIDIS RENOV ::
 TIBVS INCLYTANIMPHIS
 LVMINE FONTI . CENOCRATE
 SEX VNDIQVE ESOLVENS
 SOSPE CVM COMITESPRAE
 SINT RENOVANTE LIQVOR :

VNDIS . Lege cum F. M. Bonada in
 Carm. ex Lapid. T. I.

*Undis Cyaneis donum placabile fecit
 Contucciis blandas per aquas Aram venerandam
 Hinc oritur, pergitque fluens, deinde occidet in se;
 Ripas mox viridis renovantibus inclita Nymphis
 Numine fontigero, grates ex undique solvens
 Sospes quum comites præstat renovante liquore*

CYANEIS. Idest Cæruleis. Homerus in
 Odyss. v.

*ταύρος πρηνὲς ἀνὰ κεφαλῇ
 Cyaneos crines taurus macetetur habenti.*

*Undis Cæruleis inquam, ex Fonte cui no-
 men fecit Sicula quædam Nympha, Cyane
 nuncupata quæ cum frustra Plutonium Proser-
 pinæ raptorem objurgasset, in Fontem evasit,
 quod elegantissime descripsit Ovid. Met. lib. v.*

*Est medium Cyane, et Pisces Aretibus,
 Quod coit angustis inclusum cornibus aquor:
 Hic fuit, a cuius stagnum quoque nomine di-
 ctum est,*

*Inter Sicelidas Cyane celeberrima nymphas:
 Gurgite quæ medio summa tenus extitit alvo.
 Agnovitque Deam; nec longius ibitis, inquit:
 Non potes invita Cereris gener esse; roganda,
 Non rapienda fuit; quod si componere magnis*

*Parva mihi fas est, et me dilexit Anapæ,
 Exorata tamen, nec, ut hæc, exterrita, nupsit;
 Dixit, et in partes diversus brachia tendens
 Obstulit. Haud ultra tenuit Saturnius iram,
 Terribilesque hortatus equos, in gurgitis ima
 Contortum valido sceptrum regale lacerto
 Condidit: ista viam tellus in Tartara fecit,
 Et pronos currus medio cratere recepit.
 At Cyane, raptamque Deam, contemptaque
 Fontis*

*Jura sui, mærens, inconsolabile vulnus
 Mente gerit tacita, lacrymisque absumentur
 omnis;
 Et quarum fuerat magnum modò Numen, in
 illas*

*Extenuatur aquas: molliori membra videres
 Ossa pati flexus, angues posuisse rigorem
 Primaque de tota tenuissima quæque liquecunt
 Cærulei crines, digitique, et crura, pedesque;
 Nam brevis in gelidas membris exilibus undas
 Transitus est: post hæc humeri, tergumque la-
 tusque,
 Pectoraque, in tenues abeunt evanida rivos.
 Denique pro vivo, viciatas, sanguine, venas
 Lympha subit; restatque nihil, quod prendere
 possis.*

Eadem narrat Claudianus de Rapt. Proserp.
 lib. II. v. 245. Undis igitur Cæruleis dicatur
 Ara in nostro Lapide; hoc est *Aquæ Cæruleæ*,
 uni-

uni ex fontibus Aquæ Claudie, qui *Ceruleus* more vulgavit Raph. Fabretrus in Diff. II. de vocabatur, cujusque figuram ex vetusto mar- *Aquis, & Aqueduct.*



Neque verò novum Fontes, & Fluvios ab antiquis sub humana specie fuisse cultos. Cyanam signanter ut feminam honorasse Syracu-

sios, auctor est *Ælianus Var. Hist. lib. I. Nummum* in quo fortè Cyane repræsentatur, adfert *Pignorius in Synh. Epistol.*



Cyanei tandem, sive *Cerulei* fontis quem sua impensa Ti. Claudius Cæsar in urbem du-

xit, meminit Marmor apud Panvinium in *Fastorum Comm. lib. 2.*

TI . CLAUDIVS . DRVSI . F . CAESAR . AVGVSTVS
GERMANICVS . PONT . MAXIM
TRIBVNICIA . POTESTATE . XII . COS . V
IMPERATOR . XXVII . PATER . PATRIAE
AQVAS . CLAVDIAM . EX . FONTIBVS . QVI . VOCABANTVR
CAERVLEVS . ET . CVRTIVS . A . MILLIARIO . XXXXV
ITEM . ANIENEM . NOVAM . A . MILLIARIO . LXII
SVA . IMPENSA . IN . VRBEM . REDVCENDAM . CVRAVIT

49.

IMPERII ROMANI PROVINCIA

VNGARIA

VNGARIA . In basi , muliebre signum ineleganter sculptum, sustinente . Nomen tantum Provinciæ , recenter inscriptum opinantur nonnulli , sed immerito . Quis enim Statuam (symbolicis Provinciæ signis omnino carentem) innominatam erexisset , cum tot essent Romani Imperii Provinciæ ? itaque in eorum libentius sum sententia , qui vetustatem , & titulo abnuunt , & nomini . Signum autem repertum fuisse ubi nunc Area , quam vocant *Piazza di Pietra* , testatur Cl. Rodolphinus Venutus . Cæterum Provinciæ in Deam

sublimatæ , & decoratæ facellis signisque , unicum non esse exemplum illud Histriae fanum , quod memorat inscriptio Musei Veropenfis , diserte adversus Cl. Maffejum demonstravit Joannes Dominicus Polcaltrus , doctissimi Sertorii Urfati , eruditissimus vindex . Urfati igitur sententiam sequor ; scilicet non tantum Diis Deabusque suis priscos Fana erexisse , Sacerdotesque decrevisse , verum etiam Civitatibus , Coloniis , Municipiis , atque Provinciis ipsis templa dedicasse .

50.

DIS . MANIBVS .

AVG . LIB . BATHYLIVS . AEDITVS . TEMPLI . DIVI . AVG .
DIVAE . AVGVSTAE . QVOD . EST . IN . PALATIVM .
IMMVNIS . ET , HONORATVS

Marmor istud cui in Museo Capitolino imposita visitur Bathylli , sive Bathylli , in toro jacentis Statua , inventum est Via Appia in vulgatissimo Libertorum Servorumque Liviae Augustæ columbario , illudque luculentissime , summaque eruditione illustravere egregii Viri Franc. Blanchinius , Antonius F. Gorius , & Joannes Bottarius in Vol. II. Mus. Capitol. Itaque , ne quis putet me [in re Antiquaria gregarium] tantis velle Ducibus comparari , paucis me verbis expediam .

BATHYLLVS . Qui C. *Filius* vocabatur , ut ex sequenti Juliae Sedatæ ejusdem Bathylli uxoris lapide conijcitur , de quo vide inferius in Liviani columbarii inscriptionibus

DIS . MANIBVS
IVLIAE . SEDATAE
DEC .
CONTVBERN
C . IVLI . BATHYLLI
IMMVNIS

AEDITVS . *Aeditus* . Ita in alia apud Matutium

SECVNDA
LIVILLAES
MEDICV

T . CLAVDIVS
CAESARIS . L
CELER . AEDITVS
A VESTA

quod , *fabrile mendum* , vel *servile soloecum* a Raph. Fabretto diceretur . Aeditui sane erant
Z ii ,

ii, qui sacras Aedes custodiebant; hi apud Græcos *Neocori* appellabantur; qui scilicet Tempa ornabant, & disponebant, non verò, inquit Suidas, qui ea verrebant, aut purgabant, *Aedituus*, an *Aeditumas* scribendum sit, adhuc sub iudice: utroque enim vocabulo usos esse Antiquos constat ex pluribus, cultioris etiam seculi, libris, atque Lapidibus. Fultus tamen Varronis autoritate, cæteris sane anteponenda, *Aeditum* dici oportere, sive *Aeditum* magis quam *Aeditum* opinor. *Sementinis ferii*, ait de R. R. lib. I., in eadem Telluris veneram rogatus ab *Aeditumo*, ut dicere didicimus a Patribus nostris &c. Hinc *Aeditimor* in Pomponii Atellana a Gellio N. A. lib. XII, laudata,

*Qui postquam tibi appareo, atque editimor
in templo tuo*

& *Aedituentes* pro *Aeditui* in Lucretii carminibus apud eundem

———— onerataque passim
Cuncta Cadaveribus caelestum templa manebant
Hospitiibus loca, quæ complebant *Aedituentes*,

Aedituare denique, pro *Aeditui* officium exercere, habemus in saxo Manutiano in Orthogr. pag. 7.

DIIS, MANIBVS, SACRVM
SER, SVLPICIO, AVG, L
ALCIMO, AEDITVO
AB, ISEM. PELAGIAM
VIX, AN, XXXVII, AEDITV
AVIT, AN, X, FECIT, VXOR
VENTRIA, APRODIA
VIR, BENE, MERENT, MVL
INFELICISSVMA, ET, SIBI. ET, SVIS
L. L. P. EORVM

TEMPLI. DIVI, AVG, Servius ad illa, quibus fœdissime Virgilius assentabatur Augusto, nempe

———— Deus nobis hæc otia fecit
Namque erit ille mihi semper Deus

Semper, inquit, idest post mortem, & dum vivit: alii Imperatores post mortem in numerum referuntur Deorum; Augustus templa vivus emendavit; æquius scripserat, insana ambitione usurpavit, Callisthenis sententiam contemnens, qui apud Curtium dixit, mortalitatem interdum sequitur Divinitas; numquam comitatur. Augusti templum in Palatino, cujus Custos Bathyllus, erexerunt Livia, atque Tiberius, absolvit dedicavitque Caligula, consumpsit incendium: in illo Cinnamomi radicem magni ponderis posuisse Liviam, ac se vidisse Plinius asserit lib. XII. cap. I 2.

IMMVNIS. Immunis Immunitas est exemptio, & vacatio munerum, & onerum publicorum; ita apud Hebræos olim cum quis duxisset uxorem, donabatur ei Immunitas unius anni ab omnibus muneribus. Cum accepit homo (Deut. cap. XXIV. 4.) nuper uxorem, non procedit homo ad bellum, nec ei quippiam necessitatis injungitur publice, sed vacabit absque culpa domi suæ, ut uno anno letetur cum uxore sua. Immunis vero apud Romanos fuit qui libertatem sine oneribus a Patrono accipiebat; qua accepta, nullo deinceps fingeatur officio, præstareque munia non tenebatur.

HONORATVS. Idem ac *Honorarius* iuxta Kalvinum in *Lex. Jurid.* ubi Valentiniani novellam, de *Honoratis* inscriptam, commemorat: qui scilicet sine administratione honorariis decorabantur codicillis. Verum, cum de hujus tituli significatione egregie de more disserterit Cl. Gorius, hunc adi in *Inscript.* Liviani Columb. ap. Polen. T. IV.

Cum Bathylli monumentum ad Liviæ Augustæ columbarium pertineat, inferius fortè, cum fociis referre debueram; at, quæ in eo Divi Augusti, ejusque Templi sit mentio, mihi in Deorum potius classe esse collocandum persuasit,

51.

..... MC....A
 ΣΑΡΑΡΙΑΔΙΚΑΙΤΟΙCCYNNAO
 O
 APY
 ΟΥΜΙΑΘΡΠΙΟΝ . ΕΝΥΡΟΝ
 ΒΑΘΡΑ . ΔΥΟ
 Α . ΚΑCЦИОC
 ΕΥΤΥΧΗC
 ΝΗΩΚΟΡΟC ΤΟΥΜΕΤΑΛΟΥ
 ΣΑΡΑΠΙΔΟC
 ΎΠCΡΕΥΧΑΡΙCΤΙΑC
 ΑΝΘΗ:::Ν ΕΠΑΓΑΘΩ
 PERMISSV
 C. NASENNI
 MARCELLI
 PONTIFICIS . VOLCAN
 AEDIVM . SACRARVM .
 Q. LOLLI . RVFI . CHRYSIDIAN
 ET . M . AEMILI . VITALIS
 CREPEREIANI . II . VIR

Binæ istæ Inscriptiones una tantum Tabula sculptæ leguntur, inscitè ab aliquo Marmorario connexæ; eas itaque conjunctas edidi, sed hic Latinam illustrabimus; Græcam, in Græcarum classe. Mazzocchius revera, atque Gruterus Latinam tantum retulere, fortè quod eorum ætate nondum sociatæ viserentur.

C. NASENNI MARCELLI. Eundem fortasse quem hic Volcani Pontificem enunciat Marmor, apud Muratorium p. 1053. Pontificem Laurentum Lavinatium legimus

C. NASENNIO C F MARCELLO SENIORI
 &c.

PONTIFICI LAVRENTVM LAVINATIVM

At cui, quibusve, ac quid permiserint Nasennius iste ædium Volcani curator, & Q. Lollius, & M. Æmilius duumviri, Saxum non indicat: forte aram extruere, aut Sta-

tuam ponere votivam Volcano

CREPEREIANI. Creperejæ genti additum fuisse hunc M. Æmilium Vitalem ex ipso cognomine coniicimus. Creperejorum meminit Cicero in Verr. 1. ex quibus ortum duxisse asserit M. Creperejum, qui Creperius nominatur in quodam Lapide Patavino. Carolus Patinus denarium Q. Creperei Roci vulgavit in Op. de Fam. Rom. Juvenalis vero Creperejum Pollionem morder Sat. ix.

Non erat hac facie miserabilior Creperejus Pollia

Nomen a Crepera desumptum videtur, quod Sabino vocabulo dubium significat. Hinc Oracula crepera, sive ancipitia apud Beroaldum in Comm. ad Apul., & apud Lucretium

creperi certamina belli.

52.

DIVÆ PRECOR TELLVS ALVO
 COΛPLECTERE SANCTA. OSSVΛ
 QVORVM IN HOC. NOMINA.
 SVNT. LAPIDE. FL. OPHELIONIS
 FL. BEBRYCIS

Legas poetice

DIVÆ PRECOR TELLVS ALVO COMPLECTERE
 SANCTA
 OSSVΛ, QVORVM IN HOC NOMINA SVNT
 LAPIDE

Tellurem, Deam notavimus num. 2. A defunctis, aut potius a Parentibus, & Amicis, pro defunctis invocata videbimus alibi. Hic exempla tantum Lapidis sententiæ convenientia. Martialis in epitaphio Pantagathi

Sis licet ut debes Tellus placata levisque

& in epitaphio Eutychi

Sis precor & Tellus mihi, & unda tibi.

Vetus epigramma

TE TELLVS SANCTOSQVE PRECOR PRO CO-
 NIVGE MANES:
 VOS ITE PLACIDI: TV LEVIS OSSA TEGAS,

SANCTA OSSVΛ. *Sancta*, nimirum *inviolata*: ita *Sancta loca* dicuntur quæ adversus injuriam, & vim religione quadam muniuntur, & ut inquit Donatus, quæ omnis observatione inviolata sunt. Martianus de Rer. divisione, *Sanctum*, ait, proprie dicitur quod ab injuria hominum defensum atque munitum est, uti cadavera, sive defunctorum cineres, & ossa; in quorum Violatores diras Ethnici imprecabantur. Mortuos enim [sive Manijum, sive alio quovis nomine uterentur

Ethnici] Diis adscribebant, quod Clemens Alexandrinus in *Syrom.* variis comprobavit exemplis. Tertullianus hanc Ethnicorum persequens dementiam: *Quid*, ait, *omnino facitis ad honorandos Deos, quod non etiam vestris mortuis conferatis?* Tullius ipse: *nec vero*, inquit, *tam denicales, quæ a nece appellatae sunt, quia neci dentur mortui, quam Cælestium quieti dies, feriae nominarentur, nisi majores eos, qui ex hac vita migrassent in Deorum numero esse voluissent.* Hinc temeraria illa ad Avunculi folamen verba M. Luccei Nepotis apud Fabretum p. 233.

ADFINIS MEMORANDE QVID O ME AD SIDERA CAELI

ABLATVM QVERERIS DESINE FLERE DEVM

Quapropter in cinerum ossuumque collectione Parentes a filiis, & filii a Parentibus Dii pronunciabantur, ut innuit Virgilius lib. v.

*Ex quo reliquias divinique ossa Parentis
 Condidimus terra, mœstasque sacravimus aras.*

idcirco Christianorum cadaveribus, terram, pro ut poterant negabant Gentiles, teste Eusebio in *prepar. Evang.* lib. 11., ne scilicet, ut eorum ferebat opinio, Deos esse reputantes, divina veneratione prosequerentur.

QVORVM. h. e. ossa Flavii Ophelionis, & Flavii Bebyrcis. Creber autem lambdacismus modo indicans A, modo M, mire Lapidis profitetur vetustatem.

53.



FRVCTIFERAE. Cognomina ex peculiaribus, quibus Numina mortales afficiunt beneficiis, plura reperiuntur in Saxis: ita Juno *opifera*, Diana *lucifera*, Minerva *pacifera*, Isis *frugifera*, Ceres *aristigera*, Volcanus *mulciber*, Silvanus *salutifer*, & in illa non ante edita inscriptione Ticinensi, quam misit eruditissimus Severinus Capfonius Ord. Præd., IVPITER AGGANAICVS; h. e. quasi *Lactifer*, ignotum huc usque Jovis cognomentum

I. O. M
AGGANAICO
M. NONIV
S VERVS
CVM SVIS
V. S. LM

Cum primo sequentem apud Thomasinum lapidem vidissem

ISIDI
FRVCTIFERAE



POSVIT

eundem esse censui, cum Lapide hoc nostro qui in Musei Capitolini miscellaneorum Cubiculo adservatur. Ast in nostro, Plantæ cum digitis cernuntur, Deæque nomen nec non formula *Posuit* omnino desiderantur, nec in eo vestigia remanent ex quibus conjici possit aliud extitisse, præter attributum *Fructifera*: analogia tamen nostri cum Thomasiniano satis probat hunc quoque Isidi esse referendum. Quare autem Isidi pedes, seu plantæ in votum ponerentur, audiatur laudatus *de Donariis* disertissimus Scriptor Cap. vii. Numquid aliquis longa peregrinatione peracta, ad patrios Lares reversus, Deæ peregrinationis præsidii, ob vitæ incolumitatem eas appendit? aut potius post multos viarum labores parato sibi prædio vitæ reliquum, longe forsitan ab Urbe, huic Deæ, ut Diodoro placet, tamquam tritici, & hordei In-ventrici sub Fructiferae titulo desiderata quietis monumentum fixit? Hanc Thomasini opinionem sequens confirmat lapis Isidi Frugiferae dicatus. Hunc exhibeo; sed notandum Sculptorem meum lignarium perperam scripsisse

VASAEI

pro

VASABI

Lapis extat apud Gudium p. 22.

A a

ISIDI



Verumtamen cum Hygiæ quoque, nempe *Salutis* plantæ oblata videantur in sequenti apud eundem

QVIE IANAE



ubi has siglas H D nonnulli interpretantur *Hygie donum*; & apud Gorium T. III.

SALUS

liquet eas Hygiæ dicatas aliquando ab iis, qui aut pedibus laborarent, aut plantarum sanitatem receperant. Urania itidem oblatis pedes exhibet Musei Kircheriani marmor huiusmodi

IN . VI . CTAE . CAE . LL
STI . V . RA . NI . AE . DONA . PO



G . GI . FI . V . VL . FI
LE . O . NAS

His tamen, quamvis probabilibus, haud coherent neque Stucchi sententia, qui plantas Thetidi sacras docet, neque Horapollinis assertio, qui geminos pedes simul junctos, Solis cursum cum in solstitio est hyberno significare tradit in *Hieroglyph.* lib. II.

Δύο πόδες συννηγμένοι ἢ βεβηκότες, δρομον ἡλίου θυνταῖς χειμελίας Σοπαίσσημαίνουσι. Verum de hac varia Pedum conjunctorum significatione, confer Pierium Valerianum, *Hieroglyph.* lib. 35. ubi *Pedes absoluti operis indicium* dixit; quam profecto explicationem, Tabulae istae votivæ admodum consentaneam reor. At nihil obstat quin nostrum hoc Saxum Cereri (quam tamen eandem esse cum Iside docent Mythologi) consecratum fuisse opinemur. Ceres sane *Frugifera*, atque *Aristigera* appellatur in sequenti Justiniano lapide.

D . CERERI BELSIANAE
ALMAE FVCTIFERE
ARISTIGERE THESMO
PHORAE
CHILANDER BELSIANVS
: : : : : : : :

D D

Adeundus tandem est eruditissimus Lupus, qui in Epithaph. S. Severæ §. x. scribit. *Hinc Isidi, & Serapidi aliisque Diis in civitatem Romanam non adscriptis, sacras (ut plurimum) videmus huiusmodi Tabulas: utpote quas scilicet vel Viatores ipsi peregre in Aegyptum vel Carthaginem ituri, voverant Diis carum Regionum; vel saltem eorum consanguinei in urbe remanentes.* Additur, & præcipuus quidam pro Iside titulus cur eam peregrini invocarent, sperarentque propitiam. Experimento namque suo didicerat Dea illa quam difficile esset procul a patria peregre diversari, quemadmodum Propertius lib. 11. el. 24. eam alloquens canit

*Tu certe Jovis oculis in amoribus Io
Sensisti, multas quid sit inire vias.*

54.

D M S

CALLISTO FILIO

PARENTES

55.



QVISQVIS EI. LAESIT
AVT NOCVIT SEVERAE
INMERENTI DOMINE
SOL TIBI COMMENDO
TV INDICES EIUS MORTEM

56.

D M
TIMOTHEAE
M. VLPivs
NICANOR
VERNAE
SVAE. F

SOL TIBI COMMENDO
QVI MANVS INTVLIT EI

Muratorius cl.I. p.26. ad istos lapides : *superstat*, inquit, *pietura referens solem radiatum in curru* : false ; pietura uti narrat Ficoronius (qui primus hos titulos edidit una cum picturis in Miscell. P.2. p.38.) extabat utique in Columbario Aricino, verum a sepulchris, si-ve urnis distincta : quis revera urnas, si-ve sepulchra depicta unquam vidit ? Incertum im-mo est an Marmor pingere sciverint Anti-qui : nam illud Plinii *lib.35. cap.1. capimus lapidem pingere*, non de lapide coloribus dep-icto est intelligendum, sed de marmoribus, quorum varii coloris venas ad figuras repræ-sentandas producebant, uti Vol.1. tab.1. do-cent in notis eruditissimi Accademici Hercu-lanenses. Bonada tom.2. Diss.6. *Ubi* (ait) *hec pietura, erant sepulchra duo* : rectè ; at In-scriptiones tres, quæ nunc Musei Capitolini parietibus, seorsum affixæ visuntur. Prima ad *Callistum* : Secunda ad *Severam* : Tertia ad *Timotheam* spectat. Secunda enim senten-tiam, nil commune cum prima habere, ego quidem censeo, licet in eodem Marmore sculptam, quam sic lego : *Sol tibi commendo VT indices* (fortasse rectius *vindices*) mor-tem *Severæ Domine meæ immerenti*, adversus eum, *qui ei læsit, aut nocuit*, hoc est *qui eam interemit*. Nec obstat, quod talia precantis nomen in lapide desideretur, nam *Domine* titulus, quo honoratur defuncta perspicue enunciat Solis invocationem alicui Libertæ, aut Ancillæ esse referendam. Quis fortassis leget *Domine Sol* ; nec perperam ; nam licet Domini titulus Diis communiter ab Ethnicis non tribuatur, scio *Dominum* Æsculapium, *Dominum* Silvanum, *Domnam* Bonam, *Dom-num* Belenum, in Inscriptionum antiquarum

syllloge reperiri. At quoquomodo legatur, *Domine* scilicet, aut *Domine*, sensus tamen adeo abundat ambagibus, ut quamvis multum Quadratarum inscitæ indulgeatur, vix enucleari possit. Quid enim sibi vult illud TV INDI-CES MORTEM ? Non ne INDICA MOR-TIS, seu *nevis* AVTHOREM ? Quo pacto SOL INDICES, conciliabitur ? Quisquis ? Ita in tertio Lapide SOL TIBI COMMEN-DO QVI manus intulit ei ? Quis barbarissimus ? quid obscurius ? Laudati Scriptores, ex duo-bus titulis, unum faciunt, atque secundum pri-mo assignant ; at qua ratione ? quia manus expansas in primo inspicere somniarunt ; somnia-runt equidem, nam in Callisti ossuario, quod incorruptum in M. C. servatur (idem dicas de tertio ad Timotheam spectanti, in quo Mu-ratorius easdem manus, similiter, more pre-cantium elatas reiteravit) ne vestigia quidem manuum visuntur. Cæterum neminem pro-fecto latet, Solem (quod arcanum Martis cum Venere adulterium palam Cæcolis fecisset) ab Antiquis invocari solitum ut non ignotos tantum homicidas, verum ex omni genere delictorum puniendos proderet Au-ctores. Itaque Soli grates atque munera, Pifo-niana detecta conjuratione, Neronem ipsum, licet Religionis irrisorem decrevisse tradit Tacitus *Ann. lib.xv. his verbis. Tum decreta dona, Et grates Deis, propriusque honos Soli, cui est vetus Aedes apud Circum, in quo facinus parabatur, qui occulta conjurationis, Numine retexisset*. Soli etenim omnia comperta sunt ; quapropter modo *Multioculus*, ab Ægyptiis est dictus, modo *oculus Jovis* ; proinde pi-ctus, sceptrum gestans, in quo oculi effigies. Perlege Macrobiani *Saturnal. lib.1. cap.21. At* quod

quod ad manus in lapide effictas attinet, certum est Gentiles extensis sublatisque in cœlum manibus Deos precari solitos. Sic Livius lib. 10. cap. 36. *Inter hec Consul, manus ad Cœlum attollens, voce clara ita, ut exaudiretur templum Jovi Statori vovit; Ovid. etiam Met. lib. xi.*

— Hic votis Numen adorat
Brachiaque ad cœlum quod non videt irrita
tollens,
Poscit opem.

Sic apud Virgilium, eundemque Sulmonensem, Cloanthus palmas utraque tendit; Ascanius, diversa brachia ducit; Augustus manus tendit. Sic itidem apud Plutarchum in Mario *μὲν τὸν ἱπποῦ ἀναχέει γὰρ ἡεῖρας* dicuntur Marius, & Catulus dum vovent; nempe: *laudas manus Marius ad cœlum tollens Diis vovit immolaturum se centum Boves: vovit & Catulus tensis item manibus Fortunæ ejus dici adem.* Seneca demum de Benef. lib. 4. *Hoc dicit qui non exaudire precantium voces, & undique sublati in cœlum manibus vota facientium privata, ac publica: inde est quod ait Paternus lib. 11. cap. 103. Letitiam illius dici, concursusque Civitatis, & vota pene inferentium cœlo manus.* Elatis pariter manibus Deum a Moyse invocatum tradit Scriptura sacra Exod. xvii. ubi: *Cumque levaret Moyses manus vincebat Israel; sin autem paululum remisisset, superabat Amalec.* De precandi apud Ethnicos ritu Dissertationem edidit doctissimus Paciaudus Taurinensis Cler. Theatin. Reg.

Quæ decies placuit, decies repetita placebit.

Marmor hoc nostrum, in quo manus, ad hunc finem expressæ conspiciuntur, licet rarissimum, non tamen est unicum. Alterum extabat quondam in ædibus Julii Porcarii, quod referunt Mazzocchi in *Regionis Pinea* epigramm., & ex Smetio Gruterus p. 820.






PRO		COPE	MA	NVS
LEBO		CON		TRA
DEVM		QVI		ME
INNO		CEN		TEM
SVSTVLIT		QVAE		VIXIT
ANN.	XX.	POS.		PROCVLVS

Precatio vero, seu potius imprecatio. nulla tamen efficta manuum figura, habetur in cujusdam Infantis epithaphio apud Castalionem in *Opusc. de ant. Paucorum prænom.*, hujusmodi

DIS. MANIBVS SACRVM

L. VAERIO. INFANTI
RAPTVS. QVI. EST. SVBITO
QVO. FATO. NON. SCITVR
NATVS. NOCTIS. H. VI
VIXIT. DIEBVS. LXXI
ABIT. NOCTIS. AB. H. VI
QVISQVIS. EVM. LAESIT
SIC. CVM. SVIS. VALEAT
IN. FRONTES sic DVO. P. TER
ET. IN. LATERA. DVO. P. TER

Manus denique, non ad vindictam elatas, sed potius ad Manium pietatem implorandam, vide inter Inscriptiones, quæ extant in Biblioth. D. Gregorii

D   M
LYCAE. CON
IVGI  DVI
CISSIMAE   M
ATHENAEVS
CONIVX. FEC

IMMERENTI. Sic Virgilius lib. 11.

Postquam res Asia Priamique evertere gentem
Immeritam visum Superis.

nempè innocentem, ut in sup. cit. Procopii lapide. Denique in IMMERENTI Muratoriano deleatur prima M. restituatur N. In verbo COMMENDO, tertio loco, scribe ND; voces TV INDICES, jungantur sic TVINDICES, manusque expansæ a primo, atque a tertio Cinerario auferantur; tunc exactam, pro ut in archetypo, Lapidum istorum lectionem habebis.

57.

Latus dextrum intuentibus.

58.

Ara.

59.

Latus sinistrum.

SALVOS IRE
IN . HDD
T . ALBANIVS
PRINCIPIA
NVS EVOK
AVG . N
SALVOS VENIRE

Nulla extat Inscriptio , hac frequentius repetita in marmorum Collectaneis . Sed ut qui supervacaneum , Capitolinos Lapides in unum corpus redigere ineptissime rebantur , videant qua negligentia , eæ quæ sparsim in Collectionibus reperiuntur , transcriptæ fuerint ; Variantes hic tamquam reliquarum specimen dabo .
Mazzocchi. IN.H.D.D: *Manutius* IN.H.D.D, & lineola supra N. *Grævius* primam omittit lineam,& in voce EVOK habet X pro K *Græ-*

terus , uti *Manutius* , sed N. absque lineola : Aliqui , cum eodem *Grutero* votiva verba SALVOS IRE. SALVOS VENIRE , inferius exscribunt ; alii , cum *Manutio* , omnino supprimunt . Vera lectio hæc est . IN.H.D.D nimirum *In honorem Deorum* , seu potius *In honorem domus divinæ* , domus scilicet *Augustæ* : hanc enim interpretationem me illi antepone , sequens , nostro ferme confimilis Lapis , *Fabrettianus* ni fallor , admonet .

IN . H . D . D
AVGG
SALVOS . REDIRE LVETTIVS SALVOS . IRE
SEMPRONIANVS
AVG . L

Vota pro felici itu , & reditu , ab iis qui peregrè proficiscebantur suscipere , antiquissimum est uti liquet ex *Gen. cap.xxviii.* ubi de *Jacobo* in *Mesopotamiam* transeunte hæc habentur . VOVIT etiam VOTVM dicens : Si fuerit Deus mecum , & custodierit me in VIA , per quam ego ambulo REVERSVSQUE fuero PROSPERE ad domum Patris mei , erit mihi Dominus in Deum , & LAPIS iste quem erexi in TITVLVM , vocabitur Domus Dei . De Græcis ad illudendum *Trojanis* , hæc *Æneas* ap. *Virg. lib.2.*

Votum pro reditu simulant .

Et personatus Jupiter apud *Plautum Act.iii.*

*Fube vero vasa pura adornari mihi
Ut quæ apud Legionem vota voti , si domum
Redissem saluus , ea ego exolvam omnia*

Berenicem , pro reditu viri sui *Ptolemæi Evergetis* , comam *Veneri* consecravisse , latinis

Catulli carminibus , *Callimachus* cecinit . Pro Imperatorum , itu , & reditu , vota a Senatu decreta tradunt *Svetonius* , & *Tacitus* . Hic *Ann. lib.iii.* *Decrevere Patres vota pro reditu ejus (Tiberii) supplicationesque , & alia decora .* Ille in *Calig. cap.4.* cum deinde paucos post dies in proximas *Campaniæ insulas* trajecisset , vota pro reditu suscepta sunt . Vota pariter pro felici *Antonini Pii* itu , & reditu a *Batavis* suscepta *Gruteriana* testatur inscriptio elegantissima .

FORTVNAE . AVG . SAC
PRO . SALVTE . ITV . ET
REDITV . DD . NN
M . AVREL . ANTONIN . PII
AVG . ET . P . SEPTIMII
GETAE . NOBILISS . CAES
CIV . BATAVI
FRATRES . ET . AMICI . P . R
V . S . L . M
B b

Dii

Dii vianitum tutelares fuere, *Hercules* apud
Lipsum

HERCVLI. DEFENSORI
PRO. REDITV. ET. ITV
D. CLODI. SEPTIMI
ALBINI. CAESARIS
D. CLODIVS. D. L
FELIX
ACTOR. CAES. N. D. D.

Phæbus; hinc Virgilius *Æn. vi.* de Dædalo
Minoia regna fugiente

*Dædalus, ut fama est, fugiens Minoia regna,
Præpetibus pennis ausus se credere caelo
Insuctum per iter gelidas enavit ad arctos;
Chalcidicaque levis tandem superastitit arce.
Redditus his primum terris, tibi Phæbe sacravit
Remigium alarum, posuitque immania templa.*

Mercurius; qui ab itinerantibus non minore
veneratione colebatur, ut *Deos evodios*, cui
primitiæ, in viis dicabantur. Qua ratione
Charinus in Plauti *Mercat.* A.G.v. a paterna
domo discessurus Viales Deos, seu Lares in-
vocat.

Invoco vos Lares Viales, ut me bene tuctis.

Unde Apuleius, initio Floridorum: *Vian-
itum moris est, cum aliquis lucus, aut aliquis lo-
cus Sanctus in via oblatus est, votum apponere,
portum postulare (ineptè Edit. Basil. 1560. vo-
tum postulare, portum apponere &c.) paulisper
assidere. Nautas verò Castori, & Polluci vota
fecisse docet Tullius de Invent. lib. i. i., ac se-
quenti inscriptione confirmatur.*

CASTORI. ET. POLLVCI
SACRVM
OB. FELICEM. IN. PATRIAM
REDITVM. TOT. SVPERATIS
NAVFRAGII. PERICVLIS
..... EX. VOTO. CVM
SOCHS
L. M. P.
C. VALERIVS. C. F. AGELLVS
.....

His omnibus Aras erigere, vasa, tabellas,
aliaque Donaria appendere, aliquandoque vi-
ctimas mactare pro Itinerantibus solebant, uti
ex Catullo, *Epigr.* ad Ortalum.

*Atque ibi præ cunctis, pro dulci conjuge, Divis,
Non sine taurino sanguine, pollicita es,
Si reditum restitisset is, haud in tempore longo
Captam Asiam Ægypti finibus adjiceret.*

At præ cunctis Fortunam *Reducem* in colle
Hortulorum venerabantur, de qua hæc ce-
cinit Martialis

*Hic ubi Fortuna Reducis fulgentia latè
Templa nitent, felix arca nuper erat;
Hic stetit Arctoi &c.*

& Claudianus de vi. Honor. Consul.

*Aurea Fortuna Reduci si templa priores
Ob REDITVM vocere Ducum, non dignius
unquam
Hæc Dea pro meritis, amplas si posceret ædes.*

Templum verò, atque Arcum quem juxta,
Domitiano à Germania redeuntis Senatus, Po-
pulusque Romanus obviam ivit, Donatus ex-
tra Urbem collocat, Nardinus propè Macel-
lum vulgo *de Corvi*, prope Venetiarum Reip.
Oratorum ædes.

SALVOS IRE. In Aræ latere dextero in-
scripta legitur hæc formula, sub qua Redux
Fortuna more fluviorum jacet. Sinistra manu
arundinem seu cannam tenet, habetque bra-
chium Rotæ innixum; dextera vero flagel-
lum agitat.

SALVOS VENIRE. In latere sinistro,
eadem subest redimita Fortuna Redux, de-
extra Gubernaculum super orbem, sinistra cor-
nucopiæ erectum tenens. Ad Dææ pedes co-
lumna, in superioribus Aræ apicibus, Navium
pinnæ insculptæ visuntur. Quæ symbola ter-
restrem, maritimamque T. Albanii peragra-
tionem indicare pro certo habeo. Fortunæ Re-
ducis typum (qui sæpe in Numis, ac præci-
puè Hadriani, Treboniani Galli, atque Po-
stumii occurrit) hic subijcio ex Jos. Khell.
Numus spectat ad T. Tullium Pacatianum.

Hos



Hos autem ligneos, vel marmoreos invocasse Deos, Ethnicis, idololatriæ tenebris undequaque circumdatis, facile ignoscimus. At quomodo temperandum Francisco Polæ, Christianam religionem profitenti, pro incolumitate quorundam Veronensium Legatorum, *Bono Eventui* (quem ritu superstizioso Romani coluerunt), votivam Aram posuisse? Inscriptionem refert Boldonius pag. 104.

BONO . EVENTVI . ET . FELICI
S.
PRO . ITV . ET . REDITV
AVGVSTINI . DELBENII . ET

HIERONYMI . VERITATIS
&c.

EVOK . Cum K, uti apud Gruterum p. 529, & Ursatium *Marm. erud.* p. 324. IOVINVS EVOK . AVGG . NN . *Evocatus* . Evocati (qui & *Revocati*), inquit Dio lib. 45., quod missi facti a militia, rursus (rogatione magis quam imperio) ad eam vocarentur . Baculos, quos Dio *paßdous* (i.e. *vitem*) instar Centurionum gestabant, teste etiam Leunclavio, Augusto antiquiores hosce evocatos fuisse, merito adversus Dionem arbitratur Odericus: meritò inquam, nam sæpè eos commemorat Cæsar de B. C.

60.

ANIBVS
NATIS ATTICI
SI QVIS OSSA
EIVS PREIECERIT AVT
HANCARAM APSTVLERIT
HABEBIT SACRAISIDIS
ILLIVS : QVIETA . IRATA

Mutili hujus Epitaphii lacunam ita supplet Gruterus, qui illud Romæ in ædibus Delphiciorum integrum invenerat .

DIS MANIBVS
C . LARINATIS ATTICI
QUOD SI QVIS OSSA &c.

Tanta fuit Romanorum in Sepulchris religio, ut si quis ossa defunctorum ex iis eruisset, Summo, Pauli J.C. sententia, afficeretur sup-

plicio, aut saltem in insulam, deportaretur, vel ad metalla damnaretur . Quod Sepulchris ossa extrahere immane sit facinus, Dido, his verbis ostendit . *Non ego*, inquit .

Nec Patris Anchisa cineres manesque revelli

quod, teste Varrone, fecerat Diomedes ob quam impietatem, cum aliis super alias calamitatibus affligeretur, coactus fuit oraculo Æneæ, patris sui ossa, una cum Palladio restituere . Hinc sæpè in titulis funereis diræ inscul-

sculpebantur adversus Sepulchrorum violatores: nec violatoribus tantummodò imprecebantur, sed iis itidem, qui necessitate coacti corpus exonerare juxta monumentum ausi essent. Hujusce execrationis testem habemus spurcidici L. Cæcilij Flori inscriptionem, in qua legimus

QVI. HIC. MIXERIT. AVT
CACARIT. HABEAT
DEOS. SVPEROS. ET
INFEROS IRATOS

HABEBIT SACRA ISIDIS. Sensus, hic, quoquo modo formulam ordiamur, haud parum claudicat. Nam si vè *Quiesca* legatur, uti in meo Lapidis autographo, sive *Quiesca*, uti scribebat Fabrettus, barbarismi tamen elocutionis, quibus scatet Lapis, non expurgantur. Sensus igitur, procul dubio hic est. *Qui ossa præjecerit, aut hanc Aram abstulerit* SACRAM ISIDEM HABEBIT IRATAM, ut in sequenti apud Gruterum. *Sextus Valerius Mercurialis* &c. SECVS. QVI. FECERIT. MITEM. ISIDEM. IRATAM. SENTIAT. & apud Fabrettum. *Qui hanc Aram leserit* HABEAT. GENIVM. IRATVM. POPVLI. ROMANI. ET. NVMINA. DIVORUM.

ARAM. Lapis revera Aræ formam præsefert. In sepulchretis enim Aras erigebant veteres, in quibus lac, & sanguinem libare solebant. Virgilius *lib. 3.*, ubi iusta commemorat ab Andromache Hæctori perfoluta, hac habet

————— *manesque vocabat*
Hæctorem ad tumulum, viridi quem cespite inanem
Et geminas caussam lacrimis sacraverat Aras.

Et lib. v.

Annuus exactis completur mensibus Orbis
Ex quo reliquias divinique Ossa Parentis.
Condidimus terra maestasque sacravimus aras.

De lactis verò, & sanguinis aspersione in Pólydori funere.

Inferimus tepido spumantia Cymbia lacte
Sanguinis, & sacri pateras.

Hinc foramina sæpissime in Urnarum operculo. At hic puto *Aram* pro ipso *Sepulcro* accipiendam; Monumentum scilicet ad instar Aræ, Diis inferis Sacrum, atque Isidi in tutela traditum, in quo C. Larinatis ossa quiescerent. *Aram* aliquando pro cinerum *Conditorio* positam, apertissimis verbis affirmat Cornelia Annia apud Kirchmannum

CORNELIA. ANNIA. NE. INDESO
LATA. ORBITATE. SVPERVIVE
RET. MISERA. VIVAM. ME. VLTRO
IN. HANC. ARAM. CVM. VIRO. CVM
QVO. VIXI. ANN. XX. SINE. VL
LO. DO. LIB. LIBERTABVQVE
NO. VT. QVOTAN. SVPER. ARAM
NO. PLVTONI. ET. VXORI. PRO
FICIENT. ROSISQVE. EXOR
NENT, DE. RELIQVO. IBI. EPV
LENTVR

& apud Boissardum Ælius Euporias

DIS. MANI:::
CORNIFICIAE
FAVSTINAE AELIVS
EVPORIAS SIBI
ARAM IN FRONTE
PEDES X. IN
AGRO PEDX

At, omnium apertius, Claudius Nicomachus in Hortis Justinianorum ad D. Joannis Lateranensem. Basilicam.

DIS. MANIBVS
TI. CLAVDIO. NICOMACHO
ARAM. FECIT
SIBI.

In eadem Sententia est Thomasius *De Donariis* cap. 111. p. 33. *Aræ præterea*, inquit, *loco Arca est, quum non minus Arce, seu loculi defunctorum, quam ipse Aræ extraherentur.*

In dextero nostræ Aræ latere visitur Sistrum, subque eo Lanx; sinistro poculum, seu potius Situla. Sistrum, instrumentum est stridulum, & sonabile, Isiacorum Sacerdotum

tum peculiare, qui ob id *Sistrati* dicebantur. Cum illud concutiebatur, tinnitus reddebat prorsus argutos, parte sui superiore Rotundum cœlatumque, in cuius summæ Aspidis vertice, felis erat vultus. Tota ejus species ovalis fuit, & in ora manubriata undique Tinnabula habens. Lucanus

Terruit illa suo, si fas, Capitolia Sistro.

Flaccus in *Argonaut.* de Iside

Aspide cinctâ Comas, & ovariâ persona Sistra.

Et Ovidius, Deam hanc describens

Cornua fulserunt, crepitque sonabile Sistrum.

Ortum, motumque rerum indicabat, ait Plutarcus *de Is. & Osir.* Nili accessum, & re-

cessum significasse vult Servius *ad Æm. viii.* Garritum Hirundinis, in quam Ægyptii fabulantur conversam Isidem, autumant Minucius Felix in *Octavio*, & Pignorius in *mensa Isaca*, Lances, justitiæ typus, Isidi conveniunt, quæ prima Leges invenit, quapropter a priscis *Legiferam* appellatam tradit Rosinus *lib. 2.*, atque his verbis confirmat Henricus Kippingius *A. R. lib. 1. cap. v.* *Marito foris bella gerente, (Isis) Domi leges pro bono publico tulit, ac conservavit, usa tantisper Mercurio, seu Trismegista consiliario.* Situla demum, quæ & cœterarum Dearum est propria. Notandum tamen est Isidem ubique cultam fuisse tamquam salutis Deam, uti narrat Diodorus, cui testimonio Pignorius *loc. cit. p. v.* adjungit nummum æreum Claudii Imp. in quo Isis cum Sistro, & Situla inscribitur SAL. AVG.

61.

SACRO AVG

L. SELLIVS GORGIA

M. TER

Q. NONIVS. AMANVS

M. TER

G. LOLLIVS. FAVSTVS

M. BIS

M. ANTISTIVS. LAETV

M. BIS

Q. ORTENSIVS. CARPVS

M. SEM

C. IVLIVS. AGATOPVS

M. SEM

SACRO AVG. Tanquam DEO, uti in alio Lapide ab impudentissimis Assentatoribus eidem Augusto Cæsari dicato apud Gudium

AVGVSTO. EXCELSE. DEO

Augustus spatium Urbis, teste Svetonio, in Regiones, vicosque divisit; instituitque ut illas, annui Magistratus sortito tuerentur; hos, Magistri e plebe cujusque viciniae electi: non sane quod Regiones divideret, sed

quod cum ante Urbs sic divisa esset, quis quamque Regionem ejusdemque vicos curaret. Propterea de Regionum vicorumque Magistris hic agi opinor; quorum, Sellius Gorgia, & Nonius Amanus TER; Lollius Faustus, & Antistius Lætus BIS; Ortensius Carpus, & Julius Agatopus SEMEL, hoc functi sunt Magistratu. Si quis tamen hos inter *Ministros*, sive *Magistros sacrorum* recensere maluerit, non renuo. Augustus enim Deorum cultum restituit, Ædes sacras refe-

cit, ceremonias jamdiu neglectas ordinavit, fatidicos libros recognovit, Sacerdotum dignitatem, commoda, atque numerum auxit.

ne, alias etiam reperitur; Manutius sane Lapidem hunc non viderat.

ORTENSIVS. *Hortensius*: sine aspiratio-

AGATOPVS. In aliis faxis constanter *Agathopus*.

62.

GRATIAM
REDDE

Anonymum hunc Lapidem votivis addig-
nandum opinor: *Gratias* enim *reddere* (quod
Reddostire gratias prisco sermone dictum mo-
net Guilielmus Stachius de *Sacrif. Gent.* p. 108.)
una ex tot formis fuit, quas pronunciabant
ii qui vota Dis perfolvebant: liquet id ex Li-
vio *lib.* 30., ubi a Senatu decretum fuisse scri-
bit, ut post auditos Saguntinorum legatos
Gratiae Diis, *victoriarum causa*, *agerentur*: at
perpicuius ex Saxo Gruteriano p. xxix.

IOVI . SOLI
INVICTO . SARA
PIDI . T . AELIVS . AN
TIPATER . PROC
AVGG . CVM . VMBRICIA
BASSA . CONIVGE . GRATIAS
AGENTES . POSVERVNT

Muratorius sequentem, Gruterianæ analo-
gam, edidit è suis Schædis inscriptionem.

ΑΓΑΘΗΤΤΧΗ
ΑΤΡ . ΠΑΡΜΕΝΩΝ
ΚΑΙΗΓΥΝΘΑΤΤΟΤ
ΑΤΡ . ΕΙCΙΔΟΘΗ
ΑΡΤΕΜΙΣΙΝ
ΠΡΑΙΑΙΣ
ΧΑΡΙΣΤΗΡΙΟΝ

quam in suo *Inscript. Thef.* p. 38. sic interpre-
tatus est ipse Muratorius

QVOD BENE VERTAT.
AVRELIVS PARMENO
ET CONIVX EIVS
AVRELIA ISIDOTE
DIANIS
MANSVETIS
GRATIARVM ACTIONES

(Perfolvit)

ita in alia quæ extat in Bononiensi *Scien-
tiarum Instituto*

ΜΕΛΑΝΘΙΟΣ ΕΠΙΤΕΛΕΥ
ΙΑΤΡΕΥΘΙΣ ΑΣΚΛΗΠΙΩΙ
ΧΑΡΙΣΤΗΡΙΑ

h. e. *Melanthius morbo depulso votum perfe-
cit Asclepio (Æsculapio) in gratiarum actio-
ne. Aliam denique refert Boldettus in qua legi-
tur Fortunæ sanctæ &c.*

CVLGRATIAS.MAXIMAS.SEMPER EGI

63.

DIIS : DEABVS
C. IVLIVS . C. F. ARN.
AFRICANVS BRIXEL
LO OPTIO . EQVIT
COH VIII. PR. 7. IULI
SIGNVM AEREVM
PANTHEVM
D. D. V. LLM
DEDICATVS XI:::
AVG . BARBARO ET
REGVLO COS

Deorum Dearumque classis a *Diis omnipotentibus* exorsa , *Deorum Dearumque omnium* inscriptione absolvatur .

Consentes Deos , locales , epicorios , tutelares , novensiles , assessores , cultos a Romanis fuisse , brevitatisque compendiique causa *Deos Deasque* vocatos , afferunt Historici , testantur Lapides . Hinc Inscriptiones DIIS OMNIBVS = DIIS PATRIIS = I. O. M. ET CONSESSVIDEORVM DEARVMQ = IOVI O . M. ET DIIS DEABVSQ . IMMORTALIBVS = I . O . M . DD . h.e. *Diis Deabus* = IOVI ET IVNONI REGINAE ET GENIO LOCI ET D. D. OMNIB. = DIIS OMNIBVS COELESTIBVS = DIIS DEABVSQVE PRAESIDIBVS . Hinc invocationis formula , quam Punico sermone pronunciavit Plautinus *Hanno in Pen. Act. v. Sc. i.*

Ythalonim vualonuzh si chorathisma consith.

h. e. ex versione Bochartii .

Rogo Deos , & Deas qui hanc regionem tuentur.

& paulò post

Deos Deasque veneror , qui hanc Urbem colunt.

aut juxta Pareum

O Di Deaque , Calydonis Praestites

Sub quorum Numine est hæc tuta Civitas

Adeste placidi !

ARN. Ex Tribu *Arniensi* , de qua vide Notas ad aliam Inscriptionem inferius .

BRIXELLO . Ptolemæus *Βριξέλλον* Phlegon *de longævo* . Cap. i. *Βριξέλλα* , Svetonius *Brixillum* : Paulus Diaconus *Brexillus* ; Lapides verò modo *Brixillum* , modo *Brixellum* : italicè *Bersella* ; urbs quondam , hodie vero celebre tantum Othonis nece Oppidum , inter Parmam , & Mantuam , perperam a Calepino apud Mutinam , (*nota*) in *Etruria* situm . Ibi fortissimi illius Imperatoris , *cujus non erat molis* , inquit Tacitus , & *corpori similis animus* , modicum Monumentum , & inscriptionem hujuscemodi , M. OTHONIS , se vidisse asserit Plutarcus ,

OPTIO EQVIT. *Optio Equitum Cohortis viii.* Optio , in re militari , Festo docente , masculini est generis , & appellatur is , quem Decurio , aut Centurio optat sibi rerum privatarum Ministrum , quo facilius obeat officia publica , *Dicitur ab optando* inquit Vegetius de R. M. *quod antecedentibus ægritudine præditiis , ii tanquam adoptati eorum , atque Vicarii solent universa curare* . Optio igitur equitum cohortis adjutor est Centurionis , vel alterius ordinarii a Tribuno (V. Varronis de L. L. librum 4.) datus tanquam ejus vel negotiis aliis obruti , vel absentis Vicarius , rerumque privatarum administer . Nec Centuriones tantum , sed & Tribunos , & Signiferos , aliofque

que Optionem habuisse suum, ex pluribus Inscriptionibus liquet, in quibus legitur OPTIO *Tribuni*, OPTIO *Signiferi*, OPTIO *Turme*, OPTIO *Lanceariorum*, OPTIO *Questoris militum*; item OPTIO *Karceris cohortis XII. urbanae*, FISCI, LEGIONIS, PEREGRINORVM, PRAEFECTI PRAETORII, OPTIO VALETVDINARIVS: legitur etiam OPTIVS TRIB. LEG. LVOLVNTAR. & OPTIVS TRIB. LEG. XXX. VLP. apud Reinesium Cl.viii. 76. 78. Denique SVBOPTIO, quasi *Adjutoris Adjutor* apud eundem p.12. Noster ergo Africanus Optio erat *Equitum cohortis Praetorianae VIII. 7. Centuriae* scilicet *Julii*. Hunc (*Africanum dico, de quo Hadrianus in Epist. ad Servianum apud Vopiscum in Saturnino hæc, Calices tibi allascentes versicolores transmissi Caveas tamen ne his*

Africanus noster indulgenter utatur) filium fuisse C. Julii Servilii Urbi Serviani, seu *Serviani*, uti eum nominat Dio, COS. III., videtur Casaubono, aliisque.

SIGNVM AEREVM PANTHEVM. Signum ex ære, singulos Deos Deasque representans, aut in quo Numinum præcipuorum utriusque sexus expressa erant symbola; *Flumen* scilicet Jovis *tricuspe*, Palladis *hasta*, Apollinis *lyra*, Mercurii *caduceum*, Bacchi *tyrsus*, *tridens* Neptuni, Herculis *clava*, Dianæ *phæretre*, Cereris *ariste* &c. Nummum PANTHEVM Hadriani hic exhibeo, in cujus averfa parte Isidis, Osiridis, seu Serapidis, & Harpocratis, sive Sigaleonis typi promiscui visuntur, quibus subjacet Aquila Jovis focia.



Nummus extat apud Claudium Nicasium, qui eum elucidavit in *Dissert. de Nummo Pantheo Hadr.* Ed. Lugd. 1690., cui imaginem

pariter Pantheam, vetustis monumentis simul congestis effectam a cl. Franc. Blanchinio (*Stor. univ. p.216.*) sociare, operæ pretium reor.



Hanc videre est apud laudatum Virum in Op. cui tit. *Istoria Univerf. prov. eo Monumenti &c. Dec. II. Cap. & Imag. xix.* At de his signis Pantheis adi, præter Blanchinium, Gisb. Cuperum, & Jac. Sponium, istum, in *Miscell.* illum, in *Harpoer.*

D. D. V. LLM. *Dono dedit, vel Donum Dicitur. Votum Latius, Libens, vel Lubens; five Votum, Lubentissimus Merito.*

DEDICATVS. *Dedicatum.* XLVIII. AVG (non rectè Reinefius X. KL.) nempe die

22. Julii: malè item Reinefius ÆREVM.

BARBARO (quem Panvinus, Petavius, & Almeloventius BARBATVM vocant) ET REGVLO COS. nimirum Ann. V. C. 909. (Panvinus 910.) a C. N. 157.

Atam hanc in Mus. Capitol. collocandam, mihi nuperrimè tradidit Vir humanissimus D. VINCENTIVS Princeps IVSTIANVS Corbaræ Dux in cujus amoenissima ad D. Joannis Lateran. Villa innumera antiquæ Aræ, Bases, Cippi, Urnæque conspiciuntur.

64.

II BELICIO AVG DVCENARIO
PRAEF. VEHICVL. A COPIS. AVG
PERVIAM. FLAMINIAM
CENTENARIO CONSILIARIO
AVG. SACERDOTI CONFARREATI
ONVM. ET DIFARREATIONVM
ADSVMPTO. INCONSILIVM. AD ~~15~~ LX M. N.
IVRISPERITO. ANTIATES. PVBL

Saxa etiam longum faciet putrescere tempus, inquit Manutius in Adagijs. Abrasum itaque in hoc Lapide nomen restituere mihi impossibile: fortè FI. aut FL. BELICIO. AVG. DVCE-
NARIO. Centenarii, Ducenarii, Trecentarii fuere qui Centenis, Ducenis, aut Trecentis militibus imperabant; de his Vegetius, & Lapides Gruteriani, Fabrettus, aliique. At Bellicium istum haud militiæ addictum, sed potius Jurisprudentiæ, ex sequentibus conjicio. Inter Ducenarios igitur hunc recensendum autumo quos, teste Svetonio, Augustus instituit: *hi a censu*, ait Grævius, *nomen nacti sunt*; quod nimirum lecti ex hominibus inferioris censi ducena HSS. tantum possiderent, non ut cœteri quadrigena. Quibusdam Ducenarii sunt *Exactores*, seu *Publicani*, quod *Ducentesima* vectigal exigent; eos tamen *Ducentesimarios* vocari tradit Salmasius. Joanni Kall iidem Ducenarii sunt, tum qui ducena gerebant, & ducentis scholaribus præerant, tum qui de le-

vioribus judicabant. Quid per hæc innuere velit eruditissimus vir, asserere nequirem, nisi tenebris facem afferrent Philippi Beroaldi commentaria, qui ad illud Apulej: *nam procuratorem Principis Ducenaria persuntum*, plurima de Ducenariis docet. Egregium igitur hunc Apulej illustratorem adeat Lector, scilicet *Metam.* lib. VI. Adeundi quoque sunt Oedericus in *Syll. vet. Inscript.* p. 203., 204. Reinefius *Cl. 8.* p. 515. Salmasius in *Pertin.* & Gruterus, apud quem p. 276. fit mentio C. Julii Prisciani *Curia Reip. Pisaur. & Fan. Ducenarii*. Alteram denique inscriptionem edidit Oedericus *loc. cit.* p. vero 199. in qua Centenarius, Ducenarius, & Trecentarius his notantur signis C. CC. CCC.

PRAEF. VEHICVL. Publici cursus Augustum auctorem facit Svetonius in *Aug. cap. 49.* his verbis: *Quo celerius ac sub manum annuntari cognoscique posset, quid in Provincia quaque ge-*
D d *tere-*

reretur, juvenes primo modicis intervallis per militares vias, dehinc Vehicula disposuit: commodius id visum est, ut qui a loco eidem perferrent litteras, interrogari quoque, si quid res exigèrent, possent: at hæc non ut etiam Magistratibus vehicula, aliisque passim hominibus exhiberentur; id postea factum ex Hadriani instituto tradit Spartianus: vocavitque *Cursum fiscales*, quem indistinctè *fiscalem*, & *publicum* Salmasius appellavit. Rem autem vehiculatam patrimonii munus fuisse asserit Gutherius *de Offic.* D. A. lib. 3, docetque Provinciales Vehicula, & Agminales equos, Angarias, & Veredos præstare coactos. De re vehiculari fusè, ac plus quam satis scripsit Schæferus. Vir igitur iste, cui Marmor dedicaverunt Antiates, vehiculorum per viam Flaminiam dispositorum Præfectus erat: verum cum inter *Officium*, & *Locum* legatur A COPIIS, censendum est Præfectum fuisse etiam a Copiis, quæ per eandem viam dispartiebantur, hoc est Veredariorum, sive Curforum: vel si mavis A CIBARIIS; copia enim Papi- niano l. ob negot. 20. ff. de compens. sunt Cibariorum quæ publice præbebantur: Demum forteque rectius A COPIARIIS, qui ut docet Porphyrio in *Comm. ad Horat.*, annonam, sive comineatum Reipublicæ causâ iter facientibus, præstabant. Inscriptionem, in qua de Præfecto a Copiis sit mentio, nullam, præter hanc nostram, inveni. *Pelorum* quemdam Augusti libertum A COPIIS CASTRENSIBVS laudat Muratoriana p. 902., sed munus istud ad rem militarem pertinuit; Inscriptiones vero Præfectos Vehiculorum commemorantes per plures. Ita apud Gutherum *loc. cit.*

Q. PLOTIO MAXIMO. PROC. AVG
PROMAGISTRO HEREDITATIVM
PRAEF. VEHICVLORVM. QQ

& p. 527.

L. BAEIVS. L. F. PRAEF. FABR
PRAEF. COHOR. IIII. PRAETORVM
PRAEF. VEHICVLORVM

hunc tamen Præfectum non Vehiculorum *publici cursus*, sed *Castro- rum*, cum laudato Autho-

re censeo: Tabularium tandem a Vehiculis, habemus apud eundem

T. FLAVIO. AVG. LIB
SATVRNINO. TABVLARIO
A. VEHICVLIS

PER VIAM FLAMINIAM. Quæ per portam Flaminiam, seu Flumentanam, nunc del Popolo ad Tiberim sita Ariminam usque ducit: notandum tamen cum Georgio Fabricio viam hanc fuisse stratam a Cn. Flaminio Cos. per Etruscos, *Aretium*; ab Augusto verò per Umbriam, & Picenum, *Ariminum*. Huic Claudia iuncta est teste Ovidio *de Ponto* lib. 1.

*Nec quos pomiferis posuit in collibus hortos
Spelat, Flaminia Claudia iuncta via.*

Sunt qui stratam dicant a Flaminii filio. Panvinius autem aliique a Patre captam arbitrantur, a Filio perfectam.

CENTENARIO. Centenarii liberti in lege Papia dicebantur, qui centum millium festeriorum rem habebant: minores vero Centenarii vocabantur, qui minus centum Aureis haberent substantiam. Hæc Brissionius *de Verb. signif.* lib. 111. quem consules.

CONSILIARIO AVG. Consiliarii, vel a Consiliis Augustorum dicebantur quidam, qui Augustos in omnibus processibus, & expeditionibus bellicis comitabantur: quapropter Comites etiam dicti sunt. Inscriptionem refert Salmasius, in *not.* ad Svetonium, in qua PROC. AD. BONA. DAMNATORVM. PROC. AD. ALIMENTA. CONSILIARIO, AVGG. Tiberium viginti sibi Patri- cios viros consilii causa legisse narrat Paulus Diaconus lib. 7. Notatu dignum mihi videtur quod apud Getas, teste Strabone, qui Regi a consiliis erat, *Fræ*s appellaretur.

SACERDOTI &c. Sacerdotis CONFARREATIONVM, & DIFARREATIONVM notitia hic primum occurrit. Cicero sane in Topicis ad solos Pontifices Confarreationem spectasse tradit; sed & ad Sacerdotes, probat Lapis hic Capitolinus, Augusti tem-

poribus insculptus. Eo igitur modo, quo Nuptiæ, non nisi coram Pontifice, & Flamine Diali firmabantur, coram pariter Sacerdote dissolvebantur Matrimonia,

DIFFARREATIONVM, Confarreationi contraria est *Diffarreatio*, quam sic definit Festus, nempe: *genus sacrificii, quo inter Virum, & Mulierem fiebat dissolutio, dicta Diffarreatio, quod fieret sacro libo adhibito*. In Glossis Isidori: *Diffarreatio, dissolutio inter virum, & feminam*. Exiguæ hæ sunt antiquitatis reliquæ; hinc nulla apud probatos Autores *Diffarreationis* mentio, uti notavit Marcellus Donatus Dilucid. in Tacitum lib. 4.

AD LX M. \bar{N} . *Ad sesterium sexaginta millia numero* interpretatus est Muratorius in brevissima ad hunc Lapidem (quem tamen more suo ab archetypo diversum edidit p. 1024.) adnotatione. Sacerdos igitur noster LX M. \bar{N} possidebat; itaque locum inter Senatores, & Equites Romanos habere poterat; Censui enim Equestris (juxta legem, quam Lucius Roscius Otho Tribunus plebis tulit, annis quatuor ante Ciceronis consulatum) erat tantum Sesterium quadringentorum millium;

hinc Horatius Maccenati *Epist.* lib. 1.

*Si quadringentis, sex, septem millia defunt,
Est animus tibi, sunt mores, & lingua, fidesque;
Plebs eris,*

& Martialis de Chærestrato *lib. v. ep. 25.*

*Quadringenta tibi non sunt, Chærestrate; surge;
Lectius ecce venit; sta, fuge, curre, late.*

IVRISPERITO. Quis Jurisperitus, nemini incompertum. Attamen cum supposititius hic Bellicius facile Augusto, idest Octaviano Augusto, a Consiliis fuerit, recitanda sunt ad Marmoris illustrationem quæ de isto Imperatore prodit Xiphilinus. Narrat ergo Augustum ætate affecta libi viginti Viros *Juris scientia*, & prudentia claros adscivisse, quorum judicio res omnes gravioris negotii, quæ in dies emergerent, componeret. Zonaras de eodem: *Consiliarios ad sex menses legerat, ut per eos cum omnibus, ea quæ in consultationem venissent, communicarentur.*

ANTIATES. PVBL. *Antiates publicæ: h. e. publicæ dedicavere. De Antiatis dixi Num. 40. 41. 42., dicamque rursus; sed vide Latium vetus Rocchi Vulpii Vol. 1. 11.*

65.

ΠΑΤΗΡ ΧΑΙΡΕ

D. M. S
AVREL. DIOGENETI
SACERDOTI. VENE
MERENTI FECIT
AVRELIA CAENIS
COIVX. CONQVEM
VIXIT ANNIS XXX

ΠΑΤΗΡ ΧΑΙΡΕ, quem Maritum habuerat, Patrem vocat Aurelia, ob affectum uti est censendum, vel in obsequium Sacerdotii quo Maritus fulserat. VALE, SALVE, AVE passim in titulis funeris. Ideo mortuis scribit Varro *vale aut salve* dicimus, non quod valere possint, sed quod ab his recedamus, eos nunquam visuri. Virgilius

..... Salvo æternum mihi maxime Pallas
Æternumque vale.

Potro qui ex Varronis verbis formulam hanc ad funera speciatim pertinuisse putant, longe errant. Persius in Prologo

Quis expedit vit pfitaco suum XAIRE.

& Lu.

& Lucilius in *Satyr. fragm.*

XAIPE (inquam) *Tito: licetores, turma omni
cohorſque*

XAIPE hinc hostis *Muti Albutius, hinc ini-
micus.*

Titus Albutius, & Mutius Scevola, quorum
hic fermo est, vitam agebant.

SACERDOTI. *Sacerdotem* singuli Deo
assignare Romani solebant, quem *Flaminem*
nuncupabant. Cic. de legib. *Diisque aliis alii*
Sacerdotes, omnibus Pontifices, singulis Flamines
sunt. At cui Templo, cui Numini additus
fuerit *Aurelius Diogenes*, sive *Diogenes*, co-
niux non indicat: quapropter ex ordine eum
arbitror fuisse LX. illorum Sacerdotum, qui
publici vocabantur, quosque a *Romulo* institu-
tos *Dionysius* narrat *lib. 2.* E singulis Curis

bini legebantur, annum ingressi quinquagesi-
mum, qui virtute, ac genere præcellerent
cæteros, censumque sufficientem haberent,
integro essent corpore. His (immunibus
ob ætatem a militia, & propter privilegium
exemptis ab Urbanis negotiis) non ad certum
tempus, sed in omnem vitam cum honorem
concessit Romulus.

VENEMERENTI. *Benemerenti.*

COIVX. *Coniux.*

CONQVEM. *Cum quo.* Intoleranda bar-
baries, inquit Fabrettus, usus est formulæ *cum*
quem: quid dixisset si legisset hic *conquem*; &
in epitaphio Tigridis apud Boldettum CVM
CVM?

XXX Triginta.

66.

A R A

In fronte

D . M .

VETTIVS AGORIVS PRAETEXTATVS
AVGVR. PONTIEEX VESTAE
PONTIEEX SOLIS & QVINDECENVIR
CVRIALIS HERCVLIS & SACRATVS
LIBERO ET ELEVSINIS & HIEROPHANTA
NEOCORVS TAVROBOLIATVS
PATER PATRV & IN REPUBLICA VERO
QVAESTOR CANDIDATVS
PRETOR VRBANVS
CORRECTOR TVSCIAE ET VMBRIAE
CONSVLARIS LVSITANIAE
PROCONSVLE ACHAEAE
PRAEFECTVS VRBI
LEGATVS A SENATV MISSVS V
PRAEFECTVS PRAETORIO II ITALIAE
ET ILLYRICI CONSVL ORDINARIVS
DESIGNATVS

SOLIS

II. ITALIAE

ET

ET ACONIA FABIA PAVLINA CF
SACRATA CERERI ET ELEVSINIIS
SACRATA APVDEGINAM HECATAE
TAVROBOLIATA. HIEROPHANTRIA
HICONIVNCTI SIMVL VIXERVNT ANN. XL

APVD AEGINAM

HI CONIVNCTI

Ad dexteram.



VETTIVS AGORIVS PRAETEXTATVS
PAVLINAE CONIVGI
PAVLINA VERI ET CASTITATIS CONSCIA

DICATA TEMPLIS ATQ. AMICA NVMINVM
SIBI MARITVM PRAEFERENS ROMAM VIRO
PVDENS IDELIS PVRA MENTE ET CORPORE
BENIGNA CVNCTIS VTILIS PENATIBVS

Ad laevam.



VETTIVS AGORIVS PRAETEXTATVS
PAVLINAE CONIVGI
PAVLINA NOSTRI PECTORIS CONSORTIO
FOMES PVDORIS CASTITATIS VINCVLVM
AMORQVE PVRVS ET FIDES CAELOSATA
ARCANA MENTIS CVI RECLVSA CREDIDI
MVNVS DEORVM QVI MARITALEM TORVM
NEC TVNT AMICIS ET PVDICIS NEXIBVS
PIETATE MATRIS CONIVGALI GRATIA
NEXVS SORORIS FILIAE MODESTIA
ET QVANTA AMICIS IVNGIMVR FIDVCIA
AETATIS VSV CONSECRANDI FOEDERE
IVGI FIDELI SIMPLICI CONCORDIA
IVVANS MARITVM DILIGENS ORNANS
COLENS

E c

In

In parte postica.

::NDOR PARENTVM NIL MIHI MAIUS DEDIT
 :QVOD MARITO DIGNA IAM TVM VISASVM
 ::DLVMEN OMNE VEL DECVS NOMEN VIRI
 AGORI SVPERBO QVI CREATVS GERMINE
 PATRIAM SENATVM CONIVGEMQ. IN LVMINAS
 PROBITATE MENTIS MORIBVS STVDIIS SIMVL
 VIRTVTIS APICEM QVI SVPREMVN NACTVS ES
 TVNAMQVE QVIDQVIDLINGVA TRAQUEST PRODITVM
 CVRA SOFORVM PORTA QVIS CAELI PATET
 VEL QVAE PERITI CONDIDERE CARMINA
 VEL QVAE SOLVTIS VOCIBVS SVNT EDITA
 MELIORA REDDIS QVAM LEGENDO SVMPSERAS
 SED ISTA PARVA TV PIVS MOVES TES SACRIS
 TE LETIS REPERTA MENTIS ARCANO PREMIS
 DIVVMQVE NVMEN MVLTIPLEX DOCTVS COLIS
 SOCIAM BENIGNE CONIVGEM NECTENS SACRIS
 HOMINVM DEVMQVE CONSCIAM AC FIDAM TIBI
 QVID NVNC HONORES AVT POTESTATES LOQVAR
 HOMINVMQVE VOTIS AD PETITA GAVDIA
 QVAE TV CADVCA AC PARVA SEMPER AVTVMANS
 DIVVM SACERDOS IN EVLIS CELSVS CLVES
 TV ME MARITE DISCIPLINARVM BONO
 PVRAM AC PVDICAM SORTE MORTIS EXIMENS
 IN TEMPLA DVCIS AC FAMVLAM DIVIS DICAS
 TE TESTE CVNCTIS IMBVOR MYSTERIIS
 TV DINDYMENES ATTEOS QVI ANTISTITEM
 TELETIS HONORAST AVREIS CONSORS PIVS
 HECATES MINISTRAM TRINA SECRETA EDOCES
 CERERISQVE GRAIAE TV SACRIS DIGNAM PARAS
 TE PROPTER OMNIS ME BEATAM ME PIAM
 CELEBRANT QVOD IPSE ME BONAM DISSEMINAS
 TOTVM PER ORBEMIGNOTA NOSCOR OMNIBVS
 NAM TE MARITO CVR PLACERE NON QVEAM
 EXEMPLA DE ME ROMVLAE MATRES PETVNT
 SVBOLEMQVE PVLCHRAM SI TVAI SIMILIS PVTANT
 OPTANT PROBANTQVE NVNC VIRI NVNC FEMINAE
 QVAE TV MAGISTER INDIDISTI INSIGNIA
 HIS NVNC ADEMPNIS MAESTA CONIVNX MACEROR

SPLENDOR
 QVAM QVOD
 SED LVMEN

NACTVS
 TVTRAQVE

INFVLIS

ROMVLEAE

CONIVX
 FE.

FELIX MARITVM SI SVPERSTITEM MIHI
DIVI DEDISSENT SED TAMEN FELIX TVA
QVI SVM FVIVQE POSTQVE MORTEM MOX ERO

QVIA SVM
MOX ERO

Pretiosum hoc, atque illustre venerandæ Antiquitatis Monumentum diù neglectum, clarissimus Marchio Lucatellius Musei Capitolini Curat. Perp. in ejusdem Musei atrio collocari curavit an. 1750. Hoc, solus Franciscus Bonada, Scholar. Piar. Congreg. lumen, & ornamentum, diligentissime exscripsit, integrum vulgavit, nonnullisque illustravit annotationibus in sua *Carminum ex lapidibus collectione* Tom. I. Hæc, unica profecto, ex tot Musei Capitolini Inscriptionibus, huc illuc ab Antiquariis inordinate relatis, unica, inquam, hæc, pro ut eam edidit clarissimus ille vir, licet cæteris prolixior, emendatione non indiget.

VETTIVS AGORIVS. Hunc, cum Urficinum Christianis infestum ab Urbe pepulisset, Christianum faciunt nonnulli: contrarium verò probant potissimum ipsius verba, quæ ludens B. Damaso Papæ, recte D. Hieronymo *Ep. ad Pammach.* dicere solebat, videlicet: *facite me Romanae Urbis Episcopum, & protinus Christianus ero*: Vir tamen præstantis-

simus fuit, dignusque cum Bruto, ab Amiano Marcellino comparari.

PRAETEXTATVS. Papirius, cujus egregiè sculpta extat in Ludovisiorum Hortis Statua, ob tacendi, loquendique in *prætextata* ætate prudentiam, *Prætextati* cognominis jubente Senatu, author fuit, ut docet Macrobius *Saturn. lib. I. cap. 6.*

AVGVR. Augures, sic ab avibus dicti, quorum primus ipse fuit Romulus, uti affirmant Dionysius, & Plutarchus. Hi avium volatus, motum, quietem observabant: garritum earum, & clamores interpretabantur; prodigia denique, & somnia explicabant. Augurum insignia fuere Præfericulum, Lituus, Simpulum, sive Capeduncula, & Aspersorium, quod patet ex Nummis, ex quibus quoque liquet Imperatores id genus honoris sibi vindicasse, uti Cæsar, Vespasianus, Aurelius Verus, ad quos, Nummi, hic, ex Gutherio *de Jure Pontificio* cap. 14. delineati, pertinent.



Porro, *Augurium* fuit Chaldæorum inventum vanissimum, a Græcis interpolatum, quorum discipulus *Tages* Etruscus, ad populares suos detulit, uti docent Censorinus *de die Natali*, Crinitus *de honesta disciplina*; Ovidius *Metam.* lib. xv.

*Indigena dixerunt Tages, qui primas Etruscum
Edocuit gentem casus aperire futuros*

PONTIFEX VESTAE. Pulcherrima apud Gruterum legitur inscriptio, statuam a Cælia Concordia Virgine Vestali Maxima nostro huic Agorio dedicatam commemorans, quæ ejus Vestæ Pontificatum confirmat.

PONTIFEX SOLIS. Qui Pontifex Vestæ, Pontificem & Solis fuisse credo. Ita apud Pan-

Panvinium C. R. p. 159. Mummius Vitrasius Orfitus, Pontifex Vestæ, & Pontifex Solis dicitur. Cognatio & ἀδελφότης inter Vestam, & Solem validissimis posset probari argumentis.

QVINDECEMVIR. h.e. *Sacris faciundis*.

CVRIALIS HERCVLIS. Singulis Curiis præpositos binos Flamines, seu Sacerdotes fuisse, qui sacra facerent, constat ex Festo Pompejo, qui Curiales Flamines ait fuisse *Curiarum Sacerdotes*. Hinc jure Cicero *pro Milone*, Curiam dicit *Templum sanctitatis, amplitudinis, mentis, consilii publici*.

SACRATVS LIBERO ET ELEVSINIS. Cereris, Proserpinæ, seu *Cora*, atque Liberî, vel Bacchi, aut *Jacchi* Sacris Misteriisque, quæ apud Eleusinam celebrabantur, initiatus, iisque Diis devotus.

HIEROPHANTA. Qui Misteriis Eleusiniis, una cum Rege Sacrorum præerat; nec tantum Sacris præsidebat, verum, & mystas initiabat, mysteriaque illa sacra epoptis monitabat, unde Hesichius; ἱεροφάντης *μυσταγωγός, ἱερός τῶ μυστηρίῳ δεικνύων*, seu qui initiandos, atque initiatos ad Sacra *Mysteria* introducit, qui *Mysteria Epoptis* ostendit, quæ incredibili cura, præsentiaque cum sanctimonia, recondita habebantur. Hierophantam peculiarem Hecatis Sacerdotem ita credebatur Salmasius, ut nomen Hecatis Sacerdotis nomini addere supervacaneum omnino putaret. Sed Dilenus, Odericus, ipsumque nomen ex ἱερός *Sacer*, & φανὸς ostendo compositum, contrarium manifestè demonstrant. Quo enim pacto ex solo nomine intelligeretur Hierophantam Hecati, seu Proserpinæ potius, quam aliis Diis, vel Deabus, fuisse dicatum?

NEOCORVS *Sacerdos*. Aliquando *Ædituus*, qui Templum purgabat, atque vertebat. Deinde qui templi curam habuit, a Festo *Ædituus sacra ædis tutor* appellatur: postea *Neocorus*, qui sacra inquit Vaillantius in *Num. Impp. alicui Deo*, vel *pro salute Imperatoris* faciebat: unde in Nummo sub Alexan-

dro Severo cuso habemus MAP. EYTENOC. NEΩKOPOY. AITEAION. Sacerdotium hoc Neocorum commune etiam Fœminis asserit Dalenus, qui de Urbibus quoque Neocoris, quarum prima Ephesus, eruditissimam edidit Dissertationem.

TAVROBOLIATVS. Qui Taurobolium acceperat; qui scilicet sacro Taurobolio accepto Matri Deum, & Attidi sese consecraverat. V. Num. 1.

PATER PATRVM. Sive *Sacrorum Magister* inter Sacerdotes, & principalis, *Patrus* aliquando etiam dictus. Patres isti Rituales Initiorum libros in opere e gemino Lapide constructo adfervabant. Hinc Tertullianus in *Apologet. Volentibus initiari moris est, opinor, prius Patrem illam sacrorum audire, quæque præparanda sunt describere*. Solo Deo Mytræ, seu *Persidico* dicatum fuisse Patrem Patrum autumant eruditissimi Viri, at hujusmodi Sententiæ absurditatem manifestam facit sequens ex Mazzocchio Marmor.

DEO. CAVTE

FLAVIVS. ANTISTIANVS

V. E. DE. DECEM. PRIMVS

PATER PATRVM.

Deum hunc *Cautem*, Pantheum obscurissimæ religionis, & originis, dicit Reinesius *cl. l. 15. 2.* De Candidatis, deque Præatore Urbano, superius diximus.

CORRECTOR. TVSCIAE. ET. VM-BRIAE. Correctores Campaniæ, Flaminiae, Picensi, Apuliae, Lucaniae, Brutorum, Tusciae, Umbriae, totiusque Italiae, eosque Præsidibus potiores, inferiores Consuebus, memorant Leges, Marmora, Pancirolus, Gutherius, Dominicus Georgius, alique. Nomen habuit a Provinciis corrigendis, restituendisque in decus pristinum: ita Germanicum ab Senatu missum *cuncta Syriae negotia correcturum* laudat Rufinus *lib. 18.* Dynamium quemdam *Correctorem*, Ammianus Marcellinus *lib. 15.*

CON.

CONSVLARIS. Non hic certe de viro intelligendum, qui Consulatum gessisset, nam Agorius, fato præreptus, munus hoc obire nequivit. Verum de Magistratu, puta *Prætoris*, ad moderandam Lusitaniam, cum honoribus, autoritate, ornamentisque *Consulari* titulo ab Augusto concessis, uti tradit Salmastius in *Adriano*.

ECHALÆ *Achaie*. De Pro-Consulatu cæterisque hic enunciatis dignitatibus, vide superius. Notandum dumtaxat de Vettii Ago-

rui Proconsulatu sub Juliano Augusto, deque ejusdem Præfectura Urbana imperantibus Valente, & Valentiniano, mentionem fecisse Ammianum Marcellinum, atque Zosimum, a quo *Vir omnibus virtutibus excellens est appellatus*, novissimeque Eduardum Corsinium de *Præf. Urbis* ad. A. C. 367. Præstantissimi hujusce Viri Achajæ Proconsulatum mirifice testatur marmor Gruterianum in ejus honorem, ab Asclepiodoto, Dosithæi filio, splendidi Gortyniorum Senatus decreto excitatum, in quo Creta *insularum Regina* vocatur.

ΑΓΟΡΙΟΝ ΠΡΕΤΕΣΤΑΤΟΝ ΔΑΜΠΡΟΤΑΤΟΝ
ΕΠΑΡΧΟΝ ΤΗΣ ΒΑΣΙΛΕΥΟΥΣΗΣ ΤΩΝ ΝΗΣΩΝ
ΔΟΥΛΑΤΙ ΤΗΣ ΔΑΜΠΡΑΕ ΓΟΥΤΤΝΙ. ΒΟΥΛΗΣ
ΟΙΚΟΥΜΕΝΙΟΣ ΔΟΣΙΘΕΟΣ ΑΣΚΛΗΠΙΟΔΟΤΟΣ
Ο ΔΑΜΠΡΟΤΑΤΟΣ ΠΙΑΤΙΚΟΣ ΑΝΕΣΤΗΞΕΝ

CONSVL ORDINARIVS. In sex Consulatus, inquit de Domitiano Svetonius, non nisi unum ordinarium gessit. Quem locum illustrans Adr. Turnebus *Advers.* lib. 5., scribit, ordinarium Consulem dici, ex cujus nomine anni supputatio ordinaretur, idest cujus nomen in Litteris, & Instrumentis, & in Fastis scriberetur. Nam, inquit, *etate Imperatorum annus in multos dividebatur Consules: Sed soli, qui anni initio (nempe Kal. Januar.) inibant honorem, ordinarii consuebantur, honoratioresque erant.* Seneca, *Consulem me fecit, sed non Ordinarium*.

DESIGNATVS. Vere designatus tantum, nam morte præventus, uti narravimus, Consulatum non est assequutus. Nulla ergo fides habenda Volf. Lazio, qui in *Comm. Reip. R.* lib. 8. secus sentit, Vettium hunc Agorium Prætextatum non distinguens ab Afinio Prætextato, qui Consul cum Attico fuit A. C. 242.

ACONIA. Agonia nonnulli. At in Lapide *Aconia*. Cf. Catulini filia; Aconii, scilicet, Catulini V. C. ex Præf. & ex-Consulis ordinarii, & designati, uti in Inscriptionibus apud Gruterum p. 309., & Manutium p. 30. Hic mire liquet siglas G. F. non semper interpretandas esse CAII filia, vel filius.

SACRA CERERI ET ELEVSINIIS. Initiata sacris Eleusiniis, quæ in honorem Cæteris celebrabantur.

APVDEGINAM. Apud *Æginam*, ubi more Græco, non Asiatico, Ceres, cum filia Proserpina colebatur, quas *Damiam*, seu *Lamiam*, & *Auxesiam*, appellant Herodotus, & Pausanias.

TAVROBOLIATA. Quæ eodem ritu, quo Maritus, Taurobolium apud *Æginam* exceperat. *Taurobolitas*, at melius *Tauroboliatas* Fœminas, aliisque, Hierophantriarum facultate, Taurobolium tradentes, complures exhibent vetusti Lapides, in quibus Junia Domitia, Pomponia Flora, Servilia Modesta, Valeria Gemina, Verina Severa, Julia Nice, Valeria Carmosyne, Aurelia Oppidana, Marciana, Valentina nominantur.

MHECATAE Hecate HIEROPHANTRIA. Sacerdos Hecates. In Agro Stratonicensi scribit Strabo lib. xiv. duo sunt Tempia, quorum unum *Laginis Hecate Sacrum*, ubi quotannis magni agitantur sacri Convectus: Sic & initia, seu Myſteria ista, apud *Æginetas* celebrari solebant. Audiatur Pausanias in *Corinthiacis*: *Præ cateris verò Diis in primis He-*

catem colunt *Egineta*, cujus initia quotannis celebrant: id quoque testatur Origenes contra Celsum: Non enim majoris existimationis apud Græcos sunt *Mithriaca Sacra*, quam *Eleusinia*, aut illa, quæ apud *Eginetas* *Mysteria Hecates* initiatis traduntur. Aconia igitur *Fabia Paulina Hierophantia Cereris*, & *Proserpinæ*, iisque, *Taurobolio* accepto, sacrata erat Deabus.

ARCANA MENTIS. *Pectoris secreta Apulejus*; & apud *Perfium*

Compositum jus fasque animi sanctosque recessus Licet omnes inquit *Avienus* apud *Macrobius* *Saturn. lib. 1. cap. 7.* qui adsunt, pari doctrina polleant, sacrorum tamen omnium *Vestibus* unice conficiunt; potest tibi, & originem *Cultus*, qui huic Deo (*Saturno*) penditur, & causam festi solemnem operire. Et *cap. 17.* *Vestium* appellat sacrorum omnium *Præsulem*. *Evangelus* tandem *cap. xi.* *Religiosorum Principem*.

STVDII SIMVL. De Agorii studiis fidem faciunt *Ammianus* in *Hist.*, *Symmachus* in *epist.*, *Macrobius* in *Saturn.* passim, a quo laudatur, quod apud eum nobilitatis *Romane* proceres, doctique alii congregarentur.

TESSACRIS. *Te Sacris &c.* Vacas nempè *Sacris teletis*, sive expiationibus, uti apud *Apulejum*; cogor tertiam teletam suscipere, idest expiationem, inquit *Beroaldus*, purificationemque, ut ter sacratus, ter Religioni desponsus fierem beatissimus.

CLVES. Celebraris. *Stasimus*, *Philtoni*, in *Plauti Trinum Act. 11.*

Alirum ni tu illuc tecum divitias feras
Ubi mortuus sis, ita sis, ut nomen cluet.

& in *Menecelm.* *Act. 14.* Res magis queritur, quam clientium *Fides* cujusmodi cluet. Unde *Glossa* *Cluis*, nobilis; *Cluvior*, magis inclitus.

SORTE MORTIS EXIMENS. Congruit cum promissis, quæ apud *Apulejum*, *Sacris* *Ididis* initiato, dabantur. *Vives beatus, vives*

in mea tutela gloriosus, & quum spatium seculi tui permensus ad inferos demearis, ibi quoque in ipso Subterraneo Semitotundo, me, quam vides *Acherontis* tenebris interlucentem, *Stygisque* penetralibus regnantem, *Campos Elysios* incolens, ipse tibi propitiâ adorabis.

DINDYMENES ATTEOS. Laudatus *Franciscus Bonada* qui (candidè fateor) mihi nonnulla in hoc interpretando *Lapide lumina* prætulit, rectè *DINDYMENES* exscripserat; in notis verò (*cl. xli.*) *DIADYMENES*; concluditque de *Attino diademato* intelligi debere. Ignoravit fortasse *ΔΙΝΔΙΜΕΝΑ* cognomen fuisse *Cybelis* a *Dindymo Phrygiæ* monte, uti docent *Strabo*, & *Hesichius*, ubi ejus sacra fiebant, in quibus *Attini* formosissimi pueri, quem ipsa vehementissimè adamaverat, *Phryges* memoriam renovabant. Rectius igitur *Tu*, qui *Tauris teletis* honoras *Attinum* *Dyndimenem*: *Attinum* scilicet, *Cybeli Dindymenæ* carissimum. *ΘΕΑ ΔΙΝΔΥΜΕΝΑ* in *Ara* apud *Donium*. *Dindymi* *Dominam*, & *Dindymenam* *Dominam* vocat *Cybelem* *Catullus*; *Virgilius*.

ite per alta
Dindyma, ubi adusæ biforem dat tibia cantum
Tympana, vos buxusque vocant *Berecynthia* *maeris*
Idea.

Epigramma tandem, quod *Jacobus Mazzochius* legit supra portam domus *Francisci* de *Sinebarbis*

Qui colitis *Cybelem*, & qui *Phryga* plangitis *Attin*
Dum vacat, & tacita *Dindyma* nocte silent,
Flete meos cineres &c.

FELIX. MARITVM SI SVPERSTITEM MIHI DIVI. DEDISSENT. Aconia, sui in conjugem amoris, non vulgare specimen posteritati reliquit. Cum enim *Vestales*, *Vettio Agorio*, statuum erexissent, ipsa, *Cœliæ* *Concordiæ Vestali* *Maximæ*, statuum pariter erigi jussit. *Vestales* inter, & *Aconiam* mutæ urbanitatis præclarum extat testimonium in luculentissima *Inscriptione* ab *Anr. Vandale* de orig. *Taurob.* *C. vi.* relata:

COE-

COELIAE . CONCORDIAE . VIRGINI
VESTALI . MAXIMAE FAB PAVLINA . C . F
STATVAM FACIENDAM . COLLOCANDAMQVE
CVRAVIT . CVM . PROPTER
EGREGIAM EIVS PVDICITIAM . INSIGNEMQVE
CIRCA . CVLTVM . DIVINVM
SANCTITATEM . TVM . QVOD
HAEC . PRIOR . EIVS . VIRO
VETTIO . AGORIO . PRAETEXTATO . V . C .
OMNIA . SINGVLARI . DIGNOQVE
EIVS . AB . HVIVS . MODI . VIRGINIBVS
ET . SACERDOTIBVS . COLI . STATVAM
COLLOCARAT

SI FVAT SIMILIS . Laudatus Bonada ex-
scripsit TVAL: at in archetypo FVAT . *Fuat*
dixerunt veteres pro *fit* , vel *fuert* , ab anti-
quo verbo *fuo* , *fuis* , *fuit* , *futum* , uti videre
est non tantum apud Plautum in *Captiv.* Act.ii.
Sc.4.

& in Amphitr. Act.ii. Sc.4.

*Ne quis tam audax fuat homo , qui obviam ob-
sistat mihi .*

sed apud ipsum Virgilium *Æn.* lib.10.

*Atque horum verborum causa caveto mihi ira-
tus fuas .*

Tros Rutulufue fuat , nullo discrimine habebo .

67.

D . LAELIVS . BALBI . L
SATVR VIATOR
VII . EPVLON

SATVR . Cognomen forte ex Patria : SA-
TVRVM enim oppidum Salentinorum apud
Stephanum , quod *Satyrion* apud Strabonem .

VIATOR . Septemvirum Epulonum Viator
hic primum occurrit . De *Viatoribus* vide su-
perius num.22.

ARA

Pars antica.*Ad dextram*MILONIS
AMPHIONIS*Ad laevam*

MINISTRI LVSTRI SECVNDI

*Pars postica*DVILLIVS CEP
MARCELLVS

Varii variè Inscriptionem hanc edidere; nemo recte. Lipsius: M. ANTONI. ANDROMIS, atque instrumenta in saxo sculpta perperam delineata. Gruterus eadem Lipsii verba, eadem igitur errata. Muratorius, M. ANTONI. Ita equidem legi debet; at in Lapide absque interpunctione, MANTONI: omisit præterea ERILIS nomen sesquipedalibus characteribus insculptum.

Ara quadrangularis est. In sinistro latere Camilli visuntur ceterique Sacrorum Ministri, Bovem immolantes, cum titulo MINISTRI. LVSTRI. SECVNDI: Lustrum, & Censum auctor fuit Ser. Tullius: edixit enim, ut omnes cives Romani, equites, peditesque in suis quisque Centuriis, in campo Martio prima luce adessent: ibi instructum exercitum omnem, sue, ovis, & tauro sacrificio facto (quod Sacrificiorum genus *Solitaurilia*,

& *Suovetaurilia* postmodum vocavere) lustravit: quas hostias, quum eas prius circumduciter circum exercitum jussisset, immolavit; idque conditum Lustrum appellatum, quia in censendo finis factus est. Quum verò institutum fuerit, ut quinto quoque anno exacto census fieret lustrumve conderetur, hinc Lustrum pro quinquenniali spatio sumptum esse constat. Idque a *luendo* dictum scribit Varro lib.v. de L. L., quod quinto quoque anno vestigalia, & alia tributa per censores persolverentur.

MINISTRI. In aliis Lapidibus *Magistri* vocantur, ut apud Jacobonium in *App. Cassiorum fam.* pag. 288.

SABINAE
AVGVSTAE
MAGISTRI QVINQVENNALES

COL-

COLLEGI. FABRVM. TIGNARIORVM.
LVSTRI. XXIII

& pag. 289.

P. CORNELIVS
THALLVS
P. CORNELI. ARCHITECTI. FIL
MAG. QVINQ. COLL. FABR
TIGNAR. LVSTRI XXVII

Minister verò, ut in nostro, nominatur in alio
Saxo apud Ficononium *Vest. di R.A.* pag. 143.

AISCVLPIO
AVGVSTO. SACRVM
PROBVS. M. FICTORI. FAVSTI
MINISTER. ITERVM. ANNI. XXXI

Pars Marmoris antica Lituum exhibet, albogalerum, secespitam, ferram, dolabram, aliaque fabrilis instrumenta, supposita nominibus ERILIS. MANTONI (*Marci Antonii*) ANDRONIC. &c.

In latere dextro Palladis signum in medio multorum virorum adstat. Dea clypeata est, atque galeata, & hastata: superius :::: MILO-
NIS. AMPHIONIS.

FICTORI. Proponitur Fictores, inquit Reinesius Epist. 33., *ἱμῶν πλαστικῶν*, qui è cera, creta, & argilla formant simulacra, & sigilla, alias *Significes*, Julio Firmico *Plasticatores*, nobis vulgo *Formatori*, quorum antiquissimum Collegium ipsum habuisse Numam auctorem testatur Plutarchus. Erant, & Fictores Vestalium, & Fictores Pontificum; qui nimirum hostias, & victimas ex pane, vel è cera fingeant. Cum enim pauperes veras emere nequirent, hujusmodi simulatas hostias Diis offerebant. Bovem, e myrrha, thure, aliisque odoribus fictum, distributum in magno totius Græciæ conventu ab Empedocle Acragantino, memoriæ prodidit Athenæus *Deipnosoph.* lib. 1. cap. 2. Neque inverisimile Fictores istos virorum quoque simulacra formasse, quæ in Amphitheatro tauris aliquando objiciebantur, quod ad Orat. *pro Cornelio* docet Asconius: *Effigies hominum ex feno fieri solebant, quibus objectis ad spectaculum præbendum Tauri irritarentur.* Sunt tamen qui cum Varrone lib. vi. de L.L. sentiunt Fictores istos liba tantum finxisse, quibus Pontifices in sacris utebantur. In parte postica legitur DVILLIVS CEP MARCELLVS.

FACC. *Faciendum curavit, sive curaverunt.*

::::AESARIS DIVI
 I . O . M BOVEM
 ::N . DOMITIVS
 ::ERSICO . COS
 ::ANPVIKIAN
 COLL

DIVI . AVGVST . I . I . O . M . B....
 ADFVERVNT . PAVLLVS . FA....
 GALLVS . TAVRVVS . STATILIVS....
 XVI . K . DEC . IN....
 IDEM . PRO . MAGISTRO . EX . DEC....
 TI . CAESARIS . DIVI . AVGVST.....
 TRIBVNIC . POTESTATE . XXXV....
 IMMOLAVIT
 ::D . FVERVNT . PAVLLVS . FAP....
 ::LLVS . TAVRVVS . STATILI.....
 ::NIO . Q . PLAVTIO
 ::GALLO MAGISTRO . FRATR..
 ::IANVARIAS . IN CAPITOLI.....
 ::MAG . FRATRV . ARV.....
 ::CAESARIS . AVG . PONTIFI..
 ::MOLATIS . QVAS . SVPERIO..
 ::ROXVMVM . ANNVM . PRA..
 ::O . M . SI
 ::MAXIMVS . TRIB . POTEST . X.
 ::R . QVIRITVM . ERVNT...
 ::IS . SIQVA . SVNT . ERV...
 ::M QVE IN EODEM....

Marmor tam turpiter effractum, in quo tot adsunt verba partim mutila, partim omnino consumpta, illustrare, improbus labor: nihilominus pauca dicam, ne vitare tedium voluisse videar. Saxum igitur votivum est, spectatque ad Tiberium Imperatorem, pro cuius salute, atque incolumitate (vel alicujus gratulationis causa) Promagister, & Magistri Arvalium, victimas Jovi optimo maximo in Capitolio, per hos Fratres mactare decreverunt.

I . O . M . De Jove O . M . deque ejusdem cognomentis Cælestini, Dolicheni, Confervatoris, Imperatoris, adi Rycquium-cap.xx. Hic de Jove *Imperatore* agi non dubito, ab *imperando*, quod scilicet omnibus imperet, dicto: ejus Simulacrum T. Quintus, Præneste in deditionem accepta, Romam devectum, in Capitolium tulit, dedicavitque inter cellam Jovis, & Minervæ, tabula sub eo fixa, quæ rerum gestarum esset monumentum.

BOVEM . Bovem marem, seu Taurum,

peculiarem fuisse Jovis victimam constat (ut innumera omittam testimonia) ex Actis Apostolorum cap. i 4. ubi narratur Jovis Sacerdotem, BARNABÆ (quem pro Jove haberi a Lystronis noverat) tauros sacrificare fategisse. Et vocabant Barnabam Jovem . . . Sacerdos quoque Jovis, qui erat ante civitatem, tauros, & coronas ante januas afferens, cum populis volebat sacrificare. Bovem tamen Apollini atque Neptuno ab Argonautis immolatum, tradit Eustathius: Musi vero a Pythagora, Cicero: Typhoni ab Ægyptiis, Plutarchus: Marti a Lacedæmoniis, plerique docent. Quondam tamen, Solonis lege Bovem sacrificare adeo nefas fuit, ut Bovem ac Civem mactare, æquè capitale censeretur. At legem hanc postmodum ab Atheniensibus contemptam fuisse liquet ex Gyrardo, a quo festivitas quædam Atheniensium laudatur *Buphonia* dicta, in qua bos Jovi mactabatur: de *Buphonia* hoc sacro etiam Aristophanes in *Nebulis*. Ceterum in Jovis Polei ara primum immolasse Bovem, Erectheum, Athenis imperantem, quidam scribunt.

ΑΡΒΥΙΚΙΑΝ . Puto supple-
dum PER FRATRES ARVALES . pridie ,
vel n̄. KAL. IANVARIAS , h. e. die 31.
vel 30. Decembris .

ERSICO . COS . Si annus Tribuniciæ
potestatis XXIII. Tiberii , annus erat ejusdem
Imperii VIII. uti ex Lapide Panviniano ubi

TI. CAESARI. DIVI. AVGVSTI. F. AVGVSTVS
PONTIF. MAXIM. IMP. VIII. TRIB. POT. XXIII &c.

tunc dicendum annum Tribuniciæ Potesta-
tis XXXV , quem noster enunciat , Imperii
fuisse XVIII. , ab V. C. 786. At anno V. C.
786. Plinius *lib. x.* , & Tacitus *lib. v.* Consules
comparant C. Cestium , & M. Servilium . Li-
ber Cuspiniani , & Fasti Græci Gallum , &
Nonianum . Almeloventius vero atque Nori-
sius rectius anni hujus consulatum assignant
Paullo Fabio Persico cum L. Vitellio Nepote ;
noster vero Lapis , *Persici* , in consulatu so-
cium , non indicat . Quidam putarunt indi-
cari nomine Cn. Domitii Calvini , aut Cn. Do-
mitii Ænobarbi , quorum alter Consulatum
iniit A. 701. alter 722. Verum , quomodo
qui Consul fuerat ann. 722. eandem dignita-
tem (nisi Nestoream ætatem attigisse dica-
mus) post annos 64. iterum consequi pote-
rat ? præterea , quis unquam vidit unius Con-
sulis nomen primo casu inscriptum ; alterius ,
sexto ? Emendandus denique Petavius , qui
Prisco scripsit pro *Persico* .

FRATRV MARV Fratrum Arvalium . Sa-
binus Massurius apud Gellium dicit Larentiam
Romuli fuisse nutricem : ea , inquit , *Mulier*
ex duodecim filiis maribus unum morte ami-

fit ; in illius locum Romulus Acca Larentia
sepe filium dedit , sequæ & ceteros ejus filios
Fratres Arvales appellavit . Ex eo tempore Col-
legium mansit Fratrum Arvalium numero XII.
At planius loquentem audiamus Fulgentium
de voc. ant. Acca Larentia Romuli nutrix con-
sueverat pro agris semel in anno sacrificare ,
duodecim filiis suis sacrificium præcedentibus :
unde cum unus mortuus esset , propter Nutri-
cis gratiam Romulus in vicem defuncti se suc-
cedere pollicetur ; unde ritus processit cum
XII. jam deinceps sacrificare , & Arvales dici
Fratres , quorum Sacerdotii in isto aliisque Ca-
pitolinis lapidibus sermo est , uti mox videbi-
mus . Pomarium , districtum totum intra V.
& VI. lapidem , cæsis victimis , & fines obeun-
do lustrare officium erat Arvalium . Lucanus
lib. i.

*Mox jubet , & totam pavidis a civibus urbem
Ambiri , & seipso purgantes mania lustris ,
Longa per extremos pomaria cingere fines
Pontifices , sacri quibus est promissa potestas .*

Anaglyphum opus , Arvale effingens sa-
crificium , vulgavit Andreas Adamius in *hist.*
Vulsin. lib. i. hujusmodi



Verumtamen Arvales hos Fratres aliis et-
iam adfuisse sacris , potissimum cum pro pu-
blica , aut Imperatoris salute , & incolumitate
fierent , liquet ex nostro hoc saxo atque ex se-

quentibus . Advertendum literas D. G. M.
Q. T. X. insculptas esse sic

D. G. M. Q. T. X.

INSIGNIS hæc Tabula extabat olim in Villa Sabellorum vulgò *Montalto*, hodie vero Negroniorum, sed fordidum squallore fœdata, ac negligentia magis, quam vetustate collapsa: In duas partes divisa est Tabula. In prima recitantur Vota nuncupata de more die tertia Januarii pro salute Imp. Vespasiani Cæs. Aug. Trib. Pot. Cos. VI. At cum jam hujus anni Consules notati sint Cejonius Commodus, & Novius Priscus, manifestum est aut erratum irrepsisse in Fastis Capitolinis, aut illos *Suffectos* fuisse non *Ordinarios*, uti scitè animadvertit Sponius in *Miscellaneis*, immeritoque negavit in *Epist. Consul.* Norisius. Hanc fortasse repugnantiam vidit etiam Muratorius, ideoque omisit *no* COS in prima linea. In secunda signatur cooptatio C. Salvii Liberalis Nonii Bassi in Collegium Arvalium, in locum C. Matidii Patruini demortui.

L. CEONIO :::: MODO. *Lucio Cejonio Commodo*, cui perperam Leunclavius in *ind. lib.* 66. Dionis, cognomen VERI superaddidisse demonstrat Norisius *loc. cit.* p. 47. & 49. Hic proavus Veri Augusti, qui cum Marco Aurelio patre imperavit; Avus Ælii Cæsaris, quem Adrianus adoptavit; Pater demum L. Commodi Veri, qui sub Trajano Consul fuit, a Panvinio dicitur: Cejonius Commodus alter nominatur in Fastis, sed qui Consul fuit primò cum L. Tutio Cereale: secundo cum Sex. Veturio Civica Pompejano: vide eundem Norisium

D. NOVIO PRISCO. Male Panvinus, male Petavius & Almeloventius C. CORNELIO pro D. NOVIO. Hujusce Prisci mentio est apud Tacitum *Ann. lib. xv.* *Novio Prisco per amicitiam Seneca, & Glitio Gallo*, atque Annio Pollioni, infamatis magis, quam convictis data exilia. *Priscum, Antonia Flacilla* (Norisius *Fadilla*, sed minus recte) conjux comitata est. Nerone tandem sublato Romam regressus hoc anno C. 78. Consulatum inivit.

MAGISTERIO. Cum scilicet *Magisterio* Collegii Fratrum Arvalium fungeretur C. Matidius Patruinus: *Promagisterio* vero L. Veratius Quadratus, qui nomine Arvalium

vota pro Vespasiani, atque Titi ejus filii salute nuncupaverunt. Altera extat apud Dionium inscriptio in qua M. Ænnius Vincianus nominatur *Promagister Magisterii*. Votorum hæc nuncupatio fiebat pro Principis incolumitate anni initio. Calendis ipsis hæc vota suscipi Tacitus sentire videtur, qui Thraseæ objectum scribit, quod principio anni solenne iuramentum vitaret, nuncupationibusque (pro Neronis salute) votorum, quamvis Quindecemviri Sacerdotio præditi, non adesset. Cajus tamen J. C. l. 233. *de Verb. signif. Post Calendas Januarias*, inquit, *die tertio pro salute Principis vota suscipiuntur*. Addit Tertullianus in *Apolog.* tum solitos Cives focos, & choros in publicum educere, vicatim epulari, Civitatem tabernæ habitu abolefacere, catervatim cursitare, *vino lutum cogere*. Vota hæc perfoluta etiam in Provinciis conjicitur ex Plinio, qui *Epist. lib. x.* 44. hæc Trajano ex-Bithinia scripsit. *Solemnia vota pro incolumitate tua, qua publica salus continetur, & suscepimus, Domine, & solvimus, precati Deos, ut velint ea semper solvi, semperque signari*. Eadem eodemque libro *Ep. 101.* & 69. *Diem Domine, quo servasti Imperium, dum suscipis, quanta mereris lætitia celebravimus, precati Deos, ut Te generi humano, cujus tutela & securitas saluti tue commissa est, incolumem, florentemque præstarent*. Hinc VOTA PVBLICA, VOTA SVSCEPTA, VOTA SOLVTA in tot Augustorum Numismatum inscriptionibus.

IM EAVERBAQISS. In ea verba quæ supra scripta sunt: h. e. iis usi verbis, seu formulis, quæ ut ex hoc loco patet, in publicas tabulas referebantur. *Nuncupata dicuntur vota*, inquit Festus, *quæ Consules, Praetores, cum in Provincias profiscuntur, faciunt: ea in tabulas, præsentibus multis, referuntur*. Hujusmodi Tabularum meminit quoque Svetonius in *Aug. cap. 97.* cum ait: *Vota, quæ in proximum lustrum suscipi mos est, collegam suum Tiborium nuncupare jussit. Nam se, quamquam conscriptis, paratisque jam Tabulis, negavit suscipiendum, quæ non esset soluturus*. His votorum nuncupationibus non adesse crimen erat, uti de Thrasea notavimus. Crimini sane datum

70.*

Quare
Asteriscus
videt: Prae-
quum.

L CEIONIO MODO CoS D · NOVIO ~ PRISCO

III. NON. IAN

MAGISTERIO . L . MATIDI PATRVINI . PROMAGISTRO . IVERATIO . QVADRATO COL
LEGI . FRATRVM . ARVALIVM NOMINE VOTANVNCVPAVERVNT . PROSALVTE
IMP . VESPASIANI CAESARIS . AVG TRIB . POT . COS . VIII . ET . T . CAESARIS . AVG F
VESPASIANI . COS VI . VICTIMISIMMOLATIS . INCAPITOLIO . QVAS . SVPERIO
RISANNI . MAGISTER . VOVERAT . PERSOLVITET . INPROXIMVM . ANNV . NVN
CVPAVIT . PRAEVNTE . *sic* L . VERATIO . QVADRATOINEA VERBA Q . I . SS
IOVI . OPT . MAX . BOVEM . MAREM . IVNONIREGINAE . VACCAM . MINERVAEVACC
SALVTI . VACCAM
ITEM PRO . T . IMP . VESPASIANO CAESARE . AVGEIDEM VERBIS . QSSIOVI . OPT . MAXIM
BOVEM . MAREM . IVNONI . REGINAE . VACCAM . MINERVAE VACCAM . SALVTI . VACC
IN COLLEGIO . ADFVERVNT L . VERA . IVS . QVADRATVS . C . TADIVS . MEELIANVS . Q . TILLI
VS . SASSIVS . L . MAECIVS . POSTVMVS A . IVLIVS . QVADRATVS C . VIPSIANVS . APRONI
..NVS ISDEM . COS VI . IDVS . IAN . INAEDE . CONCORDIAE . ADSTAN
TIBVS . FRATRIBVS ARVALIBVS MAG C . MATIDI . PATRVINI . PROMAGLVERATIO
QVADRATO . COLLEGI . FRATRVM . ARVALIVM . SACRVINDICTVM . DEAEIDAE
PRAEVNTE . L . MAECIO POSTVMO IN DIEM . VI . K . IVN . DON
III . K . IVN . INLVCO . ETDOMI III . K . IVN . DOMI . INCOLLEGIO . ADFVERVNT
L . VERATIVS . QVADRATVS . C . VIPSIANVS . APRONIANVS . L . MAECIVS . POSTVMVS
C . IVNIVS . TADIVS MEELIANVS . A . IVLIVS . QVADRATVS . ISDEM COS . K . MART
INAEDE CONCORDIAE ADSTANTIBVS . FRATRIBVS . ARVALIBVSEXTABELLA . IMP
CAESARIS VESPASAI AVG . MISSAS . C . SALVIVM . LIBERALEM . NONIVM . BAS
SVMINLOCVM . C . MATIDIPATRVINI DEMORTVI . COOPTAMVS . IN COLLEGIO . AD
FVERVNT . L . VERATIVS QVADRATVS . C . VIPSTANVS . APRONIANVS . LMAECIVS
POSTVMVS . C . SALVIVS . LIBERALIS NONIVS BASSVS . ISDEM . CoS
MAGCSALONI . MATIDIPATRVINI INCVS . LOCVM . SVCCESIT . OBHITMAGISTERIVM
EODEM . ANNO ISDEM COS . KMARTPSALLVSTIVS BLAESVS . ISDEM CoS VIDMART
INAEDE CONCORDIAEMAGPSALLVSTIVS . BLAESVS . COOPTATVS . INLOCVM C . M .
PATRVINI . COLLEGIFRATRVM ARVALIVM . CONVOCAVIT . FLAM .
LVERATIVM QVADRATVM
INCOLLEGIO ADFVERVNT P . SALLVSTIVS . BIA . SVS : Y . VERATIVS C .
POSTVMVSCIIVNIVSMEELIANVS AIVLIVS QV .
NONIVS BASSVS

IVIA SIONE

Characterum specimen exhibeo

INCOLLEGIO . ADFVERVNT . QVADRATVS . FRATRIBVS
ARVALIBVS MAG . EXTABELLA . IMP CAESARIS .




tum Christianis, læsæque Majestatis eos actus, quod pro salute Imperatorum vota non facerent, testatur Tertullianus *loc. cit.* & iterum in lib. *ad Scapulam*, ubi hæc: *Sed iidem ipsi, qui per Genios eorum pridie usque juraverant, qui pro salute eorum hostias & fecerant, & voverant, qui Christianos sæpe damnaverant, hostes eorum sunt reperti.*

VICTIMIS IMMOLATIS. Quæ victimæ immolarentur, mox notatur lin. 10. nimirum IOVI Bos, sive Taurus: hæc Taurorum immolatio non tantum apud Gentiles in usu fuit, sed etiam apud Israelitas, quod exprobat

Deus per Oseam *cap. xii. 11.* JUNONI vero Regina, MINERVÆ, & SALVTI Vacca, quam apud quosdam Ægypti populos mactare nefas, uti docet Stucchius p. 44.

IN CAPITOLIO. In templo scilicet Jovis Capitolini seu Optimi Maximi. De hoc magnificentissimo Templo, a quibusdam prope Saxum sive Rupem Tarpejam, ab aliis ubi nunc Cænobium Aracalitanum, sito, alias egimus: hic Scenographiam dabimus, quam Justus Rycquius in eruditissima antiqui Capitolii descriptione *cap. 1.* hoc pacto delineavit.



In eo Cellas habuerunt Juno atque Minerva, a Tarquinio Prisco post ultimum bellum Sabinum ex voto excitatas teste Dionysio lib. II. Jupiter nempe mediam tenebat Ædem, dextram Minerva, sinistram Juno sub eodem tecto atque Pinnaculo. Ita Victor in descriptione Regionis IIX. *Templum Jovis O. M. in quo erant tria Delubra; medium Jovis, dextrum Minervæ, lævum Junonis.* Ex hoc intelligitur Ovidii locus, idest *Trist. lib. II.*

*Cum fuerit Jovis æde, Jovis succurret in æde
Quam multas matres fecerit ille Deus.
Proxima adoranti Junonis templa, subibit
Pellicibus multis indoluisse Deam.
Pallade conspecta, natum de crimine virgo
Sustulerit quare, quæret, Erichthonium.*

Ædem, Junoni Reginae sacram extitisse alteram in Circo Flaminio tradit Livius *Dec. IV. lib. 10. M. Aemilius petit a Senatu, ut sibi dedi-*

catlenis Templorum Regina Junonis, & Dianæ, quæ bello Ligustico ante annos octo vovisset, pecunia ad ludos decerneretur Dedicavit eas Aedes utramque in Circo Flaminio. Ex hac Tabula, ex sequenti, ex aliis Muratorianis, & Donianis, item ex Historicis liquet Votorum nuncupationem atque solutionem fieri solitam in Capitolio, veluti Deorum imperii præsidum præcipua sede. Obsecrationum formulam recitat Valerius Max. lib.v. cap.9. ubi Paulus Æmilius sic fatur IOVEM O. M. IVNONEM REGINAM & MINERVAM precatus sum ut si aduersi quid P.R. immineret, totum in meum domum converteretur. Altera venustissima legitur in Oratione ad Equites, de Exsultio, M. Tullio falso inscripta, nempe: Nunc ego te IVPITER O.M. cujus nutu ac ditione sola terrarum gubernantur: teque particeps connubii, socia regni REGINA IVNO; teque Tritonia armipotens Gorgone PALLAS MINERVA: catenique DI, Deaque immortales, qui excellenti tu-

mulo civitatis sedem CAPITOLII incolitis, oro, atque obsecro, ferte opem; quam religionem in vetustis etiam Lapidibus notavimus. Ita in Mediolanensi.

IOVI. O. M.

IVNONI

MINERVAE

Q. V. G. V. S. L. M

& in Albajulienfi.

I. O. M

IVNONI REGINAE

MINERVAE

L. ANNIVS. ITALICVS

HONORATVS

Immo in Nummis Trajani, & Antonini Pii quorum typos exhibeo, in quibus Jupiter cum Aquila, Juno cum Pavone, & Minerva cum Noctua visuntur.



SALVTI. Quæ & Hygia a græca voce *υγιειν* SANITATEM significante dicta est, Æsculapii filia, atque præcipua Medicinæ Dea. Templum Salutis quod Consul voverat, Censor locaverat, Dictator tandem dedicavit Junius Bubulcus teste Livio: hoc deinde colorasse Fabium Pictorem docet Plinius lib.35. Ipse, inquit, *adem salutis pinxit anno Urbis conditæ CCCCL; quæ pictura daravit ad nostram memoriam, æde Claudii principatu exusta.* De Templi loco differunt, at non conveniunt inter se Antiquarii: quidam enim ponunt in Valle Quirinali, ubi nunc Ecclesia S.Vitalis;

quidam, ac rectius probabiliusque prope Quirini sacellum, atque signanter vel ubi hodie summi Pontificis Palatium, vulgo *Montecavallo*, vel in ipso Columnensium Principum viridario, juxta Ecclesiam D. Silvestri Theatinorum. Alterum Salutis Templum Fabricius collocavit ubi nunc S. Mariæ novæ Olivetanorum, seu D. Franciscæ Romanæ cenobium. Alterum Saluti publicæ erectum statuique ornatum ab Augusto idem Auctor asserit; quantum tandem a Mæcenate cum morbo gravi liberatus esset: unde eleganter Horatius Carm. lib.2.

Reddere victimas

Eidemque votivam memento;

Nos humilem feriemus agnam.

Festus tamen Poſtam, Salutarem appellatam nominat, quod ei proxima fuit Salutis ædes. Neque ex eo quod Vota Saluti nuncuparentur in Capitolio ſtatuendum eſt ibidem Sacellum aliquod hanc Deam habuiſſe, ſed Simulacrum tantum in ipſo Jovis Capitolini templo, cum Junonis, & Minervæ aliorumque Deorum Statuis.


C. VIPSTANVS APRONIANVS. Male Panvinius, Petavius, & Almelovenius VIPSANVS APRONIANVS. Hic enim, & alibi VIPSTANVS. Ita R. H. ſcriptores Anglicani VIPSTANVM appellant Meſſalam illum, qui laudatur in Taciti, vel potius Quintiliani de Oratoribus Dialogo. Caſſium iſtum Vipſtanum Apronianum fuiſſe Conſulem A. C. 59. cum C. Fontejo Capitone narratur ab omnibus fere Faſtorum collectores.

IN AEDE CONCORDIAE. Concordiæ ædes extabat ſupra Comitium, ad Vulcani aream: verum hic de æde Concordiæ agitur ex S. C. poſt ſecundam Gracchanam ſeditionem condita, quam Feſtus, Victor, atque

Plutarcus inter Capitolium & Forum ſitam aſſerunt, Poſtridie concione habita, inquit in Camilli vita Plutarcus, ſcriptum eſt, ut templum Concordiæ in rei memoriam, ad Forum, & Comitium ſpectans ædificaretur: hanc prope carcerem Tullianum ſeu Mamertinum collocavit Dio lib. 57. eodemmet die Senatus coactus prope Carcerem in æde Concordiæ &c. ex quo patet Magiſtratum cum ſenioribus in Concordiæ templo deliberare ſolitus: ita Salluſtius Bell. Catilin. in fin. Reliquos cum cuſtodibus in ædem Concordiæ venire jubet; eo Senatum advocat, magnaque frequentia ejus ordinis Volturcium cum Legatis introducit. Communiter ergo Antiquarii octo illas, quæ adhuc ad Capitolii radices Septimii Severi arcum verſus ſuperſunt, columnas, reliquias hujusce Templi eſſe opinantur, in cujus epitilio notiſſima hæc legitur Inſcriptio

SENATVS. POPVLVSQVE. ROMANVS
INCENDIO. CONSVMP TVM. RESTITVIT

Scio alios erudiſſimos viros aliter opinari; at quæ ab iis obiiciuntur argumenta, non mihi præponenda videntur rationibus, quibus communis innitur ſententia. Templi hujus ſcenographiam accipe ex eodem Ryckquo



ADSTANTIBVS FRATRIBVS ARVALIBVS. De his ſup. rurſumque inferius. Conſtat ex hoc, Arvalium Collegium juſ ha-

uiſſe interveniendi Sacris quocumque in Templo pro ſalute Principis celebrarentur; ejusdemque Collegii Magiſtros, Promagiſtros,

stros, & Sacerdotes nulli peculiari Deo additos, uti ceteros fuisse compertum est; nempe Potitios, & Pinarios Herculis; Gallos, & Corybantes Cybeli, Salios Marti, Fanaticos Bellone, Luperco, Pani Lyceo. Fratres igitur Arvales hic adstant sacro indicto Deo Dica, scilicet (uti alias) Dea Juventutis; non juxta Phil. a Turre, & Joh. Clericum, Funoni, neque juxta Falschium, & Sponium Opi.

PRAEVNTE. L. MAECIO POSTVMO. Nimirum dictante preces, seu votorum nuncupandorum formulas L. Mecio Postumo: eo pertinet illud Juvenalis Sat. 6.

dictataque verba
Protulit

ubi vetus Interpres, dictata a Sacerdote vel Haruspice: ita Val. Flaccus in Argon.

dictat pia verba Sacerdos.

Gellius N. A. lib. 13. *Comprecationes*, inquit, *Deorum quae ritu Romano sunt, exposita sunt in libris Sacerdotum P. R., & in plerisque antiquis orationibus: in iis scriptum est Laciam Saturni, Valaciam Neptuni, Horam Quirini, Majum Volcani, Nerien Junonis, Molas Martis, Nerienem quoque Martis.* Notandum insuper in solennibus votis non modo praestisse aliquem, veluti Phonnscum, verum etiam adhibitos appositosque fuisse Custodes, & observatores, vota nuncupantibus qui attenderent. Hinc Seneca de Clem. lib. 1. *Quid pulchrius est, quam vivere optantibus cunctis, & vota non sub Custode nuncupantibus?* Vide Plinium lib. 2. 8. Hic ergo verba praevit L. Maecius, formulamque Votorum pro Vespasiani & Titi F. salute ab adstantibus recitandam pronuntiavit, quod Italice intonare dicimus. A Magistratibus certe, & Populo vota praeviente Pontifice Max. suscipi, & nuncupari consuevisse, nemini obscurum putd. In Capitolio, scribit Livius lib. 4. 1. *vovit Consul ludos fieri: praeviente verba Lepido Pontifice Max. id votum susceptum est.* Ita lib. 4. *Obsecratio a populo Duumviris praevientibus est facta.* Audiatur tandem Svetonius in Claudio cap. 22. *Obsecravique sedulo (Claudius Imp.) ut quoties terra in urbe movisset, ferias, advocata concione,*

Prator indiceret: utque ob dira aut in urbe, aut in Capitolio visa, obsecratio haberetur; eamque ipse jure Pont. Max. communito pro Rostris populo Romano praerret.

IN LVCO ET DOMI. Votorum in Concordiae templo susceptorum reiteratio fiebat, uti opinari licet, Domi; nimirum in Pontificis Max. vel Arvalium aedibus, & in ejusdem Templi luco. Lucos enim & arboreta Diis sacra juxta templa in quibus colebantur sevisse saepe Gentiles atque ordinasse compertum est: hinc lucus Jovis Fagutalis, lucus Lucinae, lucus Lavernae, lucus Semeles, lucus Libitinae, lucus Mavortis, lucus Vestae.

Haec ad primam nostrae tabellae partem attingunt. Secunda, cooptationem enunciat C. Salvii Liberalis Nonii Bassi, qui in locum L. Matidii Patruini demortui, ab Arvalium Collegio inter Fratres adscriptus est.

EX TABELLA Imp. Caesaris Vespasiani missas (missa). *Ex tabella, idest jussu Vespasiani in tabella expresso; quod nos per viglietto communiter dicimus.* Ex hoc colligitur Sacerdotium quo fulgebant Arvales, inter praecipua Ethnici cleri, & honorabiliora habitum; hoc enim unicum ex ejusdem Imperatoris tabella missa traditum censeo. Sacerdotium certe istud, cujus insignia fuere spinea corona, & albæ infulae, nunquam, nisi cum vita, amittebatur, & exules etiam, teste Plinio lib. 17. captosque comitabatur.

SACRVM INDICTVM. *Indicere idem est ac denunciare, sed rectius solemniter, ac quadam cum auctoritate spectaculum futurum quod vis, sive sacrum, sive prophanum, significare: dicimus etiam indicare bellum, tributum, concilium, iustitium, funus, & familia: italice, intimare, baudire.*

INCVS LOCVM. *In cujus locum.* Advertendum Marmoris orthographiam mendis esse refertam; litterasque fere omnes imperitissime sculptas, quas inter, (praeter A ad instar lambdæ Λ) quinque istae G. M. Q. T. V. Anfractus insuper occurrunt in COOPTATIS: nam primo, in locum Matidii Patruini,

cooptatus dicitur *Salvius Liberalis* : mox, in locum ejusdem Patruini, *P. Sallustius Blesus* : quomodo duo in locum unius successerint, non intelligo.

Muratorius suam, vel schædarum suarum Auctoris in hoc describendo Fragmento jactat diligentiam, idque depravatum dedisse Sponium in *Miscell. lect. 1. art. 2.* testatur : idem vero depravatissimum edidisse ipsum Muratorium testor ego, qui Tabulam Capitolinam oculariter, atque attentissime inspe- xi, cumque hoc exemplari non semel con- tuli. Hinc quamquam vere Sponius Inscrip- tionem admodum inemendatam vulgaverit, vide quæso benigne Lector, utrum Murato- rio (in describendis Marmoribus præ cunctis indiligenti) quempiam reprehendere licuisset,

1. Supplementa & emendationes, seor- sum notandas, Lapidum ipsi, eisdemque cha- racteribus signatas inseruit.

2. Omittit, in prima linea, COS.

3. Verba atque lineas perperam, ac ad libitum ordinavit.

4. PADIUS scribit pro *Fadius*.

5. IN DIEM VI. IVN. superaddit K.

6. Pro QISS. nempe quæ infra scripta sunt ponit QVAE SSS. h. e. quæ supra scri- pta sunt.

7. lin. 20. hæc penitus omittit, nempe III. N. IVN. DOMI.

8. lin. 24. Marmor VESPASII. Murato- rius VESPASIANI.

9. in lin. 33. & 35. addit QVADRA- TVS qui in textu Capitolino desideratur.

10. in lin. 34. superaddit L. MECIVS

qui pariter deest in archetypo, quique saltem cum diptongo scribendus.

11. METILIANVS in lin. 35. pro ME- FILIANVS.

12. IN CVIVS, pro *incus* uti (licet erroneè) in saxo lin. 28.

13. In fine demum, hoc omisit fragmen- tum, omisso pariter a Sponio, & ab ipso Fa- bretto Sponii correctore altero.

IVIA SIONE

quod quamquam inenodabile, haud erat omit- tendum.

Ideo verborum litterarumque in lapidibus accessio aliquando toleratur, quia forte cum excruberentur, tunc in Marmore nondum abra- so, aut mutilo apparebant; omissio vero & adulteratio earum, quæ adhuc extant, quo- modo excusari possit, non video. Sponius vero in pluribus emendandus: scribit eni- m

PRAEEVNTE pro *PRAEVNTE*

QVAESSS, pro *Q. I. SS.*

PADIUS pro *TADIUS*

LVCO EIDOMI pro *LVCO ET DOMI*

FVERVNT pro *ADFVERVNT*

FLAM. pro *ET*,

Fabrettus denique, magnus ille Fabrettus, perperam scripsit (quod vix credibile) NV- MERIVM BASSVM, ubi perspicue, ac per extensum NONIVM BASSVM habet Tabula. Sic, vitioso quodam circulo Mu- ratorius & Fabrettus Sponiana exemplaria emendarunt; ego Fabrettiana, & Murato- riana; aliquis forte mea.

QUATTUOR potissimum hæc Tabula exhibet argumenta.

1. Dedicationem Capitolii.
2. Piaculum in loco Deæ Diæ.
3. Aëdus per quos loca in Capitolio Arvalibus adsignantur.
4. Votorum pro Vespasiani salute nuncupationem.

Capitolium voverat Tarquinius Priscus, bello Sabino, jaceratque fundamenta, *spe magis future magnitudinis*, inquit Tacitus, *quam quod modica adhuc Populi Romani res sufficerent*. Idem, pulsus Regibus, Horatius Pulvillus iterum Consul dedicavit. Ter arsisse narrant Historici. Semel Scipione, & Norbano Coss. per bella civilia Mariana, seu Aeditui negligentia, seu incerta culpa vel fraude anno V. C. 670. scilicet 415. postquam a Pulvillo fuerat consecratum. Ejusdem restituendi curam suscepit Sylla, neque tamen dedicavit; id Lutatius Catulo contigit, cujus nomen in fastigio Capitolino, ad Vitellianam usque tempora mansit. Iterum Vitelliano bello; de secunda hæc ædium Capitolinarum conflagratione adeundus est idem Tacitus Hist. lib. II. ubi sic. *Ambigitur ignem tectis oppugnatores (nempe Vitelliani) injecerint, an obsessi (Flavianii) inde lapsus ignis in porticus appostas ædibus, mox sustinentes fastigium Aquilæ vetere ligno traxere flammam, alueruntque; sic Capitolium clausis foribus indefensum, & indireptum conflagravit. Id facinus post conditam urbem luctuosissimum fudissimumque Reipublicæ populoque Romano accidit, nullo externo hoste, propitiis, si per mores nostros liceret, Deis. Sedem Jovis O. M. auspicio a Majoribus pignus Imperii conditam, quam non Porcenna dedita urbe, neque Galli capta temerare potuissent, furere Principum exscindi. Arserat & ante Capitolium civili bello, sed fraude privata: nunc palam obfessum, palam incensum.* Suscepto Imperio instauravit Vespasianus pater, instaurandique curam in L. Vestinum contulit. Tertio, postremis Titi im-

perii diebus; teste Xiphilino: *Tito, ad visendam calamitatem Campanie profecto, multa Roma conflagraverunt. Nam Serapidis ac Isidis fana, Septa, templum Neronis, balneum Agrippæ, Pantheon, Divibitorium, theatrum Balbi, scæna Pompei, Octaviana ædificia una cum libris, templam Jovis Capitolini, cum proximis Templis igni consumpta sunt; & tunc a Domitiano magnificentissime resectum fuit, cujus impensam duodecim millia talentorum excessisse autumat Plutarcus.* Theodoricus tandem Gothorum rex, insignisque animi Princeps, miseratione motus, ut innuit Cassiodorus, pulcherrimæ urbis, Capitolium reparare conatus est; sed cum omnino desererentur Gentilium sacra, Populusque Romanus, Prudentio teste

— paucis Tarpeja in rupe relictis
Ad sincera virtutem penetralia Nazareorum
Atque ad Apostolicos Evandria Curia fontes

curreret quotidie, vim fati effugere non potuit. Hinc D. Hieronymus ad Latam: *auratum squallet Capitolium; fuligine, & aranearum telis, omnia Romæ templa cooperta sunt*: idem asserunt Ambrosius, Augustinus, & Arnobius. At cui hæc in nostro marmore enunciata Capitolii restitutio, an scilicet T. Flavio Vespasiano, Titi, Domitiani que patri, an Domitiano filio sit adsignanda, incertum mihi prorsus videtur adversus Philippum a Turre, qui absque ulla hæsitazione id Patri tribuit in inscript. Aquilii commentariis. Ut- rumque Capitolium instaurasse constat ex Tacito, Svetonio, atque Plutarco. Sed quomodo conciliari possit nomen Vespasiani cum nomine Domitiani libenter audirem. Porro nec Vespasianus pater unquam Domitiani; nec Domitianus unquam Vespasiani nomen prætulit, uti abunde colligitur, non ex Scriptoribus tantum, sed ex Nummis, ex Fastis, atque ex vetustis Lapidibus. In tertia tamen hujusce Tabulæ linea perspicue legitur:

VESPASIANVS. AVG. CAESAR. DIVI. F. DOMITIANVS

nimirum *Vespasianus Augustus Caesar Divi Filius Domitianus*, In duodecima vero

AB. IMP. T. CAESARE. VESPASIANO. AVG.

Ne-

.....VS. CC
.....MISIT. QVOS
.....VESPASIANVS. AVG. CAESAR. DIVI F. DOMITIANVS
.....VIVIRTANVS APRONIANVS. CIVINVS. TADIVS. MEFITANVS. T. VERATIVS
.....TEIVS. VOPISCVS. ARRVTIVS. CATELLIVS. CELER. TI. IVLIVS. CANDIDVS. MARIVS
.....VISI LVS. SASSIVS.....
.....COS. IIS. K. IVN. IN DOMO. L. VENVLEI. APRONIANIMAG. ADPERAGENDVM. SACRIFICIVM
PERFRATRES. ARVALES. EPVLANTES. ET. FRVGIBVS. MINISTRANTIBVS. PVERIS. INGENVIS. PATREMIS. ET
MATRIMIS. SENATORVM. FILIS. REFERENTIBVS. ADARAM. INPATERIS
TITIOFRVG. L. T. VINICIO. IVLIANO COS VII. IDVS. DECEMBER. INCAPITOLIO. INAEDEM. OPIS
SACERDOTES. CONVENERVNT. AD. VOTA. NVNCVPANDA. ADRESTITVTIONEM. ET. DEDICATIONEM. CAPI
TOLI. ABIMPTCAESARE. VESPASIANO. AVG

INCOLLEGIO. ADFEVERVNT. L. VENVLEIVS. APRONIANVS. C. VIPSTANVS. APRONIANVS. L. VERATIVS
QVADRATVS. L. POMPEIVS VOPISCVS. ARRVTIVS. CATELLIVS. CELER. C. IVNIVS. TADIVS. MEFITANVS
P. SALLVSTIVS BLAESVS

L. FLAVIO SILVA. NONIOBASSO ASINIO. POLLIONE. VERRVCOSO COS XVIII K FEBR
INLVC. DEAE. DIAE PIACVLVM FACTVM. PER CALATOREM. ET. PVBLICOS. EIVS. SACERDOTI. QVOD ARBOR
AVETVSTATE DECIDIT EXPIANDVM. PORCAM. ET. AGNAM OPIMAM

I. VETTIO PAVLO T. IVNIO. MONIANO COS K. MAIS. IN LVC. DEAE. DIAE. PIACVLVM
FACTVM. PER. CALATOREM. ET. PVBLICOS. EIVS. SACERDOTI. OB. FERRVM. INLATVM INAEDEM. SCRIPVR
CAVSSA. PORCAM. ET. AGNAM. OPIMAM

ISDEM. COS. II. IDVS. MAIAS. INLVC. DEAE. DIAE. PIACVLVM. FACTVM. PER. CALATOREM. ET. PVBLICOS
EIVS SACERDOTI. OB. FERRVM. DEAEDE. ELATVM. PORCAM. ET. AGNAM. OPIMAM

LOCA. ADSIGNATA. IN AMPHITHEATRO ^(a)

L. AELIO. PLAVTIO. LAMIA. Q. PACTVMEIOFRONTONE. COS

ACCEPTVM. AB. LABERIO. MAXIMO PROCVRATORE. PRAEF. ANNONAE

LVRNNVIEIO APRONIANO MAG. CVRATORE. THYRSO. L
FRATRIBVS. ARVALIBVS. MENIANO. L. CVN. XII. GRADIB. MARM. VIII. GRADVI. PV
GRADVIII. PED. V. L. EPED. XXXIIIS. GRADV. I. VNO. P. XXIIIS. ET. MENIANOSVMMO
II. CVN. VI. GRADIB. MARM. IV. GRADV. I. VNO. P. XXIIIS. ET. MAENIANO
SVMMO. IN. LIGNEIS. TAB. LIII. GRADIBVS. XI. GRADV. I. N. V.
CXCI. PED. VS. C. F. PED. LXIIIS. S
SYMMA. PED. CXXVIIIIS.S

L. FLA-

(a) In huiusce Tabulae illustrationis exordio, ubi legitur (p. 126.) *Alia per quas loca in Capitolio &c. legatur Alia per quas loca in Amphitheatro &c.*

L. FLAVIO SILVANOONIO. BASSO COS ASINIO POLLIONE. VERRVCOSO

III. NONAS IAN

MAGISTER. C. IVNIUS. TADIVS. MEFITANVS. COLLEGI. FRATRV. MARVALIVM. NOMINE. VOTA. NVNCVPAVIT
PROSALVTE. IMP. TITL. CAESARIS. DIVI F. VESPASIANI. AVG. PONTIF. MAX. TRIBVNIC. POTEST. COS. VII. ET. CAESAR. ...
DIVI. F. DOMITIANI. COS. VII. ET. IVLIAE. AVG. LIBERORVMQVE. EORVM. VICTIMIS. IMMOLATIS. INCA
PITOLIO. QV. AE. SVPERIORIS. ANNI. MAGISTER VOVERAT. PERSOLVIT. IOVI. O. M. BOVES MARES. II

VNONIREGINAE. VACCAS. DVAS. MIRERVAE. VACCAS. II. SALVTI. PVBLICAE. VACCAS II. ET. IN
PROXIMVM. ANNVM. NVNCVPAV. ... PRAEVNTE. POMPEIO. G. ARRVTNIO CA
TELLIO. CELERE. IN. EA. VERBA. QVAE. INFRA. SCRIPTA. SVNT

IVPPITER. O. M. SI. IMP. TITVS. CAESAR. VESPASIANVS. AVG. PONTIF. MAX. TRIB. POTEST. P. P.
ET. CAESAR. DIVI. F. DOMITIANVS. QVOS. NOS. SENTIMVS. DICERE. VIVENT. DOMVSQVE
EORVM. IN. COLVMNIS. ERIT. A. D. III. NON. IAN. QVAE. PROXIMAE. P. R. Q. REI. P. P. R. Q.
ET. EVM. DIEM. EOSQVE. SALVOS. SERVAVERIS. EXPERICVLIS. SIQVA. SVNT
...VM. DIEM. EVENTVMQVE. BONVM. ITA. VTI. NOS. SENTIMVS. DICERE
...V. QVO. NVNC. SVNT. AVT. EO. MELIORE. SERVAVERIS. SITV. ...
...NE. COLLEGI. FRATRV. ARVALIVM. BVVBVS. AV.
.....M
.....TIS. II. VOVIMVS. ESSE. FVTV.
.....BI. LINEADEM. VERBA. NO.

Characterum Specimen

INAEDEMOPIS SACERDOTES. CONUENERVNT. AD. VOTA. NVNCVPANDA
LOCA. ADTIGNATA. IN. AMPHITHEATRO

Neque ambagem oriri autumo ex *Titi* prænominē; nam Vespasianum patrem Titi prænomen fumpisse docet Panvinus *de Nomin. ant.* Rupertus *Observ. in Synopsin Bepoldianam*, & Johannes Schildius in Svetonii *edit. Lugd. Batav.* 1647. Verum ex eo quod in tertia linea Vespasianus pater DIVI FILIVS dicatur, quod de primo ex gente Flavia Imperatore (Patre coactore argentario nato) dici nequiverat; Consules præscripti M. Tillius Frugi, T. Vinicius Julianus, L. Vettius Paullus, T. Junius Monianus, indicium nullum, ipso Turræo monente, facere possunt, cum sint ex suffectis, nec quo anno Magistratum gesserint uspiam constet. Turræus imo, modo ad Vespasianum patrem, modo ad Titum Vespasianum filium, hanc tribuisse Tabulam videtur: hæc enim scribit: *Ipse igitur Titus manum operi admoturus, de more vota prius nuncupari Diis imperii præsidibus iussit; & paulo post Formulam ejus nuncupationis refert Tacitus in priori Vespasiana.* Putat insuper restitutionem Capitolii hic enunciatam, eandem esse cum altera, de qua Tacitus loquitur *Hist. lib. iv.* At primo, Titum ædes Capitolinas, incendio consumptas instaurasse, nemo asserit; sed eo imperante, ac morti proximo Capitolium arfisse ab Historicis, a laudatoque Xiphilino ex Dione docemur. *Secundo*, Capitolii dedicatio Tacito affigitur XI. KAL. IVLIAS; Tabula vero VII. IDVS DECEMBRIS. *Tertio*, Tacitus in Capitolinæ instauracionis descriptione nominat L. Vestinum Curatorem, Helvidium Priscum Prætorem, & Plautium Ælianum Pontificem: horum, in Tabula, nulla mentio; mentio e contra C. Vipstani Aproniani, L. Veratii Quadrati, Q. Tillii Saffii, P. Sallustii Blæsi, & C. Tadii Mænitani, qui nominantur uti vidimus, in superiori Lapide. Quid igitur de hac insigni Tabula statuentum, me nescire fateor. Poteram equidem Turræi, Muratoriique vestigia sectando Nominum contradictionem silentio præterire, eorumque confidentiam pariter, & instantiam imitando, eam, modo illi, scilicet Patri; modo huic, nempe Filio, adsignare. Verum haud ignoranti mihi, quam Lectoribus obsequi honestum integrumque virum deceat, animadversiones has intermedias o-

mittere, aut Milesias retexere fabulas venditareque non licuit. Quare, etsi quæ subsequuntur, ad Vespasianum pertinere videantur; nihilominus, donec ab aliquo erudito Viro nodus, a repugnantia Vespasiani, cum Domitiani nomine obtextus dissolvatur, mihi an Patri potius quam Filio adscribi debeat, incertum; nunquam enim, Vespasianus, ut innui, *Domitianus* dictus est; nec Domitianus unquam *Vespasiani* nomen obtinuit. Mea quippe sententia (quam tamen validioribus edoctus argumentis retractare non erubescam) de tertia, h. e. de Domitianæ Capitolii restitutione hic agi censerem. Quæ enim in Marmore signata sunt, omnia accidisse reor L. FLAVIO SILVA NONIO BASSO, & ASINIO POLLIONE COSS. nimirum anno Urbis DCCCXXXIV. Christi vero LXXXI. quo anno hos fuisse Consules testantur Panvinus, Baronius, Petavius, Anonymus Cuspiniani, Norisius, Pagius, Almelovenius, recentioresque R. H. Anglicani scriptores. At anno V. C. 834. Vespasianus pater jam biennio ante obierat, nempe anno 832. Titus filius imperabat utique anno 834., sed eodem anno interiit, idibus Septembris, h. e. XIII. Septembris; cum ergo Tabula hæc nostra, restitutionem Capitolii actam asserat anno 834. sed VII. IDVS DECEMBRIS, sequitur Titum Capitolinas ædes dedicare minime potuisse. A quo die extinctus est Titus, frater ejus Domitianus regnare cœpit; id omnes unanimiter testantur Historici; VII. igitur idus Decembris anni 834. Domitianus regnabat: VII. quoque idus Dec. ejusdem anni vota in Capitolio perfoluta sunt, Capitolium restitutum atque dedicatum: Tabulam ergo Capitolinam pertinere ad Domitianum opinari licet; eo magis quod ab eo plurima & amplissima opera incendio consumpta, (in quibus & Capitolium) restituta refectaque esse Svetonius tradit, in *Vit. cap. 5.* confirmat Plutarcus in *Public.* Superest (neque dissimulo) magni faciendæ difficultas, quam superius in medio posui, videlicet Domitianum nunquam *Vespasianum* appellatum fuisse. Ad hæc accedunt Vota inferius suscepta pro Imp. Titi. Cæs. Vespasiani salute, qui, uti vidimus, idibus Sept. anni C. 81. (quo scal-

ptum

ptum istud fuisse Marmor affirmant Turræus pariter, & Muratorius, probantque laudati Consules, jam fato cesserat. Ceterum, si supputationes istas conjecturasque ad meam firmandam assertionem nullius esse momenti Lector eruditus existimabit, eas saltem ad clarissimi Turræi sententiæ absurditatem declarandam validissimas censebit. Muratorius tamen ea confidentia, quam Docti ob ingentia edita volumina sibi palam asciscunt, quibusdam præmissis, sententiæ suæ pro voluntate accommodatis; nonne, ait, *huic sententiæ plenus meridies accedit*? Præclarissimo viro hoc pacto docenti potius quam interroganti respondere supervacaneum puto: gratulor illi quam maxime: si enim meridianus huic Tabulæ radius accedit, in reliquis ipsum mihi lucis auctorem Phœbum occursurum spero. Interim ad illustrationem rerum in Saxo contentarum progrediar; earum potissimum, quas ipsi Turræus, atque Muratorius (non equidem eruditionis defectu, sed forte impatientia laboris) ne indicandas quidem esse censuerunt.

PER FRATRES ARVALES EPVLANTES. Epularum Sacerdotium in Templis antiquissimum, atque inconcussum perhibet testimonium Danielis liber ex quo (cap. xiv.) discimus BELO per dies singulos appositas esse similes artabas duodecim, & oves quadraginta, vinique amphoras sex, quæ omnia mox Idoli Sacerdotes per absconditum sub mensa aditum ingressi devorabant. Quæ igitur clausis templi foribus nocturnisque horis faciebant Beli ministri, palam fecisse Gentilium Deorum Sacerdotes innumeri prodiderunt Scriptores. Hinc Lectisternia, hoc est Jovis, Junonis, atque Minervæ in Capitolio convivium, in quo appositæ dapes non ipsi profecto Dii, sed septem Epulones comedeant. Hujus lautissimi Jovis epuli, præter Livium, aliosque, meminit etiam antiquissimus Poeta Lucilius *Satyr.* lib. xiv.

Idem epulo cibus, atque epula Jovis omnipotentis.

Ab his, festæ dapes, quæ festis conviviis Deorum, & in sacrificiis impendebantur; quif-

quis enim sacrificabat, cœnam coqui continuo jubebat, & familiares, amicosque ad exta adducebat, a quibus cibi cum Diis partiti absolvebantur: unde Plautus in *Amphitr.* Act. III. Sc. 3.

Tu gubernatorem a navi huc evoca verbis meis

Blepharonem, ut re divina facta mecum prandeat.

In his Deorum, seu potius Sacerdotum epulis ponebatur catulina: in canis Deorum, inquit Plinius, *etiamnum ponitur Catulina*, quæ in Adjicialibus quidem cœnis (sic dictæ, quod novi semper cibi adjicerentur) celebris fuit. Hoc ciborum genus fugientes Christiani, *profanam cœnam* appellabant, & *cœnare in Idolio*: vide si vacat Concil. Ancyr. cap. 4. item Gangren. cap. 2. Ex istis tamen prophanis Gentilium comestationibus, rectori consilio originem forte duxerunt sancta illa primitivorum Christianorum caritatis convivia, *Agape* nuncupata, quæ in Nuptiis celebrabantur ipsi intervenientibus Episcopis; in festivitibus SS. Martyrum; in exequiis; post Ecclesiarum dedicationes; post divinorum tandem Mysteriorum communionem, divitibus Epulas suppeditantibus, ac præterea inopes invitantibus. Hæc deinceps, cum deperdita jam prospiceretur aurea illa primi sæculi Christianorum simplicitas, a Conciliis præsertim Laodiceis. & Cartagenis. IV. prohibita fuerunt. At de his perfunctoriè hic exaratis, meum non est prolixius disserere. Ceterum cœnæ istæ Pontificales opiparæ erant, & lautissimæ; nam licet lege Fannia cautum fuisset, ne quid volucrum in iis poneretur, præter unam gallinam, quæ non esset altilis, nihilominus quoties Pontifices exquisitis epulis saginari voluerunt, leges omnes sumptuariæ, nempe Orchia, Didia, Cornelia, Julia, Antia, Æmilia cum Fannia penitus conticuere.

FRUGIBVS. Quasi *fructibus*: Fruges enim docente Prisciano generaliter dicimus omne quod ex Terræ fructibus in alimoniam vertimus: errant igitur qui legumina a frugibus discernunt. Hinc *Frugifer* & *Frugiferens*; & ex hoc, adagium illud Ciceronianum in *Tuscul.* *quæst.*

quæst. 4. homines frugi omnia recte faciunt .
Frugum inventrix Ceres ; unde de eadem
Ovidius

*Prima dedit fruges , alimenta que mitia terris ;
ita Psyche apud Apulejum Met. lib.vi. uberi
fletu rigans Cereris vestigia : rogo te , inquit ,
frugiferam tuam dextram istam deprecor ,*

MINISTRANTIBVS PVERIS INGE-
NVIS . Pueri ingenui proprie vocantur *Ca-
milli* , ait Festus . Camilli vero dicebantur
pueri , qui Pontifici sacrificanti præministra-
bant ; uti expressum visitur in hac Tabula ,
ex columnæ Trajano erectæ anaglyphis ex-
cerpta .



In nuptiis vero Camillus , crepundia in vase
operto , quod *Cumera* nuncupabant , infanti
nascituro parabat . Mercurius ipse , cum Diis
ministrasset , *Camillus* a Romanis dictus est .

PATREMIS ET MATRIMIS . *Patrimis*
legendum , & *Matrimis* . Sacrorum lingua
Patrimi , & *Matrimi* , h. e. ἀπορτίτες οὐκ ὀ-
νείς ἐχούτες μελῶνας ut interpretatur Zosimus
Hist. lib. i. l. ii quidem dicebantur , quibus uter-
que Parens superstes erat : *matrimis* , & *patrimis* ,
scribit Festus , quibus Matres , & Patres
adhuc vivunt . *Livius lib. 37* . Decem ingenui ,
decem Virgines *patrimi* omnes , *matrimique*
ad id sacrificium adhibiti . Scaliger , teste
Boxhornio in *Quæst. Rom.* illud Catulli ad Mi-
nervam , *O Patrona Virgo* legere maluit *O Pa-
trima Virgo* , sed perperam : τὸ *Patrima* enim
Virginem non indicat , quæ Matrem nunquam
habuerit , qualis Minerva , quæ ex uterino
Jovis cerebro erupit , verum quæ Matrem ha-
buit , sed amisit , solo patre adhuc superstite .

SENATORVM FILIIS REFERENTI-
BVS AD ARAM . Nempe Filii Senatorum
fruges è manibus Puerorum susceptas ad Aram

retulerunt ; quod Sacrificii magnificentiam
atque solemnitatem declarat ; nam Senato-
rum liberos , quibus indulgentia Augulli vi-
rilem togam , & laticlavum induere , curiæ-
que interesse licebat , inter Reipublicæ pro-
ceres fuisse , ac in Civitate è ceteris eminuif-
se , nemo profecto ignorat .

IN PATERIS . Cum hic de frugibus ad
Aram relatis Diisque oblati agatur , legen-
dum potius in *Patellis* , in quibus Diis ac potif-
simum Laribus atque Penatibus epulæ appo-
nebantur . *Patellam* , & *Pateram* in omnibus
fere locupletibus Siculorum ædibus fuisse tra-
dit Cicero in Verrinis . *Patera* vero vinum
libabant in sacris : unde Virgilius *Æn. lib. i.*

Implevitque mero pateram .

& lib. vi. i.

Nunc pateras libate Jovi .

Vas enim erat patens , & latum , atque ad
bibendum quoque aptum : idem Poeta *lib. i.*
de Bitia .

— ille impiger hausit
Spumantem pateram , & pleno se protulit auro .

K k

Eo

Ex vase, seu poculo Ministri victimæ sanguinem suscipiebant:


*Supponunt alii cultros, tepidumque cruorem
Suscipiunt pateris:*

quem postea inter ejusdem victimæ cornua spargebant:

*Ipsa tenens dextra pateram pulcherrima Dido
Candentis vinctæ media inter cornua fundit:*

uti canit laudatus Vates lib. IV. & VI. *Discus* vocatur in sacro Evangelio, ubi caput Johannis Baptistæ in *Disco* allatum legimus; hinc & a D. Hieronymo *Discophorus* dictus est, qui Danieli prandium portavit. De Pateris fili-

catis, deque hederatis videre est Samuelem Pitiscum. Pateras geminatas Discum corymbiatum, scyphos aureos, patinam hederatam, voleta halieuticum, urceos argenteos, calices Ægyptios, quos ad sacra facienda Claudio misit Gallienus, recenset Trebellius. Licet antiquis Pateris Musei omnes redundent, placet tamen singularem illam musei Cospiani ad Etruscos spectantem Pateram seu Patellam hic exhibere, quam Præful humanissimus Petrus Franciscus Foggini, vir sane doctrina æque ac modestia morumque integritate præclarus, egregiè illustravit in *Disser. Accad. Corton. tom. II. Minervam in ea e Jovis cerebro evadentem vides.*



IN AEDEM OPIS; quam alii Junonis parentem, alii Junonem ipsam esse sunt arbitrati. Deæ hujus Ædes Capitolinas memorat Livius lib. 39. Unum diem supplicatio fuit ex decreto Pontificum, quod ædes Opis in Capitolio de cælo tacta erat hostiis majoribus Coss. procurarunt: ita Julius Obsequens M. Antonio, & P. Dolabella Coss. ædium Opis valvas per prodigium fractas tradit. Hujusce Deæ itidem mentionem facit vetus Calendarium aliquando in ædibus Capranicorum extans, ubi

D. IX. C
F. VIII. OPIC. NP. OPI. IN
CAPITOLIO
F. VII. C

Ex his patet Opim non eandem fuisse cum Dea Dia, uti sensisse Fæschium, & Sponium alias diximus: hæc enim Delubrum habuit via Campana; illa in Capitolio, quod ex laudatis Scriptoribus liquet, at perspicue ex nostra Tabula, in qua aperte narratur Sacerdotes convenisse in Capitolio in ædem Opis. Alias præter hanc, Opi excitatas fuisse ædes constat ex Victore, apud quem *Vicus Jugarius, item & Thurarius, ubi sunt Ara Opis, & Cerevis cum signo Vertumni*; & rursus, *Ædes Opis, & Saturni in vico Jugario*. Has Georgius Fabricius ponit, ubi nunc templum D. Mariæ in Porticu dictæ, vulgo *in Campitelli*.

IN LVCO. *Lucus*, locus est arboribus con-

confitus; sed qui propter religionem aliquam cædus non sit: quoniam autem opacus sit, & sine luce *μὴ ἀντισφαισι*, *lucum*, ad illud Virgilii *Æn.* lib. I.

Lucus in urbe fuit media, letissimus umbra

dictum autumat Montfortius: Alii a crebris luminibus, quod in sacris quibusdam nocturnis funeralibus, & tædis illic uterentur. Luci sane nunquam sine religione fuerunt, in quibus plerisque Fana affabre facta proceris vastisque arboribus confita religionem illam testabantur. Sæpissime prope Sepulchra lucos concessisse Gentiles nemini incomperitum: *Vos Albani tumuli atque Luci*, fatur Cicero pro Milone, *vos inquam implo-ro, atque obtestor*. Lucorum insuper Sacerdotes agnosce-mus in inscriptione Perusina

C. BETVO . C. E
SACERDOTI. III. LVCORVM . PR
VMBRIÆ

Conlucare tandem est *profanam* silvam, rite *sacram*, (ac tunc incæduam) facere.

DEAE DIAE. *Lucus* Deæ Diæ, quam alibi eandem esse ac *Heben* Juventutis Deam, cum Oderico affirmavimus, extitit *Via Campana* V. ab . V. L. quod constat ex sequenti *Gruterianæ* inscriptionis fragmento, p. cxxi. ubi *Frates Arvales* IN . LVCO . DEAE . DIAE . VIA . CAMPANA . APVD . LAP . V . CONVENER . Viam autem hanc *Fabrettus* in opusc. *de Aquæduct.* Ch. Topograph. n. l. inter *Ardeatinam* collocavit, & *Os-tiensem*.

PIACVLVMFACTVM... QVOD ARBOR A VETVSTATE DECIDIT. *Piaculum* improprie significat *Peccatum*, propter quod *Piaculum* debetur: sic *piaculum* ad illud *Virgilianum*

*Quisquis apud Superos furto latatus inani
Distulit in seram commissa piacula mortem,*

crimen interpretatus est *Servius*. *Plautus* itidem

*Piaculum est misereri nos hominum male rem
gerentium.*

nempe *flagitium* est. Proprie vero *piaculum* significat *Hostiam*, seu *Victimam*, videlicet *Sacrificium*, & quicquid agitur, vel præbetur pro satisfactione *Peccati*; hinc *Romæ*, teste *Cluentio* apud *Festum*, *Porta piacularis*, ob quædam *piacula*, quæ ibidem fieri solebant, denominata; *sacrificium* *piaculare*, *auspicia* *piacularia*, *vitima* *piaculares*: ita *Plautus* in *Epid.* *Act.*

Men' piacularem oportet fieri propter stultitiam meam,

Vt meum tergum stultitiæ tuæ subdat succidaneum?

& *Horatius Carm.* lib. I. *Od.* xxviii.

Tæque piacula nulla resolvent:

nimirum nullis sacris tantum scelus eluere unquam licebit; seu nullis hostiis te expiabis. Hoc sensu *Osæas* iv. dixit *comedent peccata populi mei*, & *D. Paulus* *CHRISTVM peccatum* vocavit, scilicet *Hostiam* pro peccato. In hac vero *Tabula* pro *Piaculum factum* intel-ligo purgationem peractam; *piare* enim pur-gare est; & *piari* dicuntur peccata, hoc est *lui* sive solvendo pœnam debitam, sive aliud quidquid, quod pœnæ debetæ in locum suc-cedit: ita *Piatrix*, & *Expiatrix* quæ expiare erat solita. Poeticè *Piamen* quoque, & *Pia-mentum*, quod idem est ac *Expiatio* vel actus expiandi; unde ab *Apulejo* *piamenta* *lustra-lia* dicta sunt, quæ in *Agris* *lustrandis* quotan-nis per *Frates Arvales* fiebant. Cum ergo *Arbor* quædam *luci* *Deæ* *Diæ* vetustate deci-disset, proinde a *Fratribus Arvalibus* (quo-rum officii erat *Arboreta* *Diis* *sacra* curare) ad mala avertenda omina, immolatis victi-mis *piaculum* factum est. Quænam fuerit *Gentilium* (a primis *Hebræorum* temporibus) religio, colligitur ex *Maimonide*: *Es ceperunt*, inquit, *hoc modo*, atque ratione fa-cere sibi *statuas* in templis, subque proceris *Arboribus*, atque in *capitibus montium*, *Es colli-bus*. *Cyrillus Alex.* itidem ad hæc *Isaïæ* ver-ba *Cap. lviij.* *Qui consolamini in Diis subter omne lignum frondosum*, ita scribit: *Lucos* enim *col-lesque* cum occupassent, *Es pulcræ* *ingentisque* proceritatis *arboribus* apponentes *Idola*, *altaribus* etiam *erectis*, *ceu salutare* invocabant *inanes Deos*.

Deos. At perjucundum hoc argumentum abundè, atque incredibili eruditione pertractavit doctissimus Johannes Checcotius, magnum Academiæ Cortonenfis incrementum; cui tum Hebraicorum Maimonidis, tum Græcorum Cyrilli verborum versiones sunt restituendæ.

PER CALATOREM. Calatores a *Calan-*
dis, hoc est convocandis Comitibus curiatis, & centuriatis dicti sunt: in Glossis *Servi publici* appellantur, erantque Libertini, uti ex Tacito perspicuum. Hic intelligendum de Calatoribus a quibus ea convocabantur comitia, quæ pro Collegio Pontificum, & Regis sacrorum, aut Flaminum inaugurandorum causa haberentur: sic apud Gellium lib. 15. cap. 17. Lælius Felix: Item, de iis qui a Pontificibus sacra facturis præmittebantur, ut scibi viderent Artifices affidentes, opus suum prohiberent, ne Deorum cæremonias contaminarent. Cornelium Epicadum Calatorem laudat Sveronius in lib. de illustr. Grammat. Calatorem VII. VIR. EPVLON. nominat Saxum ap. Fabretum p. 703. In Lapidibus aliquando cum K. idest KALATOR scriptum notavi, ut in illo Panviniano, in quo

Q. CAECILIO. FEROCI
KALATORI. SACERDOTI
TITIALIVM. FLAVIALIVM
&c.

PORCAM ET AGNAM OPIMAM.
Licet Porcinam victimam, Cereris peculiarrem dicant plerique, certum tamen est aliis fuisse quoque Diis sacrificatam; nimirum Herculi, Æsculapio, Silvano, Maiæ, Genio, Laribus, ipsæque Veneri; quamvis enim Aristophanes in *Acarnens.* Act. III. Sc. 3. v. 794. scripserit

At porca Veneri sacrificari non solet,

Antiphanes tamen in *Corinth.* hæc habet:

*Deinde an ignoras suillos artus eximiam
Esse Veneri hostiam? in Cypro, herc, adeo suis
Illa sane delectatur, ut illo animali pasci veteris
Incolæ.*

Ita ab Argivis porcam Veneri immolatam tradit Zenodotus apud Athenæum in Deipnosoph. lib. II. Macabatur etiam ab infanientibus, unde adagium *Porcum immola*; ab initiandis quoque, a morientibus, a Cretensibus auguria captandi causa, a novis Nuptiis Diis tutelaribus, a Patre Patrato in fœderibus feriendis, pro puerorum salute &c. *Porci sacres* legitur in *Rud.* Plautino Act. IV. Sc. 6. hoc est *porci puri* ait Lambinus, & ad sacrificandum idonei. Porcos denique, & Agnas altari destinatas domi alere consuevere Gentiles; uti ad illud Plauti *loc. cit.*

Sunt domi agni, Et porci sacres

notavit Dacierius. *Il paroît*, inquit, *par ce passage que les Anciens nourrissoient chez eux des petits cochons, Et des petits Agneaux, que l'on destinoit aux sacrifices.* Proinde Agna hic immolanda opima dicitur, scilicet pinguis, diligenterque domi faginata.

OB FERRI INLATIONEM. Multa in his verbis latent, obscuritate temporum involuta: nullum revera Auctorem reperio, qui mihi in his explanands subsidium vel minimum præbeat. Non Tiuræus, non Muratorius, non Gruterus, neque Fulvius Ursinus, quamquam eorum aliqui hanc nostram, alii vero alteram referant tabulam, in qua pariter de Ferri inlatione, & elatione est mentio. Author ipse Observationum ad Catonis libros de Re rustica cap. 134. ed. Lips. ita scribit: *Velim hæc nobis aliquis explicet.* Lux tamen ex ipsis Lapidibus erumpit aliqua. In nostro enim legimus OB FERRVM INLATIONEM IN AEDEM SCRIPVR (*Scriptura*) CAVSSA: in Urfiniano perspicuius OB FERRI INLATIONEM. SCRIPTVR. ET. SCALPTVR. MARMOR. CAVSSA. Nimirum *Scriptura*, & *Sculptura marmorum*. Ex his ergo liquet agi hic de Ferro, seu instrumentis ferreis, quibus Actus expiationis, sacrificii, epularumque Pontificalium, & Arvalium nomina marmoreis Tabulis, ad posterorum notitiam scribebantur, & scalpebantur, quæ postea sacrarum Ædium parietibus figebantur. Cum autem piaculum esset fer-

rum

rum inferre luo, progressa superstio requirebat, ut expiarentur quoque instrumenta ferrea, licet non arboris violandæ causa, sed ad scribendos, & scalpendos Lapidés inlata. Ita quidem sentio, donec ab aliquo erudito Viro, feliciori prædito ingenio, palynodiam canere, velaque vertere cogar: interea *flum* (verbis Hermippi loquar apud Pollicem) *ductum est*; *opus est acu*. Notandum postremò Actus publicos non constanter *areis* tabulis insculptos fuisse, verum etiam *marmoreis*, quod ex nostramet, aliisque patet.


LOCA ADSIGNATA. In tertia hac Marmoris parte, non de Amphitheatri dedicatione agitur, ut sensisse videtur doctissimus Turraus, sed de locis tantum, Arvalibus in Amphitheatro adsignatis; nec ista per *Præfektum Annonæ*, quod laudato Scriptori placuit, verum per *Præfektum Annonæ Procuratorem*; Laberius enim, in Saxo, *Procurator Præfektus*, non *Præfektus* vocatur; Amphitheatrum vero Titus dedicavit, ipso viii. cum Domitiano fratre vii. non sane Plautio, & Frontone coff.

ACCEPTVM. Quid *acceptum*? an Actum locorum adsignationis a Laberio Maximo *acceptum*, scilicet *approbatum*? vel cum Laberii approbatione?

LÆLIO PLAVTIO &c. Lælium Plautium Lamiam, & Q. Pactumejum Frontonem (non L.Ælium, neque Pachumejum ut apud Almeloventium) hic primum nominatos Consules fuisse suffectos, nos Fastorum Scriptorumque silentium admonet.

MÆNIANO. I. *Meniano uno.* Ædificium est modo ligneis, modo marmoreis tabulis compactum, quod ex muro prominet, ubi expatiatur; Romanis adhuc *Mignano*. Ex hoc facile percipitur, quale fuerit in Amphitheatro *Menianum* Arvalibus adsignatum, quod nonnulli, sed minus proprie, *Podium* appellant. Denominatio, a quodam *Menio*, qui cum domum suam venderet Catoni, & Flacco Coff. ut ibi Basilica ædificaretur, exceperat jus sibi unius columnæ, super quam tabulatum projiceret, unde & ipse, & ejus posterì spectare munus Gladiatorum possent: hæc Alconius, Porphyrio, Festus, Nonnius testantur. Hinc *Columna Menia*, quam extitisse, ubi nunc ædes S. Mariæ Liberatricis, autumat Nardinius; ex illa igitur columna, ob analogiam, *Menianum*. Cum autem nomen ex *Menio* desumeretur, *Menianum* scribi deberet, non *Menianum*, neque *Menianum*, uti plerique in Martialis, atque Svetonii textibus scribunt; sed cum in hac Tabula triplici ortographia insculptum videatur, nempe MÆNIANO, MENIANO, & MÆNIANO, sequitur utraque scriptura uti licere. De Menianis agunt leges *Malum ff. de verb. signif. & Meniana C. de edif. priv.* In Circo tandem, prope Carcerum angulos, tria erant Meniana, ex quorum uno committendis quadrigis Circensium signum dari solebat, modo accensa face, modo mappa candida emissa.

CVN. XII. *Cuneis duodecim.* Quidquid sedilium dividitur præcinctionum itineribus, & secatur lateralibus viis, in hoc nomen id venire docet Lipsius *de Amphit.* cap. xiii. Nomen a forma



quia reipsa scalarum directio talis, ut ab imo ordiens magis in altum diffunderetur, redderetque Cunei formam. Cunei Theatrorum crebro a Poetis nominantur. Juvenalis Sat. 6.

— cuneis an habent spectacula totis
Quod securus ames, quodque inde excerpere possis?

Virgilius, & Martialis; iste lib. 1.

Ærea sed a cuneis ulteriora petis.

ille *Æn.* lib. 5.

*Nuncius Anchisa ad tumulum, cuneosque theatri
Incensas præfert naves Eumelus.*

Cuneatum theatrum dixit Aufonius; *cuneata crevit hæc Theatri immanitas*. In cuneis sedisse quoque Equites & Senatores, conjicitur ex Svetonio, qui in Domitiani vita ait: *Die proximo omne genus missilia sparsit; & quia pars major intra popularia deciderat, quinquagenas tesseras in singulos cuneos equestris, ac senatorii ordinis pronuntiavit*. Hinc *excuneare*, scilicet extra cuneos aliquem ejicere; de iis quoque dicebatur, quibus sedendi in cuneis Theatralibus non erat locus. Eo verbo usus est Apulejus Florid. p. 79.

GRADIB. MARM. VIII. *Gradibus marmoreis octo*: summa vero pedum cxxviiiis. *centum viginti novem semis*. Alteri (de Gradibus loquor) interiores intra porticus, per quas ad Spectacula ascendebant; alteri exteriores in quibus Spectatores sedebant: Horum cxxi. adsignantur Arvalibus ex quo numero, nume-

rum Arvalium lxxxvi fuisse conjicit Turræus. *Gradus, ubi subsellia componuntur*, inquit Vitruvius lib. v. 6. *ne minus alti sint palmopede, & digitis sex. Latitudines eorum ne plus pedes duos semis, ne minus pedes duos constituentur*.

Quarta Marmoris pars innuit vota suscepta pro Titi, Domitiani, Juliae ejusdem Titi filiae, ac Domitiani liberorum salute & incolumitate, votorumque susceptorum precationisque Jovi, Junoni, Minervæ, Salutique publicæ solenni ritu factæ formulam. Quod autem attinet ad Consules ibidem nominatos comperitum est istos Magistratum gessisse ann. V. 434. C. 31. Sed emendandi Fasti Græci, Anonymus Cuspinianæus, & Cassiodorus, qui Flavium Silvam *Silvanum* appellant, at præ ceteris Petavius a quo idem Silva, *M. Plautius Sylvanus* vocatur, & Afinius Pollio Verrucosus *M. Annii Verus Pollio*. Utrumque laudant Historici: hunc Capitolinus; illum Dio, & Josephus lib. 7. cap. 28.

Advertendum est denique Marmor istud a doctissimo Turræo (quicquid de sua in eo excubendo diligentia prodiderit) vulgatum fuisse adeo mendis deformatum, ut ea dinumerare plus tædii sit quam utilitatis. Idem assero de eruditissimo Muratorio, qui cum Tabulam exscripsisset e Turræo, eadem punctim menda fidentissime adoptavit.

Tabula reperta est via Ostiensi IIII. ab V.L. jussu Petri Card. Othobonii in Ædes Cancellariæ translata, mox in Museum Albanum, postremo in Capitolinum.

::::NTONINO·AVG·III·C·AVFIDIO·VICTORINO·II·COS·I

. VM ARVALIVM
 AVS A PRO SALVTE IMPCAES
 GER MAXIM.PP.COS IIII
 SNEPOS MAG.CN.CATILIVS SEVERVS
 TIVS PRIMA HAG DIE IMMOLAVIT Q·LICINIVS
 MAREM IVNONI REG·BOVEM FEMINAM MINER
 IPVBLICAE P·R·BOVEM FEMINAM
 VII IDVS IANVAR
 FRATRES ARVALES SACRIFICIVM DEAE DIAE
 Q·LICINIVS NEPOS MAG VELATO CAPIT E CONTRA ORI
 MINE QVOD BONVM FAVSTVM FELIX FORTVNATVM SALV
 REQVE SIT IMP CAES M AVRELIO COMMODO ANTONINO AVG PIO SARMAT
 GERM MAXIMO P.M.P P COS IIII OPTIMO MAXIMOQVE PRINCIPI DIVI M ANTO
 NINI FIL DIVI ANTONIN· NEPOTI DIVI HADRIANI PRONEPOTI DIVI TRAIANI
 PARTHICI ABNEPOTI DIVI NERVAE ABNEPOTI SENATVI PRQ FRATRIBVSQVE ARVA
 LIBVS SACRIFICIVM DEAE DIAE HOC ANNO ERITANTE DIEM XVI KAL IVNIAS
 ROMAE ANTE DIEM XIII K IVN IN LVCO ET DOMI XIII K IVN CONSVMMABITVR
 DOMI ADEVERVNT IN COLL Q·LICINIVS NEPOS MAG CN CATILIVS SEVERVS
 MVLPIVS ASTIVS FR M ANTONIVS IVVENIS
 L TVTILIO PONTIANO GENTIANO COS VI ID FEBRVAR
 IN LVCO DEAE DIAE Q·LICINIVS NEPOS MAG OPERIS IN CHVANDI CAUSA QVOD
 IN FASTIGIO AEDIS DEAE DIAE FICVS INNATA ESSET ERVENDAM ET AEDEM REFI
 ENDAM IMMOLAVIT SVVETAVRILIBVS MAIORIBVS ITEM AD AEDEM DEAE
 DIAE BOVES FEMINAS DVO IANO PATRI ARIETES II IOVI VERBECES ALTILANEO

MARTI ARIETES ALTILANEO II IVNONI DEAE DIAE OVES II SIVE DEO SIVE DEAE OVES II
 VIRGINIBVS DIVIS OVES II FAVLVIS DIVIS VERBECES DVO LARIBVS VERBECES DVO
 MATRI LARVM OVES DVAS SIVE DEO SIVE DEAE IN CVIVS TVTELA HIC LVCS LOCVS VE
 EST OVES II FONTI VERBECES II FLORAE OVES II VESTAE OVES II VESTAE MATRI OVES II ITEM
 ADOLENDAE CONMOLANDAE DEFERVNDAE OVES II ITEM ANTE CAESAREVM DIVIS N XVI VERBEC
 IMMOLAVIT N XVI M HERENNIO SECVNDO M·EGNATIO POSTVMO COS IIID MAI
 IN LVCO DEAE DIAE Q·LICINIVS NEPOS MAG OPERIS PERFECTI CAUSA QVOD ARBORIS
 ERVENDAE ET AEDIS REFECTAE IMMOLAVIT SVVETAVRILIBVS MAIORIBVS ITEM AD AEDEM
 DEAE DIAE BOVES FEMINAS II IANO PATRI ARIETES II IOVI VERBECES II ALTILANEO MARTI
 ARIET··ALTILAN··II IVNONI DEAE DIAE OVES II SIVE DEO SIVE DEAE OVES II VIRGINIBVS
 DIVIS OVES II FAVLVIS DIVIS VERBECES IIS II LARIBVS VERBECES II MATRI LARIVM OVES II
 SIVE DEO SIVE DIAE IN CVIVS TVTELA HIC LVCS LOCVSVE EST OVES II FONTI VERBECES II
 FLORAE OVES II VESTAE OVES II VESTAE MATRI OVES II ITEM ADOLENDAE CONMOLANDAE DE
 FERVNDAE OVES II ITEM ANTE CAESAREVM DIVIS N XVI VERBECES IMMOLAVIT XVI
 ISDEM COS XVI K IVN IN DOMVM LICINII NEPOTIS MAG FRATRES ARVALES PRAETEXTATI
 SACRIFICIVM DEAE DIAE TVRE ET VINO FECERVNT IBIQVE DISCVMBENTES TORALIBVS
 SEGMENTATIS MINISTRANTIBVS PVERIS PATRIMIS ET MATRIMIS SENATORVM FILIS
 ACILIO AVIOLA ET ACILIO SEVERO ET MARCO VLPPIO BOETHO ET C·L SVLPICIANO CVM PVBLICIS
 AD ARAM RETVLERVNT ADEVERVNT IN COLLEGIO·Q·LICINIVS NEPOS MAG CN CATILIVS
 SEVERVS T·PL SVLPICIANVS M ANTONIVS IVVENIS PESCENNIUS NIGER M·VLP·ASTIVS PR
 ISDEM COS XIII K IVN IN LVCO DEAE DIAE Q·LICINIVS NEPOS MAG AD ARAM IMMOLAV
 PORCILIAS PIACVLARES II LVCI COINGHVENDI ET OPERIS FACIENDI IBIQVE BACCHAM
 HONORARIAM ALBAM AD FOCVLVM IMMOLAVIT SACERDOTES IN TETRAS TVLO
 CONSEDERVNT ET EX SACRIFICIO EPVLATI SVNT SVMTISQVE PRAETEXTIS ET
 CORONIS SPICEIS BITTATIS LVCM DEAE DIAE SVMMOTO ASCENDERVNT ET PER
 Q·LICINIVM NEPOTEM ET CATILIVM SEVERVM PRO FLAMINEM AGNA OPIMA IMMO
 LAVERVNT PERFECTO SACRIFICIO OMNES TVRE ET VINO FECERVNT
 DEINDE CORONIS INLATIS SIGNISQVE VNCTIS PETRONIVM PRISCVM EX SATVRNAL
 PRIMIS IN SATVRNALIA SECVNDA MAG FECERVNT ET FLAVIVM SVLPICIANVM FLAMINEM

NOMINAVR
 EPVLATISVNT POS
 SVpra CARCHRES ASCENDIT ET S
 CATVLO SEVERO PRO FLAMINE VICTORIS
 Q·LICINIVS NEPOS MAG CN CATILIVS SEVERVS
 NIVS NIGER M VLPIVS ASTIVS PRAETORES ISDEM COS XIII
 Q·LICINII NEPOTIS MAG FRATRES ARVALES AD CONSVMMAN···S
 IBIQVE INTER CENAM LICINIVS NEPOS MAG CATILIVS SEVERVS
 IVVENIS PESCENNIUS NIGER VLPIVS ASTIVS DISCVMBENTES
 ALBISTVRE ET VINO FECERVNT MINISTRANTIBVS PVERIS PATR
 FILIS EISDEM QVE ET XVI KAL IVN HASDEM FRVGES INLIBATAS
 PVERI RICINATI CVM PVBLICIS AD ARAM RETVLERVNT DEIN
 CANIPAS CONTIGERVNT QVAS PER CALATORES DOMOS SVAS M
 EST SPORTVLIS TPACTVMEIO MAGNO L SEPTIMIO F
 IN CAPITOLIO PRO SALVTE IMP CAES M AVRELI COMMODI ANT
 FRATRES ARVALES CONVENERVNT ET IMMOLAVIT CN
 O·M·BOVEM MAREM IVNONI REG BOVEM FEMINAM
 SALVTI BOVEM FEMINAM PROVIDENTIAE DEORVM
 L COSSONIO EGGIO MARVILLO CN PAPIRIO AELIANO
 OB FERRI INLATVM SCRIPTVRAE ET SCALPTVRAE
 STRVIBVS FERTISQVE PERMVSTIO NARCISSEO KAL
 C·OCTAVIO VINDICE XV K IVN ET
 PIACVLVM FACTVM OB FERRI ELATIONI SCRIPT
 RACTI PORCA ET AGNA STRVIBVS FERTISQVE
 KALATOREM ET PVBLICOS FRATRVM ARVALIVM

Advertendum in huiusce Inscriptionis archetypo, praeter lit. T. ubique ceteras superantem, litteras A F G L constanter sic fuisse insculptas A F G L
 At septima lineola (Col. II.) characteres, ex quibus tota constat Inscripção, hic accipe.

IN LVCO DEAE DIAE Q·LICINIVS NEPOS MAG OPERIS PERFECTI



PROLIXA hæc, tribus columnis constans Tabula, via Ostiensis reperta, prolixam exposceret illustrationem: verum cum in ea plurima recitentur, quæ jam in superioribus explanavimus, hic proinde de his tantummodo verba faciemus, de quibus alias non occurrerit sermo. Constat equidem ex contentis sacrificia hic enunciata præ ceteris solennia fuisse: probat id Deorum utriusque sexus invocatorum caterva. Invocantur enim Janus pater, Jupiter, Juno, Virgines Divæ, Famuli Divi, Lares, Larium Mater, Fontes, Flora, Vesta, Vesta mater, Dea Dia, & Salus. Summa vero hostiarum immolatarum (præter Verbeces num. xvi. totidem Diis bis cæfas) hæc est: Boves nimirum 8. Arietes 8. Verbeces 16. Oves 34. Porciliæ 2. Porcæ 1, Agna 1.

ANTONINO. Nimirum L. Aurelio Commodo Antonino, qui Consulatum quartò gefcit A. C. 183. cum C. Aufidio Victorino secundo. Secundo inquam, uti adversus cl. Fleetwoodum, qui secundum Victorini consulatum nullibi reperiri asserit, ex ista Inscriptione liquet. Is est Aufidius ille Victorinus, quem M. Aurelius, teste Capitolino, contra Catts rebellantes miserat.

VELATO CAPITE. Sacerdotum caput velandi ritus in sacris peragendis origo appareret perspicue ex Virgilianis *Æneid. lib. 3.* carminibus:

*Purpureo velare comas adopertus amictu
Ne qua inter sanctos ignes in honore Deorum
Hostilis facies occurrat, & omnia turbet:
Hunc socii morem sacrorum, hunc ipse teneto.*

& eodem libro v. 545.

Et capita ante aras Phrygio velamur amictu.

Æneæ igitur hujus ritus institutio est referenda; qui cum sacrificaret, & vereretur ne casu ab hoste confectus, turbatis fuga sacris, operandi copia de integro non esset, obnupto capite sacra perfici jussit. Sacrificantes, inquit Servius, capita velare consueverunt ob hoc, ne se inter Religionem aliquid vagis of-

ferret obtutibus: ita Juvenalis Sat. vi. de quadam Citharædi uxore Diis vota fundente

— *Stetit ante aras; nec turpe putavit,
Pro cithara velare caput.*

Camillos quoque, & Sacrificulos obnupto capite Flamini Diali præministrasse colligitur, tum ex nummo apud Gutherium *de Jur. Pont. lib. 2.* tum ex columnæ Trajani anaglyphis. Eum postea morem in adulationem Principum verterunt qui eos velut Deos colere volebant. Omnium primus id instituit Vitellius, qui reversus ex Syria non aliter C. Cæsarem adire ausus est, inquit Svetonius, quam capite velato. Confer Lucretium *lib. v.*, Q. Curtium *lib. iv.*, Macrobium *Saturn. lib. i.* Plutarchum in *Quæst. Rom.* Velatis denique etiam manibus supplicantes incedere innuit Plautus in *Amphytr. Act. i. Sc. i.*

QVOD IN FASTIGIO AEDIS ... FICUS INNATA ESSET. Quamvis Ficus arbor esset aliquibus Diis sacra, atque Priapo in custodiam tradita; licet Ruminalis illa, ad quam ejeti sunt Romulus, & Remus, maxima veneratione a Romanis in Palatino colebatur; licet denique exsiccata Ficum frondes pro ture crebro in sacris adhiberentur, tamen cum in ædis Deæ Diæ fastigio sponte nata esset, faciemque proinde Templi deformaret, illinc eradicandam Arvales consueverunt; atque ad Arboris ut ita dicam licentiam, seu potius templi Custodum incuriam expiandam Licinius Nepos Arvalium Magister, Sueovetauriles hostias, *Suem* nempe, *Ovem*, & *Taurum*, immolavit.

BERBICES. II. *Berbices*, sive *Verveces* duos. *Vervex* mas est inter Oves, cui adempti sunt testiculi, italice *Castrato*; nam qui ad gignendam sobolem integri servantur, vocantur *Arietes*. *Vervecinum* adipem collaudat Plinius: apud Plautum vero in *Captivis* Servus quidam stupidus, *vervecea Statua* dictus est.

ALTILANEOS. Licet innumeros evolverim creperæ latinitatis interpretes, nullam prorsus, apud eosdem hujus vocabuli mentionem

non

nem inveni. Solus Brissonius de *Formulis* lib. I. cap. 20. intonsam bidentem *Altilancam* vocasse Pontifices asserit, teste Servio in *Commentariis* ad *Æneid.* manuscriptis. Compositum puto ex *altili*, & *lana*; ita ut dicatur verveces istos lanosos quam maxime fuisse, seu lana præ ceteris abundasse: *carichi dī lana*: Ita Plautus in *fragmentis* Dotem opulentam *altilem* dixit:

Prohibet divitiis maximis dote altili atque opima.

VIRGINIBVS DIVIS. Quænam fuerint (si quæ unquam fuerunt Gentilium virgines Divæ) penitus ignoro. Nam etsi Diana a Virgilio dicatur Virgo

— *tria Virginis ora Dianæ;*

nescio utrum hujusce Deæ Virginitas ab Endymione probaretur.

FAMVLIS DIVIS; ex quibus *Ganimedes*, *Deorum* *Pocillator*; *Heben*, *Dearum* *pincerna*; *Mercurius*, *Jovis* *nuncius*; *Charites*, *Veneris* *fociae*; *Iris*, *Junonis* *ministra*.

SIVE DEO SIVE DEAE. Diis scilicet omnibus, omnibusque Deabus: a Paganis enim omnes Deos Deasque in sacris invocari solitum docet Gebhardus Elmenhorstius in *Obsev.* ad *Arnobii* lib. II. Formula hac frequenter utebantur Sacerdotes inter precandum, in votis suscipiendis, in feriendis foederibus, & in Deorum tutelarium evocatione. Servius ad *Æneidos* illa *Dii Deæque omnes* hæc habet: *more Pontificum per quos ritu veteri, in omnibus sacris, post speciales Deos, quos ad ipsum Sacrum quod fiebat necesse erat invocari, generaliter omnia Numina invocabantur.* Hujus rationem formulæ toti sunt, ut interpretentur recentiores: Verum adi doctissimum Anselmum in singulari de *Romana tutelarium Deorum in oppugnatione Urbium Evocatione* libro, Cap. VII. p. 117. Ed. IV. Oxon.

FLORAE. Quæ Græcis *Χλωρίς*, Latinis *Flora* dicebatur. Hanc plerique Meretricem faciunt, quæ ingentis sui Patrimonii Populum Rom. instituit heredem ea lege, ut quotannis in

ejus memoriam festum celebraretur: hinc *Floralia* festa, *Florales* ludi: sed alii hæc omnia negant, eamque antiquissimum Sabinorum Numen fuisse volunt: alii Zephiri uxorem, a quo in omnes Flores potestatem acceperit.

ANTE CAESAREVM. Ante scilicet *Palatinas* *Cæsarum* *ædes*, h. e. in *Palatino* sitas: quomodo aliter *τὸ Cæsareum* explicari possit, non assequor.

TVRE ET VINO. *Ture* sine adspiratione scriptum nota; quod tamen nonnullis latini sermonis præceptoribus haud placet. Suffimentum istud *Vini socium* appellat *Arnobius*; antiquitus vero solo *Ture* sacrificatum asserit *Stuchius*. *Tura* igitur vel adolebant in *Turibulis*, vel injiciebant focus, & ex ejus fumo, & crepitu futura conjiciebant, uti videre est apud *Senecam* in *Ædipo*. *Panchaia Tura* laudat in *Culice* *Virgilius*; & *Æn.* lib. 2.

Totaque turiferis Panchaia pinguis arenis.

Sabæa idem Poeta

— *centumque Sabæo*
Ture calent arc.

Ita *Plinius* lib. XII. cap. 14. *Sabæorum*, inquit, regio *thurifera* *Saba* appellatur. Vinum quoque (nec aqua dilutum) Diis in *Sacris libare*, *dare*, *fundere*, *vergere*, *invergere*, *propinare*, frequentissimum, cujus rei crebra apud Poetas mentio. Sic *Veneri*, *multibiba* illa *Plauti* *Lena* in *Carcul*.

Nam tibi amantes propinantes vinum dant.

Statius *Theb.* lib. VI.

Spumantesque mero pateræ verguntur.

Virgilius lib. VI.

Invergit vina sacerdos.

Vasa ad vinum fundendum *Calpar*, *Coturnium*, *Armillum*, *Simpulum*.

TORALIBVS. Toral est Tori involu-
crum seu stratum, quod Itali *materasso* appell-
lant, Galli *matelas*; idest congestæ herbæ,
palææ, arundinis, item lanæ, vel plumæ ope-
rimen-

rimentum, teste Varrone de L.L. lib.4. quod & elegantiore rursus stragulo ad pompam contegebatur convivii caussa, aut feriarum. Cicero *Tusc.* v. *Collocari hominem iussit in aureo lecto, strato pulcherrimo, textili stragulo, magnificis operibus picto*, ubi tria distinguuntur, *Festum, Toral, & Stragulum*: Ovidius *Met.* lib.viii.

— *In medio torus est de mollibus ubiis; Vestibus hunc velant, quas non nisi tempore festo Sternere consuevant.*

Stragula vero quibus Tori sternebantur, & Toralia quæ circumjacebantur pretiosissima, in usu veteribus fuerunt; non tamen aurea: aurea enim primus Toralia texit, Lampridio id monente, Elagabalus. Verum hic magis ad rem videtur quod Toral significat etiam segestria, sive amictum, vel tegmen linteum triclinari lecto circumdatum, quasi munimen adversus Arvalium discumbentium purgamentum, & jactus, atque ad custodiendam a sordibus stragulam pretiosam; quod quidem *Toral* quando sordidum erat lavabatur, ne odore foedo nares offenderet: sic ilud Horatianum

— *ne turpe Toral, ne sordida mappa Corruget nares*

illustratur ab eruditissimo Ludovico Desprez.

SEGMENTATIS. De hoc vocabulo plura Pitiscus; at hic loquitur de Vittis, seu fasciis vericoloribus, quasi dicas *Toralibus vittatis*: uti in Capitolini Musei Strato illo marmoreo, Alexandri Seyerti forte, Matrif-

que sarcophago imposito, expressum apparet. Cunam segmentatam nominat Juvenalis *Sat.* vi.

Sed quamquam in magnis opibus, plumaque paterna


Et segmentatis dormisset parvula canis, Contempsit Pelagus.

PORCILIAS. *Porcellas piacularares*. De hoc vocabulo jam satis superius. Ceterum hostiarum plane seu victimarum (hæc enim nimium forte libere confundimus) aliæ erant *Majores*, aliæ *Lactentes*; quædam *Animales*, quædam *Ruminales*; illæ *Injuges*, & *Eximie*, istæ *Succidanea*. Erant & *Ambarvales*, & *Prodigæ*, & *Mediales*, & *Caviaræ*, & *Optatæ*. Nonnullæ *Harvigne*, sive *Haruge*: ita *Ambiegna*, *Maxima*, *Confeta*, *Præcidanea*, *Presentanea*, *Honoraria*; tandem *Aurea*, & *Argentæ*, apud Macrobius, Arnobius, Varro, Festus, Fulgentius, Terentius, Virgilius, Ovidius, aliosque.

COINCHVENDI. *Coinchoandi*, & operis faciendi.

BACCHAM HONORARIAM ALBAM. *Vaccam* legendum esse non dubito: B. enim pro V. crebro observavimus. *Albam* ergo *Vaccam*, & *Honorariam*, h. e. honoris causa, Licinius Nepos immolavit.

AD FOCVLVM. Ad Arulam, supra quam modica excitabatur flamma, uti videre est apud Jo. Petrum Bellorium in *Admirand.* R.A. tab. 30.



IN TETRASTVLO. Hic V. pro Y. *Tetraslylo*. De hoc ædificio, quod *Tetrasilium* alias dicitur, jam superius Num. 5. differuimus.

CORONIS SPICEIS. Coronatos Sacerdotes ad sacrificia incedentes repræsentant, præter innumera Monumenta, columnæ Trajani anaglypha.

SIGNISQVE VNCTIS. Gentiles Deorum signa non solum laureis coronis cingebant, candidisque aliquando vestimentis induebant, sed pretiosissimis sæpe humectabant unguentis; unde Cicero in Verrem 4. scripsit, omnes Matronas, ac Virgines convenisse cum Diana exportaretur, unxisse unguentis, complisse coronis, & floribus. Itaque Prudentius adversus Symmachum


————— *saxa illita ceris*
Viderat, unguentoque Lares humescere nigros,

Lucianus itidem, quid ergo, inquit, *saxa coronant, & inungunt?*

SVPPRA CARCERES ASCENDIT. Non hic profecto de Custodiis intelligendum in quibus servabantur noxii; verum de quibusdam septis, quibus circumcinctæ Deorum ædes erant. Ita primum Circi septum, unde emittebantur Equi cursorii, & desultorii, *Carcer* dicebatur.

PVERI RICINIATI. De vocis origine non conveniunt Auctores: ex *Rica* seu *Ricinio* h. e. *sudario* desumit Nonnius. Festus, & Varro *Ricinium* modo dicunt *Vestimentum* quadratum, fimbriatum, purpureum; modo *Palliolum* ad tegendum caput factum. Granius apud eundem Festum *Muliebre cingulum* vocat; alii *vestem* fuisse *lugubrem*, & in rebus adversis luctibusque sumptam opinantur.

CANIPAS. *Cistas* esse, seu *Canistra*, sive *Cana*, quæ in facris Gentiles adhibebant, ego quidem censeo. Forma hæc est, pro ut notavi in Vase marmoreo anaglyphyce insculpto, quod exstat in Hortis Justinianæis.



Porro quæ sequuntur, meam tueri sententiam videntur.

SPORTVLIS. *Sportula*, quæ & *Corbis*, fiebatque ex vimine. Cibus, canistro contentus, per metonymiam *Sportula* dicebatur: hinc Svetonius in Ner. cap. 17. *Publicæ Canæ ad Sportulas redactæ*. Cibi enim qui a Magnatibus dabantur iis, qui, vel officii causa comitabantur, vel prima luce in atrium salutandi gratia conveniebant, sportulis ferebantur. Juvenalis Sat. II:

Nonne vides quanto celebretur Sportula fumo?
Centum convivæ, sequitur sua quemque culina.

quæ sic italicè versa edidit Cl. Silvestrius

„ E non vedi con qual fumo importuno
„ La sportula oggidì vien celebrata?
„ Son cento i Convitati, e vien portata
„ La sua cucina dietro a ciascheduno.

Hujusce consuetudinis vestigia remanent ætate quoque nostra potissimum in Principum aulis, cum Cubiculariis, aliisque Principi addictis viris, calidæ illæ Americanæ potiones, & crustula mane circumferuntur. At de aliis nonnullis Sportularum significationibus confer Dempterum, Budæum, Alciatum, Gutherium.

IVNONI REG. *Junoni Reginae*. Æquum fuit Junonem (Jovis hominum Deūque regis sororem , & conjugem) *Reginam* appellare . Hujus simulacrum a Veii transvectum in Aventinum , & celebri die , summo Matronarum studio dedicatum asserit Camillus in Oratione , quam ad Populum Romanum habuit . Hujus transvectionis historiam copiose descripserunt Livius , atque Plutarcus , Hinc Virgilius

*Ast ego quæ divam incedo Regina Jovisque
Et Soror , & Conjux .*

Junonis item Reginae templum fuit in Capitolio , quod Cn. Flaminius bello adversus Ligures voverat . Ardeæ quoque aliud extitisse docet Plinius , picturis a quodam Marco Ludio ornatum , cujus sit his versibus mentio

*Dignis digna loco picturis condecoravit
Regina Junonis supremæ conjugis templam
Marcus Ludius Elotas Ætolia oriundus ,*

*Quem nunc , & post , semper ob artem hanc
Ardea laudat .*

FERTIS . Seu *Fertis* uti scribit Festus : genus libi ; qui illud adferebant , *Fertarii* , & *Strufertarii* . Persius Sat. 3.

*Et tamen his exis , & opimo vincere ferto
Intendit .*

Adeundus Cato de R. R. apud quem legitur : *Fertum Jovi moveto ; & , Jupiter te hoc Fertito obmovendo bonas preces precor .*

STRVIBVS . Strues sunt pariter genera liborum . Struem *commovere* verbum sacrorum est , quod significare arbitror libamina Diis offerre , & ad exaudiendas sacrificantis preces excitare . Ita *Struem movere* , & *obmovere* , eandem habent significationem : quæ omnia nil aliud sunt quam *libare* , quod est ambabus manibus *struem* Diis offerendo , vel *fertum* , primis quasi labris degustare : *Jane Pater* , inquit laudatus de R. R. scriptor , cap. 135 , *te hac strue commovenda bonas preces precor .*

70.

COLLEGIO TIBICINVM
ET FIDICINVM ROMANORVM

QVI SPPS

TIIVLIVS TYRANNVS

MMVNIS PERPETVVS ET

VLIVS TYRANNVS F

H C D D

DEDICATVM . K . MART

RSO GERVIANO II . L . FABIO . IVST . COS

TIBICINVM .

*Tibia non ut nunc orichalco vineta Tubæque
Æmula*

inquit Horatius ; ex quo patet Tibicines a Tubicinibus , & ita Tibias a Tubis differre . Constat etiam ex eo quod Romanorum religio juberet , ut majoribus mortuis Tuba , minoribus Tibia caneretur , uti asseruit Lutatius

Placidus in *Comm. ad Statii Theb.* lib. 6. Decretum vero istud posthabitu fuisse testatur celebris illa Musei Kircheriani tabula , in qua & Tibicen , & Tubicen cubili cujusdam defunctæ feminæ adstant . Monumentum ipsum eruditis consulendum trado , ut simul Tibiæ rectæ , Tubæque , instar Buccinæ , seu Cornu , contortæ , inspiciant typos

Ti-



Tibicen similiter, & Tubicinem ad lectum alterius Fœminæ jam defunctæ canentes videre est in insigni Parisiensi Anaglypho a cl. Scipione Maffieo illustrato in *Observ. litter. T. I.* & in *Mus. Veron.* p. ccccxx. *Defunctæ* inquam, non quidem morientis: hos enim Cantores, signanter apud Hebræos, mortuis non morientibus accessisse liquet (ne nimis a proposito digrediar) ex illo Matth. ix. 23. 24. *Et cum venisset Jesus in domum Principis, & vidisset Tibicines, & turbam tumultuantem, dicebat: recedite, non est enim mortua Puella, sed dormit.* De varietate autem Tibiarum, deque officio Tibicinum confer Rosinum, Bonannum, Quadrium, Academicos Herculenses, aliosque de rebus musicis Romanorum Scriptores. Hic tantummodo notandum Marmor ad Tibicines illos, & Fidici-

nes pertinere, qui Sacris publicis intererant, uti ex ipsa Lapidis inscriptione colligitur.



FIDICINVM. Fidicen, Græcè κισσαρωδὴς, scilicet qui cythara, vel lyra canit. Horatius Carm. lib. 4.

Romana fidicen lyra

& Epist. lib. 1.

*Hunc ego non alio dictum prius ore Latinis
Vulgavi fidicen:*

hoc est, inquit Ludov. Desprèz in Comm. Hor. ad usum D., ego lyra canens Latinis ostendi. Liræ figuram, (quam testibus Marmoribus Arundellianis Terpander invenit) præter laudatos Scriptores, exhibuit Laur. Pignorius in Op. de Servis, hujusmodi



at eam elegantius expressam vide in hac, *Tab. xv. in qua Musam vides citharæ fides ex Mediceis, gemina apud cl. Gorium temperantem*



A. Gellius consuetudinem memorat ducendi in conviviis Fidicines, ut ad lyram suavi modulatione vocis compositæ epulantes oblectarent. *Fistulatores*, inquit in N. A. lib. 1. *Fidicines, Tibicines lascivientium delitia conviviorum*: hi & lyram fidesque pulsabant, & cæmina cantabant. De pueris hæc exercentibus mentio extat apud Claudianum in laudibus Stiliconis lib. 2.

— nullo citharæ convivia cantu
Non pueri lasciva sonant.

De Fœminis vero apud Hieronym. in Ep. ad Furiam: *Fidicines, & Psaltrias, & hujusmodi eborum Diaboli, quasi mortifera sirenarum carmina perturbat ex adibus tuis*. A Fidibus, nempe a chordis, seu nervis musicalibus nomen traxisse Fidiculam, tormenti genus apud Suetonium in Calig. & l. 1. & 2. C. Theod. censent nonnulli, Isidori etymologiæ non assentientes: vide Donatum in *Dilucid.* p. 443.

COLLEGIVM. Institutum a Numa docet Plutarcus: *divise secundum artificia, ut suam peculiare corpus haberent Tibicines* (quibus mox adjectos Fidicines, nostrum testatur Marmor) *aurifces, architecti, tintiores &c.* Eadem confirmat Val. Maximus *Cap. de Institut.* Ab hoc tamen Collegio omnes indiscriminatim cooptari Tibicines, & Fidicines haud credam; sed illos tantum, quibus ve-

luti inferioribus Ministris, Sacris intervenire permittebatur.

QVI SPPS. *Qui sacris publicis præsto sunt.*

MMVNIS PERPETVVS. Aliqui ad tempus, alii Immunes erant perpetui, alii Triplicarii. De Immunibus satis loquuti sumus sup. N. 25.

HCDD. *Huic Collegio dedicarunt Julius Tyrannus pater, & Julius Tyrannus filius*. At, quid dedicaverint, ignoro: non equidem templum, neque Delubrum, quæ Diis tantum, aut Augustis in numerum Deorum relatis excitabantur, sed potius signum aliquod huic cippo impositum. K. MART. idest *die prima Martii*.

RSO GERVIANO &c. Lege SERVIANO. C. *Urso Serviano*; alias C. Julio Servilio Urso Serviano II, & L. Fabio Justo Coss. A. C. 111. juxta Panvinium, & Almelo-venium, imperante Trajano. Petavius, qui de his ne verbum quidem, ponit hoc anno C. Calpurnium Pisonem, & N. Vestium Rusticum Bolanum, quibus sanè subrogati sunt Servianus, & Justus. Ad L. Fabium Justum Epistola Plinii extat lib. vii. cui scriptorum suorum aliquid promittit: extant & quinque ad C. Urfum lib. 4. 5. & 8. Lapidem vidit Smetius in vinea Franc. Cicchi ad Septizonium Severi.

AV::

:::ERCENIVSC

L MAGILIV::

T MERCEL

L TVCCIVSCEL::

L . ARRUNT:: L

C . TITINIV::: C L

M . VISINIV M L

Q . POMPONIVS Q L

C . SVLPICIVS C L

C . CALVMELVS C L

L . OTIVS L L

C . OPPIVS C L

HELENVS

ADIVTOR

PHILADELPHVS

VRBANVS

:::CTHETVS

ERASTVS

COMMVNIS

SECVNDVS

LVDOS LATINOS ET GRAECOS.FECER.VI.VIII.III.PR.k ET k MART
ET POPVLO CRVSTVLVM ET MVLSVM DEDERVNT
MASINIO AGRIPPA COSSO CORNELIO LENTVLO == COS

Cujus, quorumve in honorem, quave de causa Ludi ab his Libertis *dati* fuerint, neque ex Lapide constat, neque ab Historicis narratur: quo vero anno, patet ex Consulum nominibus in ipso Lapide regeſtis; Marcus enim Aſinius Agrippa, & Coſſus Cornelius Lentulus magiſtratum conſularem obierunt anno V.C. DCCCLXXVIII. epochæ Chriſtianæ xxv. Tiberii Imp.XII.

LVDOS &c. Cum Ludi ad ſacra quoque pertinuerint, ideo Inſcriptionem hanc ſacris, ſeu ad Deorum cultum, & religionem ſpectantibus Marmoribus ſociandam cenſui. Porro Ludi publici celebrabantur vel in ſecundis gratiarum agendarum, vel pro Principis ſalute, vel tandem Populi benevolentiae ſtudioque conciliandi cauſſa; aliquandoque in Parentum defunctorum honorem. Ceterum Romanorum ludi tot fuerunt, totque adſunt Auctores, qui de iis ſcite diſſeruere, ut mihi quidem laborioſum magis, quam neceſſarium de iis hic agere videatur. Nemini enim non exploratum reor Romanorum ludos, quosdam *Latinos* ſive *Latiales*, quosdam *Græcos*, ſive è Græcia Romam tranſlatos, vocari. Eorum alteri *privati* erant, uti Pila, Alea, Tro-

cus, Latrunculi, Tali, Teſſera, Diſcus; alteri *publici*, ſicut Circenſes, ſeu Gymnici, Deſultorii, Scænici, Trojani, Currules ſeu bigarum, & quadrigarum curſus, Navales in Naumachiis, Pugiles, in quibus pugnis, ceſtibus, haſtiſque decertabatur: hi modo a loco, ubi ſiebant; modo a Diis quibus dedicabantur, dicti; uti, Florales, Apollinares, Capitolini, Conſuales, Votivi, Martiales, Juvenales, Caſtrenſes, Palatini, Megalenſes, Cereales, Votivi, Magni, ſeculares &c. Ludrica vero Græcorum ſpectacula, Nemæa, Pythia, Iſthmia, Olympia, Palæſtrica, Athletica.

CRVSTVLVM. Epulum ſcilicet populo dederunt, quod Itali *rinſreſco* appellant, ſed parcum admodum, & plebejum. Cruſtula enim placentarum genus erat ſaccaro confeſtarum: *Martios panes*, ſive *Maza panes*, ab inventore quodam *Martio* nomine dictos, aſſerit Grapaldus lib. 3. *de Cenaculo*: nos hodie dicimus *Mazapani*: qui eos concinnabant, *Cruſtularii*: Lucilius in Satyr.

laſtantia Coa
Clam cum melle bibi, guſtavi cruſtula ſolus.

Et

Et Juvenalis Sat. ix.

rium in Appendice Inscript. Etr. p. 124. *Cilianus* in Clypei dedicatione

Nos colaphum incutimus lambenti crustula servo.

ET MVLSVM. Potionis genus ex melle, & vino, a *mulcendo*. Mulsum ex vetere vino utilissimum fieri, quod facillime cum melle corporatur, docet Plinius lib. xxii. cap. 24. Mulsa aqua, h.e. *mellita*.

DEDERVNT. Apud Gruterum similiter, MATERNVS quidam

OB DEDICATIONEM. HONORARIAM VICANIS. FLVIVM. POPV

LO. CRVSTVLVM. ET MVLSVM. DEDIT

Legimus & EDIDERVNT. Ita apud Go-

POSTVLANTE POPVLO DIEM LVD.....EPVLVM. EDIDIT. D. D

ADIVTOR. Plures fuisse *Adiutores* liquet ex Lapidibus: nimirum Adjutor *Haruspicum*, Adjutor *ab Epistulis*, Adjutor *scrinarius*, Adjutor *Corniculariorum*, *Quæstoris*, *Tribunorum*, *Præfetti urbis*. Uno verbo, Adjutoris officium erat, Magistratibus, aliisque vel ægritudine præpeditis, vel multitudine negotiorum obrutis, opem ferre.

Notandum in hac Tabula literas V. & K. constanter insculptas esse sic U. & K. Quoad lineolas in fine, hæ non in hac tantum Tabula, verum etiam in alijs reperiuntur, uti inferius Cap. II. num. 87.

72.

OB HONORE^{sic}QVODIESACERDE

.....

DEDICAT. XVII:.....
TER. ET. SEMEL.

CoS

LOCVS. DATVS AIVIO
FAVSTINO PONT VVL. K
..AE.....SACPAR. PERMISIT
..ACT.....FL. MOSCYL
SVB QQ C. P

Q. VETVRI FIRMI FELICIS
SOCRATIS ET

L. FLORI EVPREPETI:.....S
OB CIVIS DEDICATIONE
DEDIT DECVRIONIBVS XIII
CVM OFFICIO BASILICES

Ex tam effracto tamque turpiter inscripto Lapide rem aliquam magni momenti colligere nequeo. Agitur quidem de publica Aræ, seu Ædiculæ dedicatione, deque loco, quem

Flavio Moscylo, Pontifex Julius Faustinus adsignavit ubi is *Sacra*, seu quæ ad *Sacra* pertinent, pararet.

TER ET SEMEL. Ter, & semel, quatuor pro-

perfecto significare nemo contendit : at huiusmodi dictionis exemplum nullibi (de vetustis Marmoribus loquor) reperimus. Doctissimus Muratorius p. 158. innuit *heic alia esse ad eruditionem spectantia* ; quod mehercle nemo non videt ; verum ea , *temporis parvus* , Lectori enucleanda relinquit . Ea tamen silentio præterisse æquo animo ferrem , dummodo Inscriptionem saltem emendatam edidisset : atqui cum ejusdem Cl. Viri exemplar , cum autographo Capitolino contulisset , tot in illo errata notavi , ut vix a doctissimo Blanchinio (ut idem Muratorius asserit) exscriptum , atque oculariter inspectum fuisse credam . Menda igitur cum emendationibus exhibeo , ut candidi Lectores , quæ sit Lapidibus Capitolinis a Muratorio vulgatis præstanda fides , agnoscant .

Murat. OB HONOREM = *Lapis* OB HONORE ; neque spatium vel minimum video inter E & sequentem S. ita ut dici possit quondam forte ibi extitisse M. quæ omnino desideratur .

Mur. SACERDOT = *Lapis* SACERDE::

Mur. DEDICAT XV = *Lapis* DEDICAT XVII

Mur. A IVLIO = *Lapis* AIVLIO



Mur. VVLK = *Lapis* VVL. K

Muratorius interpretatus est VVLKAN : at primo K longe distat ab L. Secundo Latinos scripsisse VOLCANVM , non *Vulkanum* compertum est .

Mur. SAE PAR = *Lapis* SACPAR .

Mur. MOSCHIL = *Lapis* MOSCYL::

Mur. EVPREPETIS = *Lapis* EVPREPETI::S

Mur. DEDICATIONEM = *Lapis* DEDICATIONE
Mur.  quod nihil indicat = *Lapis*  quæ sigla est monetaria .

Huic insuper aliam sociavit Muratorius Inscriptionem ad Anubim spectantem , quæ nil cum illa commune habere videtur , præter affinitatem inter *Moscibili* & *Moscyli* nomina . Muratoriana certe in Museo Capitolino non extat .

CVM OFFICIO BASILICES . Licet nostris temporibus Basilica idem sit ac templum Deo dicatum , apud Gentiles tamen locum significabat , in quo negotiationes privatæ , consilia , & judicia exercebantur , dicta Basilica quasi *Regia* a voce Græca βασιλειῶς : hinc Statius Paulli Basilicam , *Regiam* appellavit in Sylv. lib. 1.

Illinc belligeri sublimis Regia Paull

Quatuor fuisse Romæ Basilicas legimus . Prima a Catone Censorino constructa : secunda ab Opimio : tertia ab eodem Paullo Æmilio , quæ deinceps Fulviæ consecrata est : quarta demum Basilica Julii , cui construendæ præfuit ipse Architectorum Princeps Vitruvius . Verum quidnam sit officium *Basilices* ignoro . Plurimas quidem huius vocabuli significationes recensent Scriptores , quarum tamen ne unam quidem cum nostri Lapidis sententia congruere censeo . Adi Gruther. *de Off. D. A. & Calvin. Lexic. Jurid.*



CAPUT II.

Imperatores, Augusti, Cæsares, Augusta, & Reges.

73.

) ANTONIAI IVLIAIAVG		NERON
AVGVSTAI	AGRIPPINAI	CLAVDIOAVGFCAISF:
F DRVSI	GERMANICI	DRVSO GERMANIC:::
~ SACERDOTIDI~I	CAISARISF	PONTIFAVGVRIXV~IRS :::::
~ AVGVSTI	TICLAVDICAISAR	VII~IR EPVLON
'GMATRI.TI.CLAVDI	AVGVSTI	COS
CAESARIS.AVGPP	PATRIIS PATRIAI	PRINCIPI IV~ENTVT:::

M Utilam hunc Lapidem in quatuor partes dividere necesse est; quæque desiderantur, hoc pacto, ex Grutero restituere.

qui ab eo nomen acciperent, addebantur, templumque, in quo ipsi hymnos in ejus honorem canerent, extruebatur. Sed de Flaminibus inferius.

I.

DRVSO
CAISARI
TI. AVGVSTI. F
DIAI. AVGVSTI. N
DIAI. IVLII. PRON
PONTIF. FLAM. AVG
TR. POT. II. COS. II

h. c.

*Druso
Cæsari
Ti Augusti Filio
Divi Augusti Nepoti
Divi Julii Pronepoti
Pontifici Flaminum Augustalium
Tribunitia Potestatis II. cos. II.*

PONTIF. FLAM. Post Romanæ Reip. caput, cum Romanos Imperatores, & Augustas eorum Uxores, vel Filios, consecrandi mos irreplisset, plures quoque eorumdem Flamines sunt facti. Mortuo enim, & inter Divos relato, Imperatori Flamen, & Sodales,

II.

ANTONIAI
AVGVSTAI
DRVSI
~ SACERDOTI DIAI
AVGVSTI
MATRI. TI. CLAUDI
CAESARIS. AVGPP

h. c.

*Antoniae
Augustae
Drusi
Sacerdoti Divi
Augusti
Matri Ti. Claudii
Cæsaris. Augusti
Patris Patrie.*

ANTONIAI. Antonia minor, Drusi majoris uxor, Germanici, & Claudii mater: mulier optima, quæ tamen veneno obiit.

O o

SA-

SACERDOTI. *Ex Augustalibus Sacerdotibus, sive Flamini Sodalium Augustalium, a Tiberio, uti mox dicemus, institutorum.*

III.

IVLIAIAVG
AGRIPPINAI
GERMANICI
CAISARISF
TI CLAVDI CAISAR
AVGVSTI
PATRIS PATRIAI

i. e.

*Juliae Augustae
Agrippinae
Germanici
Caesaris Filiae
Ti. Claudii Caesaris
Augusti
Patris Patriae.*

TI. CLAVDII. *Uxori scilicet Claudii, qui sumpto in boletis veneno, conscia Uxore, periit. Svetonius: veneno quidem occisam convenit; ubi autem, Et per quem dato discrepat. Quidam tradunt, epulanti in arce cum Sacerdotibus, per Halotum spadonem praegustatorem: alii domestico convivio per ipsam Agrippinam, quae boletum medicatum, avidissimo ciborum italium, ebulerat. Hinc Juvenalis Sat.v.*

*Boletus Domino, sed qualem Claudius edit
Ante illum Uxoris, post quem nil amplius edit.*

Hanc, imperandi avidissimam, libidinibusque infamem, interemit Nero filius.

IV.

NERON
CLAVDIO AVGFCAIS:::
DRVSO GERMANIC:::
PONTIF. AVGVRIXVIRS:::
VII AIP EPVLON
COS
PRINCIPI IVENTVT:::

h. e.

*Neroni
Claudio Augusti Filio Caesari*

*Druso Germanico
Pontifici, Auguri Quindecimviro sacris faciundis
Septemviro Epulonum
Consuli
Principi Juventutis.*

NERONI. Drusus major est iste, Claudii Caesaris pater, olim Decimus, mox Nero praenominatus. Hunc *Livia*, cum Augusto gravida nupisset, intra mensem tertium peperit. Adolefcens multis, magnisque virtutibus enituit. Ob praecclare gesta ovandi jus, & triumphalia ornamenta percepit; ac post Praeturam, teste Svetonio, confestim inito Consulatu, atque expeditione repetita, supremum diem morbo obiit, ex fractura, uti habetur in Epitome Liviana, equo super crus ejus colapso. De tanto viro accipe Horatii carmina lib. 4.

*Videre Rhæti bella sub Alpibus
Drusum gerentem, Et Vindelici; quibus
Mos unde deductus per omne
Tempus Amazonia securi
Dextras obarmet, querere distuli,
Nec scire fas est omnia. Sed diu
Lateque victrices catervæ
Consilii juvenis revocata
Sensere, quid mens rite, quid indoles
Nutrita faustis sub penetralibus
Pesset.*

Paterculus: *Ingenium illius, utrum bellicis magis operibus, an civilibus suffecerit artibus, in incerto est. Morum certe dulcedo, ac suavitas, ac adversus Amicos æqua, ac par sui existimatio inimicabilis ei fuisse traditur, tum pulchritudo corporis proxima fraterna.*

COS. Cum T. Quinctio Crispino Sulpiciano ann. V. C. 745.

VII. AIP EPVLON. Tres tantum Epulones primum creatos tradit Livius lib. 33. anno Urbis DLVIII. Furio Purpureone, M. Claudio Marcello Coss. Hi fuere C. Licinius Lucullus, T. Romulejus, qui legem de Epulonibus creandis tulerat, & P. Porcius Lecca. De his Cicero in de Orat. lib. 111. *Sed ut Pontifices veteres propter sacrificiorum multitudinem*
tres

tres Viros Epulones esse voluerant, quum essent ipsi a Numa, ut etiam illud ludorum epulare sacrificium facerent, instituti. At posterioribus temporibus septem creatos, ac Septemviros Epulones fuisse vocatos, Historici vicissim, & lapides testantur. Lucanus Pharf. lib. 1.

Septemvirque Epulis festus, Titiique sodales.

De eorum autem munere laudatus Tullius ita loquitur: *Ludos minus diligenter factos, pollutosque. Quos ludo te appello Lentule, tui Sacerdotii sunt tensa, curricula, præcentio, ludi, libationes, epuleque ludorum publicorum: vosque Pontifices, ad quos Epulones Jovis O.M., si quod est prætermisum, aut commissum, adferunt, quorum de sententia eadem renovata celebrantur. Ludi sunt minus diligenter facti: quanto, aut quo scelere polluti? respondebis? Et pro te, Et pro collegis tuis, Et pro Collegio Pontificum, nihil cuiusquam aut negligentia contemptum, aut scelere esse pollutum. Ex quibus verbis intelligimus non modo quod esset Epulonum munus, verum etiam fuisse eorum quoddam Collegium, uti ex Gruteriana quoque inscriptione patet.*

IMP. CAES. DIVI. FIL
AVGVSTO
TERRA. MARIQ
VICTORI
SACERDOT. BONAE. DEAE
ET. COLLEG. VII. EPVLON
COMMVN. POP. VOTO
RAVENAT
D. D.

PRINCIPI IVVENTVT. Tituli hujus author fuit Augustus, qui eum Cajo, & Lucio tradidit, uti docet Tacitus: *nam genitos Agrippa Cajum, & Lucium in familiam Caesarum induxerat, nec dum posita puerili prætexta, Principes juventutis appellari, destinari Consules, specie recusantis flagrantissime cupiverat. Hi erant*

Imperii Candidati; primum Principes juventutis, deinde Caesares, tandem Nobilissimi Caesares vocati sunt. Imperatores enim consueverant ex Filiis, vel Nepotibus, vel aliis sanguine junctis, unum atque alterum, quorum præclaram indolem conspexerant, creare, ad quos Imperium transferri volebant. Præsidebant Trojanis ludis ab Ascanio inventis, qui in Circo celebrabantur a pueris majoribus, & minoribus, turmatim congregientibus. Virgilius Æn. lib. V.

Hunc morem cursus, atque hæc certamina primus Ascanius, longam muris cum cingeret Albam, Rettulit, Et priscos docuit celebrare Latinos. Quos puer ipse modo secum post Troia pubes Albani docuere suos, hinc maxima porro Accepit Roma, Et patrium seroavit honorem: Troia nunc pueri, Trojanum dicitur agmen.

DIÆI. Inversa littera F. notum exhibet digamma æolicum, ab ipso Claudio Imp. inventum pro V. consonanti, teste Svetonio: *novas etiam commentus est litteras tres: confirmat Tacitus; novas litterarum formas addidit, vulgavitque; & Quintilianus: nec inutiliter Claudius æolicam illam Æ ad hos usus litterarum adjecerat. Hanc tamen, ait Lipsius (in Not. ad Svet.) non Claudius solus inter litteras habendam censuit, sed & Varro, si Annæo Cornuto credimus. ÆIA. CLAVDIA. ÆALERIA. pro Via Claudia Valeria legitur in milliaro Lapide apud Fabrettum pag. 475. TERMINAÆIT. AMPLIAÆIT, pro Terminavit, Ampliavit, apud laudatum Lipsium.*

CAISARI. Ai pro Ae. Id scimus Antiquos scripsisse Ai, quod nos per Ae afferimus; quod tamen Constantini ætate jam obsoleverat.

Lapis hic noster exstabat olim *Via lata vulgo il Corso*, ante ædes Alexandri Columnæ, in area, quæ nunc dicitur *Piazza di Sciarra*.

NERONI CAESARI

GERMANICI . CAESARIS . F
 TI . CAESARIS . AVGVSTI . N
 DIVI . AVGVSTI . PRO . N
 FLAMINI . AVGVSTALI
 SODALI . AVGVSTALI
 SODALI . TITIO . FRATRI . ARVALI
 FETIALI . QVESTORI
 EX . S . C .

Non ad Neronem tyrannum, sed ad Neronem Germanici, & Agrippinae majoris Filium, minorisque Agrippinae, Drusillae, Livillae, Drusi, & C. Caesaris germanum fratrem pertinet Inscriptio, perpetuum depravationis, levitatisque Senatus testimonium: Senatus inquam, qui inertissimo Principi nobilissima excitare monumenta non erubuit. Hunc, re ipsa, Tiberio criminante, cum Druso fratre, iidem Patres conscripti, & hostem judicavere, & in Insulam Pontiam deportari jusserunt: ibi tandem, fame consumptus miserè periit. Ejusdem Neronis mentionem facit alter Lapis in Hispania repertus, nempe Uclerii, inquit Gruterus, ab Augustalibus VI viris positus:

NERONI . CAESARI
 GERMANICI . F
 TI . AVGVSTI . N . DIVI . AVG . PRON
 FLAMINI . AVGVSTALI
 SODALI . AVGVSTALI

Urnam quoque cinerariam istius Neronis vidit olim Mazzochius in Area Capitolina sub porticu Domus Conservatorum cum hac Epigraphe:

OSSA
 NERONIS . CAESARIS
 GERMANICI . CAESARIS . F
 DIVI . AVG . PRON . FLAMINI
 AVGVSTALIS . QVAESTORIS

Neronianum tandem ex aere Numisma exhibent Aeneas Vicus, & Petrus Bellorius in XII. prior. *Caes. num.*

PRO . N . *Proneposi* . Lineam hanc penitus omisit Muratorius.

FLAMINI . AVGVSTALI . Flamen a capite velato, inquit Varro de L. L., & quod filo lanae praecinctum caput haberet. Flamini huic Augustali sacerdotes Augustales subiecti erant. Flamines, non Romulus, quod scripsit Plutarcus, sed Numa instituit; is, ne sacra tempore belli defererentur, Flaminem Jovi assiduam Sacerdotem creavit. Fuere deinceps Flamines majores, & Flamines minores; at ceteris omnibus, tum auctoritate, tum insignibus longe Dialis praestitit. Porro a Julio Caesare consuetudo ita invaluerat, ut omnibus pene Augustis, quibus ob merita in Remp. divini honores decernebantur, simul Flamines cum Sodalibus constituerentur. Tacitus *Ann. 14.* Sodales cum Flamine, a Tiberio, Augusto consecratos scribit.

SODALI . AVGVSTALI . Cum nemo, uti opinor, Flaminis dignitatem obtineret, nisi in Collegium Sodalium adscriptus, supervacaneum hic erat Neronis sodalitatem indicare. Ceterum sodalitates extitisse ante V. C., & signanter sodalitatem Pani, seu Fauno in Palatino, a Latinis priscis sacram, probavit in suo veteri *Lazio* profano cl. S. R. E. Card. Corradinus. Sodales tamen Augustales a Tiberio in honorem D. Augusti excogitados, superius Taciti verbis, diximus. Hujus vocabuli etymon colligitur ex Festo: *Sodales dicti sunt, quod unaederent, Es essent; vel quod ex suo dapibus vesci soliti essent, vel quia inter se in-*
vi-

vicem suaderent, quod utile esset; & ex Cajo J.C. Sodales, qui ejusdem Collegii sunt.

SODALI. TITIO. Collegii *Titialium*, seu *Titienſum* origo incerta est. Tacitus enim, qui duobus in locis eorum meminit, non uno modo de iisdem loquitur. A *Titii* avibus (italice *Colombi ſeloatici*) dictos tradit Varro lib. 4. Aſt a *Tito Titio* Sabinorum Rege, quemadmodum *Titienſis* tribus, ita appellatos eſſe autumant nonnulli - De Sodalibus Titiiſ perperam ſcripſere Pomponius Lætus, & Onuphrius Panvinius, cum Titiales extra Urbem habitaffe, & in tuguriis ſervaffe auguria opinarentur. Nero enim ipſe, de quo hic ſermo eſt, certiffime inter Urbis mœnia commorabatur. Præter Lucanum, qui Titios ſodales nominat lib. 1. uti vidimus

Septemvirque epulis, Titique ſodales.

antiquæ ſuperſunt inſcriptiones, a laudato Panvinio exſcriptæ.

P. CORNELIO
DOLABELLAE
COS
VII. VIRO. EPVLONVM
SODALI. TITIENSI

item

M. F. CL. PRISCO
SACERDOTI. TITIALI
PR. INTER. CIVIS. sic ET
PEREGRINOS. TR. PL
QVAESTORI. PROC
AVG. XX. HERED

FRATRI. ARVALI. De Fratibus Arvalibus jam ſatis num. 69.

FETIALI. Sic frequenter in antiquis marmoribus pro *Feciali*. Fidei publicæ inter Popu-

los Feciales præerant; nam per hos fiebat, ut juſtum conciperetur fœdus, & ut fœdere fides pacis conſtitueretur, inquit Lætus. Eos, bellum Fidenatibus indiſturus Numa, creavit. Formam vero feriendi per Fecialem fœderis, latiffime retulit ex Livio L. Fenefſtella, ſeu potius ſub Fenefſellæ nomine (licet id neget Simon Leeuius de Orig. J. C. p. 45.) perſonatus Dominicus Floccus.

QVAESTORI. A verbo QVAERO *Quæſtores* initio dicti, & a ſervanda publica pecunia; capitalibus rebus præſidebant; Cives Romanos capite punire his licebat; Provincias fortiebantur: primum Patrii, & Plebei indiſtincte creati. Romulo & Numa regnantibus Quæſtores non fuerunt, ſed ſub Tullo Hoſtilio extitiſſe aſſerunt Hiſtorici. Origo Quæſtoris creandi, teſte Ulpiano, antiquiſſima eſt, & pene ante omnes Magiſtratus. Apud Livium tamen non eſt Quæſtorum mentio ante conſulatum T. Quintii Capitolini, & Agrippæ Furii anno V.C. 309. Poſt, lege Syllæ, viginti creabantur Quæſtores, ſupplendo Senatui, cui judicia tradiderat. Et licet ad Equites judicia rediſſent; Quæſtura tamen gratuito concedebatur; donec, ſententia Dolabellæ venumdaretur. In plures ordines diviſi erant, diverſoque fungebantur officio: hinc Quæſtores Urbani, Provinciales &c. Confer, ſi placet, Nicolaum Grucchium, Sigonium, Cellarium, & Jo. Kaal in *Lexic. Jurid.*

Hæc igitur Sacerdotia, & Magiſtratus Neroni, Germanici F. credita fuere ex S. C. uti patet ex hac Capitolini muſei inſcriptione, quam in uberrimis Mazzochii, Reineſii, Gruteri, Fabretti, Donii, Gudii, Gortiique collectionibus non reperi. Eam profeſſo Lipſius, & Muratorius retulerunt; at in Muratoriana, quarta, ut dixi, deſideratur linea; in Lipſiana, ſeptima, oſtava, & nona, atque in tertia, *Cæſaris* titulus.

75.

·R. MANICO CAESARI·CAESARIS . F . DIVI . AUCVSTI :
C . IVLIVS CHIMARVS . IDEM · STATVAS ET AEDICVLAM
FFECIT . SEDES . MARMOREAS . POSVIT H

R. MANICO . Germanico Caesari T. Caesaris Filio , Divi Augusti Nepoti ; C. Julius Chimarus , in honorem Germanici Caesaris Statuas , & Aediculam (de Aediculis vide si lubet inferius) Refecit .

SEDES MARMOREAS . Pilas scilicet ad sedendum , sive Sedilia circulatim , juxta Aediculam posuit . Hinc Virgilius Aen. lib. 1.

*Fronte sub adversa scopulis pendentibus antrum ;
Intus aquae dulces vivoque sedilia saxo*

Nympharum domus .

ita Plin. ep. 1. 7. *Locis pluribus disposita sedilia e marmore* : at ubi haec posuerit C. Julius , ignoramus . Locum enim , quo reperta est Inscriptio (quae ex Museo Albano in Capitolinum adportata est) nemo ex antiquorum lapidum Collectoribus indicavit .

H. Solitariam hanc siglam extralinearem (quae alias *Herodem* indicat) hic quomodo interpret , non video .

76.

SVAVI . AGRIPPINAE
GERMANICI . CAISAR . F
DISP
VGRAMMVS . ET RVSTICVS
ARCARI . B . M . F

SVAVI . Agrippinae Liberti , aut Servi nomen , vel cognomen .

AGRIPPINA . Julia Agrippina (de qua alias) Agrippinae majoris , & Germanici filia ; desponsata prius Passieno Crispo , inde Cn. Domitio Aenobarbo Neronis Patri , tandem Tiberio Claudio Imperatori . Haec optimi Parentis pessima filia , in Caii fratris foedissimo contubernio vixit . In exilium acta , cum rediisset , patruo suo Claudio , post Messalinae necem incestis nuptiis conjuncta , parto , tot parricidiis , Neroni filio , Romanoque carnifici , Imperio , crudeli morte periit ; eo tantum memoranda , quod in oppidum Ubiorum , ubi edita fuerat , Veteranorum Coloniam deduci curaverit , quae hodie quoque ejus nomen servat : *Colonia Agrippina* .

DISP. *Dispensatori* . Apud Grecos οἰκονόμος ,

apud Latinos *Oeconomus* : Italice *Maestro di Casa* , cujus olim munus fuit aë , sive nummos expendere , non numerare , inquit Vulpianus in *Tab. Ant.* ex Matthæo Radero ad *Mart. not.* Expendendo nomen hausit . At juxta T. Poppam , aliosque Etimologos scriptores , Servi erant , familiae rationes dispensabant , & peculii administrationem habebant . Hinc Epigrammaticus Vates lib. v.

Dispensatorem fallax spoliabit amica .


Cicero apud Nonnium : *quid tu , inquam , solus , cum rationem a Dispensatore accipis , si ara singula probasti , summam quae ex his confecta sit , non probare ?* tandem Juvenalis Sat. 1.

*Prae la quanta illic Dispensatore videbis
Armigero ?*

Troantis Augusti Dispensatoris tesseram , quam multopere depravatam retulit Muratorius

p. 1015. ex Archetypo excerptam dedit diligentissimus Odericus in *Sylog. vet. Inscript.*

p. 230. Eam æque diligenter delineatam heic accipe.



VGRAMMVS. Forte *Eugrammus*, ut in duobus Saxis a Jacobo Mazzochio in *Epigr. ant. Urbis* exscriptis.

ARCARI. *Arcarii*. Ab arca denominantur ii, qui non tantum vestimenta ad balnea gerebant, verum etiam qui reliqua omnia vestimentorum genera adservabant. Apud Scævola tamen, *Arcarius* Servus est, cui Arcæ, in qua Domini pecunia condita, procuratio committitur. *Stichus*, inquit, *Arcarius*, probante Domino nomina fecit, & rationes a Domino scriptas exhibet. Arcariorum meminit Lapis alter Capitolinus, quem videbis cap. v. Mazzochius p. 114.

DIIS MANIBVS SACRVM
D. FABIO. D. F. CLA. ARCARIO VIX. ANN. XIII
MEN. IIX. D. XXVII. H. VI
FABIA FVSCA FILIO PISSIMO

In Museo Kircheriano Collegii Romani hanc anno 1773. urnulam exscripti :

D. M
HERMEROTI
ARCARIO
VIX. ANN. XXXIV

De Rerumpublicarum Arcariis, quos nos *thesaurarios* appellamus, extat Inscriptio a Francisco Ficoronio in agro Labicano reperta, atque in *Mem. di Labico* relata p. 50.

D. M
PARTHENIO. ARCARIO
REI. PVBLICAE
LAVICANORVM
QVINTANENSIVM

..VAE.

.:VAE . DRVSILLAE
SACRVM

::VBELLIVS.C.F.BLANDVS
DIVI.AVG.TR.PL.PR.COS
:: O.COS PONTIF

..VAE. *Diva Drusilla sacrum Rubellius Blandus Cui filius Legatus Divi Augusti, Tribunus plebis, Proconsul, Consul, Pontifex. Lapis inventus est Tibure anno 1727. in pavimento Ecclesiae S.Silvestri.*



DRVSILLAE. Drusillam, Germanici, & Agrippinae majoris filiam, a fratre Cajo Caligula in domo Antoniae aviae vitiatam, Tiberius L. Cassio Longino consulari in matrimonium collocavit. Sed Cajus eam adeo adamavit, ut in modum uxoris propalam haberet, & heredem Imperii ager institueret. Eadem defuncta iustitium indixit, in quo risisse, lavisse, cenasse cum parentibus, aut conjugē, liberisque, capitale fuit. Imò mœroris impatiens, cum repente noctuque profugisset ab urbe, transcurissetque Campaniam, Syracusas petiit. Rursusque inde properè rediit, barba, capilloque promisso. Nec unquam postea quantiscumque de rebus, nec pro concione quidem populi, aut apud milites, nisi per numen Drusillae dejeravit. Urbes per omnes divinis eam coli honoribus iussit, Livioque Germinio juranti se eam vidisse in cœlum ascendentem, decies sestertium donavit; hæc ex Svetonio, & Dione, a quibus etiam narratur eam habitu Veneris cognomine *Panthææ* consecratam. Qua propter in eadem sum Lipsii sententia, qui veterem hanc Inscriptionem

VENERI. CAELESTI. AVGVSTAE
SACR
MVMMIA . C. F. DORCAS
S. P. F. C

Drusillæ referendam censuit. Incestuosa huius foemina Numisma publici juris fecit Martinus ab Ebermayer

Plumbeum item nummum edidit Car. Patinus, in quo Drusilla cum Sororibus Agrippina, atque Julia, habitu Concordiae representatur.



Ejusdem imago, in averfa parte Cui nummorum, non semel apparet cum græca epigraphæ ΘΕΑ ΔΡΟΥΣΙΑΔΑ. Sed & alterum Inscriptionis fragmentum inveni Augustæ Taurinorum, ex quo, ut in isto, Drusillam *Diva* titulum obtinuisse dignoscitur.

..A. M. F. SECUNDI. ASPRI
.:INICA (Flaminica) DIVAE . DRVSILLAE
.:VM(Balneum)ET.PISCINAM.SOLO.SVO
.:CIPIBVS (Municipibus) SVIS . DEDIT

..VBELLIVS. *Rubellius*, Rubellium Blandum, omisso prænordine laudat Tacitus, his verbis: *solus Lepido Rubellius Blandus e consularibus adfensit*. Vir igitur consularis fuit, Tribunus plebis, Pontifex, Triumvir monetalis, atque proconsul, uti patet ex hoc Lapide, quo suppletur Historicorum de Rubellii Proconsulatu silentium. Consulatum quoque gessisse colligeretur ex hoc Marmore; nam post notas PRO . COS. denuo legitur COS., sed littera O. quæ præcedit, adeo tenebras affert,

fert, ut nihil certi affirmari possit. An mendosa Proconsulatus repetitio, nempe *prO*. COS. ? videant eruditi. Divi Augusti Legatum Rubellium facit Ant. Lupus in *Epitaph*. S. Severæ, sic

R (:: VBELLIVS. C. F. BLANDVS
Legatus (DIVI. AVG.

In saxo, forsitan ætate sua minus effracto, Siglas aliquas Rubellii legationem indicantes viderat. Nummum subijcio, quem ad Rubellium istius Inscriptionis auctorem pertinere, contra Morellium censeo, a quo, nescio quare *Rubellio Plauto* tribuatur, cum plane in eo, ac perspicue legatur C. *Rubellius Blandus*, & circum incudis typum, *Auro*, *Argento*, *Aere*, *Flando*, *Feriendo*.



Nummum hunc exhibent tum Morellius, tum Patinus in *Eam. Rom.* De Rubellia gente, quæ origine Tiburtina fuit, satis dixere, præter laudatos familiarum Romanarum scriptores,

C. Julius	—	Julia mi-	—	Attia	—	Antonia	—	Livilla	—	Julia	—	Rubellius
Cæsar		nor,		C. Octavii		Neronis		Drusi Cæ-		C. Rubellii		Plautus de
		Balbi uxor		uxor		Drusi Ti-		faris Tibe-		Blandi		quo Juven.
						berii fratris		rii filii,		uxor		
						uxor		uxor				

— C. Julius Cæsar Dictator
perpetuus, & Imp.

Scio a plerisque legi *Plaute*, pro *Blande*, laudarique C. Tac., qui scribit: *destinavisse Rubellium Plautum*; At primo Juvenalis, Rubellium suum aperte *Blandum* appellat. Secundo si Taciti auctoritas magni facienda est in Hist. l. 14. ubi Rubellium *Plautum* vocat, quare minime attendenda, ubi eundem, *Blandum* nomi-

Rocchus Vulpus, & Antonius Regius; eamque nobilissimam, atque Neronis affinitate conspicuam testatur ipse Juvenalis, licet in Rubellium Blandum asperere atque vehementer invehatur.

..... tecum est mi sermo Rubelli
Blande: tumes alto Drusorum sanguine, tanquam
Feceris ipse aliquid, propter quod nobilis esses,
Vt te conciperet, quæ sanguine fulget Iuli,
Non quæ ventosa conducta sub aere texit.

Gallus quidam anonymus, postremum verum quem incuriose legerat, sic gallice vertit, seu potius vitiavit. *Tu es*, inquit, *enfin des hautes qualitez de Drusus*, comme si tu avois fait quelque chose pour la quelle tu fusses noble, ou sorti de cette Dame que le sang de Jule rend illustre, au lieu que tu es né d'une Femme qui gaignoit sa vie sur le rempart de Tarquin a faire de la toile. Gratulor interpreti huic, quod ei, locus ipse, ubi Satyrici imaginaria Textrix telas conficiebat, innotesceret. Interea Genealogiam a Cammillo Silvestrio Rhodiginio ordinatam accipiat, qua præclarissimum Rubelliorum genus delucide explicatur; nisi quod eruditissimus Auctor, ubi Juliam minorem nominat, Seniores scribere debuerat.

nat? Ut ut res sit, gens ista Villam habuit in agro Tiburtino, quam eo stetit monte, qui dicitur *Monte di Ripoli*, asserunt nonnulli. Ibi certe veterum Ædificiorum ruinæ, ferme ad ipsam usque Urbem, Tibur progredientibus occurrunt. Vide Antonium Regium, sive *del Re Hist. di Tivoli*.

78.

NERONE . CLAVDIO . CAESARE

AVG. GERMANICO. II

L. CALPVRNIO . PISONE

C. POPILIVS . PRIMIO

VNGENTARIVS . FECIT

COS

Legatur

NERONE . CLAVDIO . CAESARE . AVG. GERMANICO . II

L. CALPVRNIO PISONE

COS

NERONIS Consulatus II. incidit, juxta Almelovenium, & Petavium, in annum V.C. 809. Panvinus tamen Taciti auctoritate ductus, Consulatum Neronis secundum A. 810. rectius ponit; Christi vero 58. Petavius insuper, Pisonem hunc cum Nerone consulem, C. prænominat, non L., ideoque, Lucium confundit cum Cajo illo Calpurnio Pisone, qui conjuratione in Nerone facta, interfectus est. Ceterum, Neronis cum Pisone consulatus semestris tantum fuit: iisque suffecti Ducennius Geminus, Pompejus Paullinus.

VNGENTARIVS. Lis inter Grammaticos, quorum aliqui *Ungentum*, & *Ungentarium* scribunt; alii *Unguentum*, & *Unguentarium*. Auctoritates pro utraque scriptura refert Dausquius: in vetustis Lapidibus profecto sapientius *Ungentarius*, & ab *Ungentis* legimus, uti notavit Fabrettus *Cap. I II. p. 219*. qui septem hoc pacto inscripta Saxa vulgavit, quibus octavum hoc nostrum addatur. Manutius tamen, Lapidum auctoritate posthabita, *Unguentarium* recipit, *Ungentarium* expellit. *Ungentarii* iidem quibusdam sunt ac *Unctores*: mihi vero *Unctores*, qui corpora ungebant; *Ungentarii*, qui unguenta conficiebant, vendebantque, quorum ars *Unguentaria* dicebatur, uti innuit Plautus in *Poen. Act. I II*.

— faciam ubi tu laveris
Ibi ut Balneator faciat unguentariam.

At pro *Ungentis* non illæ intelliguntur compositiones tenaces, quibus curantur vulnera, sed diversorum odororum commistio, addito oleo, ad ungenda corpora, deliciarum atque mollietiei causa inventa. Porro officinas in qui-

bus *Unguenta* conficerentur, necessarias fuisse perspicuum est, attento potissimum Romanorum immodico unguentorum usu in Balneis, ubi *Cella unguentaria* (de qua Sidonius Apollinaris *lib. II. ep. 2.*) in Conviviis, in Funeribus, in Ludis. Balsamum, & Crocum in honorem Trajani per theatri gradus fluere jussisse Hadrianum, e Spartiano discimus. Frustra enim Licinius Crassus, & Julius Cæsar exemplo Lacedæmoniorum, qui *Unguentarios* urbe exegere, ne quis unguenta exotica venderet, poenis inhibuerant. Fæminas ipsas *Unguentariam* exercuisse constat ex Plinio qui H. N. *lib. XI I.* de quadam *Unguentaria*, a Juba adamata, mentionem facit. Hinc *Vicus unguentarius*; ubi extiterit incertum. Ex his enim Horatii carminibus *Sat. lib. 2.*

— pomarius, auceps
*Unguentarius, ac Tusci turba impia vici,
Cum scarris fartor, cum Velabro omne macellum,
Mane domum veniet.*

vicum Tuscum habitasse *Unguentarios* conjicitur, immo circa Velabrum, ubi cuncti simul, inquit ad hunc Vatis locum Ludov. Desprez, *cupediarii, ac deliciarum artifices, & ministri*. At Sextus Rufus in Urbis Regionum descriptione, Vicum istum *Unguentarium* aperte collocat in Regione V. hoc est Exquilina. Bu- lengerus de Conv. *lib. I II.* ad illud Plauti:

Non omnes possunt olere unguenta exotica

unguenta a Persis reperta asserit: verumtamen ea in usu fuisse apud Hebræos, ipsa remotissima Aaronis ætate, constat ex his Psalmi 132. *versiculis: Sicut unguentum in capite, quod descendit in barbam, barbam Aaron: Quod Un-*

Un-

descendit in oram vestimenti ejus, sicut ros Hermon, qui descendit in montem Sion. Unguentorum innumera fere genera, quæ adhibebant Antiqui, recensent Athenæus Deipnosoph.

lib. xv. & Plinius *loc. cit.* Ex recentioribus vero, confer Josephum Lanzonum *de Unguentis* apud Sallengrium *Tom. I. I.* atque eruditissimos Academicos Herculaneses.

79.

IVNDC.:
::O. ADSVERV
::CIVS TAVRVS.:
COS. III. IDVS.:
::O. SER. GALBAE. IM.:
::O. COLLEG. F
::PLIONE

ADSVERV. *Adfuerunt*, uti superius Cap. I. Num. 69.

::CIVS TAVRVS COS. Nemo ex Consulibus, quorum cognomen *Taurus*, nomen habuit definens in CIVS. Porro Galba eodem anno nempe C. 68. quo occupavit Imperium, ad lacum Curtii interfectus est; regnavitque septem vix menses. Agitur hic ergo de Consulibus ann. C. 68. Petavius hujus anni consularem dignitatem tradit C. *Silio Italico*, & M. *Celerio Præbato Turpiliano*. Falsi Græci, liber Cuspiniani, & Damasus in vita S. Lini, nominant L. *Fontejum Capitonem*, & C. *Julium Rufum*. Almelovenius, & sequens Musei Capitol. marmor, C. *Bellicum Natalem*, & P. *Cornelium Scipionem Asiaticum*. Ille tamen Lapis hujus anni Consulem dicit quemdam ::CIVM TAVRVM: at imperante Galba consulem co-

gnomine TAVRVM nullibi legimus. Esto quod perperam Quadratarius ::CIVS posuerit pro ::LIVS, h. e. STATILIVS, difficultas tamen non solvitur; nam T. *Statilius, Taurus* consulatum gessit ann. V.C. 717. alter T. *Statilius Taurus* ann. 764. T. *Statilius Sisenna Taurus* Ann. 769. Titius *Statilius Taurus* 728. alter 797. Opinor igitur nostrum hunc ::CIVM (puta *Castriciam*, seu *Bellicium, Sulpicium &c.*) *Taurum*, istius Musei Capitol. fragmenti testimonio, Consularibus factis, attento Scriptorum silentio, quorum authoritati Marmorum fidem antepono, restituendum. Forte *Taurus* ille, inito vix Consulatu periit, ideoque nullus de eo penes Historicos sermo. Reliqua exesi turpiter Marmoris verba, mutila nimis ad nos pervenere, ut ea recte enucleare quis possit. Fragmentum tamen inter votiva mihi collocandum videtur.

80.

HORRIORVM
:ER. GALBAE. IMP. AVGVSTI
C. BELLICO. NATALE
P. CORNELIO. SCIPIONE. ASIATICO
CoS

HORRIORVM. *Horreorum*. Supplementum necessario est, GENIO, vel FORTVNAE, hoc est *Genio*, sive *Fortuna Horreorum Galbae*. Fuerunt & Horrea Galbiana ab hor-

reis Galbae longe diversa: hæc enim ab Imperatore Servio Galba ædificata; illa a quodam Galbione, quem Valentinianus, teste D. Prospero, contra Bonifacium Africæ tyrannum mi-

misit. Ad istius horrea spectare autumant quidam sequens Inscriptio, quam in vinea Marcelli Capizucchi effossam tradunt Fulvius, atque Marlianus.

NVM. DOM. AVG
SACRVM
FORTVNAE. CONSER
VATRICI HORREOR
GALBIANORVM
M. LORINVS FORTVNA
TVS MAGISTER
S. P. D. D.

Sic in alia, in eadem pariter vinea reperta, idem Larius Aram GENIO CONSERVATORI HORREORVM GALBIANORVM dedicavit.

Alii vero non ad Galbionem (nam *Galbionorum* tunc inscribi debuerat) sed ad aliquem ignotum Virum *Galbianum* nomine pertinere contendunt. Quidquid sit de his, Marmor certe, de quo verba facimus, non *Galbionis*, neque *Galbiani*, sed Imp. Servii Galbae Horrea manifestè commemorat, in quibus frumenta populo per tesseram frumentariam distribuenda condebantur. Aedificium (quod Antiquarii Regioni XIII. assignant) quadrato Lapide constructum asserit Bulengerus *de I. R. lib. VI. cap. V.* ubi de Horreis vinariis, oleariis, frumentariis, de Horreorum etymologia, & usu, deque Horreorum Curatoribus pliusquam satis. Adi etiam Jo. Savaronem *in not. ad Sidonii Apollinaris lib. I. epist. 6.*

C. BELLICO. Nempe C. Bellico (uti constanter in Lapidibus ad eundem spectantibus, non vero *Bellicio*) Natale Tebaniano. Perturbatissimam jampridem Consulium seriem, magis ac magis, tot inter se pugnantibus sententiis, perturbarunt ipsi Fastorum Consularium collectores. Marmor hoc nostrum manifestè Consulatum laudat C. Bellici Natalis, & P. Cornelii Scipionis Asiatici,

quos falso Auctores illi suffectos dicunt mense Septembri ejusdem anni quo Galba interfectus est: falso inquam, nam ex hac Inscriptione, aliisque liquet Bellicum, & Scipionem Consules fuisse adhuc superstite Galba, ut *Augusti*, atque *Imperatoris* tituli quibus nominatur, satis probant. Altera insuper extat apud Panvinium inscriptio, in qua Bellicus, & Scipio, regnante Galba Consules dicuntur.

IMAGINVM. DOMVS. AVG
CVLTORIBVS. SIGNVM. LIBERTATIS
RESTITVTAE. SER. GAIBAE
IMPERATORIS. AVG. CVRATORES
ANNI. SECVNDI
C. TVRRANIVS. POLYBIVS
L. CALPVRNIVS. ZENA
C. MVRDIVS. LALVS
C. TVRRANNIVS. FLORVS
C. MVRDIVS. DEMOSTHENES
DEDIC. IDIBVS. OCTOB
C. BELLICO. NATALE COS
P. CORNELIO. SCIPIONE. ASIATICO

ex his patet Consules istos suffectos potius eodem anno quo Galba imperium occupavit; nam anno sequenti idibus Octobris Servium Galbam (qui regnavit tantum menses septem, totidemque dies; a die scilicet 17. Junii A. C. 68. vel 69., ad diem 23. Januarii A. C. 69. vel 70.) jam vita functum unanimiter docent Historici. Emendandus (quoniam occurrit sermo) Dionysius Petavius, qui Servium Galbam, *Cajum* prænominavit. Id adversus Petavium notavit Norisius in *Epist. Consul. p. 45.* In novissima tamen *Rationarii Temporum* editione Veneta 1758. recte habetur *Ser. Sulpitius Galba*. Corrigendus est potius, doctissimus licet, Petavius, quod (posthumi Consulatus inventor) eundem Galbam in Fastorum suorum tabulis Consulem dixerit A. C. 69. quem in chronologica Augustorum serie obisse tradit A. C. 68. Muratorius hunc Lapidem, sed hoc pacto, pro arbitrio, divisum refert p. cccviii.

C. BELLICO NATALE	COS	HORRIORVM
P. CORNELIO SCIPIONE ASIATICO		SER. GALBAE. IMP. AVGVSTI

81.

IVLIO RVFO COS
 ::VSPRISCVS IIIIVIRI . D
 RVFVS
 ::VALERIO ... ACHALO CoS
 ::IVS . TIRO QVINQ
 PAVLVS
 ::ALBA. II TIVNIO CoS
 ::NIVS . VERVS IIIIVIRI.D
 ::RVILVS IIIIVIR.P.L.P
 ::ALVS NIGER IIIIVIR.P.L.P
 ::II TITTO FILIO CoS
 ::IVS MACRO IIIIVIR.P.L.P
 ::IVS IONGVS
 ::SMARCELLVS IIIIVIR.P.L.P
 ::ARITIMVS
 ::NO III MCOCCEJONERVA CoS

CAVIDIVSOCTA::
 MCLODIVS::
 IMPVESPASIANO::
 KAPRCAVARIVS::
 AVIDIVS IVS::
 DOMITIANO II CA::
 KAPR. TITVSETDOM::
 CN.MVMMEIVS::
 MBARRONIVS::
 IMP. VESPASIANO::
 KAPRC. TITEDIV::
 PCORNELIVS::
 IMPVESPASIANO::
 C. VIBIVS . TIR::
 C. SAFINIVS . CF

Marmoreum hoc insigne amplioris Tabulae fragmentum, in agro Casinati effossum, sedente Innocentio PP.XII., dono dedit doctissimo Præsuli Johanni Ciampinio eruditissimus Erasmus Gattola: distractum, post Ciampinii obitum, Franc.Blanchinius redemit, posuitque in Museo Albano, ex quo in Capitolinum (nobilissimam inscriptorum Marmorum huc illuc distractorum peregrinationis metam, constantisque quietis portum) Clemens PP.XII. transferri curavit. Partem continet Fastorum municipalium per annos singulos ordinariis Consulibus distinctos, ac nomina enunciat *Quatuorvirum* Juridicundo, & *Quinquennalium*, sub Imp. Nerone, Galba, Othone, Vitellio, ac Vespasiano, in eodem oppido, seu Colonia magistratu functorum. Nomina, & cognomina, licet fœde corrupta, ad vindicandas ævi, adversos tot illustres viros in Marmore laudatos, injurias, Historiæ, aliorumque Lapidum subsidio, restituere conabor.

IVLIO RVFO. Quanta Marmoris pars desideretur, ex hac prima linea conjicitur: nimirum spatium saltem quo L.Ponticii Capitonis nomen comprehendebatur. C. Julius Rufus consulatum gessit anno æræ Christia-

næ LXVII. vel LXVIII. cum L. Fontejo Capitone: his Consulibus passos esse DD.PETRVM & PAVLVM autumant, immo pro certo habent nonnulli Viri doctissimi. Sed circa annum & diem Apostolorum martyrii, & Consulum nomina, & cognomina adeo discrepatur inter Auctores, ut de his differere inane mihi videatur. Annales enim Pontificatus D. Petri, horumque auctoritate fultus Franciscus Pagius, Apostolorum eadem statuunt anno Æræ Christianæ LXV. Panvinus LXVII. h. e. V. C. 820. Ciacconius, Binius, Labbæus, & Blanchinius LXVIII. Baronius LXIX. Eusebius in Chronico, anno Neronis imperii XIV. Cassiodorus, post Neronis mortem. Insuper aliqui necatos asserunt Capitonem, & Rufo, alii vero Coccejo Nerva, & Attico Vestino Coss. Itaque nil certi affirmari posse, nihilque mihi (attentis tot clarissimorum Virorum disceptationibus) pronuntiandum, Lectoribus perspicue liquet. Certum est tantum PETRVM & PAVLVM martyrii palmam esse consequutos imperante Nerone, ideoque longe aberrasse Cassiodorum qui eos, uti notavimus, post Neronis suicidium interfectos tradit. Quoad Capitonis prænomen non constat ex antiquis Monumentis, an *Lucii* potius quam *Marcii* sit retinendum. Ligorius

fane hanc refert Inſcriptionem, in qua Fonte-
jus ille Capito *Marcus* prænominatur ..

DD. XVIII. KAL. MAII
M. FONTEIO CAPITONE
ET C. IVLIO RVFO

at quam Ligoriana fides in veteribus Lapi-
dibus exſcribendis male apud Antiquarios oleat,
omnes norunt.

::VS PRISCVS. *Prifcorum* cognomina in
VS deſinentia plura in Conſularibus faſtis re-
periuntur; ſcilicet P. Servilius Priſcus, Q. Ser-
vilius Priſcus, T. Numicius Priſcus, Neratius
Priſcus, Cornelius, & Q. Cornelius Priſcus:
nemo ex his tamen noſtri Lapidis ætate vixit,
quod conſtat ex ipſis Faſtorum tabulis, præter
C. Cornelium Priſcum, qui Conſulatum exer-
cuit A. C. LXXVIII, quique facile hoc anno
Chriſti 68. vel 69. *Quatuorviri iuridicundo* di-
gnitatem obtinuerat.

RVFVS. T. Virginius Rufus, uti opinor,
qui deinceps A. C. 83. conſul fuit cum L. Mem-
mio Regulo.

VALERIO ::ACHALO. M. Valerio
Trachalo Turpiliano, quem in Faſtis Conſu-
lem habemus cum C. Silio Italico A. C. 68. Per-
peram Petavii M. CELERIVS pro M. VA-
LERIVS. Tacitus, quem ſequuti ſunt Panvi-
nius, Baronius, atque Norſius, hunc GA-
LERIVM nominat; idque recte, eo magis
quod Trachalum Galerix Fundanæ Vitellii
uxoris affinem dicunt Hiſtoriographi. Cete-
rum ambos egregios fuiſſe viros conſtat: Si-
lium enim ab *Italica* Pelignorum metropoli,
vel ab *Italica* Hispaniæ urbe *Italicum* dictum,
inter latinos Poetas recensent Gyraldus, &
Crinitus. Opus non vulgari carmine compo-
ſuit libris XVII. de bello Panico II. qui diu latue-
re, at tandem eruti in Germaniæ comitiis, Do-
mitii Calderini ætate, ex antiqua Turri fue-
runt, uti tradunt Gyraldus, & Raderus. De
hoc poemate, Martialis, in Silii laudes omni-
no proclivis, hæc *lib. IV. epigr. 14.*

*Silii Caſtaliidum decus ſororum
Qui periuria barbari furoris*

*Ingenti premis ore, perfidoſque
Faſtus Hannibalis, leveſque Penos
Magnis cedere cogis Africanis.*

Ter Conſulatum eſt aſſequutus, teſtibus Cal-
derino, Gyraldo, & Panvinio; tertium vi-
delicet ſub Domitiano, cui gratiſſimus fuit. De
tertio Silii conſulatu audi eundem Epigram-
maticum lib. VIII.

*Auguſto pia thura victimaſque
Pro noſtro date Silio Camenæ.
Biſſenos jubet en redire faſces
Noto Conſule, nobilique virga
Vatis Caſtaliæ domum ſonare.
Rerum prima ſalus, & una Ceſar
Gaudenti ſupereſt adhuc quod optet
Felix purpura; tertiusque Conſul.*

Verum, erudiſſimus Raderus tertium Silii
conſulatum valiſſimis quippe argumentis
aperte reſpuit: hunc adi in Notis ad ejuſdem
Libri epigramma LXII. Commendatione di-
gnum recte Silium dixit Plinius lib. I. c. 1. Ep. 7.
quod Virgilii natalem religioſius quam ſuum
celebraret, tantique Vatis monumentum quo-
tannis Neapoli, ut templum, adire ſoleret.
Silii mortem Caninio Ruſo municipi ſuo nar-
rat idem Plinius *loc. cit.* Galerius autem Tra-
chalus clariſſimus Orator, & Juriconſultus
fuit (quod ignoravit Tortorellius in opus. *degli*
Ant. Giureconſulti Romani) uti ferunt H. R.
Anglicani Scriptores. *Ut in conſiliis militiæ* (in-
quit Tacitus Hiſt. lib. I.) *Suetonio Paulino, &*
Mario Celſo, ita in rebus urbanis Galerii Tra-
chali ingenio Othonem uti credebatur; & erant
qui genus ipſum orandi noſcerent, crebro fore uſu
celebre, & ad implendas populi aures, latum,
& ſonans. Huic, quem tamquam militarium
Othonis orationum Auctorem mori jufferat
Vitellius, vitam remque ſervavit Galeria
Fundana, ſecunda Vitellii, uti diximus, Uxor.
Fragmentum ex quo Trachali hujus memoria
emergere videtur, retulit Muratorius p. 306.

:::::I. TRACHALO
:::::PLEBIS. PR. COS
:::::VIR. EPVLONVM
::OS. PROVINC. AFRIC.
:::::RONO. DD

::AL-

ALBA . II . TIVNIO . Servio Sulpitio Galba II. Cos. cum T. Junio. Hujus Galbæ in Consulatu focii cognomen, diu disceptandi inter eruditos argumentum præbuit: Nam quidam T. Vinium, quidam vero T. Junium cognominatum fuisse contendunt. Adi Panvinium in Fastis, & Norisium in Epist. Consul. p. 45. Utramque sententiam Lapidetuentur, & Codices. Pro Junio enim habes priores Taciti, atque Plutarchi editiones, nostrumque non dubiæ fidei Marmor Capitolinum; ita ut adversus Almeloventium scribentem.

T. VINIO.; male T. IVNIO

retorquere pari confidentia possum

T. IVNIO; male T. VINIO

Panvinus Taciti textum hujusmodi refert: *Initium mihi operis Ser. Galba II. T. VINIVS, non IVNIVS; ita enim ex antiquo Lapide emendari, Consules erunt.* At primo Panvinus erravit quod pro *Hist.* lib. I., laudaverit lib. XVII. Annalium, quorum sexdecim tantum extare compertum est. Secundo, verba hæc Tacito tributa non leguntur, ne in hoc quidem (de

Editionibus loquor quæ nunc mihi ad manum sunt; Amstelodamensi scilicet 1631. & Parisina 1699. ex Lipsii recens.) primo *Historiarum* libro. Tertio, esto C. Tacitum VINIVM non IVNIVM in antiquo Lapide legisse, quid tum? lapis pro lapide: sciendum etenim an fides Marmoris a Tacito inspecti præponenda sit nostri testimonio, in quo aperte T. IVNIO non VINIO. Interdum religio mihi non erit antiquissimi nostri Saxi scripturam sequi.

ANIVS VERVS. *Annius Verus*: hujusce nominis & cognominis Consules fuere nonnulli cum Aur. Augurino, L. Vario Ambibulo, & Neratio Prisco ann. C. 121. 126. 179.

RVILVS. *Rullus*. IIII VIR. P. L. P. *Per legem Pompejam*; idest per legem quam de jure Magistratuum tulit Pompejus tertium Cos. cum L. Cæcilio ann. V. C. 700. Confer Paulum Manutium *de legib.* lib. I. & Jo. Calvinum iu *Lexic. Jurid.*

II. TITO FILIO Cos. Vespasiano II. Tito filio consulibus A. C. 70. & sic deinceps

71. IMP. VESPASIANO III. M. COCCEIO NERVA
72. VESPASIANO III. T. FL. VESPASIANO IMP. F. II. i. e. TITO
73. DOMITIANO II. CAESARE. M. VALERIO MESSALINO
74. IMP. VESPASIANO. V. T. FL. VESPASIANO F. III.
75. IMP. VESPASIANO. VI. T. FL. VESPASIANO F. IIII.

Vide Almeloventium & Cuspiniani Anonymum post Syromacedonum Epochas apud Norisium.

SMARCELLVS. Aut *Cornelius Marcellus*, quem in *Galba* nominat Svetonius, aut *Neratius Marcellus* cujus meminit Plinius lib. I. I. ep. 8.

IVS MACRO IVS LONGVS. ARI-
TIMVS idest *Maritimus*; cognominibus istis nomina, & prænomina assignare, divinare est.

CAVIDIVSOCTA. C. *Avidius Octavius*. MCLODIVS, M. *Clodius*, Quatuorviri *jure dicundo*, seu *per legem Pompejam*, ut supra.

KAPRCAVARIVS. *Kal. Aprilis*. C. *Ava-*

rius: ita KAPR. TITVS ET DOM. *Kal. Apr. Titus, & Domitianus*.

CN. NVMMEIVS. Cn. *Mummus Pius*. M. *Barronius*: & KAPRC. TITEDIVS. *Kal. Apr. C. Titedius*, P. *Cornelius*, C. *Vibius Tiro*, C. *Safinius Cui filius*. Hanc Inscriptionem retulit etiam clarissimus Blanchinius in *Comm. ad Anastas.* Tom. 2. sed perperam VINIO pro TIVNIO, & ALVIVS VERVS pro NIVS VERVS. h. e. *Annius*: in prima pariter secundæ columnæ linea male AVILIUS, & lin. 3. AVEDIVS pro AVIDIVS: levia tamen hæc, non equidem in odium tanti Viri, sed ad meam dumtaxat in exscribendis marmoribus diligentiam, Lectori comprobendam, notavi.

IMP.

IMP. CAESAR
 VESPASIANVS . AVG
 PONTIF. MAX. TRIBVNI
 POTEST. VI. IMP. XIII P. P.
 COS. VI. DESIG. VII. CENSOR
 LOCVMVINIAE . PVBLICAE
 OCCVPATVM . A PRIVATIS
 PER . COLLEGIVM PONTIFICVM
 RESTITVIT

VESPASIANVS . T. *Flavius Vespasianus* ,
 Titi imperatoris pater ,

IMP. XIII. h. e. Imperator *decimumquar-*
tum . Ita alibi IMP. CAES. DIVI . F. AV-
 GVSTVS . IMP. XXI. *Imperator Caesar Divi*
Filius Aug. Imperator Vicesimum primum ;
 & in nummis Valentiniani atque Theodosii
 Imp. XXXXII. Imperator quadagesimum se-
 cundum , Notandum obiter , Vespasianum
 vices fuisse Imperatorem ab exercitu accla-
 matum ; Titum vero septies supra decies &c.

P. P. *Pater* , sive *Patres Patriae* . Julio Cæ-
 sari , Patriæ everfori , primo decretum est
Patris Patriæ cognomen . *Plebs* , inquit Sve-
 tonius , *solidam columnam prope xx. pedum lapi-*
dis Numidici , in honorem Julii Cæsaris in *Foro*
statuit ; scripsitque PARENTI PATRIAE .
 Sero hoc Patris Patriæ cognomen delatum
 Augusto idem Auctor narrat . Cum tandem
Patriæ Patrem eum , Senatus , populi-
 que nomine consalutaret in Curia Valerius Messala ,
 hæc aurea sane verba fecit : *Compos fastus vo-*
torum meorum P. C. quid habeo aliud Deos im-
mortales precari , quam ut hunc consensum ve-
strum ad ultimum vitæ finem mihi perferre liceat ?
 Inscriptionem hanc ad ultimos Vespasiani im-
 perii annos pertinere cenfeo , quia in ea ap-
 pellatur P. P. quam appellationem , quemad-
 modum Augustus , laudato Historico testan-
 te , sero recepit -

COS. VI. *Consul sexto* , qui sexties Con-
 sul fuerat .

DESIG. VII. *Consul designatus* ; nimirum
 ad gerendum septima vice Consulatum . De-
 signati vero Consules dicebantur , qui jam
 electi , nondum Magistratum inierant . De-
 signabantur autem ad finem Mensis Julii , &
 initium Augusti , sed Magistratum non sume-
 bant ante Kalendas Januariæ . De primo Ja-
 nuarii die , Ovidius *Fast. l.*

Tamque novi præceunt susces , nova purpura
fulget ,
Et nova conspicium pondera sentit ebur .

CENSOR . Nomen Cenforis , & dignita-
 tem , quæ florente Rep. summæ auctoritatis
 erat ac honoris , Augustus , arrepto Imperio
 abolevit extinxitque , potestatem vero , &
 vim Cenforiam sibi adscivit ; ita ex privatis
 post P. Æmiliū Lepidum , & L. Munatium
 Plancum sub ipso Augusto nemo est amplius
 Cenfor designatus . Cenforum officium erat
 describere facultates cujusque civis , observa-
 re singulorum hominum , etiam eorum , qui
 Senatorii , aut Equestris erant Ordinis , mo-
 res , & vitam ; notare ignominia civem quem-
 cumque , Senatorem loco movere , & Equiti
 adimere Equum , & annulum , si quid in vita
 ejus deprehenderent honestati contrarium ;
 tollere omnia , quæ probitati morum pestem ,
 & perniciem illatura videbantur , unde Ma-
 gistri morum solebant nominari . Si quis et-
 iam , ait Gellius lib. 4. , agrum suum passus fue-
 rat sordescere , eumque indiligenter curabat , ac
 neque araverat , neque purgaverat , sive quis ar-
 borem

borem suam, vineamque habuerat derelictui, non is sine pena fuit, sed erat opus Censorum, Confosque ararium faciebant. Hoc autem officium honoris tantum gratia retinebant Imperatores, eo enim fungi (tot curiis, totque magnis negotiis implicati) quomodo poterant?

VINIAE. *Vinea* sanè legendum: verum in autographo, VINIAE, ut in Muratoriana cl. xix. p. 366. num. 9. *Huic monumento cedit Rosarium cum VINIOLA sola sub fine VINIAE.* Mendum (si tamen mendum est) extra Lapidem corrigi debuerat a J. Lipsio, & Grutero. At cum uterque, Marmora, quæ evulgabat, adnotationibus fulcire neglexerit, Scriptionis vitia, quoties libitum ei fuit, in ipso Lapide emendavit.

PUBLICAE. *Publica* inquit in not. ad Svet. Levinus Torrentius *proprie dicuntur ea, quæ Populi Romani sunt, quorum usus communis est, proprietas nullius.*

PER COLLEGIVM PONTIFICVM. Hoc est, interposita, seu interveniente Collegii Pontificum auctoritate, sive Pontificibus auctoribus vineam in sulcos propagare permisit. Univerſus Pontificum cætus Collegium vocabatur, quemadmodum ex Cicerone in Orat. ad Pontifices pro Domo &c. liquet. Collegium istud Romæ fuit, usque ad Theodosii Senioris tempora; quibus Religione Christiana omnia jam obtinente, Imperatoribusque antiquæ superstitioni adversantibus, uno Edicto Sacerdotiorum omnium redditus Fisco applicati sunt. Quare postea Pontifices, Augures, & reliqui Ethnicorum Sacerdotes fieri desierunt, quum redditibus omnibus mulctati essent.

RESTITVIT. Samuel Pitiscus ad hanc Inscriptionem, quomodo, inquit, *Princeps per Collegiam Pontificum locum Vineæ publicæ restituerit*; jure nostro civili non satis notum. *Latent illa omnia crassius occultata, & circumfusa tenebris, ut nulla acies humani ingenii tanta sit, quæ omnia videre, & assequi possit.* Omnia profecto neminem assequi posse, quis umquam negavit? verum, quid hic per illud *Restituit* intelligi debeat, ego quidem (licet omnium imperitissimus) non magni esse studii, multæ laboris existimo. Censeo igitur *RESTITVIT* (quamvis *Restituere* potissimum in Lapidibus sit *restaurare*, sive *renovare*) hic idem esse ac *Reddidit*: legendum proinde VINEAM REDDIDIT; ita ut dicatur Vespasianum Vineam contra jus a Privatis occupatam mediantibus Pontificibus Publico, seu Populo reddidisse, vel adjudicasse. Ita apud Lipsium.

T. QVINTIVS. CRISPINVS.

VALERIANVS

C. CALPETANVS. STATIVS. RVFVS

C. PONTIVS. PELIGNVS

C. PETRONIVS. VMBRINVS

M. CRASSVS. FRVGI

CVRATORES

LOCOR. PVBLICOR. IVDICAND.

EX. S. C. CAUSA COGNITA

EX. PRIVATO IN PVBLIC. RESTITVER

Terentius in Eunuchio *Act. I. Sc. 2.*

præterea ut suis
Restituam, ac reddam.

Svetonius demum in Augusto: *loca in Urbe publica juris ambigui Possessoribus adjudicavit.*

IMP. CESAR NERVA

DACICVS: GENTEM DACOR. ET DECEBALVM

BELLO. SVPERAVIT. SVB. EODEM DVCE. LEG. PRO. PR.
AB. EODEM. DONATO. HASTIS. PVRIS. VIII. VEXILLIS. VIII
CORONIS. MVRALIB. II. VALLARIB. II. CLASSICIS. II
AVRATIS. II. LEG. PROPR. PROVINCIAE. BELGICAE

ET INTERIBVNATV. PLEB. QVESTORI. PROVINCIAE
ACHAIAE III. VIRO. VIARVM. CVRANDARVM
HVIC. SENATVS. AVCTORE. IMP. TRAIANO. AVG.
GERMANICO. DACICO. TRIUMPHALIA. ORNAMENT.:
DECREVIT. STATVAMQ. PECVN. PVBLIC. PONEND. CENSUIT

NERVA. Trajanus Augustus Germanicus.

Nomen hic desideratur illius qui tot præmia meruit, Trajanique munificentia est consequutus. Non aspernenda tamen conjectura J. Lipsii, qui L. Licinium Suram hoc Saxum innuere excogitavit. Licinius enim Sura vir clarissimus fuit, & ditissimus; adversus Decebalum, Duce Trajano, pugnasse pro certo habeo. Eum præterea, cujus studio imperium arripuerat, mira benevolentia prosequutus est Trajanus; ob ejus honorem publica lavacra, Teste Victore *in Epist.* condidit, eique jam vita functo, Statuam erigi curavit. Omnia igitur, quæ Lapis noster enunciat, apprimè

Licinio Suræ conveniunt. Unica, at haud parvi momenti superest difficultas; quod nempe ibi Suræ munera dignitatesque enumerentur, de ejus vero triplici, cum C. Sosio Senecione, Consulatu, nulla sit mentio.

DECEBALVM. BELLO. SVPERAVIT. Bis Decebalus a Trajano est superatus. Anno nempe V.C. DCCCLIV, in quo quartum is consulatum gerebat cum Sex. Articulio Peto. Victus ad Danubium Decebalus durissimis conditionibus pacem obtinuit, atque Trajanum in Suggesto sedentem, genuflexus adoravit, uti in anaglyphis celeberrimæ Columnæ Trajano excitatæ conspicitur.




Verum cum Decebalus præter conditiones istius fœderis multa ad rebellionem spectantia pararet, Trajanus denuo cum eo bellum suscepit anno V.C. DCCCLVII. Tib. Julio Candido, & Aulo Julio Quadrato Coss. Tandem anno Imperii sui viii. post varias militaris fortunæ vicissitudines, integram de perduelli Rege victoriam reportavit, totamque Daciam subegit, eamque Romanis Provinciis addidit. Tunc Romæ Columnam, quam

memoravimus, in Trajani Foro Senatus collocari iussit, in qua fortissimi Imperatoris adversus Decebalum, Dacosque gesta insculpta visuntur. Fragmentum alterum ex ipsa Columna depromptum, sub Lectorum oculis ponere placet, in quo Decebali, (qui suapte manu perierat) caput, terribile visu, in Castris publice conspiciendum, Dacis captivis, Romanisque copiis, Milites triumphantes exhibent.



At de iis quæ ad Decebalum spectant, ad eruditissimum Jo. Bapt. BRASCHIVM Archiep. Nisibenum in Opuscul. de Tribus Statuis. Romæ 1734.

HASTIS PYRIS. Vide sup. ad Inscrip. 10. VEXILLIS VIII. *Vexillum a velo* inquit Festus: signum militare rubri coloris, in quo Flammulæ, & Pinnæ; inde quæstio cur Augustus Agrippam potius vexillo *caruleo*, quam *rubri* coloris donaverit, quod tradit Svetonius. Ecce Vexilli Romanorum effigiem, prout eam centies in antiquis monumentis, potissimum in averfa Numismatum parte expressam animadvertimus. Attamen notandum Hastam longiorem procul dubio fuisse ea quæ hic effingitur.



A Ve-

A Vexillò, *Vexillarij*, & *Vexilliferi*, qui Labarum, vexillum pariter militare, gemmis ornatum, ante Imperatorem gestabant. Hujus deinde loco piissimus Constantinus Dominicæ Crucis signum, in quo hostes deinceps profligavit, constanter præferri jussit.

CORONIS MVRALIB. II Corona muralis, ex auro, vel argento facta, murorum pinnas referebat.



Dabatur illi, qui primus hostium muros conscendisset. De Corona Vallari, seu castrensi, vide Notam ad inscript. 20.

CLASSICIS, II. Clásica, quæ & *navalis*, & *rostrata*, navium rostra imitans, donabatur illi, qui primus in hostilem navem insilisset: imaginem suppono ex Martini Gutschardi *Noët. Græzoo.*



AVRATIS. II. Coronæ triumphales antiquis temporibus propter paupertatem *laurea* fuerunt, post modum, augescente luxu, eas Romani *aureas* fecerunt. Urbes omnes Provinciarum Pop. Rom. subjectarum solebant certam auri quantitatem persolvere, quo exercituum Ducibus, seu Imperatoribus aureæ Coronæ pararentur, quas, parta victoria, in triumpho gestarent. Nonnulli tamen Imperatores liberalitatis causa, auri hujus *coronarii* tributum Italiæ remiserunt: hi fuere Hadrianus, Alexander Severus, & Antoninus Pius, testibus Spartiano, Lampridio, & Ammiano Marcellino, quorum primus hæc de Anto-

nino: *Aurum coronarium, quod adoptionis sua causa oblatum fuerat, Italicis totum, Provincialibus medium reddidit.* Dabantur enim honoris gratia coronæ aureæ Principibus Romanis a Regibus Sociis, seu Amicis, in convivio, quod docet Tacitus *Annal.* lib. 2. ubi Germanico, & Agrippinæ coronas aureas magno pondere, leves Pisoni, & cæteris oblatas in Convivio a Rege Nabateorum tradit. Unde & aurum Coronarium dici poruit, quod in hujusmodi coronis conflandis a Regibus, & Provinciis infumebatur. Exempla passim apud Livium, sed præsertim lib. 38. ubi ait ab Asiæ Civitatibus ad Cn. Manlium legationes missas, non gratulatum modo, sed coronas etiam aureas pro suis cujusque facultatibus deferentes; & lib. 40. in triumpho L. Manlii Acidini coronas aureas 134. translatas. Habuerint ne coronæ aureæ formam, sive speciem peculiarem, & allegoricam, nullibi invenio; ideoque in ipsa materia earum pretium constituisse opinor. Animadvertendum nunc est, quod in nostro lapide, coronæ, anonymo Duci decreta dicuntur *aurata*, non vero *aurea*. Legimus utique *auream* Domum, *aureum* Currum, portam *auream* pro *aurata*, at nunquam *auratam* pro *aurea*; hinc coronas istas ex aere, aut argento confectas, ac dein *inauratas* fuisse crediderim, eo magis quod in aliis inscriptionibus, traditionem aurearum Coronarum enunciantibus constanter legitur *Aureis coronis* &c. numquam *Auratis*. Romæ equidem non Aurifices tantum, sed & *Inauratores* fuisse testantur Plinius lib. 33. Cap. 8., & Firmicus lib. 3. Cap. 4. Dempsterus sane in *Paralip. ad Rosin.* lib. x. duplicem Coronam, auream unam, & solidam; alteram inauratam agnovit, cujus sententia confirmatur Tertulliani verbis de *Coron. Mil.* cap. 12. *Triumphus laurea foliis struitur, hæc adumbratur lemniscis, inauratur lamulis.*

LEG. PROPR. *Legato Propratoris*. Hi, Propratores in Provincias euntes, comitabantur. Vicarii quidem erant Propratoris, ad molem rerum provincialium sustinendam, unde etiam ipsi Licitoribus, ac fascibus utebantur. Jus nullum habebant animadvertendi in caput cujusquam, nec atrociter verberandi:

di : Si tamen contigisset Proprætorem abesse a Provincia, tunc Legatis committebantur, quæ animadversionem postulabant ; Sed & hoc notandum, si Proconsules, aut Proprætore, ante successoris adventum, de Provincia decederent, eos Legatos, vel Quæstores interim Provinciis præficeret ; qui & ipsi tum Proconsules, aut Proprætore appellabantur.

PROPR. Proprætore dicti sunt illi, qui ab Imperatoribus in eas Provincias, quas sibi reservabant, mittebantur : hi majorem quam Proconsules habebant potestatem. Dio lib. 53. *Qui neque Consulares, neque Prætorii erant, Augustus delegit, ac Legatos suos, & Proprætore nominavit.*

LEG. LEG. T. MINERVIAE. *Legatus Legionis primæ Minervæ* ; nimirum a Minervæ insigni, seu imagine, quam loco Aquilæ hujus Legionis Signiferi gestabant, vel ut alii malunt a Minervio Provinciæ oppido. Eam, *Piam, Felicem, Flaviam, Fortissimam* dicunt vetusti lapides. Quot Minervæ Legiones incertum : unam saltem supra viginti fuisse constat ex Gudio, apud quem vigesima prima notatur p. 131. ubi lego. Q. MANLIVS. BALEANVS. MIL. LEGION. XXI. MINERVIAE. Ptolæmeus lib. II. in Galliæ descript. Legionem primam Minerviam, ad Bononiam, haud procul a Galetibus collocare videtur.

CANDIDATO CAESARIS. *Candidati*, communiori appellatione, dicebantur antiquitus Magistratum, seu Dignitatum Petitores a *Veste Candida*, qua induebantur postulationis tempore, quod clare colligitur ex Valer. Max. lib. 4. Cap. 5. ubi mentio fit de Cn. Africano, & Cicerejo Scriba, Præturæ competitoribus. *Cicerejus enim, cum vidisset omnibus se centuriis Scipioni anteferri, abiecta Candida toga, competitoris sui suffragatorem agere cepit.* Plinius lib. 7. Cap. 34. *Scipio Nasica toga candida bis repulsa notatus a Populo.* Vide & Livium lib. 27., ubi de M. Livio Salinatore ; & lib. 37., ubi de Catone Censuram petente. Cur autem postulantes veste alba uteren-

tur, docet Plutarcus in *Vitis Pauli Æmilii*, & Coriolani fufusque in *Problematis*. Quomodo vero peterent Candidati Magistratus, explicat late Cicero *pro Plancio*. Hæc de Candidatis in genere. Candidatos Principis observamus apud Svetonium in Augusto, erantque quos Principes populo commendabant in Magistratum petitione. *Quoties*, inquit, *Magistratum comitiis interesset, tribus cum Candidatis suis, circuibat, supplicabatque more solemniter, ferebat & ipse suffragium in Tribu, ut unus e Populo* ; hinc est ille jocus apud Quintilianum amphibologicus ; nam Galba homini Pilam negligenter petenti, *sic inquit petis tamquam Cæsaris Candidatus* : illud enim *petis* ambiguum est. Apud Jurisconsultos tamen Candidatos Principis alios notamus : Nam Ulpianus l. ult. ff. de off. Quæst. Candidatos Principis eos appellat, qui Epistulis five Orationibus Principis in Senatu legendis vacabant, quos, & Quæstores Candidatos vocat in *Alex. Lampridius*.

IN PRAETVRA. Ante Syllæ dictaturam, sex in Civitate Prætores jus dicebant, quod tribus hisce continebatur verbis *Do, dico, Abdo* ; post, octo, deinde decem ; sedecim C. Cæsare, & M. Antonio Coss., octodecim imperante Nerva. At hic de Prætura Urbana intelligendum non ambigo, cui Reipublicæ temporibus, Peregrina quandoque addita est. Prætor *Urbanus* (cujus insignia Sella Curulis, trabea, lictores sex) Civibus inter se jus dicebat : *Peregrinus* inter Cives & Peregrinos, & inter Peregrinos & Peregrinos.

IN TERIBVNATV PLEBIS. In *Tribunatu*. Tribunorum Plebis author fuit Menenius Agrippa. Is, dissidentibus Patribus a Plebe, litem composuit, ita ut concordia inter partes acta, Plebi concessum fuerit, ut illi essent Magistratus sacrosancti. *Hæc fuit Reipublicæ pestis*, inquit Pomponius Lætus ; *hinc civile nefas ortum habuit, & quemadmodum propter seditionem esse cepit seditiosus Magistratus, semper fuit consulare jus imminutum.* Sacrosanctos enim voluit suos Tribunos vulgus : hi sedebant primi ad limen, & acta Senatus modo probabant, modo scindebant. Tribunitiam hanc potestatem tam cupide appetiverunt Imperatores, ut eam non

T t

solum

solum per constitutum tempus, sed etiam perpetuo obtinerent, sicuti constat ex Lapidibus & Numismatis; ex quo Tribunorum potestas admodum debilitata est, qua antehac Consules ipsos in Carcerem conjicere poterant, quod passi sunt Q. Marcius Philippus, M. Bibulus, Tit. Menenius, L. Licinius Lucullus, & A. Posthumius Albinus, uti testantur Livius, Valerius, Florus, Cicero, alique.

QVAESTORI PROVINCIAE. Quæstores provinciales erant, qui una cum Proconsulibus, aut Proprætoribus in Provincias exibant. In singulas enim Provincias, singuli Quæstores mittebantur, in Siciliam vero duo, unus qui Lilibæi, alter, qui Syracusis res curabat. Munus horum erat publicam pecuniam, quam ex ærario a Tribunis ærarii accipiebant, quæque attributa pecunia dicebatur, curare, & inde stipendia & viaticum Legatis, cohorti Prætorie & Exercitui suppeditare; tum etiam vectigalem pecuniam ex re frumentaria, & ex portoriis cæterisque, quæ Publicani exercent, vectigalibus, exigere, & Romam in ærarium referre.

BELGICAE. *Belgium* antiquum, amplissimam Romanorum Provinciam, sæpe commendant Historici. Urbes vero, & Oppida quibus olim constabat, enumerare, admodum difficile, ob discrepantiam Geographorum.

ACHAIAE. Quæ & *Hellas*: terminatur meridie sinu Corinthiaco occidentem versus, & sinu Saronico versus ortum, Isthmo intercedente. Verum de alia Achaja Peleponesi, hic agi arbitror, in qua Urbes præcipuè Corinthus, Sycion, & Patræ.

III. VIRO. VIARVM. CVRANDARVM. Viarum curandarum munus primum Censoribus a Senatu commissum fuit: post verò cum Censores huic muneri sollicitè vacare nequirent, ex SC. Magistratus alii, speciatim ob eam causam, creati sunt. Ii, *Qua-*

tuorviri viarum curandarum vocabantur, quod viis, vel muniendis vel sternendis præessent. Erat autem eorum munus discretum a III. VIRIS, & mox VI. VIRIS: nam hi vias Urbis curabant; illi eas, quæ extra Urbem. Etiam Curatores extra ordinem reperi, quos destinabant singulis viis. Ita Cæsar Curator *Vie Appiæ*, Plutarcho dicitur; Thermus *Flaminie*, Ciceroni; Cornutus Tertullus *Emilie*, Plin. lib. v. Epist. 19. Duo viri quoque viarum Curatores in antiquis Saxis memorantur. Vide de his Pomponium, Dominicum Floccum, & Barnabam Briffonium.

AVCTORE. Interveniente scilicet ipsius Trajani auctoritate, sive *jessu*; quod summopere honorificum iis erat, quibus publica, publicisque impensis Monumenta excitabantur.

TRIVMPHALIA ORNAMENTA. Quæ scilicet Triumphantibus dari solebant, quibus ornamentis Scipio Massinissam Regem honestavit apud Livium lib. 30. ubi ita legimus. *Ibi, Massinissam primum Regem appellatum, eximisque ornatum laudibus, aurea Corona, aurea Patra, Sella Curuli eburnea, scipione eburneo, toga picta, & palmata tunica donat.* Hæc triumphalia ornamenta, quibus addendus est locus adsignatus in Circo ad spectandum cum laurea, & Sella Curuli inter viros Triumphales, & Consulares; demum vestis triumphalis, & Statua in Foro.

STATVAMQ. In honorem nempe ignoti, nobis, Viri erectam, cum epulis, & ludis scenicis, qui in dedicatione statuarum plerumque dabantur. Nomen, quod diximus in hoc marmore desiderari, fortasse in altera basis facie extabat; at hanc integram nusquam vidi. Statuam verò, Basi impositam nemo habetenus quod sciam, invenit; propterea nominis, & Statuæ defectus, magis magisque incertum facit, cui videlicet ex tot Imperatoris Trajani necessariis, & amicis inscriptio nostra tribui debeat.

84.

IMP. CAESARI
DIVI . NERVAE . F.
NERVAE . TRAIANO
AVG. GERMANICO
DACICO PONTIFICI
MAXIMO . TRIBVNIC
POT. VII. IMP. III. COS. V. P. P
TRIBVS XXXV
QVOD . LIBERALITATE
OPTIMI . PRINCIPIS
COMMODA . EARVM . ETIAM
LOCORVM . ADIECTIONE
AMPLIATA . SINT

TRIBVS XXXV. Non sane tribus *trigesima quinta*; tunc enim intelligi deberet de *Velina*, aut *Quirina*; sed Tribus omnes triginta quinque, in quas universus Populus Romanus dispartitus erat, quarum aliquam inquit Asconius, necesse erat, cuiuscumque esset ordinis, civis Romanus obtineret. Alias tamen post bellum Maricum superadditas fuisse docent Paterculus, & Appianus, ex quibus *Camilla*, *Cluentia*, *Cluvia*, *Damia*, *Minucia*, *Oericulana*, *Papia*, *Sapinia*, &c. Vide Panvinium in C. R. p. 251. & seq. Hæ igitur Tribus XXXV. statuum Trajano erexere (invito ipso modestissimo Imperatore, qui teste Plinio in *Panegy.* sua beneficia publicis monumentis celebrari vetuerat.) quod commo-

da earum, locorum etiam adiectione, ampliavit.

COS. V. Quintus Trajani Consulatus incidit in annum C. 103. cum L. Appio Maximo, ab V. C. 856. Hoc anno Trajanus magnificum Centumcellis portum ædificavit, appellavitque *Portum Trajanum*, quem eleganter descripsit Rutilius p. 132.

P. P. Patris Patriæ cognomen, præ cunctis honorificentissimum, atque a plerisque ex suis Prædecessoribus avide usurpatum, Trajanum constanter per biennium recusasse tradunt Historiæ R. Anglicani Scriptores, quod tandem, obtestantibus Senatu, exercitu, Populoque Romano, assumpsit anno Imperii secundo.

85.

IMP. CAESARI DIVI NERVAE . I.
NERVAE . TRAIANO . AVG. GERM.
DACICO PONT. MAX. TRIB. POT. VIII
IMP. VIII. COS. V. P. P. OPTVMO PRINCIPI
SAGARI T.:::TRI MÆ CELI
CVLTORES . DOMVS . AVG

Imperatorii Caesaris Divi Nervæ Filio Nervæ Trajano. Filio scilicet per adoptionem. Patri Patriæ.

IMP. VIII. COS. V. Mendum aut in annis Trajani imperii, manifestum; aut in numero, Consulatum ejusdem indicante.

Tra-

Trajanus enim regnare cœpit A.C. 98. Consul II. Tertium Consulatum suscepit A.C. 100. Quartum A.C. 101. Quintum A.C. 103. Imperii VI. Si ergo Marmor dedicatum est Trajano Cos. V. tunc signandum erat Imp. VI., Si vero dedicatum anno Imp. VIII. tunc nullus indicandus Trajani consulatus; nam anno Trajani Imp. VIII. h. e. Christi 105. consulatum gerebant Tib. Julius Candidus, & A. Julius Quadratus. Neque attendendus Bulengerus, qui in Opusc. de Theatro lib. 1. scribit IMPER. III. COS. omisso Consulatus numero. Annus enim quartus imperii Trajani, erat Consulatus ejusdem pariter III. cum Sex. Articulejo Pato, quibus subrogati sunt C. Plinius Secundus, & Cornutus Tertullus.

OPTVMO. Recte *Optumo*, seu *Optimo*. Trajanus enim, teste Dione, OPTIMI cognomen cæteris prætulit, libenterque assumpsit anno Imperii, non equidem XIII. (uti arbitrati sunt Anglicani R. H. Scriptores, & Fabrettus de columna Traj. cap. 9.) sed VIII. quod ex hoc Marmore patet. At de hac OPTIMI appellatione Trajano plaudente Senatu populoque Romano decreta, multa habentur in Pliniano Panegy. nimirum: *Adoptavit te Optimus Princeps in suum, Senatus in Optimi nomen: hoc Tibi tam proprium, quam paternum, & paulo inferius; quo præclarior laus tua, quem non minus constat Optimum esse, quam Maximum, & rursus, quotiesque Posterì nostri Optimum aliquem vocare cogentur, toties recordabuntur quis meruerit vocari.*

SAGARI. Sagarii Theatri Marcelli. Sagarium munus aliquod in Theatro fuit, inquit Bulengerus de Theatr. lib. 1. At quodnam fuerit, nemo mihi indicat; ita ut Bulengeri munus istud imaginarium putem: neque de munere aliquo Theatri hic agi opinor, sed potius de loco, ubi Sagarii isti Sagariam negotiationem exercebant. Revera Sagarios negociatores, a Sago militari, ac bellico indumento denominatos laudant Ulpianus, Ferrarius, Rubenius, &c. nimirum Sagogum venditores ex quibus illi fuere L. Arlenius. Demetrius NEGOT. SAGARIVS, & L. Arlenius Artemidorus na-

tione Paphlago MERCATOR SAGARIVS apud Gutherium de Offic. D.A. p. 610. Sagarii ergo isti, quorum cura, & impensa Trajano Statua erecta est, prope Theatrum Marcelli habitabant, h. e. ad Forum Olitorium hodie Piazza Montanara, ubi Marcelli theatrum fuit; olim Sabelliorum, nunc vero nobilissimæ Urfinorum gentis ædes. Ita in alia Capitolina de qua alibi. Q. Cornelius Philomachus SAGARIVS A THEATRO MARCELLI fecit sibi, & suis. Domicilii locum, in Saxis præsertim ad Artifices, & Negociatores spectantibus expressum, frequenter legimus: sic in alia Muratoriana inscriptione p. 1097. L. Salivius Suneros SAGARIVS DE VICO LICINIANO, & apud Bulengerum loc. cit. C. Terentius Pamphilus SAGARIVS POST AEDEM CASTORIS. Notandum, prope eadem Urfinorum ædes, seu uti diximus, juxta theatri Marcelli reliquias, venditorum Sagogorum (Romanis nunc *Sariche*) plurimas hisce quoque diebus extare apothecas.

CVLTORES DOMVS AVG. Cultorum Imaginum domus Augustorum, qui Larum Magistro obtemperabant, mentio est in lapide apud Guth. p. 661.

IMAGINVM, DOMVS
AVG. CVLTORES. SIGNVM
LIBERTATIS. RESTITVTAE
SER. GALBAE. IMPERATORIS AVG
CVRATORES. ANNI. SECVNDI
C. TVRRANIVS POLYBIVS
L. CALPHVRNIVS. ZENA
C. TVRRANIVS FLORVS
C. MVNDIVS DEMOSTHENES
S. P. D. D

At quo sensu Sagarii, seu Sagariam exercentes, domus Augustæ Cultores fuerint, non assequor: nisi dicatur ideo Cultores domus Augustæ fuisse nuncupatos, quia forte Sagaria indumenta Servis, Libertisque Augustorum familiæ suppeditarent; vel his verbis venerationem, & obsequium erga Augustos, palam facere voluisse; quemadmodum italico sermone nos cultores esse ac Servos dicimus domus e. g. Austriacæ, Sabaudæ, Hispanicæ &c. nempe addictos.

IMP.

86.

IMP. CAESAR. DIVI. TRAIANI. PARTHICI. FILIVS. DIVI. NERVAE. NEPOS
TRAIANVS. HADRIANVS. AVG. PONTIFEX. MAXIMVS. TRIB. POTEST. V. COS. II
AEDEM. FORTVNAE. VETVSTATE. CORRVP TAM. RESTITVIT

Trajani per adoptionem, Plotinæ artibus, filius fuit Hadrianus. Vir humanissimus, atque beneficentissimus. Nullus unquam Imperator tantis deditus studiis, aut felicius peregrinatus est, aut magnificentius populos ditavit; quare omnes fere Nationes in ejus honorem aut Nummos cuderunt, aut erexere inscripta Monumenta: inter optimos denique Principes forte collocandus, si nunquam Claudiopopolitanum illum Antinum agnovisset, quem in deliciis habuit, quemque, uti ait Spartianus, Nilo absorptum, muliebriter flevit. Bellum nullum movit, mota composuit. Tiburtinæ villæ ab eo immenso sumptu ædificatæ veneranda rudera, quæ superiunt, ex quibus his diebus (an. 1775.) nonnulla eruta sunt Philosophorum, atque Musarum capita, & protomæ; Moles quam vocant Hadriani, Pons Ælius, Basilica Neptuni, Panthæum instauratum, innumeræque ædes Romæ forisque, Hadriano curante, excitæ, Augusti hujus animi mentisque magnitudinem mire testantur. Sabinam asperam, atque morosam fœminam, nedum infœcundam, uxorem habuit. Sanguinis profluvio tandem apud Bajas periit, sepultusque est in Villa Ciceroniana Puteolis. Vixit annos 62., imperavit 20.

COS. II. A. C. 118. cum Tib. Claudio Fusco Salinatore.

AEDEM. FORTVNAE. Tot in locis Fortuna Romæ cultum obtinuit, ut impossibile sit (attento potissimum de hac Hadriani restitutione, Nummorum, Lapidum, nec non Historicorum silentio) de qua hic æde agatur, declarare, Fortunæ OBSEQUENTIS, PRIMIGENIAE, BARBATAE, MAMMOSAE, MULIEBRIS, PLEBELAE, ADIVTRICIS, TVTELLAE, EQVESTRIS, SEDENTIS, SEIAE, TARPEIAE, DVBIÆ, FORTIS, VIRGINIS, PVBLICAE, REDVCIS, PRIVATAE, SALVTARIS, VIDENTIS, BIFRONTIS, MASCVLAE, OPIFERAE, MANCAE, MALAE, FELICIS, MANENTIS, STATAE, ædes, ædiculas, delubra, aras, facella, fana, simulacra, & templa commemorant Scriptores quamplurimi, at præsertim Fabricius, Gyraldus, Chartarius, Stuchius, & Rychius.

Notandum denique in hoc, imo in omnibus Musei Capitolini marmoribus, Hadriani nomen cum adspiratione inscriptum reperiri, quam ex ejusdem Imperatoris nomine, Græci pellunt.

87.

IMP. CAES. DIVI. TRAIANI
PART. F. DIVI. NERVAE. N
TRAIANVS. HADRIANVS. AVG
PONT. MAX. TRIB. POT. XX. COS. III. P. P
I. S. M. R. STATVAM. EX. DONIS. AVREIS
ET. ARG. VETVSTATE. CORRVP TIS
FIERI. ET. CONSECRARI. IVSSIT
EX. AVRI. P = III. ET. ARG. P CCVI =

Panthæum, Septa, basilicam Neptuni, facras Ædes plurimas, forum Augusti, Agrippæ lavacrum, Pontem, Sepulcrum, ædem-

que Bonæ Deæ aut ædificavit aut restauravit Hadrianus: hæc narrat Spartianus; verum de Statua Junoni consecrata ne verbum quidem.

Historici hujus silentium supplet Lapis iste anno circiter 1733. effossus ubi *Civita Lavinia* (oppidum Junonis Sospitæ templo celeberrimum, in quo Signum extitit, quod nunc in Museo Capitolino adservatur) donatusque eidem Museo ab Eino S.R.E. Card. Alexandro Albano, præstantissimo Viro, animique magnitudine, nec Hadriano ipsi secundo.

COS. III. Anno nimirum epochæ Christianæ 119. cum Q. Junio Rustico. Inscriptio igitur nostra non ad annum C. 136. aut 137. uti Muratorio Tom. 1. p. 147. placuit; sed ad annum C. 119. est referenda; V.C. 871. De tertio Hadriani consulatu, ita Spartianus: *ipsam tertium Consulatum, & quatuor mensibus tantum egit, & in eo saepe jus dixit.*

I. S. M. R. *Junoni Sospitæ Magnæ Regi-
næ: Quam & Argolicam, & Feroniam dicunt,
& Fluviæ, & Salutarem.* Hanc coluisse Lavinios tum ex antiquis Scriptoribus, tum ex recentioribus constat. Confer Corradinum, & Vulpium, utrumque in *vet. Latii* descript. Ea igitur religione qua olim Augustus, Mæcenatis consilium sequutus, argenteas sta-

tuas sibi positas conflaverat omnes, exque iis, teste Svetonio, aureas cortinas Apollini Palatino dedicaverat; ita Hadrianus conflatis Donariis aureis, & argenteis, quæ Junonis templo oblata jamdudum fuerant, statuam ex iis Deæ isti fabricari jussit. Hunc Imperatorem imitatus deinceps Alexander Severus, cum auro undique fulgentia Tempia conspiceret sapissime, id narrante Lampridio, ex Persio Sat. 2. agebat

in sacris quid facit aurum?

Verumtamen sententia hæc, quæ sancte Paganos, idolorumque Delubra atque Fana decebat, Christianorum templis applicari nequit; nam ut verbis D. Thomæ P. I. Q. 102. art. 4. utar, *totus exterior cultus Dei ad hoc præcipue ordinatur, ut animi hominum ad majorem Dei reverentiam adducantur.*

EX AVRI P. III. *Pondo*, hoc est *Libra*. Summa fuit librarum, ex auro 3. ex argento vero 206. Adi Budæum, Lucam Pætum, Robertum Cenalem, Bernhardium, aliosque de Ponderibus, & Mensuris Romanorum Scriptores.

88.

..RALITATES PVB..

..RAIANI HADRI..

..X. COS. III. P.P. IM..

..SPANIAM BAETIC..

..EBILO. APRONIANO COS III..

..NIO ATILIANO COS

LibeRALITATES PVBlicæ. TRIANI. HADRIANI *Aug. Trib. Pot. xx. cos. III. Patris Patriæ Imp. III.* Celebrantur hic Hadriani publicæ liberalitates. De hujus Augusti munificentia hæc Lampridius: *Post hæc profectus in Gal-
liam, omnes causariis liberalitatibus sublevavit.* Notandum tamen Hadrianum, eodem id momento Historico, modo liberalem fuisse, modo tenacem; ait enim: *idem severus, latus,
comis, gravis, lascivus, cunctator, tenax, libe-
ralis, simulator, severus, clemens, & semper in
omnibus varius.* Quæ fuerint beneficia in His-

panos Bæticos ab Hadriano conlata, ex hoc Fragmento colligi nequit. Textus tamen Lampridii lumen aliquod ad Saxi intelligentiam adfert; nam in ejusdem Imperatoris vita sic legimus: *Post hæc, Hispanias petiit, & Tarra-
cone hyemavit, ubi sumptu suo eadem Augusti re-
stituit, omnibus Hispaniis Tarraconem in conven-
tum vocatis.*

P. P. *Patris Patriæ* nomen sibi delatum, Hadrianus (scribit idem Auctor) statim, & iterum distulit, quod hoc nomen Augustus sero me-
ruisset.

ruisset; quod refert Svetonius *cap. 59.*, nosque alias notavimus.

...EBILO APRONIANO. Imperante Hadriano nullum, cognomine *Apronianum*, Consulem reperio; qui nomen prætulit in EBILO definens, quod insuper Romanum nomen mihi non videtur. Præterea Aproniani omnes in Historia noti modo *Cassii*, modo *Lutii* vocantur, modo *Vipsanii* seu *Vipstani*, modo tandem *Ventidii*, quæ sane prænomina, aut nomina nullam prorsus præferunt cum EBILO analogiam. Qua propter Consulem hunc C. Ventidium Apronianum esse censeo,

qui solus Apronianorum, regnante Hadriano, Consulatum obtinuit ann. C. 123. cum Artio Patino.

ATILIANO. Hujus nulla in Fastis consularibus mentio; sed in Lapidibus in quibus non semel *Acilianus* vocatur - V. Fabr. *de col. Trajani*. Cap. vii. p. 197. & 198.

Saxum invenit Tibure in restauratione Ecclesiæ S. Petri apud Carmelitas, cl. Cornacchiolius Ex-Gen. Carmelitarum, Episcopus Bobienfis, uti narrat Antonius Lupus in *Epist. S. Severæ* p. 23. not. 1.

89.

IMP. CAESARI
DIVI. HADRIANI
AVG. FILIO. DIVI
TRAIANI. PARTHICI
NEP. DIVI. NERVAE
PRONEPOTI. TITO
AELIO. HADRIANO
ANTONINO. AVG. PIO
TRIB. POT. COS. DES II
SCRIBAE
ARMAMENTARI

Omnia hæc ad Antoninum cognomine moribusque PIVM spectant, qui Consul designatus II. fuit anno v. c. 891. vel 892. Christi vero 138. seu 139. cum Bruttio Præfente, uti testatur etiam Censorinus de D. N. cap. 21. *Quisque* inquit, *hoc anno fuit* (de anno loquitur V. C. 891.) *ante diem vii. Kal. Julii, ab hinc annos centum*, PIO, & BRVTIO PRAESENTE *cofi. iidem dies fuerunt. ante diem xli. Kal. Augusti*. Vir fuit forma conspicuus, ingenio clarus, moribus clemens, nobilis vultu, & placidus ingenio, singularis eloquentiæ, nitidæ litteraturæ, præcipue sobrius, diligens agri cultor, mitis, largus, alieni abstinentens, & omnia hæc cum mensura, & sine jactantia. Hæc Capitolinus.

PIO. *Pius* cognominatus est a Senatu, vel quod eos, quos Hadrianus occidi jusserat, reservavit; vel quod Hadriano contra omnium studia, post mortem infinitos atque imensos honores decrevit; vel quod (eiusdem Capitolini sunt verba) quum se Hadrianus interimere vellet, ingenti custodia, & diligentia fecit, ne id posset admittere: vel quod vere natura clementissimus, & nihil temporibus suis asperum fecit. Præter has, alteram adfert idem Historicus hujus adpellationis originem; nimirum quod præfente Senatu, manu Socerum, fessa jam ætate, levaverit, quod non satis magnæ pietatis argumentum ipsi Capitolino merito videtur, *quum impius sit magis qui ista non faciat, quam pius qui debitum reddat*. Positam

tam hanc Basim opinor Antonino nondum P. P. appellato; compertum est enim nomen illud primo recusasse, deinde cum ingenti gratiarum actione suscepisse.

SCRIBAE ARMAMENTARI. *Armamentarii*. Armamentarium est omnis generis armorum, machinarum, tormentorumque bellicorum repositorium, italice *Arsenale*. Juvenalis Sat. 10:

Quidquid habent telorum armamentaria cali.

Armamentarium alterum erat in secunda Regione, h. e. Cælimontana: alterum prope fanum Telluris, uti liquet ex Cicerone qui in *Arusp. resp. cap. 14. putant nonnulli*, inquit, *ad me pertinere Armamentarium Telluris aperi-*

re. Armamentarii Severi in ripa medii alvei Rheni ad littus Oceani in Batavia memoriam tuetur lapis Wassenarius apud Bergierum *de vita Milit. IV. 21. §. 8.*

IMP. CAES. L. SEPTIMVS. SEVERVS
AVG. ET. M. AVRELIVS. ANTONI
NVS. CAES. COH. XV. VOL. ARMA
MENTARIVM. VETVSTATE. CON
LAPSV. RESTITVERVNT. SVB
VAL. PVDENTE. LEG. AVG. PR. PR

SCRIBAE. Quemadmodum fuere apud Romanos Scribæ cubicularii; publici, ab Epistulis, Ædilitii, Libellorum, Quæstorii, Senatus, Navales, ita & Scribæ *Armamentarii*; qui scilicet Armorum, & machinarum numerum in tabellas referebant.

90.

S. P. Q. R.

::MP. CAESARI. T. AELIO. HADRIANO
ANTONINO. AVG. PIO. P. P.

::ONTIF. MAX. TRIB. POT. VI. COS. III. OPTIMO
::AXIMOQ. PRINCIPI. ET. CVM SVMMA
BENIGNITATE. IVSTISSIMO. OB. INSIGNEM. ERGA
CAEREMONIAS PVBLICAS CVRAMACRELIGIONEM

Tertius hic Antonini Pii consulatus enunciat, quem inivit cum M. Aurelio Cæsare anno Christi 140. V. C. 893. Ex contentis manifeste apparet Senatum Populumque Romanum PIO Imperatori statuam erexisse, quod publicas caeremonias, forte neglectas, vel prætermittas in integrum restituerit. Porro consentanea hæc Capitolini sunt narrationi, qui Antoninum rite Numæ Pompilio comparatum asserit, *cujus pietatem, inquit, securitatem, & CAEREMONIAS semper obtinuit.* Ita *Augustus*, uti refert Svetonius, *nonnulla ex antiquis caerimoniis paullatim abolita restituit.*

ERGA CAEREMONIAS PVBLICAS. De Cærimoniis Pontifex Maximus (qua dignitate tunc fungebantur Imperatores, uti hic Antoninus Pius) edicebat. Ex Collegii, vero sententia in albo proponebant nonnulla trans-

latitia, inquit Pitiscus, & nova, quæ ad Deorum cultum pertinebant, ut de festis, feriis, supplicationibus, quibus diebus, ad quæ Temppla, cui Deo, & de ceteris omnibus, quæ per annum servarentur. *Cærimonia* enim sunt externi Deorum cultus, quorum ope sacra possent commodè riteque expediri. *Conservatorem Cærimoniarum publicarum* nominat vetus apud Manutium inscriptio: *Magistrum Cærimoniarum*, Gutherus de *Jur. Pontif. cap. 12.* vocem hanc cum diphtongo scribunt præcipui linguæ Latinæ cultores. Quidam ejusdem etimologiam deducunt a *Caritate*; at quæ inter Caritatem, & Cærimonias analogia? alii a *celo*, quod scilicet ad Cœlestium honorem pertineant; quasi *Cælimonia*: D. Augustinus, & Isidorus a verbo *carere*. Stuchius a quodam Hebræorum vocabulo, quod Latinis est *devoceo*. Ego quidem cum Livio, & Valerio Max.

Max. a *Cere* antiquæ Etruriæ urbe, hodie *Cerosteri*; quam vocat Livius *Sacrarium* populi Romani, *Diversorium* Sacerdotum, ac *receptaculum Romanorum sacrarum*. Notandum insuper a quibusdam scribi *ceremonia* pro *cerimonia*; sed & *cerimoniorum* pro *cerimoniarum* uti in lapide ab eruditissimo Ord. D. Bened. Abbate Petro Aloysio Galletti vulgato in Opusc.

cui titulus *Capena Municipio Etr.* p. 9. ubi legitur OB HONOREM CAERIMONIORVM HONESTISSIME PRAEBITORVM. In singulari vero *cerimonia* apud Macrobiū *Saturn.* lib. 3. cap. 3. Ritus denique pro *Ceremoniis* usurpāri in Lipsiana censeo, in qua Vespasianus *sacrarum Aedium Restitutor*, ET RITVVM ANTIQVORVM *Conservator* est dictus.


91.

M . AVRELIO CAESARI
COS . II .
IMP. CAESARIS
T. AELI . HADRIANI
ANTONINI . AVG. PII
PONTIFIC. MAXIMI
TRIBVNIC. POTEST. VIII
IMP. II. COS. III. P. P. FILIO
DECVRIALES . PVLLARI
ET. HV.

M. Aurelius Cæsar, qui postea Imperator, & Antoninus Pius nominantur in hoc lapide. Julius Capitolinus quartum Pii consulatum cum M. Aurelio II. perspicue testatur his verbis: *Pius Marcum iterum Consulem designavit, quum ipse quartum consulatum pariter iniret.* Errant Falsi Græci, & Cuspinianæ qui Antoninum consulem ponunt cum Aureliano; fortasse AVRELIANO scripserunt pro AVRELIO.

DECVRIALES PVLLARI. Pullarios Decuriales alias nominatos hætenus non reperi. Decuriones fuisse censeo qui Pullariis præficerent, nempe quibusdam Sacerdotibus qui exercitum sequebantur, locum prope signa, in mediis castris habentibus: horum officium erat ex Pullorum pastu Auguria captare. Quo-

tiescumque enim de inchoanda re quapiam exequendaque, Deorum placita exploratum ibant, pulsem aut offam pullis objiciebant. Quod si ad oblatam escam mox pulli è cavea (quæ *Anguraculum* vocabatur) non profilerent, vel relicto cibo oberrarent, id magni terroris omen erat; Si vero avide in escam proruerent, inde spe, hausta Pullarius prospera omnia cœpta negotia a Diis spondebat. Hunc augurandi modum derisisse præter Flaminium, P. Claudium Pulchrum, narrat Valerius Max. lib. 1. Cum is bellum navale committere vellet, & Pullarius Sacerdos non exire pullos e cavea nunciasset, abjici statim eos in proximum mare jussit dicens: *quia esse nolunt, bibant.* Caveæ pullariæ cum Pullis auguralibus typum ex vetustis monumentis excerptum lectoribus exhibeo



Atimeti liberti Pullarii mentio fit in vetusto Lapide apud Panvinium *de Civit. Rom.* pag. 171. Vide etiam Livium *lib. 10.* Tullium *de Divinat. lib. 2.* omnesque, tum antiquos, tum recentiores, qui de priscorum Romanorum auguriis differendo, hoc abunde sciteque

pertractarunt argumentum.

ET HV: Fortasse HA. nempe & HARuspices, cum adspiratione, ab *Haruga* ait Donat. ad Terentii *Phorm.* sive *Hostia*, sic dicta ab *Flava* in qua concluditur, & servatur.

92.

IMP. CAES. P. HELVIO
PERTINACI AVG.
COS. II. PONTIFICI
MAXIMO - TRIB. POT.
P. P. PRINCIPI SEN
FORTISSIMO DVCI
ET OMNIVM VIR
.:VIVVM PRINCIPI
.:APENATES FOEDER.:
.:PR. CLICINIO SPERANDO

Quamvis duos tantum menses diesque xxv. (non menses quatuor uti Patinus asserit) regnaverit Pertinax, ejus tamen memoria pluribus est celebrata monumentis; scilicet Historiis, Marmoribus, Numismatis, antiquarumque figularum sigillis, uti videre est penes Reinesium, Panvinium, Gruterum, Oconem. Eadem Kal. Januarii nocte, qua interfectus est Commodus, studio Lati Præfecti Præt., & Electi Cubicularii, P. HELVIVS PERTINAX, P. Successi libertini viri filius, natione Ligur, Domi suæ Imperator

est designatus, atque in castra adductus, mane a Militibus Augustus est consalutatus. Hujusce humanitatem probitatemque, optimam rei familiaris administrationem, prudentiamque in publicis rebus gerendis collaudant ad invicem Historici, Dio, Herodianus, Capitolinus, Aurelius Victor, commemorantque aurea illa, ætate hac obsoleta, verba, ab eodem cuidam Senatusconsulto addita, nimirum: *Sanctius est, P. C. inopem Rempublicam obtinere, quam ad divitiarum cumulum per discrimina, atque dedecoris vestigia per-*

peruenire. Attamen vir iste optimus a quodam Tausio hasta percussus, invocato Jove Ultore, togaque capite operto vitam in Palatio cum Imperio nondum trimestri amisit.

COS. II. Cum Aurelio Commodo VII. anno C. 192.

PRINCIPI SEN. *Principi Senatus.* Dum vellet popularis videri, *Principem quoque Senatus vetere consuetudine se Pertinacem cognominasse* tradit Dio. Olim enim unus, ex ordine Senatorio legebatur, *Princeps Senatus* dictus, quod honoris genus iis tantum deferebatur, qui auctoritatem & gloriam maximis in Remp. meritis rebusque præclare gestis essent adepti. Livius lib. VII. Dec. 3. morem fuisse tradit, ut qui primus Censor fuisset, ex iis qui viverent, is Princeps Senatus legeretur, qui dignitate omnes Magistratus anteiret. *Cornelius*, inquit, *morem traditum a Patribus sequendum aiebat, ut qui primus Censor ex iis qui viverent, fuisset, cum Principem legerent.* Is T. Manlius Torquatus erat. At de hac dignitate fuisse pertractantes adi Zamoscium de Sen. Rom. lib. I. & Henr. Kischium de Magistrat. R. R. apud Clausingium T. II.

FORTISSIMO DVCI. *Cassiano motu composito (de Pertinace tradit Capitolinus) e Syria ad Danubii tutelam profectus est, atque inde Mæsic utriusque, mox Daciæ regimen accepit. Bene gestis his Provinciis, Syrium meruit ... Seditio- nes quoque in Britannia compescuit.*

OMNIVM VIR. Licet post *τὸ* VIR nulla appareat in Marmore literarum mutilatio, sunt tamen qui legant OMNIVM VIRO; hoc est omnium Amico, seu Comiti; alii ego mendum esse in literis censo, legendumque OMNIVM VIRTUTVM PRINCIPI: ita in acclamationibus, quibus eundemet Pertinacem jam vita functum Populus Romanus est

prosequutus, OMNIVM BONORVM PATER est, Victore teste, appellatus: ita licet impiissimus, Elagabalus inter Muratorias p. 250. PIETATE IVSTITIA FORTITVDINE ET PLENO OMNIVM VIRTUTVM PRINCEPS dictus est.

APENATES FOEDER. Ita in alio Marmore apud Cl. P. A. Galletti op. cit. p. 21. Imp. Cæf. Aurelio Antonino &c.

CAPENATES. FOEDERATI
MANLI. CRESCENT. PRAET

Qui autem Urbes fœderatas illas dictas asserunt, quæ nec Coloniae essent nec Municipia, longe errant: nam Capena Municipium, & tamen cum Populo Romano fœderatum fuisse constat ex sequenti, uti monet laudatus Auctor p. 23.

V. M. SELICI CLE
MENTIS. SEVIRI
MUNICIPIO. CA
PENAT. ARAM
POSERVNT PII
LIBERTI

ita ex alia apud eundem

T. FLAVIO. T. F. QVIR. FLAVIANO
AEDILI. QVSTORI. ^{sic} DESIGNATO
MVNICIPIO CAPENAE. FOEDERATO
T. FLAVIVS AVG. LIB. &c.

Ceterum Capenæ oppidum egregius Auctor ponit ubi nunc *Civitatula*; ibique Inscriptionem nostram (quam Muratorius, & Fabretus mendosam ediderunt) effosam tradit.

PR. Forte *Præfetto C. Licinio Sperando*: at de Municipiorum Præfectis vide Rosinum in A. R. lib. X. cap. 22.

93.

· : EDICATA. XIII KAL APR
 ::VRPSEX FILIO PROSPECTOQV...
 ::MVCIO MVCIANO
 ::LCONE. ET. CLARO. COS

Monitum lectorem volo Inscriptionem hanc, licet seorsim in Museo Capitolino (a quo nescio) perperam collocatam, ad præcedentem pertinere, nimirum Pertinacem.

DEDICATA (Statua, aut ara, aut ædícula) XIII. Calendas Aprilis Curante P. Sextilio Prospecto Quæstore; Q. Sosio Falcone, & C. Julio Erucio Claro coss., qui eo die quo Pertinax a Prætorianis occisus est, anno scilicet C. 193. Consulatum inierunt. Natus Pertinax, inquit Capitolinus, Kalendis Augustis, Vero, & Bibulo Coss. interfectus est quinto Kalendas Aprilis, Falcone, & Claro Coss. Almelovenius innuit, hic corrigendum esse Capitolinum: at in quo Historicus erraverit non video. Constet ex his, Tabulam hanc fuisse dicatam (cui ignoratur) octavo ante Pertinacis obitum die; die nimirum vigesima Martii, ann. C. 193. In aliis Lapidibus, atque apud Dionem Falco nominatur Q. Sossius, seu Sossius; & Clarus,

C. Julius Fructus.

De Q. Sosio Falcone abunde loquitur Capitolinus, ejusque animi constantiam laudat. Cum enim Pertinax, Læto Præfecto Prætorio (quo auctore Imperator est factus) gratias egisset, Falco consul dixit: *Qualis Imperator es futurus, hic intelligimus, quod Lætus, & Marcium, ministros scelerum Commodi, post te videmus; cui Pertinax respondit: Juvenis es Consul, nec parendi scis necessitatem. Paruerunt inviti Commodi, sed ubi habuerunt facultatem, quid semper voluerint, ostenderunt.* Liqueat etiam ex Capitolino, Falconem, cum ad imperium aspirasset, insidias parasse Pertinaci, cui tamen Imperator pepercit, ejusque impunitatem a Senatu petiit. De ejus morte hæc Historicus: *Denique Falco in rebus suis securus vixit, & herede Filio periit, quamvis multi Falconem nescisse dixerint Imperium sibi parari.* Dio tamen, insidiis Læti, in Magistratu occisum tradit.

94.

IMPCAESLSEP: SEVEROPIOPERTINAVGN
 IIIEIMPMVARELIo ANTOnINoAVGFILCOS

Consulatus hic enunciatur tertius L. Septimii Severi Pii Pertinacis Augusti cum M. Aurelio Antonino Bassiano Caracalla Augusto Filio, qui incidit in annum C. 202. Hujus me-

minit in Severo Spartianus; *Deinde quum Severus, Antiochiam transisset, data virili toga majori Filio, secum eum Consulem designavit, & statim in Syria Consulatum inierunt.*



IMPP · SEVERO · ET · ANTONINO · AVGG ·

BRITTANICA · PP · ET · IVLIAE · AVG · MATRI · AVGG · ET · CASTROR ·

CV · II · : : : : : II · CoS · C · IVNIO RVFINO PR · C · IVNIO BALBO SPR

M · VLP · IO · CONSTANTINO FR · CATTICIO · SPERATO · 7

GENIO · 7 · II · QVIFRVMENT PVBL INCISI SVNT · KAL · MARTIS
DE SVO POSVERVNT · QVORVM · NOMINA · INFRASCRIPTA SVNT MILITES FACT

ANULLINO · II · ET · FRONTONE · CoS

T · SCVTRIV	S · LIB · FAB	SABINIANVS	ROM · M · F ·	PR · K · IVN · MAGNO	PREPADX · T · CXLIV
N · ANNV	S · M · FIL · FAB	PRIMITIVS	S · ROM · M · F ·	VIII · K · AVG · MAGNO	PREPADK · T · CXLIV
T · FLAVIV	S · T · FIL · MAEC	ALEXANDE	R · NEAP · M · F ·	VIII · K · AVG · MAGNO	PREPADX · T · CXLVII
A · CERVIDIV	S · A · FIL · IVL	REPOSTV	S · VTIN · M · F ·	VIII · K · AVG · MAGNO	PREPADX · TCXLI
L · LAELIV	S · L · LIB · THARS	IVLIANV	S · CLIC · M · F ·	VII · K · I · AVG · MAGNO	PREPADKI · IXLV
Q · VALERIV	S · Q · FIL · IVL	FELI	X · KARTH · M · F ·	VIII · K · AVG · MAGNO	PREPADKICXLIV
C · SATRIV	S · C · FIL · FAB	NEPTVNALI	S · ROMA · M · F ·	III · ID · AVG · MAGNO	PREPADX · TCXIII
Q · M · NVCI	S · Q · FIL · ARN	FLAVIANVS	S · KARTA · M · F ·	XVI · K · NOV · MAGNO	PREPADX · TCXLV
M · GARGILIV	S · M · FIL · FAB	IANVARIV	S · ROMA · M · F ·	VI · K · NOV · MAGNO	PREPADN · CXIIV
M · CALVISI	S · M · FIL · VLP	FORTVNATV	S · HADR · M · F ·	ID · NOV · MAGNO	PREPADX · TCXII
T · MVTLIV	S · T · FIL ·	OSIMV	S · MACED · M · F ·	VIII · ID · DEC · MAGNO	PREPADX · TXXIV
C · AVFIDIV	S · C · FIL · ARN	RESTITVTV	S · KARTH · M · F ·	VIII · ID · DEC · MAGNO	PREPAPX · TCXIV
M · ARRIV	S · M · FIL · FAB	CA · I · O · B	ROMA · M · F · VIII · ID	DEC · MAGNO	PREPADX · TIXIIV
L · CASSIV	S · L · IB · AGOP	LEPIDV	S · REGIO · M · F · III · K ·	IAN · MAGNO	PREPADXICXLVI

SEVERO ET VICTORINO CoS

Q · SOSIV · S · Q · LIB · IVL · HEOMENESIVS · REGIO · M · F · K · FEB · MAGNO · PREAD · X · TD · III · V ·

L · SEPTIMIVS · L · LIB · FAB · HYGIV · S · ROM · M · F · ID · FEB · MAGNO · PRE · : : : : : DX · TCXIV

ITEM · PRINCIPALIBVS · QVIBVS · HONOREM · HABVERVNT

P · TVTICANIO · HERMETI · B · PR · P · AELIO · STEFANO · LIBR · I · D

L · CORNELIO · HONORATO · VEX · 7 · L · CORNELIO · HERCVLANO · OPT · 7

M · SENTIO · VITALI · TESS · 7 · CVRA · AGENTE

L · CORNELIO · L · F · HONORATO · VEXIL · 7

ET · L · CORNELIO · L · F · HERCVLANO · OPT · 7

Majorum, minorumque elementorum, quibus hæc constat Tabula, exemplum accipe


GoS · CIVNIO RVFINO PR · CIVNIO BALBO SPR ·

PR · K · IVN · MAGNO · PREPADX · T · CXLVI



EXIMIAM hanc Tabulam æneam edidit in *Column. Troj. cap. 2.* eruditissimus Raphael Fabrettus, Eandem vulgavit in *Museo Veronen. p. CCCIX.* Scipio Marchio Maffejus. Verum


dum Fabrettianum exemplar emendare aggreditur, in maximi momenti errorem illapsus est ipse. I. Protomas in summa Tabula efficitas sic ordinavit



SEVERVS



GETA



ANTONINVS

At ad Getæ sinistram, imago, non viri, sed Fœminæ perspicuè conspicitur, Julæ scilicet Severi uxoris, atque Antonini Caracallæ & Getæ Matris. Exploratum insuper est omnibus Getæ nomen ex Monumentis, Caracallæ jussu, erasum fuisse. Audiatur Xiphilinus lib. 2. 2. *Capitale enim fuit, si quis vel solum nomen Getæ scripsisset, aut pronunciaisset, adeo ut ne Poeta quidem in Comædiis eo nomine deinceps uterentur; fuereque proscripserit bona eorum omnium, in quorum Testamentis ejus nomen inventum est scriptum.* Quomodo igitur Caracalla intactam Fratris in eodem monumento reliquisset effigiem, ex quo ejusdem Nomen eradi jusserat? Tertia ergo Protome, Julæ Domnæ restituenda est; secunda, in medio sita, *Antonino*: neque valet Cl. Maffejo, Tabulæ exemplar, a Blanchiniano, uti aserit, desumpsisse: nam si celebris ille Blanchinius tertiam Tabulæ imaginem *Viro*, scilicet Antonino, non *Fœminæ*, idest Julæ tribuit, suis hercle oculis deceptus, erravit. II. Cl. idem Musei Veron. Auctor hæc habet: *Ubi Fabrettus BRITTANICA PS. quæ explicari nequibant, Blanchinius BRITTANICIS PP. erravit quippe Fabrettus in siglis PS., in autographo enim PP. sed recte scripsisse BRITTANICA, ex eodem autographo liquet, in quo palmaribus elementis BRITTANICA. PP. ET IVLIAE &c. Deum quamvis censendum sit, in tertia linea deletum fuisse Getæ nomen, falsum tamen*

omnino est, in quarta ejusdem Getæ nominis Consulatusque II. cum Antonino III. vestigia remansisse. Revera quomodo ex siglis C. V. II. III. II. cos Antonini nomen tertiusque Consulatus, nomenque Getæ dignosci possit, non assequor. Quippe nisi horum Fratrum Consulatus ex Fastis, aliisque monumentis colligeretur, ex Siglis istis conjici nequirit. Ceterum ænea hæc lamina veluti grati animi monumentum apposita est Augustæ Severianæ domui, non ab universo exercitu, sed a paucis selectioribus Militibus, in quos Imperator frumentum è publico erogaverat, absque ullo rei publicæ detrimento; nam Severus Rei frumentariæ ita, teste Spartiano, consuluerat, ut excedens ipse è vita, septem annorum Canonem populo Romano relinqueret.

Quod autem attinet ad cognomentum *Britannicorum* Septimio Severo atque Antonino Caracallæ traditum; notandum, in quibusdam aliis Inscriptionibus pariter reperiri, deque ab iis Augustis in Brittania gestis plurima narrasse Spartianum: quod vero spectat ad Getæ nominis è publicis Marmoribus remotionem, advertendum inter Sponianas *Miscell. sect. vii. i.* unam, eamque infelicissimo Adolescenti honorificentissimam legi, quæ Caracallæ Ministrorum inquisitiones fugit, quamque (licet forte in Severi Fratris honorem collocatam) æque abstulissent.

Y y

L.SEP.

L. SEPTIMI GETAE
SAECVLARIA
SAECVLI FELICITAS
P. PETRONIVS FAVSTVS
AVGVR

Vide *Dissert.* Guilhelmi Mulgrave, cui titulus
Geta Britannicus.

Quæ sequuntur, nomina, patriam, Tri-
bunumque recitant eorum Militum, in quos di-
tributum Frumentum fuerat. De Tribubus
Fabia, Armense, & Julia vide cap. III. & IV.

T. FLAVIVS. T. FIL. MAEC. Ex tri-
bu *Mecia*, sic dicta a quodam Latinorum op-
pido, quod *Mecium* nominat Panvinus: de
hac Tribu non semel Livius, Cicero, Vale-
rius Maximus.

M. CALVISIVS. M. FIL. VLPIA. Tri-
bunum omnium novissimam hanc fuisse conji-
cio ex eo, quod in Trajani memoriam sic de-
nominata fuerit.

L. LAELIVS. L. LIB. THARS. Liber-
tos Tribubus adscriptos negarunt Gadius,
Gorius, atque Maffejus; validissimis vero ar-
gumentis probavit doctissimus Zaccarias in
Inst. Lapid. lib. 2. p. 130., cujus sententiam
ideo fidentissime sequor, quia id mire ex no-
stra etiam Tabula liquet, in qua perspicue
legitur.

T. SCVTRIVS. T. LIB. FAB
L. SEPTIMIVS. L. LIB. FAB
L. LAELIVS. L. LIB. THARS
L. CASSIVS. L. LIB. AGON

Si enim aliqua insurgit ambiguitas quoad Læ-
lium THARS, (tribus nomen prorsus igno-
tum) nullum omnino superest dubium quo-
ad Scutrium, & Septimium utroque Liber-
tos, utroque ex tribu FABIA hic enuncia-
tos.

VTIN. Idest *Demo Utino*, vulgo *Udine* ur-
be sub Venetorum ditone fatis nota.

HADR. *Hadria* quæ secundus *Europæ* sinus
dicitur a Suida, & Stephano, inter Lacinium

& Acroceraunium; illud Epiri, illud Italiae
promontorium irrumpens: Hinc Maris *Ha-
driatici* nomen. Fuit item Hadria oppidum
in Piceni finibus, Romanorum colonia, a
qua proximus ager *Hadrianus* dictus est.

REGIO. De geminis hoc nomine Oppi-
dis vide cap. IV.

M.F.PR.K.IVN. *Miles sacrus pridie kalen-
das Junii*, MAGNO Pratore.

FPAD. X. T. CXL. IVKC. *Frumentum
publicum accepit die decima Titulo* (OSTII scilicet,
ut docent Inscriptiones apud Fabretum
de col. Traj. cap. 2. p. 36.) *incisus urbis Kartagi-
nensis condito*. Ita has siglas omnes interpreta-
tus est laudatus Raphael *loc. cit.*

¶ Nota hæc est *Beneficarii*, Castrense voca-
bulum; nam cum *Promotiones* in Militia apud
plures Magistratus esse capissent, qui Miles
ab Magistratu aliquo ad altiores ordines *pro-
moveri* mereretur, ejusdem *Beneficarius* di-
cebatur.

VEXIL. OPT. *Vexillario*, *Optioni*. De
Vexillario, deque *Optioni* in militia munere,
alibi.

TESS. *Tesserario*. Qui Tesseræ per Mili-
tum contubernia nunciabant, *Tesserarii*, Ve-
getio auctore, dicebantur. Ita Servius ad il-
lud *Æn.* lib. VI.

————— *in bello tessera signum*

Symbolum, inquit, bellicum, quod ad pu-
gnas exeuntibus datur, confusionis evitandæ
causa. Vegetius duplicem facit, Vocalem,
& Mutam. Vocalis ea fuit, quam hodie Cir-
citores flagitant, quod dicitur il *Santo*, seu
dare il Santo, cui adjungitur alicujus urbis no-
men, uti D. PETRVS. *Roma*. D. PIVS. *Cæ-
sena*. D. AVGVSTINVS. *Alexandria* &c. Vo-
calium Tesserarum exempla diversa referunt
Historici, Appianus, Svetonius, Xenophon,
Hirtius, Vopiscus, Cedrenus. Ita Tesseræ
CYRI maj. *Jupiter belli socius*.
CYRI min. *Jupiter Servator*.

POMPEI M. *Hercules invictus*.

MARII. *Lar Deus*.

SYLLAE. *Apollo*.

CALIGVLAE. modo *Venus* modo *Priapus*.

PERTINACIS. *Militemus*.

SEVERI. *Laboremus*.

AVRELIANI. *Manus ad ferrum*.

ANTIOCHI. *Bene valeto*.

De *Tesseris matris* adi Turnebum *Advers.* lib. 30. cap. 35. & Thomasin. *de Tesseris hospital.* cap. xiv. De *Tesserariis* Militibus crebra in vetustis lapidibus mentio.

COS. Nimirum. P. Cornelio *Anullino* II. & M. *Aufidio Frontone*, qui Consulatum exercuere A. C. 199.

SEVERO. ET. VICTORINO. COS. *Lib. Claudio Severo* cum C. *Aufidio Victorino* consulibus A. C. 200. Binas ergo Tabula hæc Capitolina exhibet *Frumentarias* Severi largitiones: primam nempe *Anullino* & *Frontone*, secundam vero *Severo*, & *Victorino* Coss. Siglam demum illam in tertia linea S. Scribam indicare opinor, aut *Centuriam*: Vide *Ursatum de not. Roman.*

ANVLLINO. II. ET. FRONTONE.

7. Procul dubio *Centurie* nota.

96.

...IC. IMPP DOMI...:
...I. SEVERI PII PERTE...:
...INI. PII. FELICIS AVG
ET IVLIA

Ad *Septimium Severum*, *Caracallam*, & *Juliam Domnam* spectare hoc fragmentum pro certo habeo. Revera *Lapides* in quibus conjunctim *Julia Severi* uxor, *Severus ipse*, & *Antoninus Caracalla* filius nominantur, notavi sæpius, præsertim in *Arcu Severi* ad radices *Capitolii*, in monumento eidem *Augusto*, *Filio*, & *Uxori* in foro olim *Boario* ab

Argentariis excitato & in ænea Tabula, quam dedimus Num. 97. *Julia* fuit natione *Syra*, scemina formosissima, *PIA* etiam vocata licet adulteriis famosa, & conjurationis in *Maritum* conscia. Commendatur ab *Ægidio Menagio de Mulier. Philosoph.* cap. 16. ob favorem erga bonarum literarum cultores, quibus & ipsa operam dedisse fertur.

97.

IVLIAE DOMNAE
AVG
MATRI. AVG N
ET CASTROR.

*Julia Domna Augusta Matri Augusti No-*stri, scilicet *Antonini Bassiani Caracallæ*, cui tamen juxta *Capitolinum* *Julia Domna* non Mater fuit, sed *Noverca*. *Caracallæ* enim Mater, *Marcia*, prior *Severi* uxor, de qua hæc

Historicus: Uxorem tunc Marciam duxit, de qua tacuit in historia vite private; cui postea in Imperio statuas collocavit.

ET CASTROR. Et *Castrorum*. Vide inferius num. 101.

98.

D M
ABGAR
PRAHATES
FILIVS. REX
PRINCIPIS
ORRHENORV
HODDA
CONIVGI BENE
MERENTIFE

Abgari seu *Abagari* plures inveniuntur apud Historicos. Sextus Rufus eum nominat, qui in Parthia Crassum prodidit. Alterum Edessæ dominum sub Claudio Imp. vixisse refert Tacitus. A Xiphilino, & Suida Abgarus alter laudatur, qui Trajanum muneribus placavit. Eusebius tandem, Nicephorus, & Cedrenus alterius Abgari meminere, quem CHRISTO Syriace scripsisse D. Hieronymus asserit, negantque innumeri Auctores. Hunc, uti Christianæ religioni addictum commendat S. Epiphanius *ad Her. lvi.* ubi *Bardeſanes* inquit, *Abgaro Edessenorum Principi viro sanctissimo familiaris fuit.* Ad quem nostra pertineat Inscriptio, incertum. Ego tamen ad illum arbitror, de quo hæc in *Severo* Herodianus: *Sed & Rex Osroenorum Abgarus ad eundem transfugit, ac liberos obsides tradens, fidem suam auctoravit.* Abgari caput Persica tiara seu Cydaride, & diademate ornatum exhibent nummi Patiniani; nempe p. 192.

& iterum inferius inter Numismata Gordiani Pii p. 301.



PRAHATES. In Seraspadanis vero, & Rhodaspis epitaphio, in Hortis Mediceis sito, scriptum habemus PHRAATIS.

ORRHENORV. Alibi OSRHOENOS nuncupatos invenies. Adverte hic illam mutæ M omissionem, non mendum esse Quadratarii, sed Latinæ plebis scripturam; ita in Marmore Kircheriano *Cuspidius... vixit... & dies VNDECI.* Vide *Quintil.* lib. 9. cap. 4.

Osroene autem Mesopotamiæ Provincia fuit, cujus Metropolis *Edessa*.



HODDA. Uxoris nomen, a qua *Coniugi benemerenti* columella hæc quadrata collocata est; quam repertam fuisse anno 1728. prope sinistram Tiberis ripam non procul a Ponte Milvio, monet Ant. Lupi in Epitaphio S. Severæ p. 112.

99.

IMPERATORI CAESARI
M. AVRELIO ANTONINO
AVG ☉

L. SEPTIMII SEVERI PII
PERTINACIS AVG. FILIO
DOMINO INDVLGENTISSIMO
PAEDAGOGI PVERORVM A CAPITE
AFRICAE QVORVM NOMINA INFRA
SCRIPTA SVNT

TRYFERVS VER	LIB.	PETIZACE	S. LIB
EVPERILEMPTV	S. LIB.	ZOILLA	S. LIB
EVTYFRO	N. LIB.	FREQVEN	S. LIB
TROFIMVS VER.	LIB.	MODESTV	S. LIB
POLLVX VER.	LIB.	PATROCLV	S. LIB
CHRYSOMALLV	S. LIB.	HERME	S. LIB
PHILETERVS VER	LIB.	NICOMACHVS.VER	S. LIB
EVTYCHE	S. LIB.	PAEDICV	S. LIB
SPENDO	N. LIB.	HERMOGENE	S. LIB
PERSEV	S. LIB.	NE::ON VER	S. LIB
HERME	S. LIB.	ANEMVRIV	S. LIB
FELIX	LIB.	EVTYCHE	S. LIB
PROCVRANTIBVS.SATVRNINO.ET.EVMENIANO			
DEDIC.IDIB.OCT.SATVRNINO.ET.GALLO			
COS			

M. AVRELIO . ANTONINO . Ideft
M. Aur. Antonino Bassiano Caracallæ, seu Ca-
racallo .

PAEDAGOGI PVERORVM. Quali *Pro-
ceptores*, cujus curæ tum pueri, tum adole-
scentes tradebantur usque ad ætatem, qua
Magistratus petere licebat. L. Ælius Peregrini-
us, T. Flavius Anicetus, L. Lælius Nice-

phor Ganimedes, Artemisius, Hilarius, om-
nes puerorum Paedagogi apud Gorium, Vi-
gnolium, Gruterum, & Sponium. Hos aurea
periscelia, cæteraque pedum, & crurum vin-
cula ex auro gestasse docet Harduinus ad Plin.
lib. 33. cap. 12. Imaginem vero vulgavit Bol-
dettus p. 334. ex anaglypho ætate sua juxta
ædes S. Mariæ Monticellianæ reperto



Duos hic vides Pueros, quorum alter Pædago chartæ fasciculum exhibet; alter ad thema, stylo, conscribendum, animum intendit. Vocabantur etiam COMPAEDAGOGITAE; ex his fuit apud Gorium C. Valerius Myrsina, & COMPAEDAGOGII, uti in Schædis Berberinianis legit Sponius. Item DE PEDAGOGIO apud Mazzocchiū p. 136.

PHILONICVS
TI. CAESARIS. GERM
DE PAEDAGOGIO
VIXIT ANN. XIIX

Tandem SVB PEDAGOGO absque diphtongo profert Florentinus lapis in nobilissimis præclarissimæ RINUCINIAE gentis ædibus adseruatus; cujus exemplar mihi tradidit eruditissimus Ab. Hieronymus Tanninius

D. M
T. FLAVIO
ANICETO. SVB
PEDAGOGO
PVERORVM
CAS. N. V. A. LX

Pædagogium vero cubiculum erat Puerorum: hinc Plin. Ep. lib. 7. *Puer in Pædagogo*, mistus pluribus dormiebat. De Pædagogis puellarum, & domus Augustæ vide not. ad N. 46.

A CAPITE AFRICAE. Ita in Museo Kircheriano

D, M
sic
M x VLPPIO
AGATHONICO
PAEDAGOGO
ACAPVTA FRI
CE

Et inter Gruterianas DLXXXV. P. Ælius Lycus Pædagogus AC APVT AFRICAS, h. e. *Caput Africæ* ut emendavit doctissimus Ant. Lupus. Caput vero *Africæ* vicus erat Romanus a Victore, & Rufo apertis verbis in secunda Regione situs, nempe in Cælimontana. Neque attendendus Nardinius qui *Caput Africæ* cum *Vico Africo* confundit, quem in Regione quinta Varro collocavit, a nostro longe diverso. Eodem modo denominatos alios legimus in descriptione Urbis vicos; uti *Caput Vici Publicii*, & *Caput vie novæ*. Nomen desumptum a quodam capite mulieris Africam referentis Pancirolus censet in *descript. Reg. Urbis* p. 4. ita vicum, *Caput Gorgonis dictum*, sic a capite Medusæ in eo loco sito nominatum asserit. Ex his colligitur antiquis Romæ temporibus non Regiones tantum; sed & vicos peculiaria nomina a Simulacris, aut Ædi-

bus, Templisve iis proximis; ut hisce diebus, obtinuisse.

QVORVM NOMINA. Sequuntur nomina Pædagogorum, qui omnes Liberti erant

DEDIC. IDIB. OCT. Nempe Basis, aut Statua cum Basi (quæ reperta est anno 1663. non procul ab Ecclesia SS. Johannis, & Pauli.) die xv. Octobris.

SATVRNINO. ET. GALLO. COS. T. Aterius seu Haterius (a Petavio Tiberius Aterius perperam dictus) Consulatum inivit cum C. Annio Trebonio Gallo ann. C. 198. eodem scilicet anno, quo Caracalla Augustus, Geta vero Cæsar a Patre creantur.

Literæ E. F. G. T. & Y, in Marmoræ sic E.F.G.T.Y.

100.

IMPCAE.:
ANTONIN.:
L. SEPTIM.:
PONT.:
IMPCA.:

Forte IMPeratori CAESari M. Aurelio Antonino L. SEPTIMii Severi Filio Pontifici Maximo &c. Supplementum tamen istud Lecto-

rum iudicio subijciendum fateor, quamvis cum præcedenti, ad eundem Imperatorem spectanti, consentiat.

101.

.:LIAE . SEVERAE . M
.:MAE . AVG. ☉ N
.:ASTRORVM ☉ P
.:AC PATRIAE

Putabam inscriptionem pertinere ad Juliam Aquiliam Severam, quam Elagabalus, repudiata Julia Cornelia Paulla, in uxorem duxit: itaque effractum Marmor hoc pacto restituebam

IVLIAE . AQUILIAE . SEVERAE

At quomodo tunc interpreterer illud MAE in

secunda linea, ignorabam. Si *Mammæ* (supplemento tamen concessio alterius Æ.) sciendum Aquiliam numquam *Mammæam* esse dictam: Si ad Juliam Mammæam Lapis refertur, hæc, Alexandri Severi mater, numquam *Severæ* cognomen prætulit, quod ex Historicorum, Numismatum, atque Lapidum silentio probatur. Hujusce igitur disceptationis

Le-

Lectorem ipsum iudicem volo. Interea obiter dicam, Aquiliam Severam Elagabalo nupisse; cum verò huiusmodi nuptias, cum Virgine scilicet Vestæ dicata, Senatus execraretur, Imperator id se fecisse dixit, ut ex ipso, Solis Pontifice, & ex Sacerdote Vestali, liberi divini nascerentur: hanc tamen, posthabita prolis divinitate, paulo post remisit; tandem ad eam rediisse, ac usque ad necem retinuisse fertur. Julia Mammæa (ad quam probabilius Lapis noster spectat) Aviti Lupi filia fuit, ac primum Marciani V.C. uxor, è quo Alexandrum Severum peperit; deinde Claudii

Juliani. Hanc laudant Herodianus, Lamprius, Zosimus, & Nicephorus Callistus lib.v. cap.xvii. ubi *Ἡ γὰρ ἡ γυνὴ θεοειδὴς μάλλον, καὶ τὸν πρόπον ὑπερ' αὐτὴν μάλιστ' αὐλαβήσῃ. Pie enim divina colebat, moribusque, si qua alia, & ipsa maxime castis, & modestis erat.* Pecuniæ tamen, vetularum omnium more, avidissima; quapropter a Maximini fatellitibus, cum Alexandro in tabernaculo, laqueo suffocata est. Matris filique sarcophagus (prout autumant nonnulli) visitur in Musei Capitolini atrio; hic, ex Patino pag.274., nummum accipe; in cuius averfa parte felicitas perpetua,



Nonnulli Mammæam Christianam dicunt, atque Origenis discipulam, a quo veritate Christianæ Religionis imbuta atque ad divini verbi, disciplinæque amorem excitata est. Verum avaritia, regnandique cupiditas, quibus ad supremum usque diem inservit, nos in gravissimum de huiusce Augustæ Christianismo dubium inducunt.

III. ASTRORVM. *Matri castrorum ac Patriæ.* Ita in alia Inscriptione apud Grut. p.271. Mammæa posita, in qua nomen primo loco absque diphrongo.

IVLIAE MAMMEAE
AVG. MATRI
IMP. CAES. M. AVRELI
SEVERI ALEXANDRI
PII. F. AVG
M. CASTROR

COL IVLIA ACCITANA
DEVOTA

NUMMI
M. Q. EIVS

G. Piso, primus, ob indulgentiam erga milites, *Legionum Parens* est appellatus. Mox Caligula *Castrorum Filii* titulum usurpavit, quod in Caltris natus esset, atque educatus, unde versiculi apud Svetonium

*In castris natus, patriis nutritus in armis,
Jam designati Principis omen erat.*

Quod autem Augustas spectat, jam Sextilia, Vitellii Imp. Matri, Patres conscripti, sæda adulatione, *Matri Senatus*, ac *Patriæ* titulum detulerant; quod patet ex ejus Nummis, in quibus legitur MATRI AVGVSTAE. MATRI SENATVS. MATRI PATRIAE. Mater verò *Castrorum*, cæterarum Augustarum prima, dicta est Faustina, M. Antonini uxor. *Divam Faustina*, inquit Capitolinus, a *Senatu* appellatam gratulatus est (Antoninus), quam secum *& in castris* (caltris) habuerat, ut *Matrem Castrorum* appellaret.

102.

PROS.CAES.M.AN:.....IVI.GORDIANI.PII.FELICIS.AVG.ET
 TRANQVILLINAE.SABINAE.AVG.VENATORES.IMMVN
 CVM.CVSTODE.VIVARI.PONT.VERVS.MIL.CO.HVI.PR.CAM
 PANIVS.VERA.X.MIL.CO.H.VIPR.FVSCIVS CRESCENTIO
 ORD.CVSTOSVIVARI.CO.HHP:..ETIEVRBBDIANA.AVG.DSEX.VP
 DEDICATA XII KAL NOV IMP.DNGORDIANO.AVG.ET.POMPEIANO CO:.

PROS. *Pro salute*, GORDIANI. Non duos, ut quidam imperiti Scriptores dicunt, sed tres fuisse Gordianos probat Capitolinus. Hic vero agitur de M. Ant. Gordiano cognomento PIO, cujus elogium vide in Notis ad Inscriptionem num. 103. Antonii an Antonini nomen ei fuerit, ejusdem Capitolini ætate disceptatum est; quæstionem tamen dirimit Lampridius his verbis: *Hic* (Elagabalus) *ultimus Antoninorum fuit; neque postea hoc nomen loco Principum in Republica frequentatum est; etiam illud addendum, ne quis oriat error, quum duos Gordianos narrare cœpero, Patrem, & Filium, qui se de Antoninorum genere dici volebant, non nomen in illis primum fuit, sed prænomen; deinde, ut plerisque in libris invenio, ANTONII dicti sunt, non ANTONINI.* In hac autem Tabula sermo est de ferarum Custodibus, a quibus Bestiæ in Amphitheatrum producendæ curabantur, nec non de Venatoribus immunibus, qui eas aliquando cædebant. Custodiebantur illæ in Vivario, quod Antiquarii ponunt Via Prænestina extra Portam, quæ hodie *Maggiore* vocatur, inter Castrum Prætorianorum, & Servianos Aggeres, ubi Saxum istud repertum est. Opinio hæc mire Procopii testimonio confirmatur, qui de Bell. Goth. lib. 1. *Acie instructa*, inquit, *circa Prænestinam portam, ad eam muri partem, quam Romani Vivarium dicunt, unde expugnari mœnia perquam facile poterant; & paulo post: Bessas interea Parteniusque, Visige ipso e regione Vivarii validissime his insistente, eodem ad se Belisarium evocant.* Ceterum Vivaria pro ferarum septis sumi innuunt Gellius lib. 2. Columella lib. 9. & Tzetzes Chil. 4. C. 173. *περὶ βοτῶν*, inquit D. Hieronymus in *As. S. Marcelli translulerunt, quod nos Vivarium, & conclusam locum dicere possumus.* Collegium Venatorum

commemorat lapis Muratorianus sic

M. ATTIO M. F
 SER. DRACONI
 CLODIANO
 ANNAVO RVFO
 COLLEGIVM
 VENATORVM

Venatorum insuper Pollentinorum Collegii meminit etiam cujusdam Inscriptionis fragmentum ab eruditissimo Jacobo Durando nuper editum in Dissert. cui titulus: *Del Collegio degli antichi Cacciatori Pollentini* pag. 2.

✠ ✠ ✠ A ✠ ✠ ✠
 ✠ ✠ TANAE. NEMORENSI
 ::OLLEGIVM VENATOR.POLLENTINORVM
 :::::DEDECAV:::
 ::::DVS. SEX:::
 L.D.D D

Verum hos lapides ad Venatores in nostro laudatos spectare haud credo; eo magis quod Pollentiæ vivarium, quo feræ ludorum causa alerentur, extitisse minime censendum.

IMMVN. *Immunes*: h. e. Prætoriani immunitate donati, ut assidue commodeque Ferarum curæ vacarent.

PONT. VERVS. *Pontius Verus miles Cohortis VI. Prætoriae.*

COHH P:: *Cohortium Prætorianarum, & VRBB Urbanarum.* M. Aurelium Mucianum Venatorem Duplarium, & simul Prætorianum militem laudat Saxum ap. Muratorium p. 798.

A a a

ex

ex quo liquet, Venatoris munus officio Militis licet Prætoriani haud repugnasse.

DIANA AVGDSEX. VP. Dianæ Augustæ de suo ex voto posuerunt; nimirum pro salute Gordiani, & Tranquillinæ.

DEDIC. XII. KALNOY. Dedicata die 21. Octobris, ipso vero anno quo Gordianus *Tranquillinam* (Græci numi in ejus honorem cusi TPANKTAAEINA) *Sabinam*, seu *Cabinum*, ut apud Angelonum, uxorem duxerat. De hac præclarissima Fœmina rursus in not. ad Inscriptionem sequentem.

GORDIANO. ET. POMPEIANO.CO. Gordianus Pius consulatum inivit cum M. Aur. Claudio Pompejano (male Capitolinus, aut forte Capitolini Historiæ editores PAPINIANO) anno C.241. Emendetur quoque Muratorius, qui in postrema linea scripsit C. S. pro Cø, idest Cøs. Saxum extabat olim in Museo Sabbatino, illustravitque cl. Paullus Alexander Maffejus. Advertendum denique (quod Maffejus silens præterit) numerum Consulatus Gordiani nempe II. in Marmore desiderari: primum enim gesserat cum Man. Acilio Aviola, ann. C.239.

103.

DEDICATA. IIII. IDVS. MART
IMP. DOMINO. N. GORDIANO. AVG
ET. M. ACILIO AVIOLA. COS

PER
Q. VETVRIO
QQ

FELICISSIMO ELEC

C. IVLIO EVVANGE
T. AVRELIO
CVRATO
P. AELIO EVTYCHETE
C. ANNIO BASILIDEN



E MARCIO CRYSOTOM
EVTICHETE
RIBVS
IVN. L. TRAIANO ARAB
C. IVLIO TERTVLLIO

DEDICATA. Scilicet Statua, in Gordiani honorem. Verumtamen cum Præfericulum in basi effictum ad sacra pertineret, opinari licet agi hic de Ara alicui Deo, imperante Gordiano, dedicata.

IIII. IDVS. MART. Die duodecima Martii, A. C. 239. quo M. Antonius Gordianus Aug. Pius consul fuit cum Manilio Acilio Aviola. Maximo, & Balbino militari seditione interemptis, Gordianus, ex Gordiani Africani filia natus, a militibus, & populo, & Senatu, & omnibus gentibus, uti tradit Capitolinus, ingenti amore, ingenti studio, & gratia Augustus est appellatus, annos agens ut plerique asserunt XI., ut nonnulli XIII., ut Junius Cordus dixit XIV. ut demum, perperam,

Carolus Patinus xv. *Juvenis lætus, pulcher, amabilis, gratus omnibus, in vita jucundus, in litteris nobilis, prorsus ut nihil præter ætatem deesset Imperio.* Contra Persas profectus, Saporem vicit, Antiochiam, Carras, & Nisibin recepit: quas ob causas Quadrigæ Elephantorum decretae sunt ei a Senatu, utpote qui Persas vicisset, ut triumpho Persico triumpharet. In Gordiani nummis tamen, licet frequentissimis, Currum triumphalem quatuor ab equis vectum vidi; Quadrigam vero cum elephantibus, nunquam. Sed non prætereunda quæ juvenis iste Augustus, adulti viri dignissima, egregiamque animi sui indolem testantia, ad Senatum scripsit, in Epistola de rebus a se gestis adversus Persas: *Si Dii faverint, Ctesiphonta usque veniemus. Valeat tantum Nisi-*

*Misitheus prefectus, & parens noster, cujus dū-
ctu, & dispositione, & hac transegitus, & re-
liqua transegitus. Vestrum est igitur supplicatio-
nes decernere, nos Diis commendare, Misitheo
gratias agere.* Misitheus enim viri doctissimi,
atque prudentia morumque integritate insi-
gnis, unicam Filiam, nomine Tranquillinam,
uxorem duxerat; quam *Sanctissimam* dicunt
Lapides, nummi vero modo *Flaviam*, modo
Furiam Sabinam, interdum *Valeriam* Tran-
quillinam. Gordianus igitur cognomine PIVS;
Misitheus a Senatu, publico titulo, EMI-
NENS VIR ac REIP. TVTOR appellatus;

Tranquillina, fœmina SANCTISSIMA, Ro-
manum Imperium armis invicem, consilio,
& moribus, felicitare assidue conabantur.
*Sed felicitas ista, inquit Capitolinus, longior esse
non potuit:* Misitheus enim extinctus est frau-
dibus M. Julii Philippi, qui tandem, ob re-
gnandi cupiditatem, ipsum Gordianum sexto
imperii anno trucidavit. Milites, optimo
Principi, sepulcrum apud Circejum in finibus
Perfidis cum hoc titulo Græcis, Latinis, Per-
ficis, Judaicis, & Ægyptiacis literis inscripto,
erigi curarunt.

DIVO. GORDIANO

VICTORI. PERSARVM. VICTORI. GOTHORVM

VICTORI. SARMATORVM. DEPVLSORI. ROMANARVM. SEDITIONVM

VICTORI. GERMANORVM

SED. NON. VICTORI. PHILIPPORVM

Quæ, licet notissima, hic silentio præterire
nequivi, ea sensim ductus voluptate, qua te-
netur animus, cum de præclaris egregiisque
Principibus fit mentio, ex quorum numero,

forteque cæteris laudabiliorẽm fuisse Gordia-
num III., nemo profecto negabit.

QQ. *Quinquennalitiis. E. Et.*

104.

CORNELIAE
SALONINAE
SANCTISSI
MAE ꝫ AVG
COL ꝫ IVLIA
CASTRONO
Vꝫ DEVOTANV
MINI EIVS

Occo, Hemelarius, alique eruditi viri Cor-
neliam Saloninam, perperam cum Pipa, aut
Pipara confundunt. At Pipara, Marcoman-
norum, seu Juthungorum Regis filia, Gal-
lieni fuit concubina: Salonina uxor. Confer
Vid. in *Cæsar.*, Tristandum, Bonarotam, Al-
torfinum, Schuarzium, Bandurium. Nummi
Græci hanc modo ΧΡΥΣΟΤΟΝΗΝ appellant,
modo VENEREM GENETRICEM, uti
apud Patinum videre est.

Hanc, Lapidibus, Statuis, Numis, cer-
tatim celebrarunt Romani, Ephesii, Sardia-

ni: moribus enim fuit sanctis; ideoque hic
Sanctissima Augusta. Erga eruditos voluntate
propensam aserit Porphyrius: formosissimam
verò testantur Historici, ac sequens ex Eber-
mayero numisma



Hame-

Hemelarius item observat, Saloninam Veneri ipsi ob venustatem, & formam fuisse comparatam. Itaque rursus hic dico, quod jam in opusculo de Ornaticibus §.xxvi., Protomam scilicet Musei Capitolini, quam Saloninæ communiter assignant Antiquarii, cum sit omnino deformis, nullo modo hanc Gallieni uxorem repræsentare. Cæterum hæc trium liberorum mater facta est; *Publii Licinii Cornelii Salonini Valeriani*, qui Posthumi scelere in Germania a militibus necatus est, indeque a Patre inter Divos relatus: *Julii Salonini*, cum quo, & Marito, innocentissima hæc Fœmina, prope Mediolanum, est interfecta: *Julia* demum, quæ in inscriptione

Gruteriana vocatur *Nobilissima puella*,

SANCTISSIMAE. Nimirum *castissima*; nam *Sanctitas* antiquitus pro *castitate* usurpabatur, quam præcipue viri laudant in mulieribus. Plinius in *Panegy.*, Plotinam Trajani sanctissimam fœminam nuncupavit: *Tibi Uxor*, inquit, *in decus, & gloriam cedit*; quid enim illa *sanctius*? quid *antiquius*? Tranquillina etiam, Mithrei filia, Gordiani uxor, vocatur in Lapidibus *Sanctissima*.

CASTRONOVO. De colonia Julia Castronovanorum vid. inf. in sequenti.

105.

PVBLO CORNE
LLO LICINIO
VALERIANO
NOBILISSIMO
CAES * 7 COL
IVLIA CASTRO
NOVO DEVO
TA NVMINI AEIVS

Ad juniorem Valerianum Gallieni filium pertinere hunc lapidem opinor: 1° quia Valerianus senior, ille scilicet quo Sapor Persarum Rex pro scabello usus est, nunquam *Cornelius* appellatur, neque ab Historicis, neque in nummis; sed *Publius Licinius Valerianus*; & in numismate apud Panvinium in Faltis, *Publius Aurelius Licinius Valerianus*; demum a Sex. Aur. Victore *Colobius*. 2° quia titulum NOBILISSIMI (qui non equidem Cæsaribus jam ad imperium evectis, sed candidatis, ac Imperatorum liberis tantum tradebatur) Valerianus, inopinate ac præter expectationem, ab exercitu, Æmiliano interfecto, Imperator factus, nunquam obtinuit.

NOBILISSIMO CAESARI, *Nobilissimi* titulum a Constantio excogitatum tradit, ex Zosimo, Samuel Pitiscus: ac paulo post hoc titulo decoratum fuisse docet Licinium Valerianum, qui tamen Constantium, Lu,

circiter annis, imperio antecessit. Spanhemius a Philippis inventum aserit. Baronius originem Constantini parentibus tribuere minimè dubitavit. Verum omnes errasse clarè probatur; nam præter Britannicum, qui teste Tacito NOBILIS titulum est adeptus, hunc Antoninorum ætate emeruisse liquet ex Lapidibus. Gruterus p.272.

IMP. CAES. M. ANTONINI
PII. GERM. SAR. FIL. DIVI
PII. NEP. DIVI. HADR. PRO
NEP. DIVI. TRAIANI. PARTH
ABNEP. DIVI. NER. ABNEP
M. AVR. COMMODO
ANTONINO. PIO. FEL. AVG.
SARM. GERM. MAX. BRIT
P. M. TRIB. POT. XIII
IMP. VIII. COS. V. P. P
NOBILISSIMO. PRINCIPI

Ita Getam apud Lipsium p. 23., & Maximum ap. Gruterum Calaritanum, & Bracarensem, NOBILISSIMOS CAESARES vocarunt. Aliam eidem Cornelio Valeriano inscriptionem retulit Muratorius

P. CORNELIO
LICINIO VALERIANO
CAESARI PISAVRENSIS

In nostra, inter CAES. & COL. notæ quædam inconditæ extant, quæ aut nihil significant, aut interpretari nequeunt. Muratorius tamen confidentissimè in binas SS. transformavit, explicavitque SPLENDIDISSIMA. At cum in Saxo illæ SS. non videantur, ego interpretor potius *Somnia* Muratorii Amnensium.

COL IVLIA CASTRONOVO. Ubi nunc S. Severæ oppidum, ibi Castrum novum ponit doctissimus Muratorius in *Thef. p. mcv.*, parum a Centumcellis distans: at Plinius littoris Adriatici oppidum fuisse docet lib. II. cap. v. non ergo Tyrreni maris, ad quod sita est S. Severæ villa. Alterum extat in Piceno vulgo *Flaviano*, ad Truentum amnem. Tertium (ut me expediam) nobilissimum, cujus meminit Cassiodorus in Dertonensi dicecesi, ad Seripæ torrentem, nunc *Castelnovo di Scrivia*. Cui verotribuendum sit Coloniae Juliæ nomen, mihi incompertum: Muratorius, S. Severæ, quibus argumentis, ignoro.

AEIVS. Ejus.

106.

IMP
FL VALERIO
SEVERO
NOBILISSI
MO CAESARE
CASTRONO
VANORVM

Cum in Saxo Flavius Valerius Severus nobilissimus Cæsar dicatur, credendum est inscriptionem positam fuisse a Castronovanis anno quo Severus ab Imp. Constantio Chlora, & Galerio Maximiano, addito collega Maximino, Cæsar dictus est, nempe A. C. 306. Galliam, Italiam, & Africam rexit: contra Maxentium Romæ profectus, viribus impar, desertusque ab exercitu, in fugam se dedit, Ravennæque captus, jussu Maximiani Herculei interficitur. Ravennæ occisum docet Eutropius; in agro Spoletino, Zosimus: at Aur. Victor, & Paulus Diaconus, quos sequuti sunt Hemelarius, Patinus, & recenter accuratissimi Romanæ Historiæ Britannici scripto-

res, interemptum affirmant ad tres Tabernas, via Appia, hoc est xxii. ab urbe lapide; *funusque ejus, inquit Victor, Gallieni sepulchro insertur, quod ab Urbe abest per Appiam millibus novem.* Trium harum Tabernarum mentio est in Act. Apost. 28. *Venimus Romam, & inde cum audissent, fratres occurrerunt nobis usque ad Appii forum, & tres Tabernas.* Episcopos trium Tabernarum nominat Ughellius.

Inscriptionem alteram, quæ ad solum Fl. Val. Severum pertineat, hæcenus non vidi-mus; illa enim, quam refert Muratorius, nomina etiam reliquorum Augultorum ea ætate imperantium continet.

107.

DEDICATAE

KAL. IAN

DD. NN. DIOCLETIANO . III. ET
MAXIMIANO . COSSCVRANTE ¹HESSIO . SECVNDO . P. C
CORARIORVM

Fragmentum istud in sinistro Basis Constantino dicatæ latere extare, confidenter asserit Gruterus; quod falsissimum est. Idem censuit Panvinius, ideoque Inscriptionem simul jungit, & fragmentum, hoc est dedicationem immediate post verba MAIESTATIQ. EIVS, ita ut de duabus una tantum fiat inscriptio. Verum, licet in eadem Basis titulus, & dedicatio viderentur, hæc tamen, quo pacto possit Constantino accommodari, non video. Tertium enim Diocletiani consulatum incidisse in annum C. 287., Constantinum vero (qui *Imperator* in titulo est appellatus) regnare cepisse A.C. 306. idest viginti circiter annos a Diocletiano tertium, & Maximiano Consulibus, perspicue ex Historicis, & Chronologis liquet.

KAL. IAN. Die prima Ianuarii.

DIOCLETIANO III. ET MAXIMIANO. COSS. Primus Consulatus numero non signabatur. Itaque errasse puto Panvinium, & Almeloventium, qui secundum Maximiani Herculei consulatum, & tertium Diocletiani connectunt. Cum enim ablit a Lapide nota, Maximiani consulatus indicans numerum, manifestum est Maximianum nunquam antea fuisse Consulem, sed hic primo cum Diocletiano III., Anno C., ut supra, 287. Vide Norisium Diss. I. de Dioclet. & Licin. numm. ubi Medicum Numisma refert cum hac epigraphe

IMP. DIOCLETIANO III. MAXIMIANO COSS

Diocletianus, Christiani nominis favissimus hostis, Salone natus est, utroque parente ignobili. Interempto Carino, Imperator

salutatur, & Augustus, atque a Senatu magno honore excipitur. Tyrannis undique insurgentibus, prudentissime legit Maximianum consortem Imperii, mox Galerium & Constantium Chlorum Cæsares creavit, adoptavitque. Senior factus se se imperio abdicavit Nicomediæ, vixitque privatus Salone annis decem agriculturam exercens. Cum a Conlegis ad recipiendum imperium rogaretur, hæc respondit: *Vinam Salone possitis vivere clera nostris manibus instituta, profecto nunquam istud tentandum judicaretis.* Nec em ignominiosam pertimescens, venenum sumpsisse fertur, ac sic occubuisse ætatis anno 68. Atrocissime una cum Maximiano in Christianos, tamquam Imperii everfores, favisse testatur (præter Historicos) columna hoc pacto inscripta Cluniæ Hispaniæ urbe, utriusque ab Ethnicis erecta

DIOCLETIANVS . IOVIVS . ET
MAXIMIANVS . HERCVLEVS
CAES . AVGG
AMPLIFICATO PER ORIEN
TEM . ET . OCCIDENTEM
IMP . ROM
ET
NOMINE . CHRISTIANORVM
DELETO QVI REMP . EVER
TEBANT

Maximianus e Sirmio in Pannonia, vir natura ferus, & immitis, Tyrannos Amanum, & Ælianum vicit, Gallias pacavit, cum Carausio pacem firmavit. Eodem die quo Diocletianus Nicomediæ, Mediolani Imperii fauces, consulente conlega, ægerrime tamen deposuit. Tandem Maxentio filio favens, ac gene-

genero Constantio infidias fruens profugit Massiliam, ubi captus, fractisque laqueo cervicibus interijt æt. anno 60. Vide Lactant. *de mort. Persecut.*

HESSIO, SECVNDO. P. C. Panvinius,

de Civit. Rom. THESIO SECVNDO. R. C. sed legendum procul dubio P. C. videlicet *Præfeto*, aut *Patrone corporis* Corariorum, de quibus agendum inferius in not. ad Inscrip. 110.

108.

Pars superior

*Pars inferior,
sic inversa*

DONINO
NOSIRO
MAXENTIO
PIO FELICI
INVICIO
AVGVSTO
VII

ANNIA PHIVIA
HP. ΔΟΥΤ. VNNHTO. C
THCOKIACTINOC TAV
TATAX. ΠΙΑΡΕΦΟΝΑΝ
ANNIA. Α. REGILLA
HIRODIS. VXOR
LIVMENE DOMAS
CIVIS. HÆC
PRAE. DIA
EVERVNT

DONINO. *Domino*. INVICIO. *invicto*.

VII. Marmor Columnam exhibet. Numerus indicat Columnam inter Cippos Miliarios esse recensendam, quod per extensum in sequenti Milliaro lapide ad eundem Maxentium spectanti legi apud Fabrettum p. 412.

D. N. IMP.
MARCO. AVRE
LIO. VALERIO
MAXENTIO
AVG
MILIARIVS

nestina distat) S. Eusebii Templum a Prænestina in Labicanam transtulit. Binæ insunt in hoc Cippo inscriptiones. Superior ad Maxentium tyrannum pertinet, Eutropia Matre, incerto Patre natum, cujus uxor Magnia Urbica Galerii Maximiani filia. Is a Constantino M. tandem ad Pontem Milvium superatus, Tiberi absorptus est anno ætatis suæ xxx. Imperii vi. *Suberat adhuc ei sævitia, ac horrendæ frontis minas mors ipsa non vicerat*, inquit Sex. Aur. Victor; quæ verba de extincto, faciei viventis Tyranni apprimè respondent, ut ex hoc laudati Patini numismate liquet.



Jam Fabrettus in Inscrip. quam Ficoronius in *Vestig. R. A.* repertam fuisse asseruit in Hortis Cœlestinorum S. Eusebii, sed ille recte horum illustrium Monachorum Cœnobium ad viam Prænestinam posuit, iste perperam ad Labicanam: quod non mirot. Cum enim Ficoronius præsumeret vetustissimum Labici oppidum extitisse ubi nunc *Lugnano*, in quo ortum habuerat, cumque ad suam firmandam opinionem plurimum valeret, quod crederetur Maxentii Miliarium jacuisse via Labicana (quæ parum profecto a Præ-

Inferior vero spectat ad Anniam Faustinam Regillam, uxorem celeberrimi Tiberii Claudii

dii Attici Herodis (minus recte Casaubonus opinatus est, hunc esse illum, qui in Judea regnavit) eruditissimique viri, qui Phavorini philosophi discipulus fuit, & heres, quiq; imperante Antonino Pio Consulatum gessit una cum C. Bellicio Torquato Ann. v. c. 896. juxta Petavium post C. N. 143. Marathone in Attica natum Herodem nostrum facit græcus Lapis apud Sponium *Sest. x.* ΑΤΤΙΚΟΝ ΗΡΩΔΗΝ. ΜΑΡΑΘΩΝΟΝ, Hunc Præceptorem habuit M. Aur. Antoninus, uti docet Capitolinus, De eo audiendus Gellius N. A. lib. 1. cap. 11.
 „ Herodes Atticus, vir, & græca facundia,
 „ & Consulari honore præditus, accersebat
 „ sæpe nos, cum apud Magistros Athenis es-
 „ semus, in Villas ei urbi proximas, me, &
 „ clarissimum virum Servilianum, complu-
 „ resque alios nostrates, qui Roma in Græ-
 „ ciam ad capiendum ingenii cultum concess-
 „ serant; atque ibi tunc cum essemus apud
 „ eum in Villa, cui nomen est Cephisia &c.,
 „ ejusdem Herodis Consulatum memorat Mu-
 „ ratorianus Lapis, sic

D. M.
 PHOEBVS
 QVI. ET. TORMOGVS
 HISPANVS
 NATVS SEGISAMO
 NE III. K MARTIAS
 C. BELLICIO TORQVA
 TO. TI. CLAUDIO
 ATTICO HERODE COS.
 &c.

Binæ extant, sed nimis prolixitatis Inscriptio-
 nes in Burghestorum Villa ad Herodem
 simul, & Regillam spectantes. Prima incipit
 ΠΟΤΝΙΑΘΗΝΑΙΩΝ ΕΠΙΤΡΑΠΗ ΤΡΙΤΟΓΕΝΕΙΑ
 h. e. veneranda Athenarum præses Minerva e
 Jovis capite nata, Secunda

ΜΑΡΚΕΛΑΤ
 ΔΕΤΡΙΤΕ ΘΥΒΡΙΑΔΕΣ Ν ΗΟΝ ΠΟΤΙ
 ΤΟΝ ΔΕ ΓΤΝΑΙΚΕΣ
 ΡΗΓΙΛΛΗΣ ΕΔΟΣ

Marcelli

Huc adesse Tiberis accola ad templum mulieris
 Regillæ ad eam

In secunda, hæc de Herode ex Arcudii ver-
 sione

Herpes operum distributorem, & Mercurii. . .
Præco Herodis est progenitor Thesco nati
Propterea honoratus, & Consularis nominis, ut
Regium
Ad Senatam accederet, ubi prima ordinis subsellia,
In Græcia porro neque genere nobilior, neque elo-
quentia
Quisquam Herode.

At credere nequeo (quod Petrus Arcudius nimis confidenter asserit) Herodem ipsum, secundam hanc inscriptionem exarasse : nimia enim impudentia, se ipsum, suumque genus, & doctrinam collaudasset, quod profecto non decebat Philosophum sophistam . Amicum utique, aut Herodem posuisse illam censeo . Uxorem habuit Regillam, Matronam Romanam, quam adeo dilexit, ut ei jam mortuæ Theatrum Athenis dicaverit muliebre quoque ejus ornatum sacravit & ades suas Lapide Lesbio, nigro videlicet colore, & atris deformavit, ut atra omnia, & pulla essent tristitiæ suæ testandæ gratia . Demum in agri Romani pago Trioepo Ædem extruxit, ejusque memoriæ, secundum quod memoravimus, Epigramma incidi curavit, ex quo hæc pauca accipe

Neque enim mortalis, at neque Dea est;
Idcirco neque templum sacrum sortita est, neque
Sepulchrum,
Neque honores mortalibus, at neque Diis similes.
Monumentum quidem ipsi Templo simile est apud
Athenas;
Anima vero circa Sceptrum Rhadamanti versatur.
Hæc autem Faustine grata locata est statua
In pago Trioepo &c.

& inferius .

Ille vero (Regilla) & ipsa pulchripes Ænea proles
Et Ganimedæa, & Dardanium genus erat
Trois Erichonio nati, cui liberet etiam sacra facere,
Et hostias mactare.

Petrus autem Cardinalis Corradinus, qui de Annæ gentis origine scripsit in *vet. Latio.*
 C. XXII,

C. XXII. putat Anniam Regillam, ex Annia Vera, vel Verissima gente sanguinem traxisse. Ulpian Regillam Æmilii Ptolemæi uxorem nominat Muratorianus græce inscriptus Lapis. De illo igitur Pago Triopeo, via Appia, III. ab Urbe lap, Columnam hanc, post 150. circiter annos, contra Herodis votum, in viam Prænestinam transvehi mandarunt Viarum Curatores, licet admoniti Columnas agri illius sacras esse Cereri; eamque aut negliger, aut inurbane, aut forsân avarè in Cippum miliarium transfigurare, nomenque tam illustrium Conjugum in terræ sinum condendo perpetuè oblivioni dare non erubuerunt. Contra Herodis votum, inquam, aliæ etenim conspiciébantur in eodem agro Columnæ græcè inscriptæ, in quibus juxta latinam paraphrasim Anonymi apud Stuetium, a Grutero laudatum, hæc habebantur.

*Quæ sacra surgunt Cereri nataque columna
Exiguo in Templo, manibus, atque Deis,
Terno ubi dividitur Saxo via nobilis Appi*

*Pinguia qua Herodis jugera dives erat,
Has movisse nefas: nec tantum teste carebit
Crimen, quod grave post efferat exitium,
Hoc oculis Dea Persephone nam viderit aquis
Imperio cujus subdita quæque via est.*

Revera Sacellum Plutoni, ac Proserpinæ in Prædiis Herodianis constitutum refert Ligorius his verbis „ Nella via Appia vi era il „ Sacello di Proserpina, e Plutone, e della „ Dea Presidente delle strade, posto a tre miglia discosto dalla Città nel terreno di Ero- „ de fatto con le Colonne di marmo Augu- „ stale „ Hæc profecto inconsiderata Lapidum remotio, atque translatio me certiore facit, nonnulla monumenta ad locum, in quo inveniuntur, non pertinuisse.

LVMEN DOMVS. Domus Lumen appellatur quoque a Viro suo quædam Theodora, cujus meminit inscriptio apud Sponium in Miscell. Sect. IV.

109.

PIISSIMO . AC . FORTISSIMO
FVNDATORI . PACIS
ET . RESTITVTORI . PVBLICAE
LIBERTATIS . VICTORIOSISSIMO
D . N . FL . VAL .
CONSTANTINO MAXIMO
PIO FELICI INVICTO AVG
VAL . RVSTICVS . VP . RATS . R .
D . N . M . Q . EIVS
CVRANTE VAL . PELAGIOVE PROC .
S . MVVNACVM PP ET OFFICINATORIBVS

Inscriptionem hanc, (disjunctis syllabis, quæ conjunctæ extant in archetypo, omisis interdum interpunctionibus, suppressa littera N. in nona linea; littera N. in decima in locum V. subrogata; SMV posito pro S. MV, refert Muratorius, omnia perperam,

FVNDATORI . PACIS. Tiberi jam absorpto Maxentio, extincto a militibus Licinio, superatis fugatisque Barbaris, monu-

mentum istud Constantino erectum fuisse demonstrat ipse Fundatoris pacis titulus.

VP. Uti Vir clarissimus litteris VC. ita Vir Perfectissimus siglis VP. indicabatur. De Perfectissimis jam satis alias. Titulus Perfectissimi dabatur Rationalibus,

RAT. SR. Rationalis summa rei, aut summarum rerum. De hoc Officio confer Balen-

gerum I. R. lib. 11. cap. 21., & Marcellum Donatum *Schol. in lat. Script.* cap. 101. *Rationales*, inquit Lampridius in Alexandro Sev., *cuius matabat, ita ut nemo nisi annum compleret, eosque si boni essent, oderat*, malum necessarium vocans. Cujusdam Cocceii Rationalis mentio fit in lapide, adhuc parieti domus Gueren-
gorum, prope D. Stephani Silvestrinorum, affixo

M. AVRELIO
COCCEIVS. MINIC:
RATIONALIS EI:

S.MV. Forte S.MO. *Procuratore sacrae monetae*, qui sub Comite largitionum, pecuniam Romae, aut Aquilejae (ubi erant, Pancirolodocente, Officinae monetariae) cudi curabat: vel si mavis cum Muaatorio, *Procuratore Summarum*. At si lapidem emendare aliquomodo licet, videant Eruditi, an legi possit PROC. NVM. aut NVMM. h.e. *Procuratore, seu Curatore Nummorum*, vel Officiarum *Nummulariorum*, Monetæ quippe Procurato-

res habemus apud Bulengerum, Pancirolum, & Gutherium in *Offic.* D.A. lib. 11. Nummulariorum crebram mentionem faciunt Marmora, in quibus P. Lollius Maximus NVM-MVLARIVS *primus* OFFIC. MONET. ARGENTAR., & M. Ulpus *secundus* NVM-MVLARIVS. OFFIC. MONETAE. Ego vero non affirmo, cum id apud nullum idoneum Auctorem offenderim.

PELAGIOVE. *Pelagione.*

VNA CVM PP. *Procuratoribus*, aut *Propositis* Officiarum monetariorum; ex quibus, *Officinatores*, seu *Monetarii*, monetæ percussores; alias *Nummorum opifices*. Inscriptio de his apud Gutherium

FORTVNAE. AVG.
SACRVM
OFFICINATORES. MONETAE
AVRARIAE. ET. ARGENTARIAE
CAESARIS
&c.

II O.

MAGNO. ET. INVICTO
IMP. CAES. C. VALAVREL
CONSTANTINO. PIO. FEL
INVICTO. AVG. PONTIF. MAX
TRIB. POTEST. COS. III. P.P. PROC
DN. CORPVS. CORARIORVM
MAGNARIORVM SOLAIARIORVM
DEVOTI NVMINI MAIESTATI Q
EIVS

Ipissimis verbis contextum, eandemque adamussim sententiam exprimens, hoc saxum retulit Panvinius in *Fastis* p. 384., sed gravi, inexcusabilique mendo adulteratum: DIOCLETIANO scilicet pro CONSTANTINO. Se tamen asserit, Lapidem oculari-
ter legisse Romae, in Basi, cui impositum Diocletiani signum. *Diocletiani*, inquit, *hanc Basim* (eam videlicet quam retulimus supra sub Num. 107.) *statuae Romae vidi*. Censendum igitur, aut Diocletiani statuam inconsidera-

tè, nostræ Constantini, impositam fuisse basi (quæ deformissima sociatio, non semel, in simulacris ordinandis, obvenit), aut statuam Constantinum, non Diocletianum, representasse, aut denique Panvinii amanuensem, in transcribendo Lapide desipuisse. Huic idem Panvinius, alteram addidit inscriptionem in *Fastorum* commentariis quæ omnino ab ista disiuncta extat in Museo nostro Capitolino; quamque, nec Lapidi in *Fastis* vulgato, Constantino restituendo, neque

que Constantino, cum in illa Diocletiani III. consulatus sit sermo, aptare licet. Reprehendendus profectò (ægre dicam) Panvinius, quod non animadverterit Diocletiano, nunquam traditum *Aurelii* nomen, nec in Lapidibus, nec ab Historicis, nec in Nummis, neque tandem in Fastis.

enim Alciatus emendavit soleariorum, a *soleis*, quas aut conficiebant, aut vendebant Solearii, quorum meminit Plaut. in *Aululact.* 3.

*Sedentarii sutores, diabathrarii
Solearii adstant*

Horatius Sat. lib. I.

————— *Sapiens crepidas sibi nunquam
Nec soleas fecit: sutor tamen est sapiens.*

Solarios quoque dictos testatur Lapis apud Kippingium in *Not. ad Ovid. Fast.* lib. VI.

DIIS MANIBVS
M. CAECILIO . SP . F
SVO RVFO
SOLIARIO
AB LVCO SEMELES

CORARIORUM. *Coriariorum*. Coriarii, qui coria, præsertim crassiora concinunt, diversi ab iis, qui coria emolliunt, & perpoliunt: hi enim *Cerarii Subactarii* dicuntur. Cleomenis Coriarii subactarii extat scriptio in *Mus. Veron.* p. 273. *Simonem* Coriarium, apud quem hospitabatur D. Petrus commemorat Lucas *Actor.* cap. X. unde D. Chrysostomus Homil. 35. *Apud Purpurariam manet Paulus, apud Coriarium Petrus, ubi fustus?* Eusebius nominat Theodotum, qui primus, ob insanam doctrinam, qua docebat Christum merum esse hominem, a Victore I. ab Ecclesiæ communione remotus est.

MAGNARIORVM. Magnarii; negotiatores, qui trans mare ad se devehî rerum genera curant: nos *Mercanti* alii *ingrosso*. Hinc Magnarii Palatini, Magnarii calltenses, Pistores magnarii in faxis.

SOLAIARIORVM. AI. pro E. recte

Soleæ sunt sandalia sine obstragulis, his similia, quibus utuntur *Capuccini*, quibusque usos esse Apostolos tradunt Beda, Alcuinus, & interpretes. Nos vero Soleam vocamus inferiorem crepidæ partem, qua pedis planta obtegatur. At quonam differant soleæ a calceis, a caligis, a crepidis, ab hipodemis, a succulis, docent Jul. Nigronus de *Caliga vet.*, Claudius Salmasius in *not. ad Tertull. de Pall.* Alb. Rubenius *Elect.* T. I. I., Sertorius Ursatus *Marmi eruditi* Ep. 4.

III.

.....
INLVSTRI. ET. DIVINAE PROSA:
GENITAE VENERABILI SOROR:
D. N. CONSTANTINI, AVG. ET
AMITAE
:::D. NN. BEATISSIMORVM. CA.:::

~~DNELIVICONSTANTI~~

Titulorum, & cognomentorum redundantiam atque jactantiam Constantini ævo ad impudentiam usque, & ultra pervenisse compertum est: hinc in isto Lapide *Presapiam* DIVINAM, *Sororem* VENERABILEM, *Cæsares* BEATISSIMOS legimus; ita in aliis

ejusdem ævi NOBILISSIMI, PROTONOBILISSIMI, INDVLGENTISSIMI, SPLENDIDISSIMI, FLORENTISSIMI, OMNIVM VIRTVTVM *Viri*, RERVM HUMANARVM Domini, BONO REI PUBLICAE *nati*, & similia, submersa quidem

dem assentionis fœtus, passim reperiuntur.

seclatricem, & turricem ullo absque temporis discrimine, appellasse.

SOROR. *Sorori*. Quænam fuerit ista venerabilis Constantini M. soror, facile assequimur. Nam duas Constantius Chlorus uxores duxit; idest HELENAM, atque hac, Diocletiano iubente, repudiata, THEODORAM. Ab illa solius Constantini M., ab ista Delmatii, Constantii, Anniballiani, Constantiæ, Eutropiæ, atque Anastasiæ pater est factus. Illi ergo ex Patre fratres, istæ Constantini M. forores fuerunt. *Constantia* Licio Imp. nupsit, *Eutropia* Nepotiani mater, *Anastasia* uxor fuit Bassiani Cæsaris. Verum cum Historia de his duabus profunde sileat, ideo ad Constantiam Augustam nostrum spectare Marmor opinor. Hanc summopere dilexit Constantinus, honoravitque, orbatam conjuge in Palatium recepit, consiliorumque suorum participem habuit; felix si numquam vulpinum illum Eusebium Nicomediæ Episcopum agnovisset, a quo fascinata Arianos fovit, Arianam in hæresim incidit, eamque pertinaciter ad novissimum usque vitæ suæ diem tenuit. Vide Cervier Tom. I IL. propterea miror quam maxime cl. Muratorium Fœminam hanc *constantissimam Christianæ fidei*

AMITAE. Nimirum *Constantini II. Constantii II., & Constantis, Dominorum nostrorum beatissimorum Cæsarum* filiorum *Domini nostri Flavii Constantini*. Exoritur tamen ambages ex illo *Dominorum nostrorum* titulo, qui non nisi Imperatoribus tradebatur. Neque dicendum Constantinum suos sibi Filios in Imperio sociasse; id enim ex Historicis, quod sciam, minime constat. At quorum Amita *Constantia*, nisi Fratris filiorum? Muratorius non argumentis, sed ipsius Inscriptionis testimonio, Lapidem adsignat Constantiæ huic Constantini M. forori. Legit enim

D. N. FLAVIAE CONSTANTIAE

verum in Saxo

D N FIVI CONSTANTII

quod fragmentum virum potius quam Fœminam indicare mihi videtur. Adde *Domina nostra* titulum, Constantiæ, jam marito filii-que Imperatoribus viduatæ, omnino non convenisse. Porro nomen Flavie Valeriæ Constantiæ extabat in prima linea, nunc penitus deleta.

II 2.

D. N. CONSTANTIO

AVGVSTO

F. L. LEONTIVS V. C

PRAEF. VRB. ITER.

VICE. SACRAIVDIC

D s N s MQ & EIVS

Flavius Julius Constantius, secundus (non tertius ut apud Oconem) Magni Constantini filius, Orientem, diviso inter Fratres imperio, sortitus est: Constantis fratris necem vindicavit, Magnentium memorabili prælio ad Murciam fudit, Gallum Cæsarem interemit, Tyrannos ubique oppressit, febre tandem ardente contracta Moplustiæ decessit anno ætatis 41. Imperii 25.

F. L. LEONTIVS. *Flavius Leontius vir clarissimus, non Consularis*; Leontius enim ille qui Consul fuit anno C. 344. *Domitius* vocabatur non *Flavius*. Cum Constantius Imp. Constantium Gallum Cæsarem morti destinavisset, eum Fl. Leontio custodiendum tradidit: hæc docet Ammianus Marcellinus, qui hunc Urbis Præfectum nominat. Ex eodem Historico liquet Leontium Urbanam

Præ-

Præfecturam gessisse A. C. 355. Bis vero eundem obtinuisse Magistratum, ex nostra Inscriptione colligitur. Attamen circa hujusce Præfecturæ annum adi doctissimum Eduardum Corfinium *de Præf. V. p. 214.*

VICE SACRA IVDIC. *Vice sacra iudicans* ut inf. N. 116. idest *vice* seu loco Imperatoris, aut *pro* Imperatore. Bulengerio, &

Guthério aliud est *sacra* iudicare, aliud *sacra* cognoscere: hinc *vice sacra* iudicant, ait iste *de Off. D. A. lib. 1.*, *iure Magistratus, Præfectus Urbi, Vicarius Præfecti Prætorio, Proconsul Africa*; explicatque illud VICE SACRA, *Qui quasi vicissim, & secundo loco post Principem imperat.* Sic *vice sacra* Provinciam gubernare, est Principis personam sustinere, vices gerere. In vetusto Lapide

IVL . NEMESIUS . NOMENTANVS . M , AVREL
IMP . SACRA . VICE . BETICAM . GVBERN

D s N s MQ. *Devotus Numini Majestatisque ejus.*

113.

DOMINORERVMHVMANARVM VALENTI

Sic in vetusto columnæ Constantini fragmento a Panvinio Parmæ inspecto D. N. Imp. Cæs. Fl. Constantino . P. F. Victori . Aug. Pon-

tifici Maximo Tribun. Potestat. xxiii. Imp. xxii. Cos. vii. P. P. Pro. Cos. Rerum *sic* humanarum optimo Principi Divi Constanti *sic* filio B. R. P. nato.

114.

DD. NN. VALENTINIANVS
ET VALENS AVGVSTI
ORNATVI PVBLICO
CONSTITVI LOCARIQVE
IVSSERVNT

ADMINISTRANTE RVFIO
VOLVSIANO VC EX PRAEF
PRAET . PRAEF . VRBI IVD
ITERVM . SCM . COG

Valentinianus Imperator, & Valens Augustus fratres, & simul Consules 1. fuere A. C. 365. Flavius Valentinianus post Joviani mortem ab exercitu Imperator est salutus. Vir sane magnanimus, ingenio solertissimus, reique militaris peritus. Christianus fuit, sed *Tolerantia* legibus obtemperans, vim nemini faciebat, qui in Religione dissentiret. Thracia is Gothos expulit, Saxones ad officium redegit, Germaniam Theodosii auspiciis pacavit; subita ira incensus in morbum incidit

oblitque ætatis anno 55. Imperii XI. Frater vero Flavius Valens bella in Oriente prospere gessit, ac Procopium vicit, & occidit: Christianum primo pariter fuisse, mox Conjugis suasu Arianum, ac contra Orthodoxos persecutionem excitasse ferunt: flamma tandem absumptus est vili in tugurio non procul ab Hadrianopoli anno ætatis 50, tertio Imperii anno a die quo solus regnare cæperat.

ADMINISTRANTE . h. e. Curante Ru-
D d d fio

ſio Voluſiano viro clariffimo Expraefecto Praetorio, Praefecto Urbis, Iudice iterum ſacrarum Cognitionum. Nepotem hunc fuiſſe cenſeo C. Ceionii Ruſii Voluſiani qui an.C. 314. conſulatum inierat; altera enim extat apud Panvini-um Inſcriptio, in qua idem Voluſianus, de quo hic fermo, C. Ceionius Ruſius Voluſianus,

ut ille, dictus eſt

VICTORIS . D . D . N . N
C . CEIONIVS . RVFIVS
VOLVSIANVS
V . C . PRAEF . VRBI . ITERVM
IVDEX . SACRARVM
COGNITIONVM

115.

D . N . CONSTANTIO
AVGVSTO
MEMMIVS VITRASIVS
ORFITVS . V . C . PRAEF . VRB
IVD . SAC . COGN . ITER.
D . N . M . Q . EIVS
CVRANTE PVBLIVS
CAEONIO IVLIANO . C . V .

Eidem Imperatori eandem fere Inſcriptionem poſuit Memmius Vitraſius Orfitus, quem ter Urbanae Praefecturae munus ſuſcepit ſe aſſerunt Tillemontius in *Valentin.* Art. 10. & Eduardus Corſinius *op. cit.* p. 211. 213. 220. annis ſcilicet C. 353. 354. 355. uſque ad 359. Ad annum 357. ſecundae nimirum Orfiti Praefecturae referendum marmor iſtud Corſinius opinatur, Orfiti autem mentionem faciunt uberrime vetuſti Lapides, & Hiſtorici, ex quibus Ammianus Marcellinus, *inter haec*, inquit lib. 14. cap. 6., *Orfitus Praefecti poteſtate regebat Urbem aeternam ultra modum delatae dignitatis ſe ſe efferens inſolenter: quo adminiſtrante ſeditiones ſunt excitatae graves ob inopiam vini; exilio proinde mulctatus. Eum tandem Vulcatius Ruſinus Praetorii Praefectus, patrimoniꝝ integrata jactura remitti fecit in lares.*

IVD . SAC . COGN . Iudex ſacrarum Cognitionum. Urbis Praefectus, uti diximus, ſacra *judicabat* jure Magiſtratus: *cognoſcebat* vero ex delegatione Principis: dicebatur etiam *cognoſcere cognitiones*; ſic apud Gruterum pag. 381.

L . CAESONIVS . PRAEF . VRBI . AD
COGNOSCENDAS . VICE CAESARIS
COGNITIONES

Hoc anno 357. Obeliſcum Romae in Circo Maximo erectum tradit laudatus Hiſtoricus lib. 17. cap. 4. Tillemontius vero initio ſequentis 358.

C . V . *Clariffimo Viro*. Notandum Cejonii nomen cum diptongo, quod alias nunquam me vidiffe memini.

II 6.

FILORENTEIMPERIO,DDD.AAA,CCC.Q.NNNCRATIANI
VALENTINIANIETTHEODOSII:PRINCIPVM.MAXIMORVM
THERMARVMSPECIEMRVINADEFORMITATEMSORDENTEM
ETPERICVLOSISPONDERIBVSINMINENTEMQVÆLABANTEM
POPVLVMMETVSOLICITVDINISDETERREBATEXCLVSA TOTIVS
SCABIEVETVSTATISADFIRMAMSTABILITAEVSVQSTECTORVM
ANICIVSEVCHENIVS.BASSVS.VC.PROCVNSVLECAMPANIAE
VICESACRAIVDICANSREPARAVIINMELIOREMCIVITATISEFFIGIEM

Inscriptionem hanc barbaris deformatisque characteribus sculptam sic lego.

Florente Imperio, Dominorum Augustorum. Caesarumque Nostrorum. Gratiani, Valentiniani, & Theodosii Principum Maximorum Thermarum speciem ruine deformitate sordentem, & periculosis ponderibus imminentem, quæ labantem populum metu sollicitudinis deterrebat, exclusa totius scabie vetustatis, ad firmam stabilitatem, usumque rectorum, Anicius Euchenius Bassus vir clarissimus Proconsul Campaniæ vice sacra iudicans reparavit & in meliorem Civitatis effigiem redegit.

De Thermis publicis ab aliquo Imperatore trium horum Augustorum prædecessore ædificatis hic agitur. Gratianum enim, Valentinianum, aut Theodosium Thermas unquam fabricasse nullo ab Historico enarratur. Præterea cum Thermæ quarum hic sermo *vetustate labantes* dicantur, perspicuum est eas ab ipsis Restitutoribus non fuisse ædificatas. At quæ fuerint Thermæ florente imperio Gratiani, Valentiniani, & Theodosii instauratæ perquirere, desperati laboris autumo. Interea ex hoc Lapide (quem unicum censeo) discimus tres istos Imperatores crebris licet bellis distentos, publicis tamen ædificiis restituendis animum intendisse.

CRATIANI. Flavius Gratianus hic est Valentiniani & Severæ filius, Sirmii natus, Princeps religiosus, & pius, quem D. Ambrosius summis laudibus exornavit. Imperatorum primus *Pontificis Max.* titulum, vesti-

menta, insigniaque recusavit, uti notavimus ad Inscript. 7. Admodum juvenis Alemannorum triginta millia in Gallias erumpentium circa Argentoratum profligavit. Maximi insidiis circumventus periit non procul a Lugduno ad Rhodanum.

VALENTINIANI. Valentiniani I. five senioris ex Justina filium Valentinianum juniorem hic habemus, consortem Imperii a Gratiano fratre factum. S. Ambrosio constanter adhæsit licet Matre repugnante, a qua sanctissimus ille Ecclesiæ Mediolanensis Episcopus indigna perpeffus est. Anno ætatis 26. fraude Arbogastis Alanorum Præfecti in cubiculo strangulatur.

THEODOSII. Annos natus 33., Theodosius, ob egregie gesta *Magnus* cognominatus, Orientis Imperator est creatus. Hujus virtute, pietate magnanimitateque redundet Historia. Divi Ambrosii penitentia ob necem Thessalonicensem præscripto sedulo satisfecit, mirum Christianæ humilitatis præbens Principibus viris exemplum. Mediolani obiit anno C. 395. Cadaver, Constantinopolim translatum, ibi cum cæteris Augustis sepultum est.

ANICIVS AVCHENIVS BASSVS. ita apud Fabretum.

ANICIO AVCHENIO BASSO
V. C. QVÆSTORI CANDIDATO

Apud Symmachum lib. x. ep. 33. modo *Anthemius*, modo *Anthemius*, Ceterum Bassi sapius me-

meminit laudatus Symmachus. *Vir illustris*, inquit loc.cit., *pr adecessor meus Anthenius Bassus*, item V.C. & *probatissimo Anicio Basso*, & *Aventio viro spectabili frequentata cognitio*.

PROCONSVL CAMPANIAE. Inter Lirim fluvium, nunc *Gavilianum*, & *Sarnum* continetur Campania, cujus Metropolis Neapolis. Campanos semper superbos bonitate agrorum vocat Cicero, magnitudine fructuum, salubritate aeris, & regionis pulchri-

tudine, unde *Felix* cognominata est. Omnium, non modo Italiae sed pene totius Orbis terrarum pulcherrimam Campaniae plagam dixit Jornandes *de Regn. & temp. success.*

Inscriptio sane posterior non est anno Christi 383. quo (die vero 25. Augusti) Gratianus interiit. Eandem retulit etiam Eduardus Corfinius; verum lineis omiſſis (brevitatis gratia ut puto) tertia, quarta, & sexta.

117.

MAXIMO VIC
TORIACTRIVMF...
TORI. SEMPER AVG
FABIVSTITIANVSVCCONS
ORDINARIVS.PRAEF.VRBIS
ITERVMIVDEXCOGNITIONVM
SACRARVM.MAIESTATIEIVS
DICATISSIMVS

Tyrannus potius quam Imperator *Fl. Magnus Maximus* hic enunciatur, qui interfecto per Andragatium Gratiano optimo Principe, imperii titulos, majestatemque usurpavit. *Victor*, & *triumphator*, semperque *Augustus* dicitur; at a Theodosio bis superatus, & tandem Aquilejae obsessus, a propriis militibus atrociter necatus est.

FABIVS TITIANVS. Apud Gruterum p.193. TIB. *Fabius Tatianus*, qui, docente cl. Corfinio *de Praef. Urb.* p.191., Turcio Aproniano in Praefecti munere successit.

VCCONS. *Vir clarissimus Consul ordinarius*. De Consulibus ordinariis jam supra dictum est num.66. Muratorius pro VC. scribit AVG. In quarta linea (ait in Nota) est AVG. proinde Tatianum ex *Viro Clarissimo* in *Augurem* transformavit. Praeterea suspicatus est Vir doctus, ex Marmore aliquam in principio lineam excidisse; quamobrem illud ad Constantinum Magnum pertinere asserit. Atqui Marmor, quod egomet saepe ac peratente inspexi, integrum esse testor, ideoque Fl. Magno Maximo tyranno restituendum opinor, licet Romae repertum.



CAPUT III.

Consules, Præfecti Urbani, alique Magistratus.

118.

CENTVM.VIRI.MVNICIPII.AVGVSTI.VEIENTIS
RÔMAE.IN AEDEM.VENERIS.GENETRICIS.CVM.
CONVENISSENT.PLACVIT.VNIVERSIS.DVM.
DECRETVM.CONSCRIBERETVR.INTERIM.EX
AVCTÔRITATE.OMNIVM.PERMITTI

C.IVLIO.DIVI.AVGVSTI.L.GELOTI.QVI.OMNI.TEM
PORE.MVNICIP.VEIOS.NON.SOLVM.CONSILIO
ET.GRÂTIÂ.ADIVVERIT.SED.ETIAM.INPEN
SIS.SVIS.ET.PER.FILIVM.SVVM.CELEBRÂRI
VOLVERIT.HONOREM.ET.IVSTISSIMVM.DE
CERNIVT.AVGVSTÂLIVM.NVMERÔ.HABEÂTVR
AEQVE.AC.SLEO.HONÔRE.VSVS.SIT.LICEAT
QVE.EI.OMNIBVS.SPECTÂCVLIS.MVNICIPIO
NOSTRO.BISELLIO.PROPRIO.INTER.AVGVS
TÂLES.CONSIDERE.CENISQVE.OMNIBVS.PV
BLICIS.INTER.CENTVM.VIROS.INTERESSE
ITEMQVE.PLACERE.NEQVOD.AB.EO.LIBERIS
QVE.EIVS.VECTIGAL.MVNICI.I
AVGVSTI.VEIENTIS.EXIGERETVR

E c c

AD.

A D F V É R V N T

C.SCAEVIVS	CVRIATIVS	II.VIR	CN.OCTAVIVS.SABINVS
L.PERPERNA	PRISCVS		T.SEMPRONIVS.GRACCHVS
M.FLÁVIVS	RVFVS.Q		P.ACVVIVS.P.F.TRO....
T.VETTIVS	RVFVS.Q		C.VEIANIVS.MAXIMVS
M.TARQVITIVS	SATVRNIN		T.TARQVITIVS.RVFVS
L.MAECILLVS	SCRVPVS		C.IVLIVS.MERVLA
L.FAVONIVS	LVCANVS		

A C T V M

GAETVLICO.ET.CALVISIO.SABINO, CoS.

PRÆNOMINA istorum Consulum in Mar-
more omisa recitat Tacitus *Ann.* lib. iv. a
quo *Getulicus* dicitur *Lentulus Getulicus* absque
diphthongo: attamen a Cassiodoro idem *Ge-
tulicus* CNEVS tantum vocatur; a Petavio
Cn. Cornelius Lentulus; ab Almeloventio
GNEVS Lentulus. Ita, quem Tacitus CAIVM
CALVISIVM vocat, Petavius LVCIVM
appellat. Porro hi Consules fuere anno V.
C. 779. Christi vero 26. quo Centumvirii
Veientes C. *Julio Geloti* Augusti liberti vesti-
galium solutionis onus remittere statuerunt,
eique Psephisma hoc jure meritoque dede-
re, quo fretus, Augustalitatibus honorem con-
sequeretur, inter Augustales consideret, at-
que spectaculis, cenisque publicis interesset.
Notandum hic adversus Valerium Chimen-
tellum, per hanc Tabulam firmari conjectu-
ram, quod honor Bisellii communis singulis
Augustalibus fuerit.

VEIENTIS. De Veientibus Etruriæ po-
tius, quam de Veientibus antiquæ Provinciæ
Valeriæ, quorum Municipium hodie *Civita-Cas-
stellana*, loquitur saxum: ita quippe opinor,
eo magis quia ibi Veientanum decretum istud
reperitum est, uti testatur Fabrettus, scilicet
in meditullio ambitus rupium, & mœnio-
rum, prope Junonis Argivæ templum inter
Cremeram fluviolum, vulgo *la Valca*, & *Cas-
trum Insule* ad ipsam viam Veientanam,
quam aperte a Cassia deducunt tabulæ *Peu-
tingerianæ*.

VENERIS GENETRICIS. Non *Genitri-
cis*, uti plerique scribunt, *Ædem*, seu Tem-
plum Veneri Genetrici in Foro suo ante bel-
lum Pharsalicum, testibus Dione, atque Ap-
piano, dicavit Julius Cæsar, qui a Venere
se prognatum ferebat: in eo spolia de hosti-
bus dedicavit, statuamque posuit nondum ab
Artifice absolutam, quia ædem dedicare fe-
stinabat. Mox statuam æneam ipsi Divo Cæ-
sari cum stella crinita supra caput ejusdem ful-
gente collocavit Augustus, quia ejusmodi
post Julii mortem stella visa est.

BISELLIO PROPRIO. Ubi in ejusmodi
fella, duo sedent, quiescunt, capiuntur;
vel duo sedere, capi, quiescere possunt; vel
ubi in ejusmodi (nempe subfello) duo ca-
piuntur, & confident, *Bisfellium* dictum, in-
quit Chimentellus, Cum igitur illustribus
viris, qui ad ludos cæteraque spectacula con-
veniebant, una tantum sella concederetur,
Veientes, grati animi argumento, *Julio Ge-
loti* duabus uti potestatem fecerunt, Qui Bi-
sellatus honorem adepti erant *Bisfellarii* voca-
bantur, quod ex sequenti Abellinorum inscrip-
tione apud Gruterum liquet

CN. PLAETORIO. VIVIRO
AVGVSTALI
BISELLARIO
HONORATO ORNAMENTIS
DVCVRIONAL
POPVLVS ABELLINVS
&c.

Bisfel-

Bifellarii quoque dicebantur Bifelliorum artifices. Honor ipse, seu privilegium Bifellii, *Bifelliatas* vocabulo exprimebatur, uti colligitur ex hoc Casinatium lapide, quem ex cl. Erasmo Gattola *descript. dition. Casin.* at mendose tamen, transcriptit Muratorius, quem hic emendatum habebis.

M. SENLIO CRISPINO
C. V. OMNIBVS . . .
. ORDO . ET . V
NIVERSVS POPVLVS OB
MERITA ET LABORES EIVS
HONOREM BISELLIATVS
ET ORNAMENTA DECVRIO
NATVS GRATVITA OBTVLERVNT
QVOD OPERA THERMARVM AES
TIVALIVM VETVSTATE CORRVP
TA S. P. RESTITVIT. EXORNAVIT
CVS ^{sic} PORTICOS ETIAM CIRCVM
CINGERE ESCOLIMBOMACOLO
CONSTITVIT STATVAM AMICI
DICANDAM MEMORIAM EIVS
PONENDAM CENSERVNT
L. D. D. D

At prolixius de Bifelliatas honore differere supervacaneum est, præsertim cum nemini vulgatum Chimentelli opusculum non innotescat, cui titulus *Marmor Pisanum de Honore Bifellii*, in quo fellarum, subfelliorum, Bifelliorumque formam, ex antiquis Cimeliis delineatam invenies. Adi etiam Frefnæi *Glossarium*, & Raph. Fabretti *domest. Inscript.* cap. II.

CENISQVE OMNIBVS PVBLICIS .
Se enisque fortasse legendum; nempe spectaculis omnibus Scenicis. Nam quæ de *Cenariis*, deque Primicerio *Cenariorum*, qui inter Monetarios sunt recensendi, prodit Gutherius de *Off. D.A. lib. II.* nihil ad rem nostram facere patet ex ipsius Vejentium psepismatis contextu. Sunt qui legant *Cenisque*; nimium *Epulis publicis*, quam profecto lectionem haud omnino respuendam autumo. Jus enim accedendi ad publica convivia, atque ad men-

sam accumbendi præmium antiquitus fuisse virtutis, docet Homerus. Audiantur Nestoris verba *Iliad. 10. 275*, doctissimo Raymundo Cunich interprete

*Nec vero eximio Grajorum in gente carebit
Munere; Nam reduci, qui præsent navibus,
omnes*

*Pro se quisque dabunt pinguem atri velleris agnum
Lanigera cum matre, viro quibus utilis æque
Non ulla est rerum, in censu quas possidet omni.
Omnibus ille choris aderit, spectabilis omni
Ille epulo in Regum semper convivæ sedebit.*

Romæ similiter Militibus frequentissime populoque epulas publicas, & viscerationes, pauperibus vero sportulas datas fuisse in triumphis, in sacrificiis, in funeribus, in Templorum dedicationibus, passim testantur inscripti Lapidēs, sæpiusque narrant R. H. Scriptores. Licebat ergo nostro huic *Julio Gelosi* canis publicis, hoc est dapnibus, rectoris, novendialibus, & acromaticis (V. Lazium in R. R. *comm. lib. II.* & Bulenger. de *Conviviis*) quæ cum festivis recitationibus ac ludicris narrationibus celebrabantur, ex *C virorum* Decreto interesse.

Quæ sequuntur nomina recitant trêdecim ex *C virorum* catu, qui decretum subscribere, inter quos C. Scævius Curiatius, & L. Perpena IVIRI, & M. Flavius Rufus, Titusque Vettius Rufus Quæstores. Lapis extabat olim in Museo Ciampinio; notatu quoque in eo est apicum frequentia, quorum primus usus in Inscriptionibus a Fabretto, ad Augusti ætatem refertur, & vox illa CENIS (dummodo de re convivali sit intelligendum) absque diphtongo cum Manutio, adversus Dausquejum.

Literæ T. N. G. Q. in autographo sic

T.N.G.Q.

M. VALERIVS. MESSALLA. CORVINVS
 P. RVTILIVS LVPVS. L. IVNIVS. SILANVS
 L. PONTIVS. MELA. D. MARIVS
 NIGER. HEREDES. C. CESTI. ET
 L. CESTIVS. QVAE. EXPARTE. AD
 EVM. FRATRIS. HEREDITAS.
 M. AGRIPPAE. MVNERE. PER
 VENIT. EXEA. PECVNIA. QVAM
 PRO. SVIS. PARTIBVS. RECEPER:::
 EX VENDITIONE. ATTALICOR
 QVAE. EIS. PER. EDICTVM. AEDIL
 INSEPVLCRVM. C. CESTI EX
 TESTAMENTO. EIVS. INFERRE
 NON LICVIT

MESSALLA. Aliqui hoc Valeriorum cognomen cum unica L. scribere malunt. Verum si nos antiquiores, emendatioreſque Lapidēs non fallunt (potiſſimum hic emendatiſſimus, primum circa C. Cestii ſepulchrum, deinde in Quirinali, tandem in Muſeo Capitolino ſitus) littera L. geminari debet. Corrigendus eſt igitur Oct. Falconerius, de quo infra, qui Manutium veluti alterius ſententiae vindicem laudat, cum noſtræ aſſertorem fuiſſe conſiſt ex ipſius verbis. *Messalla*, inquit in *Orthograph.* p. 250., gemina LL. cognomen Valeriorum a *Messiana* urbe capta, *Macrobius Saturn.* lib. 1., *Lapides Capitolini*, & alii. Damnandi ſunt Gryphius, & Scotus ac prae cunctis Reineſius alique, qui in Macrobi, Tibulli, & huiuſce inſcriptionis editione ſcripſere *Messala*, licet in accuratiſſimis Macrobi *Saturnalium*, ac *Carminum* Tibulli codicibus, atque in noſtri Lapidis autographo *Messalla* legatur. Nec plurimi faciēda Glandorpii (quem laudat Falconerius) in contrarium opinio. Is enim litteram L. in Romanotum nominibus pro arbitrio duplicabat. Nonne ſcribebat C. *Junius Sullanus* (quali ex *Sylla* originem duxiſſet *Junius*) pro *Silanus*, cujus nomen a *ſilo* prove-niſſe aſerit Ant. Auguſtinus? Ceterum M. Valerius *Messalla* Corvinus oratoris filius hic

forte nominatur, ad quem tertiam lib. 1. elegiam miſit Tibullus,

*Ibitis Aegeas ſine me Meſſalla per undas
 O utinam memores ipſe, coborſque mei.*

At is eodem praeſonimine filium habuit, qui Conſul fuit cum G. Lentulo Getulico; ideoque Patrem, (qui ſexto die ut Taciti ſimul, & Eufebii verbis utar *neſcius exercendi, Urbis Praefectura ſe abdicavit*) an filium enunciet Inſcriptio, incertum.

P. RVTILIVS. Rutilia gens duplex fuit, *Patricia* ſcilicet, & *Plebeja*. Hic de eo mentionem fieri putat Falconerius, qui orto jam bello civili Praetor erat cum C. Caeponio, uti ex Caſaris, de B. C. lib. 1., colligitur. Eundem nominant, Pompejus in Epitola ad Lentulum, & Marcellum conſules, & Quintilianus *Inſtitut.* lib. 1. cap. 11.

L. IVNIVS SILANVS. Non is equidem, cujus meminit vetus apud Mazzochium Inſcriptio Aquaeductus, D. Thomae in *Formis* templo, proximi: hic etenim non *Lucius*, ſed *Caius* praeſoninabatur. Neque is, quem cl. Falconerius, ex Plinio lib. 2. cap. 35. Proconſulem laudat, C. Octavio, C. Scribonio Coſs,

Cofs.: nam Plinius hunc, *Licinium Syllanum* non sane L. Junium Silanum appellat, immo vero in vetustis codicibus habetur: *vidit hoc Syllanus Proconsul cum comitatu suo*, nulla Licinii facta, nulla C. Junii mentione. V. *ed. Lugdun.* 1553. curante doctissimo viro Jo. Nicolao Victorio. Ego igitur Melsallæ, & Rutilii coheredem illum fuisse censeo L. Silanum, qui mortem sibi inferre, imperante Claudio, coactus est, teste Svetonio. *L. Silanus abdicare se Pratura ante quartum Kalendas Januariæ, morique initio anni coactus est, die ipso Claudii, & Agrippina nuptiarum.*

L. PONTIVS MELA. Sepulchri curator, nedum C. Cestii heres fuit Pontius Me-

la una cum Potho liberto, quod constat ex ejusdem sepulchri, seu Pyramidis Cestianæ inscriptione. OPVS. ABSOLVTVM. EX. TESTAMENTO. DIEBVS. CCC. XXX. ARBITRATV. PONTI. P. F. CLA. MELAE. (Mazzocchi *Clamella*; de Choul *Clomela*; perperam uterque) HEREDIS. ET. POTHII. L.

D. MARIVS NIGER. Hujus, nec monumentum aliquod extat, nec mentionem faciunt Historici.

L. CESTIVS. Defuncti frater. Hunc Prætorem fuisse declarat Fulvius Ursinus, hujusque Numos hic ex Patino delineavi.



M. AGRIPPAE MVNERE. Octavius Falconerius, qui egregie Cestianæ Pyramidis titulos, atque picturas illustravit, ad hæc verba notavit, C. Cestium, cum potentem aliquem gentis suæ Patronum relinquere exoptaret, partis quam Fratri destinaverat, M. Agrippam heredem testamento instituisse, non equidem ab hereditate Fratrem excludendi animo, sed ut ea liberalitate, Agrippæ benevolentiam, atque patrocinium in familiam suam conciliaret. Pro certo enim ha-

bebat (quod confirmavit eventus) M. Agrippam, qui & munificus, & opulentissimus erat, bonorum partem, quam ex dono acquisivisset, Fratri pariter donaturum fore. L. Cestius igitur, ut animum erga M. Agrippam, studiumque suum publico probaret argumento, verba M. AGRIPPAE MVNERE, hac in Basi scribi curavit.

ATTALICORVM. Attalicæ suppellectiles, ab Attalo Rege, eo, ni fallor, qui cum
F f f libe-

liberis careret, Populum Romanum patrimonii sui heredem fecit; quique, apud Plinium, auro vestes intexere primus invenit, Propertius lib. 2.

... umbrosus sordet Pompeja columnis
Porticus, aulae nobilis Attalicae.

At de Attalicorum luxu, & usu in conviviiis, atque in funeribus, eundem adi persæpe laudatum eruditissimumque Cestianæ pyramidis Interpretem. Ex his patet C. Cestium jussisse secum Attalica sepeliri, & per Ædilis (Plebis scilicet) edictum, eam testamenti partem fuisse irritam. Cum enim crebrò Testatorum voluntas justum funeris sumptum excederet, lex, pretiosas suppellectiles sepulchris includi vetuit, impensamque sepulchro prefiniendi facultatem, Ædili plebis tradidit. Id meminit Cicero ad Atticum lib. 12. Ep. 35. in qua, ejus legis poenam se effugere posse putat, si memoriæ, manibusque Tulliolæ, (quam non absque graviorum Virorum improbatione præter modum dilexerat, ne dicam adamaverat) Fanum, non tumulum ex-

truat. Laudanda hic obiter est Heredum liberalitas, qui venditis Attalicae, ex ea pecunia duas C. Cestio statuas Pyramidi proximas extruxerunt. Hinc duæ Bases, totidemque exstant in Museo nostro Inscriptiones, in quibus eadem omnino sententia continetur. Ultimarum tamen literarum διάταξις varietatem aliquam exhibet, quam, ad omnem tollendam ambiguitatem, hic adnotamus.

QVAE. EIS. PER. EDICTVM. AEDIL.
IN SEPVLCRM. C. CESTI. EX
TESTAMENTO. EIVS. INFERRE
NON LICVIT

QVAE. EIS. PER. EDICTVM
AEDILIS. IN SEPVLCRM
C. CESTI. EX TESTAMENTO
EIVS. INFERRE. NON. LICVIT

IN SEPVLCRM. Pyramidis Cestianæ typum vulgatissimum esse haud ignoro; itaque ad Operis ornatum potius, quam ad Lectoris notitiam hic apponam.



Moles quadrata, quæ flammæ more è lato ad sublimitatem acuminando gracilescit, a qua figura nomen traxisse autumant nonnulli;

alii a genere lapidis Thebaici quem Græci πυροποικίλον vocant. Cestii imaginem in ea quondam extitisse tradit Bosius lib. I.

120.

XI K OCT
Q·TEDIVS·OL·GERMVLLVS:::
XVI·K·NOV
OPPIA·M·F·PARIET·IIII·COL·II:::
Q·IVNIO·BLAESO·L·ANTISTIO·VI:::
X K·IAN
SEX·CAMPATIVS·SEX·L·EVTACIV:::
PARIETE·II·COL·I
C·FVFIO·GEMINO C°S
L·RVBELLIO·GEMINO C°S
IIII·IDVS·MAI·OSSA·INLATA
LVRIAE·P·L·APRILIS
PARIETE·II·COL·III

Germana in hoc insigni marmore duorum Geminorum nomina habentur, qui Consulatum obierunt A. C. xxix. uti communis Fastorum Collectorum testatur opinio. Anno inquam CHRISTI 29. in quo completa REDEMPTIONIS nostræ mysteria fuisse asserunt facri, tum antiqui, tum recentiores, Historici. Mutilus est Lapis, non integer, uti editus est a cl. Muratorio, qui insuper TEOLVS scripsit pro TEDIVS. Effusus est anno 1722. intra Urbem prope Ecclesiam S. Sixti: ab Esmo Card. GVALTERIO tunc comparatus, mox in Cimeliarchum Esmi Card. Alexandri ALBANI translatus; tandem in Museo Capitolino, ut illustre aræ Pontificiæ caput constitueret, situs. De duorum Geminorum consulu summa eruditione atque doctrina præstantes Viri pertractarunt: omnium vero fusi-
us celebris Panvinius in Fastis p. 306. ubi de anno, & die Passionis CHRISTI scitè disce-
ruit. Sententiam tamen hic proferam doctis-
simi Dominici Magnan, qui in ipso egregii sui *de Anno Nativitatis Christi* Operis limine ingenue aperteque hæc vulgare non est veri-
tus: Cum enim, inquit, Christo Domino, ab
eque gestis rebus, Et ipsius Nativitate, vita at-
que morte, nihil sit Christianis hominibus notius;
obscurissima nihilominus illorum omnium tempora

sunt, neque quibus annis singula contigerint, ple-
ne fuit hætenus, ac liquido compertum. Revera
licet doctissimi Viri hanc solvere atque defi-
nire quæstionem sint aggressi, ex eorum scri-
ptis novas obortas esse difficultates, densio-
resque tenebras reor.

Cetera in hoc Lapide contenta non magni
sunt momenti: notati enim in eo sunt dies,
quibus Ethnicorum quorundam Virorum Fe-
minarumque ossa Columbariis inlata, atque
composita fuere: Nimirum Q. Tedi Germulli
die 21. Septembris; Oppia M.F. die 17. Octo-
bris; Sex. Campatii die 23. Decembris; Lu-
ria tandem Aprilis die 12. Maii.

PARIET. IIII. Parietum sepulcralium ad-
signationem in titulis funereis indicatam, per-
raro inveni. Sciendum ergo est Ethnicos,
Subdivalia (hæc, aeri exposita) sepulcra cre-
bro erexisse, quod *Viridaria*, vel uti Fabret-
to placet, *Cepotaphia*, ac juxta Vitruvium *Hyp-
pætra* vocabantur. Aliquando vero sub te-
cto, quod tunc dicebantur *Hypogæa*; loca
scilicet undique parietibus tecta, & tanquam
subterraneæ Porticus. CHRISTI Salvatoris
monumentum *Hypogæum* fuisse arbitratus est
eruditissimus Salmasius in exercitat. Plinian.
Tom. II. Viridarii autem mentio est in qui-
bus.

bustam Lapidibus apud Fabretum *Cap. II.* His præmissis confidenter assero, tumulum Q. Tedii *hypogæum* fuisse, non *Viridarium*, neque *Hypæthrum*. Ita *Flavius Charisius* IN HIPOGEO INSTRVXIT &c. ita *Aurelia Primigenia* SE VIVA FECIT... HIC MVNIMENTVS MACERIA CINTVS CVM HYPOGEO: ita Sepulcrum CONCAME-RATVM PARIETIBVS sibi consecraverunt C. *Cacilius Felix*, & C. *Cacilius Urbicus*. Ita demum M. *Vergilius Euphemus* FECIT SIBI &c. CVM PARIETE QVI HABET OL-LAS N. XXIII. apud Fabretum *loc. cit.* & cap. I., & apud *Reinesium* cl. x. Quapropter Gorianam illam Inscriptionem P. I, p. 227.

IN
VIRIDARIO PARTIS:
P. XIX
M. LIVIV. S M. F. CASSIVS
DON

Sic interpretor. M. *Livius donavit* PARIETES (per longitudinem, uti in sepulcrali privilegio a Mazzocchio edito p. 17.) PEDVM XIX. Aliam itidem Fabrettianam *loc. cit.*

IN. VIRIDARIO
PARTIS
TERTIAE

Sic mihi legere liceat PARIETIS TERTIAE: neque ad vindicandum masculinum Parietis sexum insurgant Priscianistæ: hujusce enim grammaticalis arbitrii exemplum in promptu est apud cl. Maffejum *Mus. Veron.* pag. 295.

C. CLODIVS. C. L. ZETHVS
EX. PARIETE. TERTIA
SIBI. SVISQVE

De sepulcralibus istis Parietibus adeundus *Reinesius loc. cit.* ubi, *paries* inquit *tot ollas habens, paries est, pro quavis olla, peculiare loculamentum, vel risum exhibens.*

Q. IVNIO BLAESO. Q. Junii Blæsi nulla est in Fastis mentio; idcirco ut Fastorum

silentium cum certo Marmoris nostri testimonio componatur, censendum est hunc ex suffectis fuisse, atque subrogatum C. Asinio Pollioni, quem hoc anno, nimirum V.C. 776. Consulem cum Antistio Vetere omnes laudant Fastorum restitutores.

L. ANTISTIO. Legatur L. *Antistio Vetere*. Neque corrigendus Blanchinius, inquit Muratorius, quod Antistio Veteri prænomen *Zucii* tribuat. Immo reliqui corrigendi qui *Cajum* illum appellant. Pluris quippe est in hisce rebus auctoritas unius antiqui indubitati-que Lapidis, in quo firma semper est Scriptura, quam Codicum, quorum fortuna obnoxia est erroribus Librariorum, ac Typographorum, quibus facile fuit ex vicinitate formæ L & C, unum pro altero accipere, & *Zucium* in *Cajum* immutare. Hactenus doctissimus Vir. At nescio an vere Lapidum scriptura firmior sit scriptura Codicum; nam si de Autographis loquitur Muratorius, sententiæ æque firmæ ac stables sunt tam in Codicibus, quam in Marmoribus; si vero de Amanuensis, hos non minus claudicare videmus in exscribendis Marmoribus, quam in exscribendis Codicibus, uti quippe præ cunctis crebro ipse Muratorius expertus est, potissimum in suo congerendo antiquarum Inscriptionum thesauro; in quo ne unum quidem huc usque Lapidem, erroris omnino expertem, inveni.

C. FVFIO. Modo Rufus, modo *Ruffius*, aliquando *Rufinus* nominatur, quod notavit *Petavius in Rat. temp.*

LVRIAE. *Luriam Helenam*, *Luriam Pu- fillam*, *Luriam Privatam*, & *Luriam Pazusam* in collectionibus *Gruteriana*, & *Massejana* reperimus.

COL. II.: Legebam *Columnis duabus, tribus...* aut rectius *Columna secunda, tertia...* exemplo ductus Inscriptionis ejusdem Fabretti, apud quem

Q. PESCENN...
COLOMNAS. III
DE SVO DAT

FERONEAE
ET . CREPIDINEM
ANTE COLOMNAS
EX LAPIDE

Huic alteram adde (ex Tobia Gutberletho in *Inscript. Smyrn.*) in qua Cæcilius Felix, & Cæcilius Urbicus sibi consecraverunt *locum* concameratum parietibus ET . PILA . COMPREHENSIS; ubi *Pila*, quæ ab oppo-
nendo dicitur (ait Festus) idem est Calepino

quod Columna ad Parietem sustentandum po-
sita. Legebam, inquam, COLVMNIS: sed
libentissime adstipulor cl. Ant. Lupo, qui has
siglas COL interpretatur COLVMBARIO
secundæ: Parietes, Concamerationes, & Co-
lumbaria seu Loculos ad instar nidorum, &
domiciliorum Columbarum instructos, hic
perspecte delineatos ex celeberrimis illis Li-
viæ Augustæ Servorum Libertorumque co-
lumbariis, profero.



S V O

M. AQILA
 II P. NONIO. ASERL N..
 II EPAPHRODITVS. CHR
 IVCORFI. F. EROS. CLVTINA
 II APHRODISIVS. CLVTINAT
 II ::DORVS. ATR
 II CAESARE. AVG. GERMANICO
 II L. APRONIO CAESIANO (°
 II ANTHVS TOP II
 II TIRO ATRIS
 II
 ::o CoS ***** MEDIC
 EPAPHRODITVS. CHRES. FII.
 EPAPHRODITVS TERTIAN
 ::PROMAGIEXDD ∞ D
 SPERATVS. LIBER. MARC
 CAESARE AVG. G. F
 ::AFLPHVS PROCV

Fragmentum istud jam plus quam satis vetustate corruptum, Muratorius iterum deformavit pag. 303. Nami præter nominum *Aphrodisii Clutinat* in quinta, & *Epaphrodisii Chres* F II. in decima tertia linea suppressionem, scribit

DVS pro SVO
 AQIL pro AQILA
 ASPR pro ASERL N
 ARTIS pro ATRIS
 PRO MAGIS. X. DD pro PROMAGIEX DD
 ADELPHVS pro AELPHVS

Sic compositis jure suo nominibus, quosdam imaginatus est etiam Consulatus, quorum in fragmento ne vestigia quidem. Unius igitur tantum mentio certa hic est; scilicet Cæsaris Augusti Germanici, seu Caligula II. cum L. Apronio Cæsiano A. C. 39. & forte M. Aquilii Juliani sive *Juniani* cum P. Nonio Asprenate A. C. 38. Caligulam secundum Consulatum post triginta dies abdicasse, tradit Svetonius; eique subrogatus est Sanguinius Maximus.

ATR. *Atrienfis*. Is scilicet qui Atrium observabat, illudque custodiebat, ne quid ex Avorum imaginibus, stemmatibus, trophæisque, ac ceteris, quæ in Atrio reponi solebant, deperiret: supellestilem pariter ædium villæque exponebat, simulque Atrium ex omni parte mundum, & nitidum ut esset procurabat. Tum *insistere Atrienfis*, ait Columella lib. xii. ut supellestilem exponant, & feramenta deterisa nitidentur, atque rubigine liberentur. Hujus servorum generis meminit Cicero in *Pison*. meminit & Plautus in *Pseudolo*, & in *Asinaria*. *Atrienfes* demum ab *Atriaris* recte distinguit Petrus Faber lib. 2. apud Tit. Popmam de *Op. Servo*. p. 25.

ANTHVS TOP. *Anthus Topiarius*. Topiarii inter prædiorum rusticorum Operarios censebantur, qui arbusculas virgultaque ductilia facili flexu. in varias formas figurasque, modo humi, modo per ruris spatia, vario, & folerti ingenio effingerent, & concinnarent:

rent: ita nonnulli apud Pitiscum, & Popmam, auctores. Hos eleganter designat Firmicus lib. vii. cap. 10. ubi *Qui*, inquit, *buxæ arbores tendens in belluas fingat, aut virides porticus in circum flexis vitibus faciat*. Moris autem fuit ex buxo, myrto, rosis, hedera, & lauro Deorum simulacra, & varias hominum effigies naviumque formas, aut turrium, ædium, vel cubiculorum species in hortis per ejusmodi operarios fieri. Cic. ad Q. Fratr. lib. iii. laudavit Toparium, ita omnia convestivit hedera, qua basim Villæ, qua intercolumnia ambulationis, ut denique illi palliati topiariam facere videantur, & hedera vendere. Vocabulum istud non Romanis tantum, sed usitatissimum est etiam Longobardis, apud quos Vites artificiose in varias formas concinnatæ vocantur vernaculo sermone *Tèpie*: ita Toparii Toparie.

MEDIC. Onesimus Medicus. Archagathum Lyfianæ filium, primum e Medicis Romam Peloponnefo venisse L. Emilio, & M. Livio Coss. A. V. 535. author est Cassius Hemina apud Plinium lib. 29. cap. 1. Medicorum plerique servilis fuere conditionis, diu enim Medicina, ut ingenuo homine indigna, neglecta est, & ad Servos & Libertinos ablegata: Magnatibus tamen Romanis fuerunt familiares, atque ab iis maxime honorati. *Quid ergo*, inquit Seneca de Benef. lib. vi. cap. 26. *quare Medico, & Præceptori plus quiddam debeo, nec adversus illos mercede defungor? quia ex Medico, & Præceptore in amicum transeunt; & nos non arte*

quam vendunt, obligant, sed benigna, & familiaritate. Qua de re Procerum amici dicuntur a nonnullis Historicis, ex quibus de Eudemo hæc Tacitus Ann. lib. iv. Sumitur in conscientiam Eademos Amicus, ac Medicus *Liviae specie artis frequens secretis*. Multum profecto Medicorum ordo debuit egregio illi Antonio Musæ, cujus opera Augustus gravi morbo afflictam valetudinem recuperavit. Augustus enim in beneficii præmium, laborisque eximii mercedem ipsi Musæ, præter magnam pecuniarum vim, aureorum annulorum jus, universo vero Medicorum ordini a muneribus civilibus immunitatem dedit. His Senatus, ære collato, statuam adjecit, quam juxta Æsculapii signum collocatam tradit Svetonius. Fuerunt & Medicæ tum apud Græcos, tum Romanos, quarum nomina in Opusculo de Ornatrixibus recensui.

PROMAGI::: Promagister forte libellorum, ut in quodam fragmento apud Pitiscum.

FERETRV. FIERI. PLACET. IVBENTIVS
CELSVS. PROMAGISTER. SVBSCRIPTI

Vel *Scriniorum*, idest Proximus sacrorum Scriniorum, qui Magistri, si abesset, aut valetudine impeditus suo officio fungi non posset, vices agebat: vide Guther. de Offic. D.A.

EXDD. Ex decreto Decurionum. *¶ Sester-tia. ∞. Mille. D. Dedit.*

I 22.

:::PONTIVS·M·F·COL·PLAC:::
:::P·SVILLIO·RVFO·COS

PONTIVS. Ponticæ gentis (ex qua forte iniquus prodiit Pontius ille Pilatus, qui IESVM CHRISTVM cruci affigendum Judæis

tradidit) monumentum via Appia inter iii. & iv. lapidem repertum legimus apud Corradinum in Lat. vet. lib. ii. cap. xx. hujusmodi

PONTIA PRIMA M·PONTIVS·M·F·PAPIA RVFVS
M·PONTIVS·M·F·PAPIA POTVS
A·PONTIVS·A·F·CALVENTVS
A·PONTIVS·A·F·GALANVS
SEX·PONTIVS·SEX·FIL·PAPIA·VERVS
HOC MONVMENTVM
FECERVNT XII sic·NONAS MARTII CN POMPEIO
STRABONE·ET L·PORCIO CATONE COSS

Cum

Cum igitur *Pontius* in nostro Lapide enunciatus, *Marcus*, ut in Monumento, dicatur, nostrum æque *Marci* prænomen tulisse conjiciebam, eundemque esse cum illo, qui in Monumento nominatur. Verum cum nulla in Marmore Capitolino adsit cognominis mentio, ideo ab hac temperare assertionem cogor,

COL. PLAC. Puto heic *Colonia Placentina* mentionem fieri, nisi illud PLAC interpretemur *Placidus* h. e. M. *Pontius* M. F. ex tribu *Collina Placidus* seu *Placcius* &c. Verum familiam *Pontiam* non tribui *Collina* sed *Papia* adscriptam, ex relato Epitaphio constat, aut *Scaptia*, uti in alio Cap. iv. referendo legitur,

P. SVILLIO RVFO. Publii Suillii Rufi collegam C. *Antistium Veterem* faciunt Panvinus, Petavius, atque Almelovenius: Lippius vero C. *Cestium Gallium*; consulatusque munus suscepisse asserunt Ann. V. C. 802., post C. N. 19. At *Suillium* discriminatim nominant. Panvinus scilicet M. SVILLIVM RVFVM SERVILIANVM. Almelovenius, M. SVILLIVM RVFVM NERVLIIVM. Petavius, M. SVILLIVM RVFVM NERVILIANVM. Verum Auctores isti Suillium nostrum cum Nerviliano Publii filio confundunt, qui floruit regnante Vespasiano, uti tradunt Historici.

123.

D M

M. VLPPIO. AVG. LIB
MENOPHILO. ADIVTORI
PROC. ABORNAMENTIS
VIXIT. ANN. XXXV. MENS. V.
POSVERVNT

P. AELIVS. AVG. LIB. MENOPHILVS
PATER. ET. C. AMINIA. FORTVNATA
MATER. INFELICISSIMA. ET. IVLIA
PASSERILLA. CONIVX. PIENTISSIMA. EX. DECRETV^{re}
SOCIORVM. ANNIO. VERO. ILE. ET. EGGIO. AMBIBVLO C^oS

Hunc circa Consulatum diu decertarunt in Chronologia facile principes, Panvinus, Petavius, Norisius, Almelovenius, Ricciolus, Pagius, apud quos Ambibuli nomen diversimode corruptum invenies: nam modo *Ambigalus*, modo *Ambigulus*, aut *Ambibulus*, modo tandem *Ambiguus* *Bibulus* ab iis vocatur. Attamen circa annum Veri 111, & Ambibuli consulatus inter se convenisse, ex eorum lubricationibus conjicitur (scilicet C. 126.) præter Petavium, & Ricciolium, qui hoc anno Consules pro arbitrio crearunt M. *Lollium Pedium Verum*, & Q. *Junium Lepidum*, cui insuper Petavius *Bibuli* cognomen affinxit. Quod autem Ambibuli prænomen, vel nomen EGGII attinet, Norisium ceterosque la-

tuisse existimo; nullam enim de hoc apud eos mentionem reperio, quod tamen ab isto Saxo (nondum ut puto Norisio superflite invento) liquido declaratur. Porro binæ exstant Gruterianæ inscriptiones, in quibus *Ambibulus*, L. VARIVS nominatur: verum an iste Consulares fasces unquam obtinuerit, mihi prorsus ignotum. Transeo ad Annium Verum, circa quem nulla superest ambiguitas: nam licet istius prænomen in Saxo desideretur, M. *Annius Verum* fuisse vocatum testantur Historici, qui eundem M. Aurelii Imperatoris avum dicunt, Hujusce ac tertii Consulis sermo est in antiquo Gruteri lapide p. 637. ubi *Ursus* quidam *Togatus*, qui primus *vitrea pila luse* &c. hæc profert.

NVNC VERA VERSV VERBA DICAMVS SENES
SVM VICTVS IPSE FATEOR A TER CONSVLE
VERO PATRONO NEC SEMEL SED SÆPIVS
CVIVS LIBENTER DICOR EXORDIARIVS

His

His ergo Consulibus M. Ulpio Menophilo parentes P. Ælius, & Caminia Fortunata, ac Julia Passerilla coniux, urnam posuerunt. Is heic *Adjutor Procuratoris ab Ornamentis* dicitur, qui scilicet ei inferviebat, a quo Augustorum supellectiles custodiebantur. T. Fl. Parthenopeum Eunuchum, Augusti *ab ornamentis* nominat Epitaphium, olim in ædibus Julii Porcarii, nunc vero in ambulacro Palatii Vaticanani collocatum.

T. FL. AVG. LIB
PARTHENOPEI
POPÆIANI. EVNVCHI
AB ORNAMENTIS
VIX. ANN. LXXXV

Servos autem *ab Ornamentis* dictos, diversos ab iis fuisse, qui *Ornatores Augustorum* vocabantur, non dubito: isti enim quicquid ad familiæ Augustæ ornamentum, vestimentorumque cultum requirebatur, conficiebant. Porro Ornatores habuisse Augustos liquet ex Saxis, quæ in meo *de Ornatricibus* opusculo retuli pag. 5. quorum unum sic.

DIONANTHVS. TI. CAESARIS
ORNATOR. GLABR. VIXIT. ANN. XXV

Fuerunt & *Vestispici*, & *Vestiarii*, de quibus non est hic fermocinandi locus. Addam tantum alterum eodem M. Ulpii nomine, atque servum A VESTE PRIVATA AVGVSTI, laudari in pulcherrima illa Inscriptione quæ parieti affixa visitur juxta ecclesiam Divæ MARIAE vulgò *della Quercia*. Hanc, quamvis in eodem loco repetitam, a prætereuntibus assidue perminctam, atque immunditiis quotidie fœdatam, mihi, in Museum Capitolinum transferendam, rudis admodum & verveceus ædium Herus denegavit: Eam, a nemine diligenter exscriptam, heic mendis depurgatam Lectoribus trado.

DIS MANIBVS
COELIAE DYNATAE
M. VLPIVS. AVG. LIB
VALENS A VESTE
PRIVATA. CONIVGI KARISS
SANCTISSIMAE CVM
QVA VIXIT SINE CRIMINE
ET SIBI ET SVIS LIBERTIS
LIBERTABVSQVE POSTERIS
QVE EORVM

AVG. Nempe Hadriani, qui hoc anno C. 126. imperabat.

124.

.....
::ARGAEVS. LIB. EIVS. CVR. SVA
::IETIS. CAES. N. SERVI. VILICI
::HECA. IMPENSA. SVA. FECIT. DEDICA
::KOCT. VERO. III. ET. AMBIBVLO. COS

Via Labicana in vinea vulgo *del Castratino*, ad arcus Aquæ Claudiaæ, inscriptionem repertam esse tradit Norisius, qui eam minus mu-

tilam vidit, retulitque in *Ep. Conf.* pag. 79. hoc pacto, scilicet pro ut in Schedis egregii Viri Raph. Fabretti:

:::VM. ET. POPVLI. EIVSDEM. COLLEGI
::::S. ARGAEVS. LIB. EIVS. CVR. SVA
::::HETIS. CAES. N. SERVI. VILICI
::::THECA. IMPENSA. SVA. FECIT. DEDICA
::::V. K. OCT. VERO. III. ET AMBIBVLO. COS

Saxi possessorem fuisse olim Raph. Fabretum perspicuè colligitur ex quadam postilla marginali, quam idem Vir clarissimus in ipso Norisianæ Epistolæ exemplari ad eum spectante (nunc mei juris) exaravit. Ubi enim

(h. e. p. 79.) Norisius locum indicat, quo effossus est Lapis, Fabrettus manu propria scripsit *modo apud me*. De Veri III. & Ambibuli consulatu nuperrime egimus, Idacius, VERO III. & *Ambigulo*.

H h h

P. COE.

125.

.....R
 P. COELIO APOLLINARE COS
 C. A. DCCCCXXII
 Q. CLODIVS, MARCELLINVS
 COOPTATVS
 FABIO, CILONE. II. FLABIO LIBONE.·
 P. R. C. ANN. DCCCCCL·:·
 M. VALERIVS. PAETVS. AQVI·:·
 COOPTATVS
 C. IVLIO. ASPRO. II. C. IVLIO AS·:·
 P. R. C. ANN. DCCCCCL·:·
 IIVLIVS FAVSTINIANVS
 COOPTATVS·:·
 ·:·:·:·:·AVG. III. ET COMA
 DCCCCCLXX
 ·:·:·ANVS·:·

Celeberrima, ceterisque in Museo Capito-
 lino adservatis pretiosior Inscriptio hæc est,
 Eruditis omnibus, præsertim Chronologis uti-
 lissima, in qua annorum series sumitur ab an-
 no *Urbs condita*, uti siglæ (quarum prima in
 effracto Marmore desideratur) P. R. C.
 A. DCCCCXXII. hoc est *Post Romam Condi-*
tam anno 922. æræ Christianæ 169. perspicue
 indicant. Hoc igitur anno Consulatum gere-
 bat *Publius* (non *Quintus* uti apud Petavium)
Cælius Apollinaris, cum *Q. Soso Prisco*, juxta
 Panvinii, Norisii, atque Almeloventii sen-
 tentiam. Ad hunc Cælium Apollinarem se-
 quentem pertinere Inscriptionem censuit Pan-
 vinus in Fastis p. 346.

Q. COELIO, APOLLINARI
 FANATICO. DE. AEDE
 BELLONAE. PVLVIN
 CVIVS. MERITO. HASTA. IN
 AEDE. BELLONAE. IN
 LVCO. DEDICATA. EST. PRIMA
 TYCHE. CONIVGI. SVO
 B. M. F

At primo, Cælium hunc nostrum *Publii*
 prænomen habuisse, non *Quinti*, jam diximus.
 Secundo, quis unquam sibi persuasum habe-
 bit (nisi gravissimorum Scriptorum auctorita-
 te permotus) Fanatico, Bellonæ Sacerdoti,

Romanos insignem nobilissimamque Consula-
 tus dignitatem tradidisse, aut Virum Consula-
 rem Fanaticorum collegio adscribi voluisse ?
 Compertum enim est Fanaticos seu Bellona-
 rios, sic fuisse vocatos, quod furentes obscæ-
 neque gesticulantes bacchantur, atque vati-
 cinarentur, quodque etiam cultris se ipsos
 cruentarent, ut iratam, sanguine suo, pla-
 carent Deam; quæ omnia nimis Consule in-
 digna forent.

COOPTATVS. In collegium (puta) Fra-
 trum Arvalium.

FABIO CILONE II. Emendandus quippe
 est Muratorius, qui hunc T. AELIVM ap-
 pellat, licet ei *nuntiatur esset in Marmore legi*
revera FABIO CILONE, uti ipse asserit
 p. 350. In prænomine vero discordant Au-
 ctiores: a quibusdam enim *Lucius*, ab aliis
Marcus dicitur. *Cilo* autem noster in hoc Lapi-
 de prænomine caret; sed cum Muratorio *Lu-*
cium Fabium Cilonem præscribendum opinor,
 & cum Corfinio L. Fabium Septimium sive
 Septimianum Cilonem. Porro eundem esse
 qui semel, & iterum Urbanam obtinuit Præ-
 fecturam autumo; attento potissimum sequen-
 ti Gruteriano Lapide p. 406.

L. FA-

L. FABIO . M. F. GAL
SEPTIMINO CILONI
PRAEF. VRB. C. V. COS. II

Id confirmant Dio, atque Spartianus, ex quorum narratione Cilonem nostrum Pertinacis occisi cadaver, jussu Commodi, clam noctu humasse discimus. Hunc insuper Caracalla educatorem habuit, quem ingratus Imperator vita privare voluit; tumultu vero populari servatum, laudati tradunt Historici. Honorificentissima extat apud eundem Gruterum Græca inscriptio, in qua clarissimus Vir iste Ancyra Patronus dicitur

Α . ΦΑΒΙΟΝ
ΧΕΙΛΩΝΑ
ΤΟΝ ΔΑΜΠΡΟΤΑΤΟΝ
ΕΠΙΡΧΟΝ ΡΩΜΗΣ
ΤΡΙΑΤΟΝ ΤΟ Β
Η ΜΗΤΡΟΠΟΛΙΣ
ΑΝΚΥΡΑ
ΤΟΝ ΕΛΥΤΗΣ
ΠΡΟΣΤΑΤΗΝ

Lucium Fabium Cilonem Clarissimum Praefectum Romæ, Consulem secunda Metropolis Galatæ, Ancyra Patronum suum honorat. Insignem denique Cilonis domum in Regione Piscinæ publicæ (nunc in Piscivola) h. e. duodecima collocat Pancirolus in Descript. Urbis. Istos ergo Consules fuisse anno 957. post Romam conditam, C. 204. idem Marmor (in cujus fractura addendum VII) aperte testatur: ideoque removendi sunt ab hujusce anni laterculo Consules a Damafo in vita Victoris Papæ, a Fastis Græcis, a Cassiodoro, atque a Cuspiniani codice enunciati, scilicet Lateranus, & Rufinus; subrogandique Fabius Cilo II, & Flavius (Flavius) Libo, perperam ab Almelo-venio, & a Petavio M. Annio vocatus, nostrum cum M. Annio Libone (quem Capitolinus commendat) Antonini Philosophi patruo, confundentibus.

C. IVLIO . ASPRO . II . C. IVLIO . AS
Licet nona Marmoris lincola sit temporis injuria femixesa, ex Fastis tamen conjicitur in ea sculptum fuisse Ann. DCCCCLXV. qui fuit Christi 212. Conjicitur id, inquam, ex Fastis, in quibus Consules dicti anni signantur

duo Aspri, uterque nomine Julius, ac Cn. Julii Aspri filius; sed alter, ut Pater, Cneus; alter vero Cajus prænominatus. Apud Henricum Valesium (in excerptis Dionis p. 743.) Asper ille, in quem Caracallam eximios honores congefisse fertur, Julianus appellatur: sed Norisius in Epoch. Syromaced. Diss. 111. Julium scribendum esse contendit. Ego vero nihil in Dionis textu cum doctissimo Corfinio de Praef. Urb. p. 112. mutandum censeo, verumque unius ex Aspris nomen fuisse Cn. Julium Julianum, uti deduci posse videtur ex alio Lapide Muratorii prope Monasterium Crypteserratæ eruto, in quo

IVLIAE . IVLIANAE
SORORI . ASPRI

Si ergo soror Julia Juliana, quare non & Frater (id potissimum gravissimo testante Historico) Julius Julianus? Attamen Muratorius primum horum Consulium nec Julium, nec Julianum, sed Junium pro arbitrio, in suo ejusdem Marmoris exemplari, appellavit. Miror quippe cl. virum, in nota, hæc confidentissime adfirmasse; nempe, advertendum etiam velim primum de Consulibus ann. Chr. 212. appellari heic (h. e. in Saxo Capitolino) C. IVNIVM. At in saxo certissime legitur

C. IVLIO . ASPRO . II . C. IVLIO . AS

Muratorius insuper in Lapide signavit DCCCCLX; in margine vero hæc; nempe ann. Chr. 212, quod falsum est; nam primo, in Saxo extat DCCCCLX. Secundo, annus V. C. 960, annus erat æræ Christianæ 207. Notandi demum Panvinus, Petavius, & Almelo-venius, qui Aspros istos denominavere, alterum scilicet M. POMPEIVM, alterum PVBLIVM. Panvinus tamen atque Petavius excusandi, quod eorum ætate Lapis Capitolinus nondum in lucem prodiiisset: at Almelo-venius nonne præ oculis Norisianas, quas laudat, Dissertationes habebat, in quibus, (non semel) Julii denominantur? Ceterum, unum ex his Fratribus Viæ Appiæ curatorem fuisse testatur vetus Inscriptio effossa anno 1687. via Latina, undecimo ab Urbe lapide.

C. IV.

C . IVLIO ASPRO
COS . PRAETORI
CVRATORI . VIAE
APPIAE . SODALI
AVGVSTALI . TRIB
PL . PR . QVAESTORI
PROV . AFRICAE . CV
RATORI . AEDIVM . SACR
SEX . VMIDIVS
ARTHEMIDORVS
AMICO
INCOMPARABILI

Huic altera addenda est Inscriptio, ex qua primum istorum Consulum Urbanam Praefecturam quoque administrasse colligitur

ASPER
BIS CONSVL
PRAEFECTVS
VRBI

Lapis erutus est eodem loco, in quo ille *Julia Juliana*. Hoc tandem anno, *Geta*, teste *Dione*, a fratre *Antonino* occisus est, atque in *Septizonio* sepultus.

AVG. III. ET. COMA::: Nimirum *M. Aurelio Antonino Elagabalo*. AVGVSTO. III. & *M. Aurelio Eutichiano COMAZONTE* (quondam *Elagabali* liberto) II. *Coss.* post Romanam conditam ann. DCCCLXXIII. nam pro certo habeo in Marmore tres excidisse unitates, quibus annus componebatur 973. Ch. 220. quo ineunte *M. Aur. Antoninus Elagabalus* Aug. III. & *Comazon* consulatum susceperunt, uti unanimiter a Faistorum Collectoribus asseritur. Quod attinet ad *Comazontem*, colligitur ex *Dionis* lib. 79. cap. 4. hunc, praeter Consulatum, Urbanam quoque Praefecturam administrasse non semel tantum, sed & iterum, & tertio; atque primum *L. Mario Maximo*, deinde vero *Leoni*, moxque *Fulvio* Urbis Praefectis successisse. Itaque in superiori *Dionis* loco non *ὑπάρχει* Consul fuit, sed *ἐπολιάρχῃ* Praefectus urbis fuit rescribi debet; sive potius *ὑπάρχων*, *ἢ ἐπολιάρχῃ* h. e. Consul, & urbis

Praefectus fuit, uti *Reimarus*; ab *Eduardo Corsinio* laudatus, observavit. Consulum autem seriem ab hoc insigni Saxo indicatam, hic compendiose ordinatam accipe.

APOLLINARIS, & PRISCVS *corr.* ann. P.R.C. 922. Chr. 169. Imperii *M. Aurelii* ann. IX. quo *Verus* Imperator moritur.

CILO & LIBO *corr.* ann. P.R.C. 957. Chr. 204. imperii *Sept. Severi* ann. XII.

ASPRI fratres *corr.* ann. P.R.C. 965. Chr. 212. imperii *Caracallae* ab obitu *Severi* patris ann. XI. quo *Geta* in sinu Matris interficitur.

Elagabalus AVG. III. & COMAZON *corr.* ann. P.R.C. 973. Chr. 220. ejusdem *Elagabali* imperii anno XI.

In postrema Autographi Musei Capitolini linea legitur ::::ANVS; *Cooptati* Viri, ut puto, nominis fragmentum, a cl. *Muratorio* (cui *renuntiatur non fuerat*) in suo *Thesau- ro*, pag. ut supra 350., omissum.

Ceterum, falsum omnino est, quod asserunt nonnulli, istum scilicet unicum esse *Lapidem*, in quo anni conditæ Urbis signati reperiantur. Insignem enim *Gruterus* p. 300. retulit Inscriptionem, in qua perspicue legimus eandem siglas P.R.C.

P. R. C. ANN. DCCCIII.

. DCCCXI.
. DCCCXLIII.
. DCCCLXVII.
. DCCCXVI.
. DCCCXXII.
. DCCCXXI.
. DCCCXLIII.
. DCCCLXII.
. DCCCLXXXVI.

Demum, cum suam (in qua ejusdem *P. Caelii Apollinaris* est mentio, & anni pariter *P. R. C.* signati notantur) *Gruterus* repertam dicat in nova aede *S. Petri in Vaticano*, ibidem & nostram inventam fuisse conjicio.

126.

M . AQVILIO . M . I
FABIA . FELICI
 ACENSVS . EQVIT . ROMAN
 PRAEF . CL . PR . RAVENNAT
 PROC . PATRIM . BIS . PROC . HERED
 PATRIM . PRIVAT . PROC . OPER . PVB
 PRAEP . VEXILLAT . P . P . LEG . XI . CL .
 FR . PATRON . COL . OBMER . EIVS
ANTIAT . PVBL

Sic, omnibus expressis verborum elementis, lego'.

M. Aquilio. Marci. Filio

Fabia. Felici

Acensu. Equitum. Romanorum

Præfeto. Classis. Prætorie. Ravennatis.

Procuratori. Patrimonii. Bis

Procuratori. Hereditatum

Patrimonii. Privati. Procuratori.

Operum. Publicorum

Præposito. Vexillationibus

Præposito. Legioni. Undecimæ.

Claudia. Fretensis. Patrono

Colonia. Ob. Merita. Ejus.

Antiat. Publice

Tabulam hanc quam Antiatinam vocant, illustravit Philippus a Turre in Opusculo, cui titulus *Monumenta veteris Antii*: eo duce, Inscriptionis sententiam elucidare pariter aggrediar; quæque Vir doctissimus fuisse nimis præter necessitatem exaravit, hic omisis nonnullis, paucisque ad rem facientibus adjectis, compendiose dabo. Itaque nec merus Turæorum scriniorum expilator evadam, nec me quisquam aliena ex arbore fructus immodice legisse accusabit.

M. AQVILIO. Præclarissimum istud apud Romanos nomen modo unica, modo duplici litera L. scriptum reperio. AQVILLIVS apud Gudium, & Patinum, atque in Numis ab isto editis, AQVILIVS apud Reinesium, nostrumque Saxum. AQVILLIVS tandem, & AQVILIVS in Gruterianis, Muratorianis,

& Gorianis. De Aquilia gente, quæ familias habuit Patricias, & plebejas, diversis tamen cognomentis distinctas, mentionem fecere ex præfatis Florus, Livius, Cicero, Tacitus, Plinius, Spartianus, Nummi, & Lapides, & ex recentioribus Patinus, Sigonius, Augustinus, Morellius, apud quos AQVILIVS *Regulus-Orsius-Gallus-Justus-Florus-Corvus*, & Julia Aquilia Severa Elagabali Antonini uxor. Aquiliorum vero prænomina *Marcus-Manius-Julius-Cajus-Lucius*. Quo ævo iste floruerit, adhuc sub judice: certe sub Imperatoribus, nam dignitates in Saxo descriptæ, omnes fere post Augustum institutæ sunt. Inscriptionis quippe characteres affabre sculpti, Augusti seculum, cultissimamque ætatem indicant. Verum, cum Aquilius noster *Procurator* dicatur *patrimonii privati*, censendum est vixisse imperante Severo. Privati enim patrimonii procurationem a Septimio Severo constitutam Spartianus (cui immerito, nimiaque asperitate contradicit Salmasius) his monet verbis: *tuncque PRIMVM privatarum rerum procuratio constituta est*. Vide Bulengerum de I. R. lib. II. Pancirolum in *Notitia*, aliosque.

FABIA. Tribus Fabia, ex rusticis una, cui illustre fecit nomen gens Fabia. Nominatur a Suetonio in *Augusto* cap. 40. *Multipli pæna coercito ambitu, Fabianis, & Scapientibus tribulibus suis, die comitiorum singula millia Nummum dividebat*. Horatius *Epist.* lib. I.

— hic multum in Fabia valet; ille Velina.
 I i i ACEN-

ACENSVS EQVIT. ROM. Locutio grammaticalis dativum poscebat, h. e. *Aquilio M. F. Felici Accenso*; orthographia vero geminatum litteram C. scilicet *Accenso*. Utrumque Quadratarium dici nequit; nam quamvis sculptores passim voces corruptissime in Lapidibus efformaverint, a nostro eam suspicionem amovendam asserit Turræus, cum *publico decreto*, in Colonia Urbi proxima, & *sub oculis Curatorum*, a Magistratu delectorum fuerit conscriptus, Verum Antii proximitas Romæ, Magistratuumque, ad hoc lapideum curandum veluti psephisma, delectus, leve argumentum, levisque nimis mihi videtur Marmorariorum scriptorum diligentie præsumptio, potissimum cum Marmora, in ipsa Urbe sculpta, curantibus similiter Magistratibus, mendis tamen scatentia, quamplurima inveniuntur. *Scribitura*, *scripsi* pro *SCRIPTURA*, & *SCRIPSI*. *Pidatura* pro *PEDATURA*. *Inserit* pro *INIERIT*. *Zamamæ* pro *ZAMAE*. *Piacere* pro *PLACERE*. *Picini* pro *PICENI*. *Judæci* pro *IVDAICI*. *Partinere*, *Salutem suam*, *Apud*, *Patrie*, *Nostre*, *Potest* pro *PERTINERE*, *SALVTE SVA*, *APVD*, *PATRIAE*, *NOSTRAE*, *POTEST* &c. Hæc omnia hisque similia immo graviora, quæ brevitate gratia omittuntur, errata, in Saxis recensui, licet Romæ, licet modo *PRAECEPTO PRINCIPVM*, modo *IMPERATORIS AVCTORITATE*, modo a *FORONOVANORVM MAGISTRATIBVS*, modo demum a *LEGATIS EPHESIORVM* positis: immo ipsius Curatoris cognomen depravatum videmus in lapide, Romæ dicato, *TRAIAN AVCTORITATE*, atque *Curante A. Pletorio Calpurniano*, in quo *CALPHVRN* pro *CALPVRN*. *Acensus* igitur pro *Accenso* exaratum ab Antiæ illo sculptore fuisse non mihi profecto incredibile. Insuper Turræus ipse (uti mox dicemus) opinatur, a Quadratario, *ACENSVS* positum, pro *A CENSIBVS*: si ergo errare potuit binas omittendo litteras, nonne errare pariter potuit nominativum scribendo pro dativo? Cæterum *Accensorum* munus erat Populum ad concionem vocare tum in Foro, tum in Caltris, immo in Templis: hi populum ad sacrificium ciebant, horam designabant, silentium indicebant.

Attamen Aquilium nostrum inter *Accensos* militares recensendum autumo. Munus istud, dicit aliquis, vulgare fuit, ideoque nobilissimum Virum, tot dignitatibus decoratum minime decebat. Sed animadvertendum officia, dignitatesque in Marmore enunciatas non eodem fuisse tempore ab Aquilio acquisite, sed gradatim; ita ut opinari liceat primo inter *Accensos* equestris militiæ locum obtinuisse, dein *Classis Ravenn. præfecturam*, postmodum *Patrimonii procurationem* &c. Sunt qui *τὸ Accensum*, nomen adjectivum, seu participans faciant eo sensu, ut dici debeat *Aquilium Accensum* h. e. *Accensum*, seu *Adscriptum* fuisse Romanis Equitibus. Aquilius igitur (juxta horum sententiam) fuit inter Romanos Equites supernumerarius. At Turræus attentis abbreviaturis, quibus veteres Inscriptiones scateare asserit, *ACENSVS* vertit in *A CENSIBVS*, concluditque Aquilium hunc *A CENSIBVS EQVITVM ROMANORVM* fuisse, ipsis videlicet censendis Equitibus *Præfectum*. Inscriptio extat profecto apud Gruterum pag. 99. ubi quidam Zosimianus *A CENSIBVS* dictus est, singulis tamen expressis istud indicantibus Officium elementis: quapropter nescio an magis Turræo, in voce *ACENSVS* abbreviaturam (ad suam comprobendam sententiam) imaginari, quam mihi mendum in eadem voce Quadratario adscribere liceat. De *Accensis* rursus in notis ad Statilii Apri epitaphium inferius *Cap. v.*

PRAEF. CL. PR. RAVENNAT. Romanorum Classis plures nominantur ab Historicis, nempe Veneta, Danubii, Britannica, Comensis, Rhodani, Ararica, Ripariensis, seu Ripensis; has primo toto dispersas Imperio, *Miseni, & Ravennæ*, inquit Suetonius, *ad tutelam superi, & inferi maris Augustus collocavit*. Tacitus *Annal. lib. iv. Italiam utroque mari duæ classes, Misenum apud, & Ravennam.... præsidebant*. Misenum classis Gallias, Hispaniam, Mauritaniam, Africam, Ægyptum, Sardiniam atque Siciliam habebat in proximo: Classis autem Ravennatium Epiron, Macedoniam, Achajam, Propontidem, Pontum, Orientem, Cretam, & Cyprum petere directa navigatione consueverat; adi

Ve.

Vegetium de R. M. lib. v. Hujusce igitur classis Prætorie Ravennæ ab Augusto collocatæ Præfecturam gerebat Aquilius.

Portum Ravennatem (in quo Pharus) celebrant Auctores nonnulli. Procopius tamen rer. Goth. lib. i. sic scribit. *Est Ravenna (versio Meltreti) plano in campo posita, ad extremum sinum Jonium, a quo stadiis duobus distat: neque enim maritima est, nec videtur adiri classibus facile posse, imo nec pedestribus copiis... Pedestrem vero excludunt aquæ Padi aliorumque fluviorum navigabilium, & lacuum, urbem illam undique ambientium.* Claudianus de vi. Honor. Consulatu

*Dixit, & antiqua muros egressa Ravenna
Signa movet; jamque ora Padi, portusque relinquit
Fulmineos, certis ubi legibus advena Nereus
Æstuat, & pronas puppes nunc amne secundo,
Nunc redeunte vehit; nudataque littora fluctu
Deserit, Oceani lanaribus amula damnis.*

Ita Jornandes, *Ravenna urbs inter paludes, interque Padi fluentia, uni tantum patet accessui.* Audiendus demum Sidonius Apollinaris lib. i. in jocosa illa ad Candidianum epistola viii. *Ita tamen, ait, quod te Ravennæ felicius exultantem, auribus Padano culice perforess, municipalium ranarum loquax turba circumfilit; in qua palude indefinenter rerum omnium lege perversa, muri cadunt, aquæ stant, turres fluunt, naves sedent, ægri deambulant, medici jacent, algent balnea; domicilia conflagrant, sitiunt vivi, natant sepulchra, vigilant fures, dormiunt potestates, fenerantur clerici, Syri psallunt, negotiatores militant, milites negotiantur, student pila senes, alæ juvenes, armis Eunuchi, literis federati. Tu vide qualis sit Civitas; ubi tibi Lar familiaris incolitur, quæ facilius territorium potuit habere quam terram.* Horum tamen scriptorum ævo plurimum ab antiqua amplitudine defecisse portum recte censet Turræus. Classis hæc Romanorum Ravennæ collocata, nomen fecit oppido Æmilie, quod hodie Classe nuncupatur, celebre S. Romualdi domicilium, ubi nunc superest tantum Cænobium Camaldulensium, templumque S. Apollinari dicatum.

PROCVRATORI PATRIMONII BIS

&c. De hoc adverbio BIS prolixè differit Turræus, discrimenque inter adverbia BIS, & ITERVM ostendit: brevioribus ego me expediam verbis. Nemo nescit quod BIS duas vires; ITERVM vero idem significare ac de novo, seu rursus; ideoque falso a Fabretto doceri Veteres ITERVM consules dixisse, nunquam BIS. Cicero ipse, recte locutionis præceptor in lib. de Amic. *Vidimus inquit Papum (seu Paullum) Æmilium C. Lucino familiarem fuisse BIS consulem: de Flaminio in Quæst. Accad. BIS Consul factus est.* Svetonius in Nerone *Messalinam Tauri BIS consulis abnepcem: ita de Claudio, Equestris ordo BIS Patronum elegit.* In lapidibus Gruterianis C. Octavius, BIS *Ædilis*; L. Betilicenus BIS *Censor*. In Inscriptione tandem Capitolina superius relata C. Julium habemus *Magistrum SEMEL, Q. Nonium magistrum BIS, & L. Sellium magistrum TER.* Aquilius ergo noster semel, & iterum Patrimonium Cæsaris administravit, dein vero *Procuratori hereditatis patrimonii privati admotus est.*

PROC. OPER. PVB. *Procurator Operum publicorum*, sub quorum nomine intelliguntur Aqueductus, Viæ Consulares, Templâ, Thermae, fluminum Alvei, Statuæ signaque erigenda, Balnea, Porticus &c. Horum Operum curam clarissimis Viris impostam testantur Lapidés, & Historici. *Aulus Vitellius* qui postea Imperator; *Flavius Sabinus* Vespasiani frater, uti quidam asserunt; P. *Metilius* sub Hadriano, C. *Popilius Carus Pado* sub Antonino; T. *Arrius Bassianus* C. V. sub Septimio Severo; M. *Salpitiuss Lepidus*, Cn. *Octavius Celsus*, omnes equestris ordinis, genere, & gradu commendati Cives, operum publicorum Curatores fuere; ita Vespasianus initio Imperii curam restituendi Capitoli in L. *Vestinum* nobilissimum Virum contulit.

PRAEP. VEXILLAT. Duplicis generis fuisse in Romanorum militia Vexillarios, monet Lipsius ad Tacit. *Hist. lib. 2. cap. 10.* nempe à Veteranis aliquos; aliquos ex Legionibus, quique sub Vexillo in Provincias mittebantur. Has, aperte, *nugas* appellat Salmasius in *comm.* ad Vopiscum in vita Probi, Vexil-

xillariosque dicit eos, quos *Triarios* Veteres vocabant. nullam absque hoc Veteranorum vexillo fuisse Legionem docet Livius. At idem Salmasius in posthumo de R.M. opusculo cap. 19. longe diversam sententiam sequutus est. Eos enim apud Tacitum *Vexillarios* legionum esse ait, qui in antiquiori militia *Vexillites*, postea sub Cæsare *Antesignani*: opinio hæc verior videtur ipsi Turræo. Primum *Vexillationes* pedestris militiæ fuere: dein equestris: unde in *Notitia* *Vexillationes* enumerantur quinque, Palatinæ Comitatenfes septem, militia equestri constantes. Apud Reinesium p. 13. Sex. Attius Senecio dicitur in *expeditione Judaica* AD VEXILLA, quod *Præposito Vexillationum* respondere censeo. De Vexillis in Inscript. Trajani Cap. II. num. 83.

P. P. LEG. XI. CL. FR. *Pro-Præfecto* (uti legit Muratorius qui Inscriptionem hanc, lineis vero arbitrariis dispositis, edidit p. 100) vel *Præposito* legionis XI. Claudiæ Fretenfis. *Claudiam* Legionem undecimam fuisse ex hoc Marmore liquet, quo emendari possunt Lazii commentariâ, ubi septima dicitur, & Reinesianus lapis pag. 21. ubi *Fretenfis* duodecima notatur

L. MAGIO. L. F. CAMPANO
ALIGERO. XII. LEGIONIS. FRETENSIS

Fretenfis dicta est apud Lipsium, vel quia *Freto assita*, vel a *Freto aliquo*, unde extructa est: idem suspicantur Pancirolus in *Not. Imp.* & Turnebus *Advers.* lib. 18. Turræus noster de Freto Gaditano agi credidit. Verum, posteriori ætate ab Ammiano lib. 18. ab ejusdem *Not. Imp.* auctore, & in quadam Inscriptione a Reinesio indicata, Legio ista non *Fretenfis*, sed FORTENSIS appellata est; quare lauda-

torum Virorum etimologiam respicere, vel saltem haud certam declarare cogimur.

PATRON. COL. *Patrono Coloniae* Antiatum. Ex ipsa Inscriptione patet Antiates Statuam Aquilio Patrono ob ejus merita publice collocasse. Civitates, & Populi sibi Patronos apud Principem eligere consueverunt, quod antiquissimum est. Ita in clientela Antoniorum fuisse *Bononienses* prodit Svetonius: *Puteolanos* in Cassiorum, tradit Cicero. M. Barbum Patronum Coloniae *Prænestinorum*, & C. Julium Vestrum Coloniae *Picæ Gabinie* laudant Merula, & Ligorius; *Forojulensium* L. Marium Maximum, *Venetorum* vero Petronium Probum, inscriptiones nostræ Capitolinæ. Antiquus hic Coloniarum, Populorumque Patronatus adhuc viget apud S.R.E. Cardinales, quorum plerique diversarum Civitatum, & Oppidorum Status Ecclesiastici nec non Religiosorum Ordinum Patronatum suscipiunt.

ANTIATES. Antium ad Tyrrenum mare situm, Neronis atque Caligulae ortu, Poppeæ puerperio, Domitiani, atque Hadriani in deliciis vacatione, fortilegæ Fortunæ templo, Veneris virilis, & armatæ ædibus, Ulyssis, & Antiae sacrificiis, insigne æque ac infame fuisse colligitur potissimum ex Corradino, & Vulpio, qui fusè de Antiatibus scribere. Nos Portus Antiatum ectypon superius exhibuimus. Volscorum sane Urbs fuit teste Dionysio lib. 8. quæ exinde sub Tarquinio Superbo in commune veteris Latii nomen concesserat; diutissimis bellis pro libertate confectis tandem in Romanorum potestatem devenit, Civiumque Coloniam semel iterumque recepit: hodie *Porto d'Anzo*.

127.

L. MARIO MAXIMO
 PERPETVO AVRELIANO
 C. V. PRAEF. VRBIS
 PROCONSVLI PROVINC
 ASIAE . ITERVM
 PROCONSVLI. PROVINC
 AFRICAE
 M. IVLIVS. CVRIALIS
 MATERNVS. EX. CIVITAT
 FORO. IVLIENS. IAM 7
 PATRONO OPTIMO

L. MARIO. Lucius Marius Maximus Perpetuus Aurelianus, Urbis Praefecturam gessit primis Severi temporibus, anno scilicet a C. N. (juxta cl. Eduardi Corsinii supputationem) 200. Hunc Praesidem Germaniae inferioris, Sacerdotem Fecialem, Legatum Augustorum, Pro Praetorem Syriae, Germaniae, Belgii, Exercitus Myliaci Ducem, primae Legionis Italicae Legatum, Curatorem Viae Latinae, item Reip. Faventinorum, Allectum in Praetorios, Tribunum Plebis, Quaestorem Urbanum, Tribunum laticlavum, nominant antiqua marmora apud laudatum Corsinium, in serie Praefectorum Urbis; Quibus, dignitas Proconsulis Asiae, & Africae addenda est, ex nostri Musei Lapide.

C. V. *Clarissimo viro*. Clarissimi titulum frequenter non legimus nisi post Alexandrum Severum: antiquissimum tamen fuisse probant Pancirolus in *Notitia* cap. 11. & Bulengerus de I. R. lib. 11. cap. 19., a quibus laudantur Cassius Longinus, qui imperante Tiberio *claras personas* Senatorias uxores, & Filios vocavit; & Aelius Marcianus, qui sub Antoniano Pio Senatores *clarissimos viros* appellavit, Verum tamen ab Alexandro Severo, ut innui, renovatum tradit his verbis Lampridius: *Praefectis pratoria suis Senatoriam addidit dignitatem, ut Viri clarissimi & essent, & dicerentur, quod antea vel raris fuerat, vel omnino non fuerat.* Ex ea ergo aetate *Clarissi-*

morum, Clarissimatusque dignitatis mentio est tum in Saxiis, tum penes Historicos.

PRAEF. VRBIS. Amplissimam Praefecti Urbis dignitatem instituit Romulus, restituit Augustus. Qui ea fungebatur, iisdem utebatur insignibus, quibus Praetorii Praefectus: creabatur, quoties Consules, belli causa, ab urbe discedebant, ne Respublica sine Magistratu foret. Augustus, consulente Maecenate, Urbis Praefectum delegit, qui omnes civiles, & criminales causas in Urbe, & extra, intra D L. stadia, iudicaret, & ad eum ex Provinciis appellaretur; quod postea, Teste Dione lib. 25. emendatum fuit, & actum, ut a Regionibus dumtaxat, huic Magistratui subiectis, ad ipsum provocaretur. Primus Urbis Praefectus, Romulus Dentor, ab ipso Romulo creatus. Vid. Tacit. *Ann.* lib. v.

PROCONSVLI. *Proconsul* an *Pro-Consule* legendum sit, dissident inter se Scriptores. Ego quidem Svetonio, Plinio, Gellio, atque Manutio assentior, qui unico verbo *Proconsul* & *Propraetor* scribere. Proconsules ergo, antequam Caesares rerum potirentur, ii erant qui vel e Consulatu, vel prorogato imperio, vel e privatis extra ordinem in Provincias, ut iis praesent, mitti solebant. Nec obstat quod Caesar de B. G. lib. vi. scripserit Cn. Pompejum *Proconsulem in Urbe fuisse*, quod extra ordinem factum, nempe Reipublicae

K k

caus-

caussa, ex eodem loco clare patet. In Regionibus mittebantur ab Italia sejunctas, quæ Populi dominio subiciebantur, ut Festus docet. Qui vero Cæsarum Provincias regebant, *Præsides* vocabantur, & aliquando *Procuratores*, ut pro Tiberio in Judæa infamis ille Pontius Pilatus. Quanta, qualisque fuerit Proconsulatum potestas, & imperium, quodque inter imperium, & potestatem discrimen, habetur ex Joannis Rosini A. R. lib. vii., ubi istud præ cunctis accuratissime pertractavit argumentum. Insignia Proconsulis erant sex fasces, totidem secures, & toga purpurea, præferebatque Principum imagines, quemadmodum Præfectus Prætorii, & abacum alba mappa instratum, librum mandatorum sustinentem: denique cum ad Provinciam suam pergeret eum comitabantur Legati, Tribuni

militum, Centuriones, Præfecti, Scribæ, Lictores duodecim, Haruspices, Medici, & Contubernales, quibus stipendia, vestes, vasa, vehicula, tabernacula dari, impensa publica moris erat.

EX CIVITATE. Quam M. Julius Curialis *Civitatem* appellat, *Oppidum* est apud Tacitum Ann. lib. iv. *Proximum Galliæ litus rostratæ naves præsidebant, quas Adriacæ victoriæ captas Augustus in Oppidum Foro-Julienſe miserat, at hic Civitas sumitur pro incolarum coetu.*

FOROIVLIENSIVM. *Forum Julii*, cui nomen, Cæsar dedisse fertur. Nunc *Frejus* urbs maritima Galliæ Narbonensis, Nicæam inter, & Tolonem. *Forum Julii*, ait Plinius Lib. iiii. Cap. iv. *Ostorianorum colonia, quæ Paccensis appellatur, & Classica.*

128.

NOBILITATIS CVLMINI
LITTERARVMETELOQVENTIAELVMINI
AVCTORITATISEXEMPLO
PROVISIONVMACDISPOSITIONVM MAGISTRO
HVMANITATISAVCTORI
MODERATIONISPATRONO
DEVOTIōNISANTISTITI
PETRONIO
PROBO* V. C * PROCONSULI AFRICAE
PRAEFECTOPRAETORIO
PERIIYRICVMITALIAMETAFRICAM
CONSVLIORDINARIO
OBINSIGNIAERGASEREMEDIORVMGENERA
VENETIADQVEHISTRIPECVLIARES EIVS
PATRONO PRAESTANTISSIMO

NOBILITATIS CVLMINI. Ita in alia Capitolina (vide num. seq.) *Sexto Petronio Probo. ANICIANAE. DOMVS. CVLMINI.* & apud Grut. p. 450. Num. i. *Petronio Probo TOTIVS. ADMIRATIONIS. VIRO.* & in fine. *CIVI. EXIMIAE. BONITATIS. DISERTISSIM. ATQVE. OMNIBVS. REBVS. ERVDITISSIM.*

PROVISIONVM. *Magistro.* Provisio-
num Magister hic primum occurrit; addendus ideo cæteris Magistris domus Augustæ, a Bulengero, Pancirolo, Guthero, atque Cal-

vino laudatis. PROVISIONES, inquit Ducangius, apud Ammianum lib. 17. *pro annonis necessariis ad victum. Provisio annonaria apud Pollionem. Corippus lib. 3.*

gratissime dari provisum jubemus.

DISPOSITIONVM. *Magistro.* *Dispositionum Referendario*, aut *Comiti*, qui etiam *Magister*, & *Promagister* dicebatur. *Frustra*, ait Gutherus, *Magistri nomen Dispositionum Comiti denegatur: ut frustra Proximum Scrinio- rum, mutato nomine, fuisse Scrinio- rum Principem offeritur; cum ubique Scrinio- rum Proxi-*

a Co-

a Comitibus, vel Magistris Dispositionum distinguantur. Hi Scrinium dispositionum tractabant, supplicum desideria, aut iudicum consultationes Principi insinuant, & responsa data consulentibus mittebant. At confer Buzelerum de I. R. lib. 4. part. 2. p. 459. 460.

PETRONIO PROBO. E gente Petronia, ex Sabinis oriunda, quam Aniciæ inferunt Reinesius, Baronius, & Lapides, Filium Probini Præfecti urbis A. C. 346.; nepotem vero Probiani Cos. A. C. 322. fuisse censo. Hic, Patronus dicitur Venetorum, atque Histrorum; alias, Præfectus Veronensium.

ADQVE. Atque; utrumque in Lapidibus, sed prævaluit primum: in Bibliotheca Monast. D. Gregorii: AMANTISSIMAE

ADQVE FIDEIIS QVAE &c.

OBINSIGNIA &c. Ob insignia erga se remedium genera. Quis intelliget hæc, donec reviviscant ipsi Inscriptionis Auctores?

PECVLIARES. Peculiares servos monetæ, publicisque vectigalibus præposuisse Cæsarem, Svetonius tradit. At hic Venetos, atque Histros, pro veteri clientela Petronio Probo peculiariter addictos intelligo.

DEDICATA. VI. IDVS. AVG. Die 8. Augusti.

VALENTE &c. Valente Aug. VI. & Valentiniano (juniore) II. A. C. 378. Inscriptio effossa est in Hortis Pinciis PP. Minimorum anno 1742. extatque in Basi marmorea.

129.

SEXTO PETRONIO PROBO
ANICIANAE DOMVS
CVLMINI PROCONSVLI
AFRICAE PRAEFECTO
PRAETORI QVATER
ITALIAE ILLYRICI AFRI
CAE GALLIARVM CON
SVLI ORDINARIO CON
SVLVM PATRIANICIVS
HERMOGENIANVS
OLYBRIVS V C CONSVL
ORDINARIVS ET ANI
CIA IVLIA. C F. EIVS
DEVOTISSIMI FILII
DEDICARVNT

Ad eundem Petronium Probum in superiori commendatum fortasse spectat Inscriptio hæc: eisdem enim Dignitates & titulos hic habemus, quos in superiori, idemque nomen, & cognomen, nisi quod in illa Sexti prænomen tacetur: illam uti vidimus Clientes Patrono; istam vero Patri, devotissimi Filii posuerunt, sive dedicarunt.

CONSVLVM PATRI. Cognomen honoris, non dignitatis: sic alias PATREM SENATVS legimus.

ANICIVS HERMOGENIANVS OLYBRIVS. Ex aliis, ad hunc, ut puto, spectantibus Inscriptionibus, constat Anicium juniorem CLODII quoque nomen prætulisse: ita apud Donium in Inscript.

CLO-

CLODIO . HERMOGENIANO
OLYBRIO . V . C . FRATRI
ADMIRANDAE . PIETATIS
FALTONIVS PROBVS
ALYPIVS V . C

idem in lamina ærea apud Fabretum cap.vii.
& Maffejum p.311.

ANICIA IVLIANA C F. Clarissima Femina, quam Tyranniam vocatam reperio in frequenti apud Gruterum epigraphæ

TYRANNIAE ANICIAE
IVLIANAE C F . CONIVGI
Q̄ CLODII HERMOGENIANI
OLYBRI . V . C

Ex eadem perspicuum est Aniciam hanc nostram, quæ in Saxo Capitolino Sexti Petronii Probi sese Filiam dicit, revera non Filiam, sed Nurum fuisse; seseque Filiam ob affectum vocari, quod Hermogeniani, Petronii Probi filii, esset Uxor. Ceterum Aniciam gentem (quam Theodatus Gothorum Rex toto Orbe prædicatam dixit ap. Cassiodorum) præclarissimam fuisse atque nobilissimam unanimiter declarant tum Ethnici, tum Christiani scriptores. Illastre Aniciorum genus, inquit Divus Hieronymus ad Demetr. ep.8., in quo aut nullus, aut rarus non meruit Consulatum. Idem asseri potest de Præfectura urbis, ad quam nonnulli hujusce Familiæ evecti fuere, inter quos Magnus ille Gregorius Romanæ Sedis ornamentum: Vir in Divinis Scripturis eruditissimus inquit Trithemius de Script. Eccl. Et in secularibus litteris atque doctissimus; Theologorum princeps, splendor Philosophorum, Et Rhetorum lumen; vita, Et conversatione integer, atque sanctissimus, cui divinas Scripturas explananti, Spiritus sanctus aliquoties visibili specie apparuit, eique arcana mysteriorum earundem invisibili magisterio referavit. Hunc ergo Præfecturam, aut saltem Urbanam Præturam suscepisse A. C. 572. opinatur Corsinius.

Hic de Senatoribus primis, inquit Gregorius Turonensis, qui ante serico contextu ac gemmis micantibus solitus erat per Urbem procedere trabeatus, nunc vili contextus vestitu ad Dominici altaris ministerium consecratur. Porro ex Ethnicis familiis hæc ante alias Christi fidem amplexata est; unde Prudentius contra Symmachum lib.1.

Fertur enim ante alias generosus Anicius, urbis Illustrasse caput; sic se Roma inclita jactas.

itaque Zosimus Christianæ religionis acerrimus hostis, de Aniciis veluti Ethnicorum moribus æque adversantibus, hæc profert: solum illorum Familiam, qui Anicii dicuntur, mordebant ea quæ publice universis conducere videbantur; quod soli omnium prope dixerim divitias possidentes felicitatem permolestè ferrent. Pietas revera illastrissima ejusdem stirpis ex eo maxime commendatur, quod beatis Martyribus, Confessoribus, ac Sacris Virginitibus, qui ex eadem originem traxere, Dei Ecclesiam mirifice illustrari contigerit. Sepulchra in Cryptis Vaticanis, Anicios habuisse nemini non innotescit, testaturque Anastasius Bibliotec. qui in vita Xisti, Corpus, inquit, Anicii Bassi, Xistus Episcopus cum linteaminibus, Et aromatibus, manibus suis tractans recondidit, Et sepelivit ad B. Petrum in cubiculo parentum ejus. At de sepulchris ad Aniciam gentem pertinentibus, subque Nicolao V. in Basilica Vatic. detectis confer Bosium, Boldettum, Aringhium, Battellum Archiep. Amasenum; vide tandem recentissimam eruditissimi Laurentii Dionysi cryptarum Vaticanarum descriptionem. Advertendum tamen non omnes Anicios in Vaticano fuisse tumulatos: nam Epitaphium Retropii Probi in Hortis Pincii repertum diximus; tumulus vero Petrileonis (quem ex Aniciis fuisse tradunt plerique) Petri pseudopapæ parentis adhuc extat in porticu Basilicæ quæ D. Paulli extra mœnia vocatur, via Ostiensis.

130.

.....
 PROV. AFRICAE. ET. S. IVDICANTI
 PRAEF. VRBIS. ET. V. S. IVDICANTI. ITE
 RVM COMITI ORD. PRIM. INTRA PA
 LATIVM. PRAEF. PRAET. CONSVLI ORD
 PLACIDVS. SEVERVS. V. C. FILIVS. PATRI. RELIGIOSO
 ET. ANTONIA. MARCIANI. L. A. C. F. NVRVS.
 SOCERO SANCTISSIMO

Una cum superioribus lineis, hujus urbis Praefecti *vice sacra judicantis*, nomen quoque evasisse existimo: ex Filii tamen nomine, nomen Patris conjici posse reor. Filius ergo *Placidus Severus*, cujus Pater *urbis Praefectus*. Cum autem inter urbanos Praefectos quidam reperitur nomine *Placidus*, qui Magistratum hunc administravit A. C. 260., de hoc in nostro Lapide agi opinor; eo magis cum Lapis ad haec tempora pertineat, uti tum ex Inscriptionis stylo, tum ex Dignitatibus ibidem regestis liquido patet. Ilius Placidi mentio fit in Martyrologio Rom. his verbis: *Interam-
 nae S. Valentini Episcopi, & Martyris, qui de-
 collatus est jussu PLACIDI Urbis Praefecti. At-*

tamen conjecturam hanc meam judicio Eru-
 ditorum subijcio.

COMITI ORD. PRIM. INTRA .PA-
 LATIVM. Nimirum *Comiti Ordinis primi*. Comites primi ordinis a Constantino institu-
 tos, alios intra Palatium & Consistorium, alios in Palatio, & Consistorio recenset Gu-
 therius *de Off. D. A. lib. 1.* Utrisque consi-
 liis Principis adsidere, atque epulis interesse, illiusque purpuram adorare (quod pro sum-
 mo honore habebatur) licebat. De Comi-
 tibus *primi, secundi, & tertii* ordinis, vide Eusebium lib. 4. cap. 1. aliosque. Reliquas in marmore enumeratas dignitates silens prae-
 tereo, cum de iis jam satis alias disseruerim.

131.

TANAVCIVS
 IS FALANGIVS
 V C PRAEFECTVS
 VRBI ITERVM

Hunc natione Gothum credidit Murato-
 rius p. 748. 6., sed eum perperam TANV-
 CIVM vocavit. Eduardus Corfinius vero

eundem inter Praefectos Urbanos incertae
 aetatis recensuit in fine Oper. de *Praefect. Urb.*
 pag. 392.

132.

FORTEIVS. LITORIVS
 AVXENTIVS VCPRAE
 VRBI CVRAVIT

Incertae pariter aetatis idem Corfinius au-
 tumat Fontejum istum Litorium p. 391. Co-
 gnomen autem, quod ex Muratoriano exem-

plari mutilum edidit, integrum extat in au-
 tographo, videlicet AVXENTIVS *vir cla-
 rissimus*.

SINGVLARIS INTEGRITATIS .
 ET. BONITATIS. EXSIMIAE.
 M. AVR. CONSIO. QVARTO
 IVNIORI. C. V. CORRECTORI
 FLAMINIE. ET. PICENI.
 PONTIFICI. MAIORI.
 PROMAGISTRO. ITERVM
 DVODECIM. VIRO.
 ANCONITANI. ET.
 FANESTRES. CLIENTES
 PATRONO

CORRECTORI . Provinciarum Correctores (quos Cassiodorus lib. 6. form. 21. *Reitores* vocat) dicebantur Magistratus Provinciales, quibus pars aliqua Provinciae regenda tradebatur, Deinceps tamen, non unius tantum Provinciae, sed plurimarum Correctores fuere, quorum unus M. Aurelius iste Flaminiae atque Piceni Corrector, Immo totius Italiae, uti Tetricus, qui ab Aureliano, teste Trebellio, Corrector creatus est Campaniae, Samnii, Lucaniae, Brutiorum, Apuliae, Calabriae, Etruriae, Umbriae, Piceni, & Flaminiae, omnisque annonariae Regionis. His mixtum imperium tribuisse videtur Isidorus Pelusiota lib. 11. l. ep. 263. *Pulcre*, inquit, *o prudentissime Corrector, magistratum gesseris, si iusti custos incorruptus fueris, & abstineas ex aequo odio iniusto, & gratia; enssem autem immaculatam, quam fieri potest, serves; mimitando peccata prohibens, & differens*. Quo primum tempore in Italia instituti, dubitatur. Scio vulgatum fuisse Lapidem, in quo Aetius V. C. dictus est *Arimini Corrector* sub Augusto Caezare; at cum in illo quidam nominetur L. Turnus Apronianus Urbis Praefectus, notumque sit neminem Aproniani cognomine urbanam Praefecturam, imperante Augusto, administrasse, ideo Lapis ipse inter fictitios, & spurios ab Eruditis reponitur. Nostrium profecto Marmor, attento Inscriptionis stylo, Antoninorum aetati adjudicarem.

PONTIFICI MAIORI . Qui Pontificis

Maximi titulum solis Imperatoribus constanter traditum affirmant, heic privatum virum, eodem titulo decoratum videant, *Maiorem* enim *Pontificem* idem esse ac *Maximum* haud dubito.

DVODECIM. VIRO . Scite Muratorius *xivirum* Magistratum inter ignotos recenset. Fanestrium sane Magistratus, sexumviralis tantum fuit, uti ex sequenti patet

C. VIRGINIVS. C. F
 PAMPHILVS
 SEX VIR FANESTRIVM
 ET^{us} TESTAMENTO

FLAMINIAE ET PICENI . De Consulibus, deque Correctoribus Flaminiae & Piceni vide Pancirolum, atque Bulengerum.

ANCONITANI , Anconae nobilissimae Piceni urbis incolae : Hanc ad maris Adriatici littus sitam, magnifico Portu, ingenti aere conlato nuper decoravere Romani Pontifices BENEDICTUS XIV. & CLEMENS XIII.

FANESTRES. *Fani Fortuna* cives; quorum patriam in Piceni provincia numeratam, monet Norisius in *Diff. de v. Syn.*

Ex tot Inscriptionibus Musei Capitol. a Muratorio editis unam tandem aliquando (hanc scilicet) emendatam reperi, in qua tamen (recte quidem, sed contra Autographi orthographiam) FLAMINIAE cum diptongo, & DVODECIMVIRO pro *Dvo-*

134.

III. CILIVS . M . F . COL .
...LVS V . VIR

III. CILIVS . *Lucilius* , seu *Acilius* , COL .
forte COLLINA ; id est ex tribu Collina ,
a Collibus Quirinali , & Viminali nuncupata ,
Hæc Tribus in lapide Q . Plotii Maximi apud
Panvinium C . R . p . 199 . inscribitur *Coll.* , sed
alii habentur apud eundem in quibus legimus
COL .

Q . HORTENSIO
Q . F . COL

ADVOCATO . FISCO
&c.

& iterum

C . VETTIO . C . F .
COL . NIGRO
DOMO . ANTIOCHIA &c.

Porta *Collina* , hodie *Salaria* .

V . VIR . *Quinquemvir* . Cujus Classis , igno-
ramus .

135.

DIS . MANIBVS
MYRINI . DOMITIANI
PVBLICI . ACOMMEN
TARIS . XV VIR . S . F .
ARRVNTIA . DOLICHE
FECIT . CONIVGI . CARIS
SIMO . ET . LIBERTIS . LIBER
TABVSQ . SVIS . POSTERISQ
EORVM

A COMMENTARIS . *A* *Commentariis* ,
etiam *Commentarienses* appellati . Plures fuere :
Carcervis Custodes , Ministri Tribunalium
Militarium , Curatores rationis Patrimonii ,
Operum publicorum , Beneficiorum , Vehi-
culorum , Aquarum , vel , quod Grutero pla-
cuit , Equorum , hi omnes *Commentarienses*
dicebantur . Servos præterea a Commenta-
riis , quos *diuturnos* vocabant , indicant Latini
Rerum Romanarum Scriptores ; quorum
munus , privata domus Augustæ Ephemerides
curare . At nullum ex his officiis Myrino
Domitiano , quem commemorat Lapis noster ,
tribuendum cenfeo . Non enim Quindecim-
virum Sacrorum decebat munera Libertorum
obire , qui tamen ad Sacra ministeria aliquan-
do admittebantur . Quapropter opinor , My-
rinum ex iis fuisse , qui a Commentariis erant
Fisci Asiatici , vel Alpium Maritimarum ,
quorum mentio est in antiquis Inscriptioni-
bus , nec non apud Historicos .

XV VIR . S . F . *Quindecimviri Sacris faciun-*
dis . Hi , Sullæ temporibus creati sunt , post
latam legem Domitiam ; qua Sacerdotum
subrogandorum jus , a Collegiis ad Populum
translatum est . Numerum , teste Syetonio ,
confirmavit J . Cæsar , Sullæ æmulator . Ho-
rum titulum habemus in nummo apud Gu-
therium *de Jure Pontif.* lib . i .



De his denique meminit Horatius
Quindecim Diana preces virorum
Curet .

Ex-

Extatque inter Gruterianas inscriptio Br-
xiana

M. NONNIO . M . F .
FABIO . ARRIO

PAVLINO . APRO . CL
XV . VIRO . SAC . FAC .
CVLTORES
LARVM . EIVS .

136.

D & M

M . VLPIVS . AVG . LIB
HERMA . A CVRA . AMICOR
FECIT . SIBI . ET . VLPIVS
PYTHE . AGATHOPO . SVCCESO
ET . NICANDRO . CAES . N̄ . SER . ET
LIB . LIBERTAB . POSTER . Q . EOR . ET
AERARIO . SOTER IET SETRIAE
IVLIANE . AMICIS . BENE
MERENTIBVS

A CVRA AMICORVM , T. Claudius
Fortunatus apud Thomaſinum de Donar. , T.
Flavius Victor , & Libanus apud Lipsium , ſer-
vi pariter a cura Amicorum ſuere - Alium , præ-
ter noſtrum , M. Ulpium Aug. L. nominat
Lipſiana baſis p. 105 ,

M . VLPIVS
AVG . L
A CVRA . AMICORVM
FECIT . SIBI . ET
AMICIS . B . M

id eſt a cura Amicorum Principis . In aula enim
Palatina Liberti erant , qui curam gererent
Amicorum Principis : eorum puto qui præ-
cæteris domeſtica fruebantur Auguſtorum fa-
miliaritate , eorumque ſolatioꝝ confortes
erant , atque participes . In aula Gallorum Re-
gis Menius dicti ſunt , Amici , & comites Augu-
ſti (ait Salmaſius in not. ad Svet.) dicebantur qui
a conſiliis Auguſti erant , & Amici quidem , quod
in interiorem familiaritatem Principis admiſſi , &
in contubernium adſciti , omnibus ejuſdem conſi-
liis intereſſent . Tiberii amici fuere Pomponius
Flaccus , & L. Piſo , qui potando Principis
beneficia meruerunt ; hic nempe , Urbis præ-
fecturam ; ille , Syriæ Provinciæ : eos Tibe-
rium vocaſſe iucundiſſimos , & omnium hõra-
rum Amicos , Svetonius narrat . At de Amicis
Cæſarum , qui Trajanum antecceſſerant , opti-
mè Plinius in Paneg. In Principum domo , no-

men tantum amicitia , inane ſcilicet irriſumque
remanebat ; nam qua poterat eſſe inter eos amici-
tia , quorum ſibi , alii Domini , alii Serui vide-
bantur ? Seneca de Benef. lib. 6. Non ſunt iſti
Amici , qui agmine magno januam pulſant , qui
in primas , & ſecundas admiſſiones digeruntur :
conſuetudo iſta vetus eſt Regibus Regesque ſimu-
lantibus , populum Amicorum deſcribere . Titum
Veſpaſianum tamen , qui Trajano in imperio
præceſſerat , non nomine tantum , ſed factis ,
omnique commendatione dignos elegiſſe
Amicos conſcitur ex Svetonii verbis : Amicos ,
inquit , elegit , quibus etiam poſt eum Principes ,
ut & ſibi , & Reip. neceſſariis acquieverunt ,
præcipueque ſunt uſi . At id magis magisque ex
illa memorabili , aureaque , quam his aditan-
tibus edidit voce : Amici , diem perdi . Quæ-
nam fuerit Amicorum Principis cura , in qua
verſarentur Liberti , a nemine hætenus de-
claratum eſt . Anne de eorum ſalute cum ſo-
licitudine eſſe , iisque in periculis opitulari ,
eos ab inſidiis tueri , ægotantes viſitare , con-
ſolari in ærumnis ?

CAES . N̄ . SER . Cæſaris noſtri Seruis .

AERARIO . Non equidem Officium , ne-
que Ars Ærariorum , ex qua Ærarii Vaſcula-
rii , Ærarii Sedales &c. ſed nomen , mihi qui-
dem novum .

IVLIANE . Juliana ,

HYM-

137.

HYMNVS:::
PAEDAGOGVS
IVLIAE GERMANICI:::
FILIAE AN:::

IVLIAE. Juliae Germanici, & Agrippinae filiae, Caij Caligulae sororis. Caesares, domusque Augustorum Principes, suos Paedagogorum curae pueros tradidisse constat, tam ex Historia, quam ex Lapidibus, uti ex sequenti a Vignolio in *Selectis* transcripto.

D. M
TI. CLAVDIO. AVG. L. EVTICHO
PAEDAG. PVERORVM
TI. CLAVDIVS. AVG. L. EVNETES
FRATRI. SVO. ET. T. FLAVIVS. AVG. L.
VENVSTVS. AB. AVRO. POTORIO
PAEDAGOGO. SVO. FECERVNT

& ex Alberto Pighio

FLAVI. STEPHANI
PAEDAG. PVEROR
IMP. TITI. CAESARIS

Puellas verò Paedagogis traditas, haecenus in Lapidibus non reperi; ita ut hunc nostrum unicum esse censeam: licet eadem Inscriptio extet in Servorum, Libertorumque Liviae Columbario, sic

HYMNVS A...
PAEDAGOGVS AN...
IVLIAE GERMANICI
FILIAE

Neque magni facienda Xiphilini verba, qui de ludis Juvenalibus differens, hæc habet. *Ceteri qui propter senectutem nihil poterant facere, caneant; se enim exercebat unusquisque ut*

poterat, erantque ob eas res Scholæ constitutæ quas frequentabant clarissimi Viri, Mulieres, Puellæ, Adolescentuli, Vetulæ, Senes: Nam nec de morum institutione, nec de Puellis Augustorum filiabus, neque demum de Scholis Palatinis, hic sermo est; sed de Publicis, quas nobiles pariter, & ignobiles Puellæ frequentabant.

Ceterum hujusmodi Inscriptionum repetitionis publicum exhibent exemplum Lapidis illi M. VLPII PHAEDIMI, & CAELIAE DYNATAE. Vide sup. pag. 213.

De pueris *Pædagogis*, qui in ministerio erant non modo Imperatoris, verum & Virorum illustrium confer Bulenger. de *Imp. R. lib. I. cap. 35*. ubi Capitolinum laudat scribentem, *Donatos pueros decoros, qui ministrabant singulis*. De Pædagogo demum loquitur Julianus in Antiocheno his verbis, ἡ ἀρετῶν τοῦ ὁ δὲ δίδου μῦθον τῶν ἀγαθῶν βαδίζοντες σὺ, καὶ παιδας ἡγήσας καλὰς, εἰς ἀποβλεπασίνοι πολιτας. *Qua melius erat forum te procedente redolere unguentum, Et Pueros duci pulcros, in quos Cives intuentur*. De deligendo Pædagogo plura habet perutilia Plutarcus in Opusculo de *Liberis educ.* ubi sui ævi in hoc negligentiam reprehendit. *Si quod invenimus, inquit, mancipium ebriosum, ac gule deditum, Et ad omnia inutile negotia, id Liberis præficiunt. Oportet autem bonum pædagogum eo esse ingenio, quo fuit Phoenix Achillis pædagogus*. At Pædagogi, pueros docentis, imaginem vide superius p. 132.

138.

D L:
 M. VLPPIO . AVG
 EROTI
 AB . EPISTVLIS . GRAEC:
 EPAPHRODITV,
 ET STACHYS
 CAESAR . N̄ . SER
 FRATRII . KARISSIMO . ET
 CLAVDIA FORMIANA
 FECERVNT

AB EPISTVLIS GRAEC: Passim in marmoribus memorantur Servi a studiis, a manu, amanuenses, Scribae, a memoria, a Diplomatibus, ab ephemeride, ab epistulis latinis, ab epistulis Graecis, quorum unus fuit M. Ulpius Eros Epaphroditus Aug. L. Hi, quorum officium erat Principis Epistulas curare, Proximos habuisse constat ex Gutheriana Inscriptione.

quando nobilissimi Viri, uti notavimus superius in inscriptione Titinii Capitonis, qui ab Epistulis fuit D. Nervae.

CAESAR . N̄ . SER. *Cesaris nostri Servi.*

FRATRII. *Fratri*

BASSO . AVG . LIB . PROX .
 AB . EPISTVL GRAECIS
 TRACTVS . CARTHAGINIENSIS

KARISSIMO . *Carissimo* . K. pro C. sapissime in Inscriptionibus, praesertim in Christianis, licet Literae huic ex Alphabeto demigrare jussit festivè Lucianus in Dialogis. Ita *Kalenda*, & *Calenda*; *Kanna*, & *Canna*; *Karthago*, & *Carthago*.

Officium tamen istud exequabantur ali-

139.

D . M . S
 L . SINICIO . REGINO
 PRAETORI . TRIBVNO . PLEBI ^{sic}
 QVAESTORI
 PROVINCIAE . MACEDONIAE

Repertus est Lapis iste (quem ad me in Museo Capit. collocandum misit D. Nicolaus *la Piccola*) in Agro Romano XII. ab V.L. extra Portam *Majorem* hoc Jubilaei anno 1775.
 SINICIO . Forte *Silicio*; ita *Silicius Verus*, Silicius Medicus, Silicia Zosime apud Lipsium, Gruterum, Reinesium, aliosque.

REGINO, Reginus alter nominatur in lapide, quem superius retuli Cap. I. num. 36. De Magistratibus vero hic enunciatis, jam factis alias. Notatu tamen dignum reor L. Sinicium Reginum, Plebis Tribunatum, eodem tempore quo Praeturae, & Quaesturae dignitatibusungebatur, exercuisse.

P. CORNELIO SAECVLARE II ET IVNI^o DONATO II

KAL IVLIS

C^{os}

SENTINI CVM IN SCOLA SVA FREQVES NVMERVS COLL FABR
 SENTINATIVM CONVENISSENT NVMERVM ABENTIBVS
 C. IVLIOMARTIALE. ET. C. CASIDIORVFINO. QQ ET REFERENTIB
 IPSIS SEMPER ET IN PRAETERITVM ITA SPLENDIDISSIMVM N N
 CONISVM ESSEVTADFECTIONE SPLENDORIS SVI IN SINGVLOS
 QVOSQVAE CONDIGNOS MERENTES EXIBEANTVEL MAXIME
 IN HONORE ADQVE DIGNITATE MEMMIAE VICTORIAE QVON
 DAMINDOLESMAMORIAE FEMINE MATRIS NVMERI NOSTRI
 PRO^oRSVSVSQVAEQVEESSEPROVECTVM NOMENDOMVS
 EIVS VT PER ORDINEM GENERIS SVI OMNES IN NVMERVM N
 PATRONI IN COLLEGIVM NOSTRVM APPELLARENTVR OPTAN
 DAOVFERANTVT OMNES VNIVERSISQVAE INCOLVMESIN
 NVMERVMNOSDRVMVIDERENTVR ET QVONIAM VIR SPLEN
 DIDVS CORETIVS FVSCVS PATRONVS NVMERI DEBEAT Ex
 EMPLOPIETATIS PARENTIVM ET MATRIS HONORIFICIENTIA
 ITAQVE SI OMNIBVS VIDERETVR TABVLA AEREAM EI OFFER
 RI


Q - F . P - D . E R I C C

CLORIOSAM ESSE RELATIONEM . B.B.V.V. QQ COLLEGI. N
 ET IDEO CVM SIT CORETIVS FVSCVS SPLENDE NATVS VT
 POTIVS HONORIFICIENTIAE NOSTRAE MODVM INTEL
 LEGAT NECESSAQVE SIT EI TABVLAM AEREAM TITVLIS
 ORNATAM SCRIPTAM OFFERIPETIQVE AB EO HANC
 OBLATIONEM NOSTRAM LIBENTI ANIMO SVSCIPE O
 REDIGNETVR LEGATOSQVE INEAM REM FIERI QVI
 QVIDIGNE PROSEQVANTVR T. TRATIVM AMPLIATVM ORPIVM VERI
 TATE MAE MILIVM VICTOREM BEBIDIVM VSTM CASIDIVM MARTA
 LEM IVLIVM MARTIALEM CASIDIVM RVFINVM BEBIDIVM LENVA
 RIVM MAETRIVM ROMANVM CASIDIVM CLEMENTINVM MAETRIVM
 VERNAM VASSIDENVM FAVOREM CASIDIVM IVSTISSIMVM SA
 TRIVM VERECVNDVM STATIVM VELOCEMVETVRI CELERINV.....

*Specimen characterum.*P. CORNELIO SAECVLARE II ET IVNI^o
DONATO

KAL IVLIS

SENTINI CVM IN SCOLA SVA FREQVES NVMERVS COLL FABR



OBLATIO heic habetur Tabulæ arææ titulis ornata a Fabrorum Sentinatium Collegio cuidam Coretio Fusco patrono, & Meminiæ Victoriæ facta die 1. Julii. Verum ex inordinata nimis ipsius Inscriptionis sintaxi sensusque reclamazione atque obscuritate, seculi barbaries æquè ac Scalptoris imperitia dignoscitur: qua propter ea dumtaxat quæ mihi Lectoribus digna videntur, breviter illustrabo.

P. CORNELIO &c. COS. Nempe Ann. V. C. 1013, ut in Fastis Cuspinianæ; Christi vero 260; juxta Petavium 261. Valeriani, & Gallieni ejus filii Imperii anno, ni fallor, sexto; anno scilicet quo Valerianus a Sapore Persarum Rege, acie victus, captus est. Neque solum Consulatus, verum etiam Præfecturæ Urbanæ uterque perfunctus est munere. Nimirum *Donatus* semel, A. C. 257. *Secularis* vero (cujus prænomen non *Lucius* uti in Codice Gregoriano, sed *Publius*) ter, annis nempe 258, 259, 260. Sub Donato Urbis Præfecto passæ sunt pro Christi fide Rufina, & Secunda virgines; quas, cum *feroer persecutionis* (vid. Corfinium de *Præf. Urb. p. 139.*) *jussu Valeriani*, & *Gallieni in Urbe sevirer, sceleratissimus Comes Archifeslaus revocavit ad Urbem Romam obtulitque Junio Donato Præfecto.*

SENTINI. Populi qui *Sentinum* incolebant. Plura eodem fere nomine appellata extant penes Geographos oppida. *Senta* in Dalmatia, *Sentica* in Macedonia, *Sentica* in Hispania Tarraconensi, *Sentianum* in Calabria, *Sentia* seu *Setia* in Latio juxta Ortelium, *Sentina* nunc italice *Centeno*: verum de *Sentino* in Umbriæ, & Piceni finibus oppido, apud *Sas-*

soserrato, a Fabriano 6000. p. distanti hic agi crediderim, cujus Populos *Sentinates* vocat Polybius. Iltius enim Historici verba ἐν τῇ τῶν Σεντινατῶν χώρα, Livius vertit in *Sentinati Agro*. Dio quoque Cassius lib. 48. *Sentinates* populos, & *Sentinatium urbem* commendat.

IN SCOLA. h. e. *In Schola*. Diversas præbet vox ista significationes: heic locum designat, seu domum *Corporibus*, sive Cœtibus, Collegiis, vel Ordinibus destinatam. Ad id his versiculis allussisse Corippum in laud. *Justin. min.* non ambigo

*Protinus officii summam tutantibus aulam
Ordinibus propriis, & præsciso more notatis
Per Scholas, turmasque vocat.*

Sic Scholæ Quæstorum, & Capulatorum in Reg. 111. sunt loca, seu Atria, in quæ Capulatores, & Quæsttores statò tempore convenire solebant; uti etiam nunc cœtus Artificum solent. Schola *Cassia* collocatur a Victore in Regione urbis XIII. *Xanta* ab eodem, & a Sexto Rufo in VI. quam ætate sua inventam asserit Lucius Faunus lib. 11. cap. 10.
„ Qui presso a questo Tempio (*Concordiæ*)
„ cavandosi profondamente, non è gran tem-
„ po, si trovò come un Portico, o come
„ tre Botteghe, dove stavano li Scrittori
„ degli Atti pubblici, o Notai che diciamo,
„ come dalle Iscrizioni che vi erano, si po-
„ teva congetturare; perciocchè nella fascia,
„ o architrave di marmo, che cingeva quest'
„ opera, la quale è stata a tempi nostri ro-
„ vinata tutta affatto, e portatene via le pie-
„ tre, si leggevano nella parte di dentro
„ full' entrare queste parole

C . AVILIVS . LICINIVS . TROSVS
CVRATOR . SCHOLAM . DE
SVO . FECIT . BEBRIX . AVG . L . DRV
SIANVS . A . FABIVS . XANTHVS
CVR . SCRIBIS . LIBRARIIS . ET
PRAECONIBVS . AED . CVR
SCHOLAM . AB . INCHOATO . REFE
CERVNT . MARMORIBVS
ORNAVERVNT . VICTORIAM . AV
GVSTAM . ET . SEDES . AENEAS
ET . COETERA . ORNAMENTA . DE
SVA . PECVNIA . FECERVNT

„ Nel

„ Nel medesimo fregio dalla parte di fuori
„ che era di opera Dorica, lavorata però

„ schiettamente, si leggevano queste al-
„ tre parole:

BEBRIX . AVG . L . DRVSIANVS
A . FABIUS . XANTIVS . CVR
IMAGINES . ARGENTEA . DEORVM
SEPTEM . POST . DEDICATIONEM
SCHOLAE . ET . MVTVLOS . CVM
TABELLA . AENEA . DE . SVA
PECVNIA . DEDERVNT

quæ Fauni verba ideo hic esse transcribenda sum arbitratus, quia ex iis, quid hoc vocabulo a Romanis intelligeretur, quæque *Scholarum* fuerit magnificentia, conjicitur. Vide Valegium in Ammian. xiv. 7.

FREQVES NVMERVS. *Frequens*, NVMERVS, hic multitudinem membrorum Collegii indicat: ita NVMERVM MILITVM . CALIGATORVM in Inscriptione quadam Fabrettiana, AGMEN *militare* interpretatur. *Frequens* igitur Numerus idem est ac si diceretur *adstante legitimo Sociorum numero*, quo deficiente, irritum omnino fuisset hoc Fabrorum Collegii decretum. Hinc formula illa *Numeri Senatum*, de qua Brissonius lib. i. Cum autem aliquis ex Senatoribus impedimento esse volebat, quo minus Senatusconsultum fieret, aiebat, SINGVLI CONSVLANTVR. *Numeri Senatum*, ait quivis Senator Consuli (scribit Festus) cum impedimento esse vult, quo minus faciat Senatusconsultum, postulatque, VT AVT RES, QVAE REFERRVNTVR, DIVIDANTVR, AVT SINGVLI CONSVLANTVR, aut si tot non sint Senatores, quo numero liceat perscribi Senatusconsultum. Sic Plinius in Panegy. cap. 76. *Consulti omnes*, inquit, atque DINVMERATI SVMVS, *vicitque sententia, non prima, sed melior*. Vid. Cafaub. in Not.

SPLENDIDISSIMVM N̄ N̄. Murato-

rius legit M. N̄. *Municipium nostrum*. Ego vero ut in Tabula NN . h. c. Numerum nostrum: sic inferius linea x. *Matris NVMERI NOSTRI*, & linea xv. *incolumis in NVMERVM NOSTRVM*. Recte, ut puto, Vir doctissimus Siglas vicesimæ lineæ Q. F. P. D. E. R. I. C. C hoc pacto explicavit *Quid . Fiori Placeret . De . Ea . Re . Ita . Consuere*. Advertendum tamen interpunctiones, quas ipse arbitrarie singulis literis apposuit, post sequentes ERICC, in authographo prorsus desiderari: itaque tutius Muratorium sequar in Siglarum BB. VV. QQ. elucidatione, quam subdit in adnotationibus p. 364., videlicet *Bonorum Virorum Quinquennialium*; tamen si perperam puncta collocarit post secundam B, & post secundam V., scripseritque QQ. pro QQ. uti habetur in lamina Capitolina. Alia præter ista irrepsere in ejusdem Auctoris exemplari sphalmata. Scribit enim SENTINIS pro SENTINI. Æ pro AE in *Secularis* cognomine; ita QVOQVAE, HONORIFICENTIA, VERTATEM, IENVRIVIVM pro *Quosque, Honorificientia, Veritatem, Lennuarivium*.

Rudium denique atque informium elementorum, quæ inscriptam Tabulam ordiuntur, specimen exhibui superius. Porro ex paucis illis ceterorum deformitatem facile dignoscas: notabis tandem in nona linea illud ADQVE pro *Atque*, quod jam alias vidimus, illudque MAMORIAE pro *Memoria*.

Tomus Primus explicit.

VIRO CLARISSIMO

DN. HENRICO SANCLEMENTIO

Abbati Monasterii SS. Andreae, & Gregorii in Monte Celio.

FRANCISCUS EUGENIUS GUASCUS

Primo vix hujusce Operis edito Volumine, Epistolam, summa quippe humanitate, multoque officio refertam, a TE accepi VIR doctissime, qua nonnulla in his Commentariis asserta, singulari eruditione æquè ac probata urbanitate refellis. Tua igitur argumenta in tertii Voluminis Appendice referam, iisque ita respondere conabor, ut ubi in meas tuendo sententias infirmi prorsus defint ingenii vires, animi saltem in eas retractando facilitas eniteat. Vale.

Errata in Inscriptionibus sic corrigito.


Inscript. 19. pag. 39. DICIT	DICT
50. pag. 89. AEDITVS	ADITVS
pag. 96. VAERIO	VALERIO

In Commentariis.

Pag. 10. col. 2. lin. 21. <i>Balearici</i>	Balearicis
16. col. 2. l. 8. venuto	VENUTO
19. col. 2. l. 10. Kufo	Rufo
20. col. 2. l. 16. imrito littera	immerito litteram
22. col. 1. l. 11. 12. ad illustrationem.	
<i>Esaia</i>	ad illustrationem <i>Esaia</i>
col. 2. l. 7. custodiebant Plantus	custodiebant. Plautus
23. col. 2. l. 6. fuisset	fuerit
24. col. 2. l. 14. referta	refertam
35. col. 2. l. 24. illæ	illi
36. col. 1. l. 14. <i>cerebro</i>	<i>crebro</i>
l. 31. <i>ferè</i>	<i>feræ</i>
48. col. 2. l. 1. negant	negat
51. col. 2. l. 22. Gous	Gorius
53. col. 2. l. 6. argento	argenteo
l. 40. ventis	vectus
54. col. 2. l. 3. offertur	Silvius quidam offert
58. col. 2. l. 5. eaque	eamque
59. col. 1. t. 23. celle	Cellæ
60. col. 1. l. 17. <i>αγαδοδαιμονας</i>	<i>αγαδοδαιμονας</i> . Stuchius p. 21.
62. col. 1. l. 27. Reinesius	Reinesium
64. col. 1. l. 21. Martio	Martii
l. 16. aliò	alibi
67. col. 2. l. 22. oblatum	ablatum
68. col. 1. l. 22. quæque Romæ venera-	quamque Romani venera-
batur	bantur
l. 24. quas	quos
70. col. 1. l. 7. repetisset	repetiisset
l. 27. 28. quæ ab antiquis ve-	quam Antiqui veneraban-
nerabatur	tur
73. col. 1. l. 4. <i>dici</i>	diu
80. col. 1. l. 28. <i>γερ</i>	<i>γαρ</i>

col.

	col.2. l.28.	<i>consultationibus</i>	<i>consultationibus</i>
81.	col.2. l.30.	<i>habere</i>	habuere
92.	col.1. l.26.	omnis	omni
96.	col.2. l. 1.	imprecatio . nulla	imprecatio , nulla
98.	col.2. l.ult.	Tulium	Julium
99.	col.2. l.24.	inquit	inquit,
100.	col.2. l.38.	<i>ipse</i>	ipsæ
102.	col.2. l.24.	<i>Aliam denique refert</i>	Aliam denique refert
122.	col.2. l.27.	Statutisque	Statutisque
131.	col.2. l.12.	<i>subdar</i>	subdam
132.	col.2. l.15.	Dacerius	Daceria
156.	col.1. l. 2.	Inscriptio quam effossam	Saxum quod effossum
137.	col.1. l.35.	adversos	adversus
166.	col.2. l. 3.	a IIII. VI. RIS	a IIIIVIRIS
172.	col.1. l.36.	CAERIMONIAS	CAEREMONIAS
	col.2. l. 5.	SEPTIMUS	SEPTIMVS
	col.2. l.26.	spe , hausta	spe hausta
209.	col.2. l.23.	Tatianum	Titianum



93-B5291 v.1

1972

